

BIBLIOTECA NAZ.
Vittorio Emanuele III


XXX

B

3

NAZOLI











FELICIS
PLATERI,
QUONDAM ARCHIA-
tri & Professoris Basi-
leensis Ord.

OBSERVATIONUM,

*In Hominis Affectibus plerisque, Corpori & Ani-
mo, Functionum laesione, Dolore, aliâve
Molestiâ & Vitio infensis,*

LIBRI TRES.

Totidem Praxeos ejus Tractatibus, Oeconomîâ &
Methodo respondentes, plurimorum diversorum
Affectuum tum initia, progressus & eventus, fidè
& sedulò observatos, tum curationes feliciter,
quibusq; mediis præstitas, graphicè
enarrantes.

*Secundâ nunc vice typis mandati, gemino caractere di-
stincti, ad autographum plurimis in locis emendati, Me-
dicamentorum in Opere non descriptorum ἀνα-
καταλύσει & Indice, Medicis & Historicis
non infructuoso, locupletiores.*

Operâ & Studio

FELICIS PLATERI, Felicis ex fratre Thoma Nepotis,
Art. & Med. Doct. Naturalis Phil. Profess.

~~~~~

B A S I L E Æ,

Impensis LUDOVICI KÖNIG, 1641.







*De laetis fructibus, quibus Principes  
Medicina beat;*

A D

*Serenissimum & Celsissimum S. Rom. Imp.  
Principem ac Dominum,*

**DN. FRIDERICUM,  
MARCHIONEM BADENSEM  
& Hachburgensem, Landgravium Saufenbergen-  
sem, Comitem Spanheimensem & Ebersteinensem,  
Dominum Roetelæ, Badawillæ, Lahr  
& Mahlberg,**

*Principem & Dominum suum clemen-  
tissimum, præsatur*

**FELIX PLATERUS, Felicis ex fratre  
Thoma Medico Nepos, Art. & Med. Doctor,  
Naturalis Philoſ. Professor.**



*Maximus ille Medicorum  
& scientiæ hujus conditor  
(hoc enim encomio Seneca  
dignatur Hippocratem) cui,  
fundamenti & incrementi  
sui causâ, Medicina plus debet, quàm ipse*

):( 2

# P R Æ F A T I O

*Medicina, in frontispicio gravissimæ suæ legis sancitæ, non levi verbo; ἡγετικήν τεχνέων πεισέων ἑπιφανεστέτην proclamat; dubio procul, non tam artis amore & aliarum odio, quàm veritate adductus; non solum suavi lucro & jucundâ utilitate ejus, sed & necessitate persuasus; non solum rerum quæ trahat excellentiâ, sed & varietate allectus. Quod si tamen hoc, ut artificis de suâ arte testimonium, minùs arrideat, audiatur illud, quod à Medicina, professione quidem, non animo alienus, Philosophus ille, multijugâ eruditione mirabilis & fœcundus Plutarchus, sicut omnia sua, cum insigni facundia, profert; Τῶν ἐλευθερίων δὲ τεχνῶν ἰατρικὴ, τὸ μὲν γλαφυρὸν καὶ περὶ τὸν καὶ ἑπιπερὶ πῆς, ὅδε μιᾶς εὐθεστέρον ἔχει, θεωρεῖται δὲ μέγα τοῖς φιλομαθεῶσι πρὸ σωτηρίας καὶ τὴν ὑγίειαν ἑπιδίδωσιν: quasi diceret; Medicina artium ingenuarum ac liberalium, & rerum varietate oblectantium copiâ, & dignitatis splendore, & jucunditatis lenocinio, nulli secunda. Munus autem quasi publicum magnum, nempe salutis incrementum, & sanitatis perennita-*



## D E D I C A T O R I A.

ennitatem, qui ejus desiderio rapiuntur, retribuit. Et certè si animum ad ea, quæ censuræ suæ subjicit, applicemus, ferè nihil esse, quod humanis oculis objicitur, cujus non intima penetralia, & abditas naturas perscrutetur, intelligemus. Ante omnia admirabilem hominis fabricam, & divinæ imaginis domicilium, pervadit & perlustrat; ejus incunabula & primordia diligenter investigat; contignationes, compages & artificiosos nexus, cum admiratione aspicit; actionum munia & operationum ministeria, ordine disposita, velut in operosa officina, cum stupore observat. Magnifico insuper huic, Sapientissimi Architecti, edificio, impetum & ruinam minitantiâ, studiosè notat; & quibus contrâ, sartum tectumq; conservari, collapsum restaurari, citò tutoq; possit, avidè perquirat; quo tramite pergens, in sublime evolat, & cœlorum pellucidum nitorem, & siderum vagabundos cursus, regiaq; habitacula, & quæ inde fluunt, virtutes orbis inferioris moderatrices, sedulò contempla-  
tur. Ab hinc aëris, nunc amœnitatem salu-

## P R A E F A T I O

brem; nunc tristes tempestatum vultus; nunc  
 vehementes à ventis concussiones; nunc quæ  
 in eo fiunt, animos hominū suspensos tenētia,  
 ostenta, intentè contuetur. Inde in terræ &  
 circumflui maris latifundiū se demittit, perq;  
 id vagabunda oberrat, & camporū viridem,  
 floridum & sumptuosum amictum; lucorum  
 & sylvarum umbrosa, & quæ perflat resi-  
 ciens aura, loca; amnium suavisonante stre-  
 pitu defluentes undas, & fontium crystalli-  
 nas salientes aquas; summā industriā per-  
 pendit. Quin & altius subiens, quæcunq; ex  
 patefactis terræ faucibus & latentibus cu-  
 niculis, aquarum abyssis, eruntur & exi-  
 muntur, ingentiosè scrutatur. Nec his con-  
 tenta gradum sistit, sed insuper Pennigeros  
 aëris Hospites; Squamigeros aquarum Er-  
 rones; Quadrupedes & Reptiles terræ Co-  
 lonos; omnes adeo animalium Choros di-  
 gnoscit, in eorumq; naturas inquirat. Medici-  
 na itaq; ut patet, omnes mundi angulos per-  
 ambulat, & quicquid universa tellus produ-  
 cit, acri judicio examinat: nec ut otiosus  
 spectator, qui trans mare currit, cælum non  
 animum

# DEDICATORIA.

*animum mutans in his versatur, sed tãquam studiosa apes, aut laboriosa formica, cuncta quæ hominis, utpote cujus gratiã omnia facta sunt, præsentem sanitatem tueri, fugientem morari, & deperditam restituere valent, exsugit, colligit, congerit & artificiosè disponit. Quis nunc artis hujus majestatem, quæ Principi viro etiam ornamento esse potest, non videt? Quis nunc, cur à multis Magnatibus summo loco fuerit posita, querit? Quis nunc, amorem & honores, à Principibus ejus Alumnis, falsò tributos dicet? Quis amplissima stipendia, artis Ministris distributa, invidabit? Quantum autem tum ornamenti, tum documenti, tum voluptatis, ex hac, tanquam limpidissimo fonte, Reges, Principes & Magnates, haurire possint, SERENISSIME & CELSISSIME PRINCEPS, per tuam congenitam, quã bonos amplecteris, generosam clementiam, liceat mihi paucis adumbrare, non quòd hisce SERENISS. CELSIT. TUÆ leges figere, aut faciendã præscribere, sed potius omnibus modis, perfecti Principis virtutes, quæ in S.C.T. tan-*

# P R Æ F A T I O

quā nitidissimo speculo, resplendent, admirari velim. Consecravit veneranda antiquitas, aureisq; literis Apollinis Delphici Fano inscripsit Chilonis illud præceptū, Ἐν ᾧ θι σεαυτὸν, quo conducibilis, & quod ita aptè omnibus humani generis ordinibus quadret, excogitatum nullū est unquam, Principibus æquè ac Agricolis dictum. Quibus autem verbis, Reges & Principes, sibi hoc aureum præceptum applicare debeant, audi malè feriat. Principis optimum Moderatorem Senecam, in boni Principis persona, hoc Ἐν ᾧ θι σεαυτὸν amplificantem, his verbis; Ego ex omnibus placui, electusq; sum, qui in terris Deorum vice fungerer: ego vitæ necisq; gentibus arbiter, qualem quisq; sortem statumq; habeat, in manu mea positum est. Quid cuiq; mortaliū fortuna datum velit, meo ore pronunciat. Ex nostro responso letitiæ causas, populi urbesq; concipiunt. Nulla pars usquam, nisi volente propitioq; me, floret. Hæc tot millia gladiatorum, quæ pax mea comprimit; ad nutum meum stringentur: quas nationes funditus exscindi, quas transportari, quibus liberta-

# DEDICATORIA.

libertatem dari , quibus eripi , quos reges  
 mancipia fieri, quorumq; capiti regium cir-  
 cumdari decus oporteat , quæ ruant urbes,  
 quæ oriantur , mea jurisdictio est. In hac  
 tanta facultate rerum, non ira me ad iniqua  
 supplicia compulit , non juvenilis impetus,  
 non temeritas hominum & contumelia, quæ  
 sæpè tranquillissimis quoque pectoribus pa-  
 tientiam extorsit , non ipsa ostentandæ per  
 terrores potentiae, dira, sed frequens magnis  
 imperiis gloria. Conditum, imò constrictum  
 apud me ferrum est. Summa parsimonia  
 etiam vilissimi sanguinis. Nemo non , cui  
 alia desint, hominis nomine apud me gratio-  
 sus est : severitatem abditam, clementiam  
 in promptu habeo. Sic me custodio, tanquam  
 legibus, quas ex abdito ac tenebris in lucem  
 evocavi, rationem redditurus sim. Alterius  
 ætate primâ motus sum , alterius ultimâ.  
 Alium dignitati donavi, alium humilitati.  
 Quoties nullam inveneram misericordiae  
 causam, mihi peperi. Hodie Diis immor-  
 talibus , si à me rationem repetant, annu-  
 merare genus humanum paratus sum. Di-

# P R Æ F A T I O

Vinitus certè, Magni Regis & Principis  
majestas & potentia, quibusq; ea limitibus  
coërcenda, vix melius describi potuisset;  
ô Divitiarum & Sapientiæ Principum the-  
saurum, qui quot sententias, tot divina  
oracula, quot verba, tot necessaria præce-  
pta, continet! Hunc latè imperantes Re-  
ges, & opulentissimi Principes, oculis men-  
tis, præsentem semper sibi subjiciant, ne  
quid majestatis splendore, & potestatis emi-  
nentiâ indignum admittant, aut contrarium  
perpetrent. Hæc autem, quæ Optimi Prin-  
cipis sunt, longè melius, multoq; felicius præ-  
stabunt, si meminerint se homines esse, sem-  
perq; (ut cum Seneca loquar) iste versus, &  
in pectore, & in ore eorum sit;

Homo sum, humani nihil à me alienum puto:

Et referente eodem, Socratis illud; Fac me  
victorem universarum gentium. Delicatus  
ille Liberi currus triumphantem usque ad  
Thebas à Solis ortu vebat. Fura reges Per-  
sarum petant. Me hominem maximè cogi-  
tabo. Ita fiet, ut nunquam aut licentiùs da-  
tâ potentiâ abusi fuerint, aut majestatem  
regiam

## DEDICATORIA.

regiam voluptatum sordibus conspurcâr-  
 rint. Si qua igitur hominis, Microcosmi il-  
 lius & perfectissimi Creatoris operis, cogni-  
 tio Magnatibus necessaria ; nullibi melius,  
 nullibi exactius , nullibi pulchrius , nullibi  
 jucundius , quàm in Medicinæ rivulis , eam  
 illis delibare datur , utpote quæ tota nihil  
 aliud in votis habet , quàm hominis structu-  
 ræ elegantiam rectè cognoscere , integrita-  
 tem à ruina fervare , labantem suffulcire,  
 collapsam erigere. Ante omnia, si Magna-  
 tes operis illius non tumultuarii aut incogi-  
 tati (verba sunt Senecæ) quale natura aliud  
 non habet quo magis gloriatur , aut certè  
 cui gloriatur structuram introspexerint, vi-  
 vam , & Sui, & Regni subiecti, imaginem  
 intuebuntur. Hic enim occurrit primò ar-  
 tificissimus nexus animi & corporis , simili  
 Principis & Subditorum animi irretiti , si  
 utriusq. felicitas optatur, esse debent. Hinc  
 rectè Seneca ad Cæsarem præfatur ; Animus  
 Reipublicæ tu es , illa corpus tuum. Et alibi  
 verè asserit ; Princeps est vinculum , per  
 quod Respublica cohæret : ille spiritus vi-  
 talis,

## P R Æ F A T I O

*talís, quem hæc tot millia trahunt, nihil ipsa  
per se futura, nisi onus & præda, si mens illa  
imperii subtrahatur. Quod igitur Animus  
in Corpore, id Princeps in Regno; id quod  
eloquentiâ mirabili explicat sententiosus  
jam sæpè allegatus Seneca: Quemadmodum  
totum corpus animo deservit, & cum hoc  
tanto majus tantoq; speciosius sit, ille in oc-  
culto manet tenuis, & in qua sede latitet in-  
certus, tamen manus, pedes, oculi, negotium  
illi gerunt, illum hæc cutis munit, illius jussu  
jacemus, aut inquieti discurremus, cum ille  
imperavit, sive avarus dominus est, mare  
lucris causâ scrutamur, sive ambitiosus, jam  
dudum dextram flammis objecimus, aut vo-  
luntariè subsiluius: sic hæc immensa mul-  
titude unius animæ circumdata, illius spiri-  
turegitur, illius ratione flectitur, pressura se  
ac fractura viribus suis, nisi consilio sustine-  
retur. Ut animus divinæ originis est, & si  
sui ortus memor, non terræ luto se involvit,  
sed divina scrutatur, & supra cælos se attol-  
lit: ita Principes, Dii terreni constituti, non  
abjectis terræ quisquilijs inherere, sed ani-*  
mum



## DEDICATORIA.

*num ad Dei imaginem, quoad fieri potest, conformare decet. De animo Naturæ cultores pronuntiant, quod plebeis ridiculum, sapientioribus intricatum, eum in toto corpore esse totum, & in qualibet parte itidem: sic Principem, cui regni tutela commissa, in omni ditionis suæ angulo ubique præsentem, corpore cum non detur, animo esse convenit. Animus Dei benignitate immortalitate donatur: æternam famam sibi parant, feliciter regnando, Optimi Principes. Ut animus generosus, virtutibus ornatus, sublimium rerum scientiâ clarus, exile, abjectum quandoq; corpus inhabitans, illud nobilitat, ornat & splendidum reddit; sic Princeps, suis conspicuis virtutibus, præclaris factis, perspectâ prudentiâ, regnum suum ædificat, ornat, extendit, & omni felicitate beat, rebusq; abundare facit. Vice versâ Animus malè compositus, voluptatum illecebris irretitus, pravis cupiditatibus carnis mancipatus, corpus in morbos, consumptionem, rabiem, imò se cum corpore in extremam perniciem perdit: sic Princeps malis moribus*

## P R Æ F A T I O

*moribus oneratus, inter malos voluptatum  
 allectores educatus, adulatoribus & gnatho-  
 nibus obsessus, regni emolumenta inuti-  
 ter absument, thesauros consumit, se tandem  
 cum civibus, in extremam pauperiem redi-  
 git. Possem sexcenta alia de animo addu-  
 cere, quæ ex æquo, cum Principum regali-  
 libus, immunitatibus, moribus, officiis & vi-  
 tis, respondent; unicum superaddam. Ani-  
 mus, quam diu corporis sui cancellis inclu-  
 sus, & vinculis ligatus, inibi moratur, tam  
 diu vitam ei largitur, cum muniis & fun-  
 ctionibus comitantibus; eo verò soluto, dum  
 superiora inde descendit repetit, & è corpo-  
 re migrat; corpus mox corrumpit, flaccescit,  
 pallet, putrescit, & tandem in vermes & ci-  
 neres abit: sic quando Respublica aliqua  
 Patrem patriæ & Optimum Principem na-  
 ta est, tunc sub umbra illius, in omni felici-  
 tate, & rerum affluentia, vivit, eo verò de-  
 cedente, aut è vivis in cœlestem patriam  
 translato, nisi virtutibus parem reliquerit  
 successorem, statim omnis generis malæ la-  
 bes, & vitia Rempublicam pessundantia,*  
*irre-*

## DEDICATORIA.

irrepunt & irruunt, unde ea tandem corrui-  
*Quemadmodum autem Magnates, proprii  
 sui animi speculatio, de multis, quæ ad maje-  
 statis incrementum, potentiae moderationem,  
 & regni custodiam spectant, condocescit;  
 ita & corporis, in & extra cutem, inspectio,  
 non sine magna animi iucunditate, Regni  
 & Ditionis subiectæ tabellam, vivis suis co-  
 loribus depictam, exhibet. Regni Metro-  
 polis est Cor: ut enim licet multæ aliæ urbes,  
 castra aut oppida, ab hostibus occupata sint,  
 regnum tamen amissum non dicitur, Metro-  
 poli non occupatâ; ita Cor principii & vitæ  
 finis est, primum vivens & ultimum mo-  
 riens, calorem vitalem per totum corpus,  
 perinde ac militum turmas, armorum co-  
 piam, alimonie necessitatem, & alia ad re-  
 gni conservatiônem requisita, distribuens Me-  
 tropolis. Regium solum & primaria Au-  
 la Principis est Caput, in eminentiore loco  
 locatum: solet enim semper in paulò elatiori-  
 bus, aëris salubris amœnitate laudatis locis,  
 collocari, quod circumvallatur & munitur  
 præ omnibus aliis corporis partibus, sicut  
 ejus-*



## DEDICATORIA.

pta, & Palati camerato tecta, ne liberiùs  
 non commissa nocitiva effutiat. Legati Ta-  
 bellarii, Apparitores, Cursores, qui manda-  
 ta Principis probatâ fidelitate denuntiant  
 & expediunt, sunt spiritus animales per to-  
 tam corpus discurrentes, Sensum & Motum  
 tribuentes. Omnes Regni partes perfuen-  
 tes, irrigantes, & sæcundantes rivuli, sunt  
 Venæ & Arteriæ, sanguinem ad nutritio-  
 nem per totum corpus deferētes. Regni Ma-  
 cellum in Ore est, ubi Dentium acies omnia  
 scindit & dissecat. Culina in Ventriculo, qui  
 suo ingenito calore, dapes & fercula, præpa-  
 rat & excoquit. Cava vinaria in Hepate,  
 in quo maxima sanguinis copia stagnat, &  
 unde, in totum corpus diffunditur. Sordium  
 Latrina in Intestinis, quæ totius Regni quis-  
 quiliæ recipiunt & amandant. Plantatio-  
 nis hortus in Membris Genitalibus, quæ le-  
 tâ sobole, Regni successore, & virtutum æ-  
 mulo Principem beant. Industrii Operarii,  
 Artifices docti, Mechanici periti, sunt Ma-  
 nus, quæ quicquid vident, honesto æmulatio-  
 nis studio imitantur, fabricant, & nihil in-

):( ):(

# P R Æ F A T I O

tentatum deponunt. Vectores, Bajuli, Arrigæ Principis sunt Pedes, qui sibi impositum onus & Dominium suum, infracto labore, vebere, circumgestare, è mille periculis educere jussi, nunquam præfractè detrectât, aut morosè recusant. Optimo Principe, divinius ornamentum; locupletior possessio, & major felicitas, Reipublicæ & Civibus excogitari nulla potest, & à qua tota ejus conservatio pendeat; nullus tamen eorum est, in quo etiam nihil desideraveris, cum omnes è civium numero benè volunt, aut salutem precantur, cujus vitæ, non sicariorum & parricidarum manus infastæ & urendæ, venenum propinant, aut cædem minantur, & quandoque mortem accelerant. Nam juxta Poëtam,

Ad generum Cereris sine cade & vulnere pauci  
Descendant Reges —

Sic Animo generoso, plurimarum pulcherrimarum rerum scientia ornato, & virtutum stimulis confirmato, Corpori melior possessor & dominus, contingere non potest, & à quo, maxima pars salutis & sanitatis depen-

## DEDICATORIA.

dependeat: attamen nullus est, cui non corrupta qualitatū & humorum temperies, pravae cupiditates, voluptatum blandimenta, omnes ejus perturbationes, amor, odium, ira, metus, tristitia, gaudium vehemens, dolose insidiantur, eumq; incautum saepe, subito ex insidiis prorumpentes, obruunt. Nullum, si totum permeaveris orbem, Regnum tam bene constitutum, bonis legibus fundatum, opum & reddituum copia abundans, agrorum fertilitate florens, aquarum affluentia fecundum, civium concordia stabile, fortissimis muris & altissimis propugnaculis munitum, imperandi perito Principe gaudens, parendi subditorum promptitudine instructum, invenies, cui non vel vicinae gentes, eorumq; Domini, suam felicitatem invident, & late regnandi desiderio, atq; praedae cupidine moti, astu insidias struunt, & saepe in id, magnis conatibus, irruptiones faciunt; vel inquilini hostes, mille modis dissidias seminando, intestina bella, ac interitum machinantur: ita Corpus humanum, decenti licet habitu ornatum, membrorum proportio-

# P R Æ F A T I O

ne robustum, partium conformitate venustum, functionum integritate absolutum, actionum robore valens, & Spirituum vivacitate agile, nullum reperitur, cujus cervici non singulis momentis mille mala impendent: sic ei ante omnia quædam, quibus necessitatis lege subicitur, debitum modum si excesserint, aperto Marte bellum denuntiant, ut sunt, offusus Aër, nativi caloris & spirituum destinatum pabulum: Cibus & potus, vitæ nutritii: Motus & opposita quies, corroborationis & refocillationis media: Somnus & vigilia, vicissitudines necessariae: Excreta & retenta superflua: Animi motus inevitabiles. Sic venenorum plus mille pericula eidem imminent, quorum quot species, tot mortis præsentanea sunt genera, nisi cui vis, insitâ virtute obsistens, propriâ antidotus promptè ad manum sit. Ut taceam penè innumeros casuum quotidianorum, lapsuum, ruinarum, ruptionum, adusionum, luxationum, vulnerum & his affinium, inopinatos incursus. Nil dicam de illis, quæ intus fiunt, venenis nempe ex putredine



## DEDICATORIA.

*Æne natis, humorum inundationibus, lapidum durissimorum conglomeratione, vermium proventu, quæ pari impetu cum externis, corporib. ruinam minantur. Hæc & consimilia, postea corporis humani Partium Homogenearum Δοξαγμα, Organicarum Αμερεια, utrarumq; continuationis solutiones, è vestigio sequuntur, tria summa tot morborum genera, quæ trecenta nominatim prodita, jam suis temporibus fuisse, alicubi notat Plinius; exceptis quæ à generibus fluunt partibus, quarum omnium, quàm nullus sit numerus, facile notabit, qui norit quot facies in se Febris vocabulum complectatur, ut ex uno cætera æstimentur: exceptis & illis, quæ inde à Plinii temporibus modò innotuerunt. Morborum singula genera excipiunt, velut umbra corpus, propria συμπτώματα Symptomata, functionum lesiones, affectus externi varii, Corporis discolores & fædi aspectus, tetri odores, inconsueti soni, ingrati sapores, dolorum exacerbationes, & deniq; excretorum vitia. Hi sunt, tam animi quam corporis, præcipui infensi hostes,*

## P R A E F A T I O

quibus impetitur, qui sine omni respectu personae, ætatis, sexus, conditionis, in quosvis debacchantur: qui nullis agrestium objurgationibus moventur, potentium minis deterrentur, pauperum lamentationibus exorantur, divitum pecuniis flectuntur: Nam;

*Non domus & fundus, non aris acervus & auri,  
Aegroto Domini deduxit corpore febres.*

Hic sola Medicina suppetias ferre novit, ut adeo non vulgare ex ea bonum ad totum humanum genus redundet, maximè ad Principes. Hic maximum iterum contemplationis argumentum Principibus datur, dum animi & corporis detestanda vitia & juratos hostes, cum suis & ditionum suarum, comparare poterunt, & id in suis præstare, quod Medicina in hisce, ut est; integra talia conservare, minas avertere, irruptionibus occurrere, vacillantia suffulcire, supervacanea educere, succumbentia erigere, emortua detruncare. Ad quod majore cum felicitate præstandum, maximum adjumentum addet, si & propria, & civium suorum, sanitatis rationem habebunt, quod Medicinam rursus,

## DEDICATORIA.

*ſus, Principibus commendat: propriæ ideò, quia non privata eſt boni Principis ſanitas, ſed publica, cū ab ipſius ſalutate, & civium pendeat. Boni enim Principis (ut cum Seneca loquar) omnium domos vigilia defendit: omnium otium, illius labor: omnium delicias, illius induſtria: omnium vacationem, illius occupatio. Ex quo ſe regno dedicavit, ſibi eripuit, & ſyderum modo (quæ irrequite ſemper curſus ſuos explicant) nunquam illi licet nec ſuſſistere, nec quicquam ſuum facere. Ad civium autem ſalutis & ſanitatis cuſtodiam obſervandam, Principes inter alia multa monet illud imprimis, quod non minus verè quam facundè ab eodem Seneca dicitur; Nullum ornamentum Principis ſaſtigio dignius pulchriusq̃, quàm illa corona, ob cives ſervatos: nam inter munia boni principis non minimum eſſe reor, & haud ſcio an præcipuum, dare operam, ut corpora civium benè habeant. Quid juvat depulſiſſe hoſtem à mœnibus, ſi intus peſtilentes morbi depopulantes majorem ſtragem edāt, quàm gladiatorum illatura acies? Quid refert cu-*

## P R Æ F A T I O

rasse, ut cuius suum tribuatur, si perit prospera corporis valetudo? Prisci æ qui bonorum aestimatores, primas tribuunt bonæ valetudini. Quid enim prodest lauta possessio, nisi valeat possessor? Quid juvat multa avarè corradere Ictero languentem, aut hydropticum sitientem aquas? Certè

*Us lippum pictæ tabula, fomenta podagram,  
Auriculas cithara collecta sorde dolentes.*

Atq; hinc leges Priscorū, & Principum studia, cū nondum quæstus & ambitio corripisset omnia, potissimum huc spectabant, & apud Optimos Principes etiamnū hodie, ut corpora civium essent valida, robusta, beneq; temperata. Ea res partim procedit à natiuitate, partim ab educatione, partim ab exercitiis, & decenti victus ratione, nonnihil etiam ab ædificiorum situ. Quo ergò alio quàm Medicorum fungebantur officio, qui requisitæ temperiei corpora iungebant connubio, qui obstetrices expertes, nutrices sanas adhibebant, qui sumptuosa publica balnea & gymnasmata instituebāt, qui ædiles cereales constituiebant, ne cibus aut potus venderetur, qui

laderet

## DEDICATORIA.

læderet corporum incolumitatem. Cur nõ & hodie Principes ad se pertinere credant, si venena pro vinis, si tritico ustulato, si cœnosis & putridis piscibus, tot morbi in publicum invehantur & disseminentur. Quod si nunc Media, quæ vel integritatis statum firmare, vel incurfionibus resistere, vel partem integritatis demolitã reedificare valent, pro argumenti copia examinare vellemus, amplissimus & delictiarũ plenus hîc se aperiret Principibus campus, quem introspicere tantum, non perambulare, cùm in præcedentibus argumenti copia, præter institutum, ultra modum excreverit, nunc lubet. Occurrunt in eo initio, quæ suprà jam tactæ, res à Medicis Non naturales vocatæ, quibus vitæ nostræ dies, si debito & postulato modo adhibeantur, pro longari possunt. Si ergò ulla humana conditio harũ decenti regimine eget, & depol est Principum. Leges ejus sunt, Aërem inquinatum fugere, salutarem sectari, Cibo & Potu moderato, facilis concoctionis & boni succi, vesci, perpetuâ & horis terminatâ vicissitudine, vigilias cum somno demulcire,

## P R Æ F A T I O

*Exercitatione, quæ Principū quies est, cum animo magis, curis Reipublicæ occupato, laborent & operentur, decenti modo instituta, corpus recreare & in robore firmare, nihil quod retinendum excernere, nec, quæ naturam premūt, captiva tenere; inprimis animi incursibus vehementiorib. freno injecto occurrere. Hanc vivendi rationem Moses populo Dei, Alexander suis militibus, literis ac certis constitutis legibus, mandarunt. Ab hinc remediorum à naturalib. petitis in campo, ante omnia alia, primò conspicienda se offerunt, Plantarum mille myriades, quarum minor adhuc pars, majore in occulto latente, suis virtutibus satis decantata & descripta. Harū cultura, hominis, in statu innocentiae, primum in Paradiso erat demandatum à creatore munus. Hæc etiam multis magnatibus perplacuit, & in hunc usq. diem placet, unde nonnulli partem suæ laudis & officii esse duxerunt, Plantas quasdā cognomentis, à propriis suis nominibus desumptis, nobilitare; Sic Teucrion, à Teucro Rege, Artemisia, a Mausolii Regis conjuge, Eupatoriū, ab Eupato-*

## DEDICATORIA.

*Eupatore, Syriae Rege, Gentiana à Gentio Illyriorum, & sic sexcenta alia à Magnatibus, herbariae rei studiosis, nomina sua traxerunt. In campo insuper hoc, viridi amictu & florum fragrantia ornato, discurrens obuius fit triplex viventium chorus, qui etiam in solius hominis usus vivit, ejusq; dominio in Delitiarum Horto subiectus fuit, & multa ad ejus sanitatem respicientia affert. Hic Principum Venationum recreationes, multa medicinae arcana detexerunt. Nec in superficie hac terrae lustranda permanendum, sed in terrae gremium & sinum usq; descendendū, & quae metalla & mineralia praeter communem fascinantem in rerum acquisitione obtinent usum, absconditas, humanis corporibus, partim salutare, partim deleterias, vires habeant, investigandum. Praetereamus hic, Remediorum ex triplici hac classe depromptorum preparationes & compositiones, quae nec suis jucunditatibus carent, in quibus Ser. Cels. Tuae Lectissima Magni animi conjux, ad laudatissimi Regi Mithridatis exemplum, tempus fallendi delectatio-*



# P R Æ F A T I O

leclationis partē ponit, & multis prodesse si-  
 bi jucundū ducit. Si deniq; ad Manualem me-  
 dicam operationem respiciamus, habēt Prin-  
 cipes notissima quasi miraculosa, Magnæ  
 Britanniae & Galliae Potentissimorum Mo-  
 narcharum, exempla, quibus fœdissima la-  
 bris hiantia, & foveis horrenda ulcera, cer-  
 tis quibusdam ceremoniis tangere, non est  
 tædiosum. Apparet itaq; quasi in Compendio  
 quid & hæc Medicinæ studia Principib. do-  
 cumentis & jucunditatis afferant. His latis  
 Medicinæ fructib. quæ & Principes beane,  
 moti, hæcq; animo secum reputantes artis  
 Mystæ, dum lucubrationes suas, artis studia,  
 propriæ experientiæ observationes, ut homi-  
 num valetudini consulerent, publici juris fa-  
 cere, & in apricum producere, animo induce-  
 rent, eas, tanquam militiæ studiorum suorum  
 spolia & trophæa, ad Principum & Magna-  
 tum altaria suspendere, & ipsorū memoriæ  
 atq; illustrissimis nominibus inscribere, non  
 erubuerunt. Huic laudabili instituto & ho-  
 nesto auso morem gerens Felix Platerus,  
 quondā urbis nostræ Archiater & Professor  
 publi-



## DEDICATORIA.

publicus, patruus meus beatæ memoriæ, postquam sex annis ultra dimidium seculum, artem longo rerum usu & magnâ experientia confirmasset, & eandem per novem lustra, annis duobus detractis, magno auditorum applausu, publicè professus esset, multisq; publicis scriptis adornasset, inq; eo tempore, nulli operam suam denegando, multa non visa, multa inaudita, multa notatu dignissima, suismet oculis inspexisset, propriis aurbus audiisset, manibus tractasset, & sæpè cum insperato successu, de salute desperantes, in integrum restituisset; quæ cum, ut Rempubli-  
cam Medicam augetet, ut arti experientiam adderet, ut posteritati thesauros colligeret, ut multos in dubiis hesitantes erudiret, ut omnibus prodesset, chartis memoriæ fidis custodibus commissa, hortatu & impulsu virorum de arte benè meritorum in publicum emitteret, & tanquam ultimum extreme suæ senectæ factum in lucem ederet: Celsit. Tuae Sereniss. Princeps Genitorem Sereniss. & Celsiss. Principem, D. Georg. Fridericum, ultimi sui hujus sætus Patro-

# P R Æ F A T I O

num & Defensorem, gravissimarum causarum stimulo, in primis quòd se Sereniss. Marchionum Badensium domus & familia, inde à multis retrò annis, Medicum sciret, instigatus, elegit, hæcque sua de arte experientiâ confirmata spolia & trophæa, ad ejus aras suspendit: certò confisus, si splendidissimum tale totius orbis Principum sydus in fronte operis præfigeret, tantū favoris accessurum, quantum Lunæ, mutuo accepto à Solis lumine, splendoris. Nec spe sua frustratus fuit, nam, quinq; vix lustris præterlapsis, omnis exemplarium numerus, qui maximus fuit, tantum Protectorem & sui frontis clarissimum sydus nactus, è bibliopolejo in doctorum scrinia evolavit. Ego itaq; ab honesto & de Republica literaria bene merito viro, D. Ludovico König rogatus & requisitus, ut cum, succrescentium Medicorum & Historicorum bono, hunc Patruī p.m. extremæ senectæ fœtum, denuò publici juris facere, & ut typis exscriberetur, curare cogitaret, quò, tanquam Patruī & Parentis lucubrationum & meditationum hæres, manum ad-

move-

## DEDICATORIA.

moverem & meam operam impertirer, id  
 muneris & laboris & detrectare, nec volui  
 nec potui, sed limam adhibui: totum opus,  
 autographi normâ adaptatâ, in multis locis  
 emendavi: Materiam ut vocant Medicam,  
 adeoq; Practicâ, ab Historicis & magis  
 Theoreticis, duplici charactere distinxî:  
 Medicamentorum nonnullorum, in opere non  
 descriptorû, ἀνακεφαλαιώσιν, veluti clavem,  
 addidi: Historiarum, Morborum & Re-  
 mediorum omnium κατὰ ὁρμίσιν & Indicem,  
 ordine literario digestum, Medicis & Histo-  
 ricis fructuosum & utilem, non dubito, futu-  
 rum, sub calcem libri subjunxi: & hæc o-  
 mnia magno quo ducor, non inanis glorie,  
 sed spartam quam nactus sum adornandi &  
 amplificandi, desiderio. Interim, dum, ut meo-  
 rum laborum Patronum quærerem, meus  
 mihi dictitaret genius, eodem prævio du-  
 ctore, ad Sereniss. Celsitud. Tuae aras dedu-  
 ctus, & ut ad eas laborum exantlatorum  
 trophæa suspenderem, monitus fui, utpotè  
 cum jam antè, quâ Sereniss. Celsitud. Tua,  
 primogenitus & unicus Magni Herois &  
Princi-

# P R Æ F A T I O

Principis superstes filius relicta, & Domini  
 ac virtutum Optimi Parentis ex asse hæres  
 facta est, totius hujus operis Protectio &  
 Tutela, naturæ quasilege & jure, ad Seren.  
 Celsit. Tuam, devoluta sit. Mearum hîc ef-  
 set partium, & Sereniss. Celsit. Tuæ, &  
 Sereniss. Principis Domini Parentis, he-  
 roicarum & magnorum Principum mayo-  
 rum virtutum, quæ omnes in Ser. Celsit. Tuâ  
 reviviscunt, & velut vivâ patris imagine  
 resplendent, præconem agere: verum cum  
 & linguae mentis meæ balbuties, & eloquen-  
 tiæ penuria, argumentiq; gravitas, calamitas  
 meum sistât & vinciant, huic muneri studio  
 & lubens me subtraho, ne, cum virtutes ve-  
 stras, per totum orbem terrarum aliâs splen-  
 dentes, illustrare conarer, Soli lucem assi-  
 dere viderer: nec etiam hîc, laborum meo-  
 rum nuncupatione, Sereniss. Celsit. Tuæ vir-  
 tutum heroicarum splendorem illustriorem  
 reddere, sed potius contrâ meis laboribus  
 imò toti operi, Sereniss. Celsit. Tuæ per se sa-  
 tis illustri & toti orbi conspicuo splendore,  
 nitorem aliquem apud doctos conciliare,  
 animus

## DEDICATORIA.

*animus est. Dabis igitur mihi hoc clementiæ & benevolentiae tuæ, Sereniss. Princeps, ut aliquid splendoris de tuo, salvâ manente luce propriâ, (ad modum quo Sol, Lunæ & reliquis astris splendorem communicat, innatumq; urget, ut tamen nihil propriæ lucis perdat) non solum meis conatibus, sed toti insuper operi accedat, & quod innatæ est lucis, per fulgorem affulgentem lucidius reddat. Hoc enim, post jam supra dictum, præcipuo instinctu, Sereniss. Celsitud. T. Augustissimum nomen, totius operis limini inscribere subtentavi. Hoc meum ausum, Sereniss. Celsit. Tuam, vultu ad serenitatem composito, recepturâ confidenter spero, cum ejus clementiæ facilitas, quâ, veluti alter Sol, humilibus æquè ac summis lucet, mihi satis perspecta sit, ex eo imprimis, id quod auctarii & superpondii loco accedit, à me summo loco collocatum, quòd, Sereniss. Celsit. Tuæ, pronuper, Archivum meum medicum, rebus ex omnibus mundi angulis congestis refertum, invisere & perlustrare, simulq; publicis verbis, benevolam sui animi incli-*

):( ):( ):(

# P R Æ F A T I O

nationem & gratiosum affectum, erga Patrum & Parentem piè defunctos, palàm testari, visum fuerit. Impius me herculè in patrios manes, ingratus erga Sereniss. Celsit. Tuæ gratiam oblatam essem, nisi hac commodâ datâ ansâ, omni nisu & mente intentâ, hoc præsens voluntatis meæ, gratitudinem gestientis, marmoreum monumentum erigere, & æternum *μνημόσυνον* constituere meditarer. Quod ut Sereniss. Celsit. Tua, hilari consueto vultu inspicere, clementiæ solitiæ favore fovere, Magnificentia innotæ splendore illustrius reddere dignetur, quâ possum imâ animi submissione, officiorum promptâ delatione, & quicquid præterea mei est prodigâ oblatione, obnixè peto & obtestor: cum hoc animi mei æstuante voto, ut Sereniss. Celsitud. Tua, sicut hætenus, gratiâ supremi numinis, infragili animi constantiâ, repetitas ditionum suarum vastationes, hostium dolosas machinationes, apertas minas, superavit; ita posthac, nubilosis hisce temporibus discussis, iterum in serena pace, ad Nestoris annos, sospes & incolumis,

# DEDICATORIA.

*columis, cum tota Serenissima familia; ovans  
& triumphans Principatu suo potiri; indeq;  
vitæ satur, in cœlestem Patriam migrare  
possit. Basileæ V. Idus Martii, Anno  
Redemptionis salutis nostræ*

1641.

~~~~~

ΤΕΧΝΗ ΙΑΤΡΙΚΗ ΠΡΟΣ ἩΓΕ- ΜΟΝΑΣ.

Παγκαλῆς Ἱατρία εἰμι ἐγὼν θεόπυκτ',
Τεκνύσης Πίρας· κεδνὴ δ' ἱατρία ἐργῶν,
Καὶ κλέεός τε λιγύφθογγός μιν πάνποτε κήρυξ,
Οὐρανίῳ Πατρὸς πληρῶντος πνεύματι πάντα·
Ἡ γεμόνες δ' ὑμῖν νυῖ ποιμένες οἱ ἔτε λαῶν,
Νῦν κόσμημα, νόμῳ τε βίῃ, φύλαξ τ' ὑγείας.



).(:):(:):(2

EPISTOLA



Ad

*Illustrissimum Potentissimumq; S. Rom.
Imper. Principem,*

GEORG. FRIDERICUM
MARCHIONEM BADENSEM
& Hachbergensem, Landgravium in Su-
semburg, Dominum in Rœtelen
& Badenvweiler,

Principem Dominumque meum clo-
mentissimum,

FELIX PLATERUS
Archiatros Basl.



OMANORUM Imperatorem
Vespasianum, Illustrissime Prin-
ceps, atate & laboribus milita-
ribus atq; administratione Rei-
publicæ, nec non corporis ægri-
tudine fessum, & propemodum
confectum, assurgentem astan-
tibus, eumque quiescere jubentibus, dixisse ferunt,
Stantem Imperatorem terris excedere decere. Quo
dicto, laborum patientissimus, & in officio suo di-
ligentissimus ille Imperator, innuere voluit, non
solum eos, qui ad Reipublicæ clavum sedent, ve-
rùm

DEDICATORIA.

rùm etiam quovis, qui res magnas, ex quibus ad omnes plurimùm commodi & utilitatis longè lateque redundat, tractant, ad extremum usque spiritum, in eo opere constanter perseverare, neque quamdiu aliquid virium & vitæ superest, à proposito laudabili, in commune humanæ societatis bonum consulendi, rei aut magnitudine perterritos, vel viribus corporis aut animi diffisos, temerè desistere & resilire debere. Quod & ego, in præcipitata hac mea ætate, septuagesimum octavum annum jam ingressus, mecum reputans, quemadmodum toto vitæ curriculo, in rebus variis indagandis, imprimisque in artis Medicæ arcanis scrutandis, & placitis pensitandis, fui assiduus, eaque in usum & praxin deducendo, ægrorum curatione, docendo in Academia, atque in publicum emittendo, me totum occupavi; sic & in hac mea grandi senectæ, quæ per se multis incommodis est obnoxia, quamvis laborum mole vehementer pressus, & propemodum obrutus, nihilominus in eo cursu mihi alacriter pergendum, quamdiu iudicii & memoriæ vires, per Dei gratiam, integræ permanent, duxi, & laborando potius, quàm desidii & inertia torpendo, extremum vitæ diem claudere. Ad quod faciendum, non solum mea me urget vocatio, quâ Medicus sum, sed & impellit maximè, quod consilium & operam meam, in medendo & docendo, his qui adhuc indefinenter hæc à me efflagitare non desinunt, licet senectus me excusare posset, denegare mea conscientia non patiatur. Ad quos labores, novus jam accessit labor, quem hortatu multorum præstantissimorum virorum suscepi, in

E P I S T O L A

Observationibus meis Medicis edendis, quas in diuturno hoc, sexaginta duum annorum studio meo Medico, illiusque quinquaginta sex annorum usu & exercitatione, & quadraginta trium annorum, Professione publica, consignaram, singularibus, & notatu dignis tantum ex magno illorum quas habebam numero selectis in usum multorum publicandis. Edidi quidem, Illustrissime Princeps, ante annos aliquot, libros quosdam ad Medicinam pertinentes, magis Medico ad exquisitam artis cognitionem consequendum necessarios. Ante annos nimirum triginta, Anno 1583. de Corporis humani fabrica & usu tractatum, iconibus quamplurimis illustratum. In quo, methodo Analytica & perspicua, singulae humani corporis partes, eleganter, ipsarumque praecipue usus, diligenter describuntur; quorum cognitio ad morborum causas recte indagandas, plurimum confert, in quibus multa, & praesertim in iis quae usum partium attinent, a me primum cognita & inventa, aliorum observationibus adjeci. Postmodum ante annos undecim, Anno nimirum 1602. Praxeos tractatum primum, Anno 1603. secundum, Anno 1608. tertium, non solum in nonum, juxta Poetam, sed in multos annos pressos, evulgavi. In quibus affectus, humano generi incommodantes infiniti, primum quatenus sub sensus cadunt, ordine & methodo adeo perspicua, ut ab omnibus cognosci queant, explicantur, nullis penè affectibus omisis, qui haecenus innotuerunt. Dein & horum causae, non solum prius ab aliis descriptae, sed & novae, longam multorum annorum experientiam, agrorum visitatione & sectionibus in-

super

DEDICATORIA.

super corporum, inventæ, quas viri docti, qui veritati potius quàm authoritati locum dandum didicere, sibi probari testantur, describuntur. Quibus addita est curatio, causis accommodata, vel in harum ignorantia & obscuritate, secundum experientiam instituta & directâ, infinitis simul optimis adjectis remediis. Licet autem hisce tractatibus, in publicum bonâ fide emissis, à me desiderio doctorum virorum & studiosorum satisfactum, mihi persuaderem, & deinceps ab ejusmodi lacubrationibus desistendum, hortaretur lenium, tamen cum adhuc plurima singularia, me annotata habere, quæ & publicè in lectionibus proposui, & de quibus cum viris doctis conferre consuevi, constaret, multorum sollicitatione impulsus, & tandem victus, quod utilissimum fore arbitrabar, & imprimis studiosi expegebant, sum aggressus: ac Observationes, in affectibus homini incommodantibus, quorum affectuum descriptionem prius generatim in Praxi mea complexus fueram, nunc etiam particulatim, in certis hominibus quo pacto hæc evenerunt, atq; à me observata tractataque fuerunt, historicè descripta, publici juris facere volui. Quæ tanto gratiora bonis fore confido, quod à nemine hæc acceperim, sed quæ ego ipse vidi, animadverti, tractavi, plerisque curatione à me adhibitâ, hisce observationibus inseruerim, & quod remedia singularia, vel, ut ajunt, secretiora attinet, nihil celarim aut reticuerim, sed fideliter in usum publicum protulerim. Potuissem quidem multa alia, à variis mihi communicata, rara quoque & notabilia hisce meis adjicere, & sic opus hoc meum, illorum accessione lo-

E P I S T O L A

cupletare. Verùm cùm satius & laudabilius fore existimarem, post tot editas, de omnib. rebus, quas amplissimus hic mundus continet, commentationes, adeò ut ferè nihil ampliùs scribi possit, quod non sit scriptum priùs, quemlibet ea potiùs, quæ vel cognovit nova, vel observavit singularia, posteris relinquere, quàm sua aliorumque congerendo, ingentia volumina concinnare, ideò mea tantùm, ommissis aliis, huic Observationum libro inserere, & sic tanquam oculatus testis, veritati, meâ asseveratione fidem facere volui. Atq; idem deinceps quoque, Deo vitam aliquantulum adhuc prorogante, & robur largiente, in scriptionibus meis reliquis quas in posterum editurus sum, facere constitui. Habeo enim in collectaneis meis, multa egregia consignata ut lucem videant, digna, veluri de Alimentis, Medicamentorum compositione, materia scilicet, formâ & usu eorum; Deinde & de omnis generis Animalibus, Plantis, Subterraneis, & iis quæ tellus produxit, quorum immensam copiam, ad multa millia, in Archivo meo videre licet, quædam observatu dignissima, ab aliis aut planè non, aut non plenè descripta, & tantùm à me observata. Quemadmodum & nonnulla, ad alias Artes, industriam & solertiam requirentes, pertinentia, jucunda, utilia & grata futura, in observationibus miscellaneis, descripta asservo. In quibus edendis, reliquum vitæ tempus, quod fortè Deus mihi in hunc usum tam diu prolongavit, insumere non desinam, vel saltem in eum ordinem redactus sum, ut & me in vitam alteram beatam hinc translato, quæ supererunt, à fratre meo Thoma Medico, aut ex hoc nepotibus meis,

DEDICATORIA.

meis, in publicum mitti queant. Quod ut Deus Ter. Opt. Maximus faxit, devoto animo & supplex ab eo peto. Cæterum, quod hisce Observationibus meis, à multis summopere expetitis, & maxime ut spero utilibus futuris, quæ jam publicè edantur, Celsitudinem tuam, Illustrissime Princeps, Patro- num & Defensorem, præ aliis elegerim, causæ me moverunt nec paucæ, nec exigui momenti. Cum enim jam prius à me in lucem dati, Præceos tractatus tres, per omnia Europæ loca, ea præsertim, in quibus Academiæ florent, studiaque excoluntur, sint dispersi, maximoque cum desiderio & applausu doctorum accepti, Augustumque nomen Illustriss. Ducum Wirtenbergensium, Patris & Filii, in ipsa statim librorum fronte præfixum, iis plurimum gratiæ & auctoritatis addiderit, has quoque Observationes meas, non minori omnium voto acceptandas, Illustrissimi nominis tui patrocinio munitas, in conspectum totius orbis prodire volui. Quod Illustr. T. Celsit. eò æquiori animo accepturam spero, cum non solum operi huic Celsit. T. I. nomen, solis instar, in ipso aditu sit præfulsurum, eique commendationis plurimum conciliaturum, verum etiam Illustriss. Celsit. T. nominis splendidi-ssimi & jam dudum clarissimi fama, omnibus Europæis, simul amplius innotescet. Imprimis verò ad hoc opus Illustr. Cels. T. dedicandum, me moverunt, præter Stemmatis Illustriss. Marchionum Badensium nobilitatem & antiquitatem, virtutes præter Heroicas & Principe dignas, etiam aliæ eximæ & excellentes, quas in Illustr. Celsit. T. inde à primis adolescentiæ annis, elucescere animadverti,

E P I S T O L A

linguarum variarum addiscendarum desiderium, optimarum disciplinarum, & Philosophiæ cognitio, Juris studium, Historiarum totius mundi veterum & recentium, tanta notitia, ut vix quicquam in medium adferri possit, quod Illustr. T. Cels. lateat. Quibus tanta rei Militaris accessit scientia, ut ad eam exercendam, majoremq; in ea peritiam acquirendam, Illustr. Cels. T. in Pannoniam superiorem, spontè professionem ante annos aliquot suscepit, fortiterque & strenuè hostem aggrediendo, periculoque se exponendo, laudem maximam meruerit. Uti & postmodum Dux summus exercitus constitutus, fama fortitudinis tuæ longè lateque inclaruit. Nec minor est Illustris. Cels. T. prudentia, multis editis speciminibus, in rebus & negotiis Imperiæ dextrè administrandis & solerter componendis, fœdere & amicitia Principes & Respublicas sibi associando, satis superque Germaniæ toti, nec non aliis populis comprobata. Accessit hisce omnibus Illustris. Celsit. T. gratia & benevolentia, quâ me Cels. T. à teneris ad hodiernum diem usque est prosequuta, quodque me Medico, adversâ valetudine postulante, uti voluerit, & se suosque mihi curandos commiserit, meque in duabus professionibus ad Principes quosdam institutis, comitem & Medicum elementer sibi adjunxerit, & humanissimè tractarit, atque tanquam veterem Illustris. Marchionum Badensium domus Medicum, semper amarit. Hujusq; sui benevoli erga me animi, Illustr. Cels. T. signum esse voluit, quod ante annos duodecim circiter, inopinatò apud me in ædibus meis divertere, & pernoctare, ac quæ in suppellectile mea Medica sunt

DEDICATORIA.

Sunt reposita, ex omnibus orbis partibus collecta, propius inspicere, eamque locupletare gratiosè dignata est. Eodem favore erga me quoque affectus fuit, Illustriss. Cels. T. frater olim Illustrissimus, & laudatissimæ memoriæ, Ernestus Princeps, omnibus virtutibus, principe dignis, quoque præditus, qui meo consilio & operâ Medicâ in infantia primum, mox in virili ætate, in gravi suo & diuturno morbo est usus, meque humanissimè exceptum aliquoties pro solita sua humanitate benignissimè habuit. Quæ illustrissimorum filiorum Marchionum in me gratia, à Patre Carolo, Illustrissimo quondam & beatissimæ recordationis Principe, in filios cum aliis virtutibus derivata esse & fluxisse videtur, ejus conjunx Illustriss. filiique & filia, juvenes adhuc Stutgardiæ cum essem, meâ aliquoties in medendo sunt usi operâ. Quæ omnia me impulerunt, ut quemadmodum opera priora Medica, Illustriss. Principibus Wirtembergicis, Patri & Filio, quorum etiam Illustriss. antecessoribus multos annos medicinam faciendo intervivi, fuerunt inscripta, ita hæc quoque Observationum Medicarum commentatio, Illustriss. Cels. T. eandem ob causam, consecraretur. Illustriss. Celsit. T. animo submisso precor, ut hoc oblatum levidentè munus, tanquam officiorum, ad quæ Illustriss. T. Cels. præstanda me totum obstringo lubentissimè, arrhabonem & auctoramentum clementer, pro favore suo solito, sereno vultu acceptare haud gravetur. Quod si Illustriss. Celsit. T. fecissè sentero, id in aliqua, in hoc meo senio, felicitatis meæ parte ponam, mecumq; præclare actum judicabo, si intelligam Ill. T. Cels.

conatus

EPIST. DEDICAT.

conatus meos qualescunque probari. Deum Ter-
Optimum Maximum, omnium bonorum fontem
& largitorem supplex veneror & ardentibus votis
oro obtestorque, ut Illustriss. Celsus. T. cum Illu-
strissima sobole, clementer ab omni malo protegat
& conservet, omnibus bonis animi & corporis cu-
mulatissimè augeat, prosperrimam & pacificam
Reipublicæ administrationem concedat, vitamque
longævam largiatur, & hac decursâ, æternæ par-
ticipem facere velit. Basileæ 28. Febr.

Anno Salutis 1614.



AD LECTOREM.

Ex doctissimorum & praestantissimorum Medicorum
litteris, auctorem, ad Observationes hasce suas edendas,
assiduè sollicitantium, hac deprompta, ut causa, quibus ad
hoc faciendum impulsus fuit, melius innotescerent, prae-
stingere libuit.

Caspar Dornavius, Medicus D. & Pro-
fessor Gorlici.

TUa verò observationes, mi Platerè, nunquàmne vi-
debunt lucem? Quàm vellemus te vivo fieri. Sicut
enim liberi nostri curantur fidelius à matribus, quàm nu-
tricibus: ita libri ab autoribus prodeunt rectius atque ema-
culatiùs, quàm ab eorum hæredibus. Gorlici, Anno 1610.
Novembr. 3.

Idem.

TU, Platerè celeberrime, quando corporis aliquo par-
tu non tibi benedixit Deus, enitere, quantum potes,
atq₃

AD LECTOREM.

atq; in lucem interim profer animi tui & ingenii fetus:
qui multorum salutis, & toti Reipubl. literariae emolumento
esse possunt. Vale diutissime. Gorlici, Anno 1612. Aug. 4.

Idem.

Sed nec in eo cesso te monere, Vir amplissime, quod è re
futurum esset, non Reipubl. tantum Medica, sed totius
admodum generis humani. Observationes tuas dico, raras illas
& charas: quas profecto invidere nobis non deberes: cum
& vitam tibi prorogaverit Deus commodam; & in grandi
hac senectâ, viridem, ut audio, planeq; crudam. Deus te
porro confirmet atq; sustentet, ut hanc tuam cygneam can-
tionem proferas, æternum fama tua auctarium: quod plu-
rimorum est unâ mecum votum certè calidissimum. Vale
felicissime. Gorlici, Anno 1613.

Bartolomæus Crugerus D. Medicus Witten-
bergæ, Fel. Platero.

Libri tui, eminentissime Platero, tanto ingenio ac tam
accurata opera scripti, cum summam doctrinam, &
vel Aesculapio dignam prudentiâ & industriam præ se fe-
rant, & ceu cornucopiæ suppellectilem largissimam officinae
Medicae expromant, frequentius mihi & domi in usu sunt,
& peregrè sapè, dum ad ægrotos evocor, me comitantur.
Quàm vellemus reliquas quoq; tuas observationes tot expe-
rimentis refertas videre, quibus ut tandem frui queamus,
quæso enitere. Wittebergæ, Anno 1612. Maij 11.

Godefridus Vogler, Medic. D. & Phys-
cus Episcopatus Verdensis,
Fel. Platero.

TU, Vir meritissime, nobis ulterius ter maximos tuos
labores ne invideas, & ede quæso, quæ jam editioni
parata

AD LECTOREM.

parata habes, sat enim post obitum relinques, quæ nostro sæculo prædesse, tuumq; nomen immortale, reddere poterunt. Vale & vive. Helmeſtadio 14. Martii, Anno 1613.

Georgius Lothus, Phil. & Medic. D.
Fel. Platero.

Quoties animum meum subit tua spectabilitatis memoria (subit autem sapissimè) non possum, quin, quantum bono publico, & Medico cupio, tantum T. S. & cupiam & optem. Vivas, vivas, Venerande senior, & Medicina alumnis solertioribus, lucubrationes tuas doctissimas & utilissimas etiam in posterum consecres. Certè plurimi Observationum tuarum maximo tenentur desiderio, quas sine omni dubio ad Solem tua prudentia satis maturatas, propediem ipsis offeres legendas. Vivet tua post funera virtus. Luna quicquid à Sole luminis accipit, id omne terris refundit: idem facis, vir celeberrime, dum talentum tuum, quod summum illud Bonum concessit, non desodis, sed in plurimorum salutem collocas libenter. Ingrati sumus, nisi vicissim omnes quantum in quolibet T. S. & benè velimus, & benè faciamus. Vale, vir celeberrime, & summum Ἀγαθὸν imitatus, bonis benefacere nunquam intermitte.

Subjungit postea.

Librum tuum observationum & de Alimentis, heu quamdiu adhuc premis? quamdiu rarioris & recondita doctrina Consilia? Vides quantopere ars nostra in plurimis hallucinetur, nisi singulare Observatione indviduorum casibus locupletetur, tuisq; paradoxis illustretur. Patavii, Anno 1613.

Januar. 10.

Phili-

AD LECTOREM.

Philipertus Saracenus D. Medic. Lugdunensis, Felici Platero.

G Audio de statu & valetudine tuâ. Fervet in me sanguis amor ille tuæ virtutis, raræ eruditionis. Viguit jam sermè toto hoc posteriore seculo, celeberrimum Plateri nomen, quod mihi vel solo auditu hilaritatem & gaudium in animo parit. Quam Medicinæ partem non ornamento & vigiliis tuis illustrasti? Anatomica tu, si quis alius, clarissimè & utiliter edocuisti. Botanica mira jucunditate fovisti. In therapia fecundissimum therapeutem te exhibuisti. Unum superest, quod te orare & exorare velim, ut quæ adhuc in chartis & pluteis tuis supersunt, raræ observationes, notæ, Doctorem epistola, tuâq; ad eos responsiones, ea omnia inquam publici juris facere ne moreris. Eorum nonnulla mihi præsentî nuperrimè communicasti, id in me desiderium hoc excitavit. Precibus meis locum dabis, si me tantum amas, quantum ego te colo & observo. Lugduni, Anno 1613. Martii Idibus.

XX

VARANDÆUS, IN ANTIQUISSIMA ET CELEBR-

rima Monspessulensi Academia D. Medic. &

Professor Regius, D. Thomæ Platero,

Felicis fratri.

Monsieur, je suis esté fort aise, d'entendre par la lettre qu'il vous pleut de m'escire, vostre bon portement, & celuy de monsieur Felix, vostre treshonoré frere, lequel je tiens pour le plus ancien & plus expérimenté Medicin de nostre siecle, luy desirant continuation de santé & de vie, pour

AD LECTOREM.

vie, pour parfaire les œuvres, qu'il à premedites, pour l'embellissement de la Medicine, à utilité de ceux qui en font profession. A quoy j'estime quil doit estre secouru, par la vigueur de vostre aage, affin qu'il ne succumbe au travail, en l'edition de ce beau traicte de ses Observations, qu'il veut mettre en lumiere. Je vous prie de luy baiser les mains de ma part, & l'asseurer, que toute l'Universiè de Mompellier l'honore, comme le vray Nestor de nostre profession. De Mompellier 15. Decembr. l' An. 1613.

Hæc Latinè sic sonant.

Domine, admodum gavisus sum, cum ex literis tuis incolumitatem tuam, uti & reverendissimi fratris tui Felicis intellexissem, quem ego antiquissimum & experientissimum, nostri seculi Medicum esse censeo illiq; pro-rogationem & sanitatis & vita opto, ad perscienda opera, qua meditari incepit, in ornamentum Medicine, atque utilitatem eam profitentium. In quo labore existimo, te illum vigore ætatis tuæ debere juvare, ne sub ea mole succumbat, in editione elegantis hujus tractatus Observationum, quem in lucem edit. Rogo ut manus ei meo nomine osculari digneris, illiq; hoc certò persuadeas, totam Academiam Monspessulanam eum, tanquam verum Nestorem nostræ professionis, honorare. Mon-

spessuli 15. Decembr.

Anno 1613.



LIBER

LIBER PRIMUS

Observationum

FELICIS PLATERI,

In affectibus homini incommodanti-
bus, qui in FUNCTIONUM SENSUS ni-
mirum & MOTUS læsionibus, præ-
cipuè occurrerunt.

IN MENTIS IMBECILLITATE
OBSERVATIONES.

*Ingenium hebes in quibusdam, in aliis
acutum à natura.*



INGENIO hebeti & tardo natu-
râ, citra alium apparentem affe-
ctum, quamplurimos præditos
esse, atq; uti dicunt, ingenio ca-
rere, cùm omnibus sit notum,
multis exemplis illud demon-
strare, non est necesse, sed præci-
pua tantùm attingere, suffecerit.

In infantibus mox hæc ingenii hebetudo, cùm
educantur, & ad aliquâ addiscenda coguntur, elu-
cescit, & præsertim quando legere docentur, cùm
non nisi longo multoque labore, elementa littera-
rum cognoscere, syllabas conjungere, ex illisque

ditiones integras formare possint. Uti & postmodum adultiores facti, cum linguæ præter vernaculam, artes scientiæque variæ, addiscendæ eis sunt, tardos, & ad omnia ineptos, se demonstrant, nec ut alii qui ingeniosi sunt, ad omnia faciliè apprehendenda, rectè judicanda, prompti, & ad operandum industrii, apparent.

Quam diversitatem, ex diversâ hominum constitutione & natura accidere, existimo, quæ aliorum ad has illasve mentis functiones, rectius tardisve obeundas; vel alias quoque actiones edendas, aptiores reddit: sicuti videmus, in quibusdam quoque animalibus, illud ipsum accidere, quæ licet unius sint generis, diversas tamen naturâ habent inclinationes. Veluti, equorum, alii naturâ generosi, alii non item sunt: Et inter canes maximè discrimen hoc apparet, quorum alii venatici, alii aquatici, alii domestici, tantum ad externos allatrando apti, in quibus ad venandum nulla aptitudo: Eorum aliqui & hoc singulare habent, quod à ferinæ carnis, tam crudæ quàm coctæ, comestione, abhorreant. Ita & peculiare hominum sunt naturæ, in quibusdam generositatis, & hæreditariæ cujusdam nobilitatis, vel prudentiæ ac industriæ, & facilis inclinationis ad eruditionem, in quibusdam rusticitatis & contrariis certis indiciis, tarditatis ad omnes actiones, se præbentibus.

Verum quandoque etiam contingit, ut qui aliâ naturâ, ad res percipiendas tractandasque inepti sunt consuetudine, quæ altera est natura, bonâ accedente educatione, & continuâ in artibus ac scientiis exercitatione, ita immutentur, ut postea ingeniosi

rii fiant, sicuti assuefactione etiam feræ
lere & cicurari, aliaque animalia, ad verba
& operationes hominum imitandum, ali-
o, instrui possunt.

iligenti & sedulâ educatione, cum & ex
us alioquin ingenium hebes contigit, cor-
i possint, ut ingeniosi fiant, quantò magis
is felix ingenium innatum est, si accedat
educatio, & à teneris ad artes scientiasque
o, tandem eximios ad miraculum usque,
scientiæ & eruditionis, fructus, proferet?
omnium exempla infinita, quæ in multis
us & cognovimus, referre possemus, pas-
historiis sunt obvia.

*Memoria labilis quorundam, aliorum
stabilis, à natura.*

IVIOSO S adeò multos fuisse observavi,
nihil ferè memoriæ mandare possent, aut
tinere, quod in juvenibus quibusdam sta-
advertitur, in senibus non adeò est ob-
em mirum. In quibus aliquando tantus
defectus occurrit, ut etsi iudicio adhuc
memoriam tamen non solum rerum diu-
arum, sed & eorum, quæ ante oculos ad-
stantur, amittant: Uti ei observavi acci-
proprii nominis, uti & liberorum obli-
interrogatus de iis, antequam responde-
sitabat, ut reliqua multa alia, oblivio-
num exempla, omittam.

ut à naturali constitutione defectus hic

4 IN MENTIS IMBECILLITATE
memoriæ dependet, & ab ortu processit, ita, in quibusdam contrarium evenit, qui memoriâ adeò valent, ut quæ vis quæ audiunt, vel legunt, adeò altè menti imprimant, ut postea, si non omnia, pleraque tamen, non summatim saltem, sed & particulatim, enarrare queant.

Sunt & aliqui, qui quorundam, quæ in primis infantiae annis viderunt, aut audiverunt, quorum alias cum adolescunt, oblivisci solent, memoriam retinent. Quod & mihi accidisse certò testari possum; nam cum Anno 1536. mense Octobri, in lucem hanc prodierim, memini triennio post, Anno 1539. cervinum caput cum cornibus, ædibus nostris, ut inscriptio ædium testatur, à cæmentario impactum muro fuisse. Uti & sequenti postea Anno 1540. in pistoris ædibus, ex adverso domus paternæ sitis, appictos Æthiopes recordor; sororemque meam, bidente ab ancilla in capite vulneratam, semimortuam, ex horto adportari. Aliorum insuper plurimorum, quæ eo anno, qui ob insignem æstum memorabilis est, acciderunt, memoriam qualemcunque, adhuc retineo. Cujus rei causam, tum in me, tum in aliis, non solum ab ejusmodi naturali dispositione, prodire, sed etiam inde provenire judico, quod quæ infantibus offeruntur, vel rara, vel horrenda, animo eorum ita imprimantur ænaciter, ut postea vix amplius elabantur, præsertim si ipsis hæc in memoriam revocentur sæpe, aut eorum semper obversentur oculis, aut ipsi de illis frequenter loquantur.

Memo

Memoria artificialis.

MEMORIAM quidam arte sibi comparant, quâ plurima vocabula, vel etiam sententias, ipsis prælectas vel ex scripto, vel ore recitatum eodem numero & ordine, recto & recado, recitare memoriter possunt. Quod mente, sæpe factum, cum summa admiratione, & aliorum, memini.

Consistit autem hæc ars, quam libris editis alii, alii viva voce docent, & quæstum ex ea faciunt, in imaginibus diversis, quas ex obviis mentis concipiunt, illisque vocabula & dictiones sic commodant, ut hisce veluti ducibus, quæ auferunt, parum animo repetita, iterum recitare possint.

Qua memoria artificiali, si non tantum vocabula & breves sententias, quod magis laboriosum, sed & integras orationes, ita mente concipere, rursumque recitare possemus, foret hæc summo opere utilis. Licet & hac ratione non sit inutilis, & præsertim admirationi illis est, qui artem non intelligentes, hoc, à felici ipsorum memoria proficisci, existimant.

Memoria lesa post carum.

Vide in Mentis consternatione. Lib. I. Sopor gravis seu Caros.



IN MENTIS CONSTERNATIONE
OBSERVATIONES.

Somnus immodicus.

QUENDAM tres dies totidemque noctes dormivisse, ob lassitudinem prægressam, nullâ præcedente ebrietate, nec sumpto aliquo narcotico, observavi.

In Alio.

AL I U M memini, ad continuò dormiendum adeò fuisse propensum, ut inter loquendum, vel etiam comedendum, cibos vel poculum ori admo-
vens, statim obdormiret, in eoque situ, quo tunc erat, permaneret: similis illis, quos Medusa caput inspiciendo, in saxum conversos, fingunt Poëtæ. Erat autem hic homo, corpore adeò obæsto & vasto, ut vix dum pedès progredi & incedere posset, rhedaque plerumque quò cupiebat vehebatur. Testes quoque adeò magnos & ponderosos habebat, capitis amplitudinem adæquantes. Quos proin fasciâ involutos, colloque appensos, gestare cogebatur. Hic, cùm aliquot annos, in vico Rotenburchensi, procuratoris officio functus esset: & negotiorum causâ, in vicinum locum deveheretur, Anno circiter 1760. in convivio quodam, more consueto strenuè potans, cùm poculum ori admo-
veret ut biberet, somno oppressus, exspiravit.

Sopor

*gravis seu Caros, quem secuta sunt,
convulsio, Memoria læsa, & Vi-
sus hallucinatio.*

annos supra quinquaginta natus, in otio
ens, luxuriæ deditus, viduus, cum secun-
dam uxorem duxisset. Anno 1593. circa finem
quodam nocte, nondum celebratis nu-
tiam cum ea cubasset, manè surgens, in-
gressus, aliquid scripturus, capitis gra-
tum vertigine sensit adeò vehementer, ut
non redire posset: quò postquam perve-
nit obstupescere, & cum tellam illi appone-
ntem tellurus cadebat, oculos torquebat, bal-
lucitumque magna copia evomere: Apo-
sterique esse censabant. Ego verò voca-
tum illum viderem utrumque latus movere,
& quia attonitus omnino erat, & oculis
tella prostratus sedebat, pituitaque illi ex
oculis fluebat, Carum esse non Lethargum,
sed febriçitabat, judicavi.


Statim matutino tempore, quo hoc casus
fuit, 30. Augusti, quia conatus aderat vo-
mitorium illi sequens exhibui: *R. Syr. Acetos.
vel. f. ol. Amygd. dulc. an. ʒ. j. aquæ Nucum &
ol. ʒ. ij. Bibit, & multum pituitæ vomuit.*
ora inungere jussi sequentibus oleis: *R. ol.
per expressionem facti. ʒ. j. ʒ. ol. Salvia, Majo-
ris. iij. misce.*

Etis, cum jam esset vestimentis exutus, &
propositus, admonui de Clysinare, verum cum

EPIST. DEDICAT.

conatus meos qualescunque probari. Deum Ter-
Optimum Maximum, omnium bonorum fontem
& largitorem supplex veneror & ardentibus votis
oro obtestorque, ut Illustriss. Celsit. T. cum Illu-
strissima sobole, clementer ab omni malo protegat
& conservet, omnibus bonis animi & corporis cu-
mulatissimè augeat, prosperrimam & pacificam
Reipublicæ administrationem concedat, vitamque
longævam largiatur, & hac decursâ, æternæ par-
ticipem facere velit. Basileæ 28. Febr.

Anno Salutis 1614.



AD LECTOREM.

EX doctissimorum & præstantissimorum Medicorum
litteris, auctorem, ad Observationes hæc suas edendas,
assiduè sollicitantium, hæc deprompta, ut causa, quibus ad
hoc faciendum impulsus fuit, melius innotescerent, præsi-
gere libuit.

Caspar Dornavius, Medicus D. & Pro-
fessor Gorlici.

TUæ verò observationes, mi Platerè, nunquàmne vi-
debunt lucem? Quàm vellemus te vivo fieri. Sicut
enim liberi nostri curantur fidelius à matribus, quàm nu-
tricibus: ita libri ab autoribus prodeunt rectius atque ema-
culatiùs, quàm ab eorum hæredibus. Gorlici, Anno 1610.
Novembr. 3.

Idem.

TU, Platerè celeberrime, quando corporis aliquo par-
tu non tibi benedixit Deus, enitere, quantum potes,
atq₃

AD LECTOREM.

atq; in lucem interim profer animi tui & ingenii fœtus:
qui multorum saluti, & toti Reipubl. literaria emolumento
esse possunt. Vale diutissimè. Gorlici, Anno 1612. Aug. 4.

Idem.

Sed nec in eo cesso te monere, Vir amplissime, quod è re
futurum esset, non Reipubl. tantum Medica, sed totius
aded generis humani. Observationes tuas dico, raras illas
& charas: quas profecto invidere nobis non deberes: cum
& vitam tibi prorogaverit Deus commodam; & in grandi
hac senectâ, viridem, ut audio, planeq; crudam. Deus te
porro confirmet atq; sustentet, ut hanc tuam cygneam can-
tionem proferas, æternum fama tua auctarium: quod plu-
rimorum est unâ mecum votum certè calidissimum. Vale
felicissimè. Gorlici, Anno 1613.

Bartolomæus Crugerus D. Medicus Witten-
bergæ, Fel. Platero.

Libri tui, eminentissime Platerè, tanto ingenio ac tam
accurata opera scripti, cum summam doctrinam, &
vel Aesculapio dignam prudentiâ & industriam præ se fe-
rant, & ceu cornucopia suppellectilem largissimam officina
Medica expromant, frequentius mihi & domi in usu sunt,
& peregrè sæpè, dum ad agrotos evocor, me comitantur.
Quàm vellemus reliquas quoq; tuas observationes tot expe-
rimentis refertas videre, quibus ut tandem frui queamus,
quæso enitere. Wittebergæ, Anno 1612. Maij 11.

Godefridus Vogler, Medic. D. & Physi-
cus Episcopatus Verdenfis,
Fel. Platero.

TU, Vir meritissime, nobis ulterius ter maximos tuos
labores ne inideas, & ede quæso, quæ jam editioni
parata

AD LECTOREM.

parata habes, sat enim post obitum relinques, quæ nostro seculo prouideri, tuumq; nomen immortale, reddere poterunt. Vale & vive. Helmestadio 14. Martii, Anno 1613.

Georgius Lothus, Phil. & Medic. D.
Fel. Platero.

Quoties animum meum subit tua spectabilitatis memoria (subit autem sapissimè) non possum, quin, quantum bono publico, & Medico cupio, tantum T. S. & cupiam & optem. Vivas, vivas, Venerande senior, & Medicinae alumnis solertioribus, lucubrationes tuas doctissimas & utilissimas etiam in posterum consecres. Certè plurimi Observationum tuarum maximo tenentur desiderio, quas sine omni dubio ad Solem tuæ prudentiæ satis maturatas, propediem ipsis offeres legendas. Vivet tua post funera virtus. Luna quicquid à Sole luminis accipit, id omne terris refundit: idem facis, vir celeberrime, dum talentum tuum, quod summum illud Bonum concessit, non desodis, sed in plurimorum salutem collocas libenter. Ingrati sumus, nisi vicissim omnes quantum in quolibet T. S. & bene velimus, & bene faciamus. Vale, vir celeberrime, & summum & vltimum imitatus, bonis benefacere nunquam intermitte.

Subjungit postea.

Librum tuum observationum & de Alimentis, heu quamdiu adhuc premis? quamdiu rarioris & recondita doctrinae Consilia? Vides quantopere ars nostra in plurimis hallucinetur, nisi singulare Observatione individuorum casibus locupletetur, tuisq; paradoxis illustretur. Patavii, Anno 1613.

Januar. 10.

Phili-

AD LECTOREM.

Philipertus Saracenus D. Medic. Lugdunensis, Felici Platero.

GAudio de statu & valetudine tuâ. Fervet in me scilicet amor ille tuæ virtutis, raræ eruditionis. Viguit jam sermè toto hoc posteriore seculo, celeberrimum Plateri nomen, quod mihi vel solo auditu hilaritatem & gaudium in animo parit. Quam Medicina partem non ornamento & vigiliis tuis illustrasti? Anatomica tu, si quis alius, clarissimè & utiliter edocuisti. Botanica mira jucunditatè fovisti. In therapia fecundissimum therapeutem te exhibuisti. Unum superest, quod te orare & exorare velim, ut quæ adhuc in chartis & pluteis tuis supersunt, raræ observationes, notæ, Doctorum epistola, tuæq; ad eos responsiones, ea omnia inquam publici juris facere ne moreris. Eorum nonnulla mihi præsentì nuperrimè communicasti, id in me desiderium hoc excitavit. Precibus meis locum dabis, si me tantum amas, quantum ego te colo & observo. Lugduni, Anno 1613. Martii Idibus.

VARANDÆUS, IN ANTIQUISSIMA ET CELEBR-
rima Monspessulensi Academia D. Medic. &
Professor Regius, D. Thomæ Platero,
Felicis fratri.

Monsieur, je suis eslé fort aise, d'entendre par la lettre qu'il vous pleut de m' escrire, vostre bon portement, & celuy de monsieur Felix, vostre treshonore frere, lequel je tiens pour le plus ancien & plus experimenté Medicin de nostre siecle, luy desirant continuation de santé & de
vie, pour

AD LECTOREM.

vie, pour parfaire les œuvres, qu'il à premedites, pour l'embellissement de la Medicine, à utilité de ceux qui en font profession. A quoy j'estime quil doit estre secouru, par la vigueur de vostre aage, affin qu'il ne succumbe au travail, en l'edition de ce beau traicté de ses Observations, qu'il veut mettre en lumiere. Je vous prie de luy baiser les mains de ma part, & l'asseurer, que toute l'Université de Mompellier l'honore, comme le vray Nestor de nostre profession. De Mompellier 15. Decembr. l' An. 1613.

Hæc Latinè sic sonant.

Domine, admodum gavissus sum, cum ex literis tuis incolumitatem tuam, uti & reverendissimi fratris tui Felicis intellexissem, quem ego antiquissimum & experientissimum, nostri seculi Medicum esse censeo illiq; pro rogationem & sanitatis & vite opto, ad perficienda opera, quæ meditari incepit, in ornamentum Medicinæ. atque utilitatem eam profitentium. In quo labore existimo, te illum vigore atatis tuæ debere juvare, ne sub ea mole succumbat, in editione elegantis hujus tractatus Observationum, quem in lucem edit. Rogo ut manus ei meo nomine osculari digneris, illiq; hoc certò persuadeas, totam Academiam Monspessulanam eum, tanquam verum Nestorem nostræ professionis, honorare. Monspessuli 15. Decembr.

Anno 1613.



LIBER



LIBER PRIMUS

Observationum

FELICIS PLATERI,

In affectibus homini incommodanti-
bus, qui in FUNCTIONUM SENSUS ni-
mirum & MOTUS læsionibus, præ-
cipuè occurrerunt.

IN MENTIS IMBECILLITATE
OBSERVATIONES.

*Ingenium hebes in quibusdam, in aliis
acutum à natura.*



INGENIO hebeti & tardo natu-
râ, citra alium apparentem affe-
ctum, quamplurimos præditos
esse, atq; uti dicunt, ingenio ca-
rere, cùm omnibus sit notum,
multis exemplis illud demon-
strare, non est necesse, sed præci-
pua tantùm attingere, suffecerit.

In infantibus mōx hæc ingenii hebetudo, cùm
educantur, & ad aliquâ addiscenda coguntur, elu-
cescit, & præsertim quando legere docentur, cùm
non nisi longo multoque labore, elementa littera-
rum cognoscere, syllabas conjungere, ex illisque

diſtiones integras formare poſſint. Uti & poſtmodum adultiores facti, cū linguæ præter vernaculam, artes ſcientiæque variæ, addiſcendæ eis ſunt, tardos, & ad omnia ineptos, ſe demonſtrant, nec ut alii qui ingenioſi ſunt, ad omnia facile apprehendenda, rectè judicanda, prompti, & ad operandum induſtrii, apparent.

Quam diverſitatem, ex diverſa hominum conſtitutione & natura accidere, exiſtimo, quæ alios, ad has illæve mentis functions, rectius tardiusve obeundas, vel alias quoque actiones edendas, aptiores reddit: ſicuti videmus, in quibuſdam quoque animalibus, illud ipſum accidere, quæ licet unius ſint generis, diverſas tamen naturâ habent inclinationes. Veluti, equorum, alii naturâ generoſi, alii non item ſunt: Et inter canes maximè diſcrimen hoc apparet, quorum alii venatici, alii aquatici, alii domeſtici, tantum ad exteros allatrandum apti, in quibus ad venandum nulla aptitudo: Eorum aliqui & hoc ſingulare habent, quod à ferinæ carnis, tam crudæ quàm coctæ, comeltione, abhorreant. Ita & peculiareſ hominum ſunt naturæ, in quibuſdam generoſitatis, & hæreditariæ cujuſdam nobilitatis, vel prudentiæ ac induſtriæ, & facilis inclinationis ad eruditionem, in quibuſdam ruſticitatis & contrâ, certis indiciis, tarditatis ad omnes actiones, ſe proſequentibus.

Verum quandoque etiam contingit, ut qui aliâ naturâ, ad res percipiendas tractandasque inepti ſunt, conſuetudine, quæ altera eſt natura, bonâ accedente educatione, & continuâ in artibus ac ſcientiis exercitatione, ita immutentur, ut poſtea ingenioſi
& in-

& industrii fiant, sicuti assuefactione etiam feræ mansuescere & cicurari, aliaque animalia, ad verba quædam & operationes hominum imitandum, aliquo pacto, instrui possunt.

Quâ diligenti & sedulâ educatione, cum & ex illis, quibus alioquin ingenium hebes contigit, corrigi aliqui possint, ut ingeniosi fiant, quanto magis hi, quibus felix ingenium innatum est, si accedat hæc bona educatio, & à teneris ad artes scientiasque exercitatio, tandem eximios ad miraculum usque, industriæ, scientiæ & eruditionis, fructus, proferet? Quorum omnium exempla infinita, quæ in multis ipsi vidimus & cognovimus, referre possemus, passimque in historiis sunt obvia.

*Memoria labilis quorundam, aliorum
stabilis, à natura.*

OBLIVIOSOS adeò multos fuisse observavi, ut nihil ferè memoriæ mandare possent, aut diutius retinere, quod in juvenibus quibusdam statim animadvertitur, in senibus non adeò est ob infirmitatem mirum. In quibus aliquando tantus memoriæ defectus occurrit, ut etsi iudicio adhuc valeant, memoriam tamen non solum rerum diu ante peractarum, sed & eorum, quæ ante oculos adhuc obversantur, amittant: Uti ei observavi accidere, qui proprii nominis, uti & liberorum obliviscatur, & interrogatus de iis, antequam responderet, diu hæsitabat, ut reliqua multa alia, obliviosorum hominum exempla, omittam.

Verùm uti à naturali constitutione defectus hic

memoriæ dependet, & ab ortu processit, ita, in quibusdam contrarium evenit, qui memoriâ adeò valent, ut quævis quæ audiunt, vel legunt, adeò altè menti imprimant, ut postea, si non omnia, pleraque tamen, non summatim saltem, sed & particulatim, enarrare queant.

Sunt & aliqui, qui quorundam, quæ in primis infantiae annis viderunt, aut audiverunt, quorum aliàs cum adolescunt, oblivisci solent, memoriam retinent. Quod & mihi accidisse certò testari possum; nam cum Anno 1536. mense Octobri, in lucem hanc prodierim, memini triennio post, Anno 1539. cervinum caput cum cornibus, ædibus nostris, ut inscriptio ædium testatur, à cæmentario impactum muro fuisse. Uti & sequenti postea Anno 1540. in pistoris ædibus, ex adverso domus paternæ sitis, appictos Æthiopes recordor; sororemque meam, bidente ab ancilla in capite vulneratam, semimortuam, ex horto adportari. Aliorum insuper plurimorum, quæ eo anno, qui ob insignem æstum memorabilis est, acciderunt, memoriam qualemcunque, adhuc retineo. Cujus rei causam, tum in me, tum in aliis, non solum ab ejusmodi naturali dispositione, prodire, sed etiam inde provenire judico, quòd quæ infantibus offeruntur, vel rara, vel horrenda, animo eorum ita imprimantur tenaciter, ut postea vix amplius elabantur, præsertim si ipsis hæc in memoriam revocentur sæpe, aut eorum semper obversentur oculis, aut ipsi de illis frequenter loquantur.

Memoria artificialis.

MEMORIAM quidam arte sibi comparant, quâ plurima vocabula, vel etiam sententias integras, ipsis prælectas vel ex scripto, vel ore recitatas, rursus eodem numero & ordine, recto & retrogrado, recitare memoriter possunt. Quod me præsentem, sæpe factum, cum summa admiratione, mea & aliorum, memini.

Consistit autem hæc ars, quam libris editis aliqui, alii viva voce docent, & quæstum ex ea faciunt, in imaginibus diversis, quas ex obviis mente concipiunt, illisque vocabula & dictiones sic accommodant, ut hisce veluti ducibus, quæ audiverunt, parum animo repetita, iterum recitare queant.

Qua memoria artificiali, si non tantum vocabula & breves sententias, quod magis laboriosum, sed & integras orationes, ita mente concipere, rursusque recitare possemus, foret hæc summopere utilis. Licet & hac ratione non sit inutilis, & præsertim admirationi illis est, qui artem non intelligentes, hoc, à felici ipsorum memoria proficisci, existimant.

Memoria læsa post carum.

Vide in Mentis consternatione. Lib.I. Sopor gravis seu Caros.



IN MENTIS CONSTERNATIONE OBSERVATIONES.

Somnus immodicus.

QUENDAM tres dies totidemque noctes dormivisse, ob lassitudinem prægressam, nulla præcedente ebrietate, nec sumpto aliquo narcotico, observavi.

In Alio.

AL IUM memini, ad continuò dormiendū adeò fuisse propensum, ut inter loquendum, vel etiam comedendum, cibos vel poculum ori admo-
uens, statim obdormiret, in eoque situ, quo tunc erat, permaneret: similis illis, quos Medusæ caput inspiciendo, in saxum conversos, fingunt Poëtæ. Erat autem hic homo, corpore adeò obæso & vasto, ut vix dum pedès progredi & incedere posset, rhedaque plerumque quò cupiebat vehebatur. Testes quoque adeò magnos & ponderosos habebat, capitis amplitudinem adæquantes. Quos proin fasciâ involutos, colloque appensos, gestare, cogebatur. Hic, cū aliquot annos, in vico Rotenburgenfi, procuratoris officio functus esset: & negotiorum causâ, in vicinum locum deveheretur, Anno circiter 1560. in convivio quodam, more consueto strenuè potans, cū poculum ori admo-
veret ut biberet, somno oppressus, exspiravit.

Sopor

*Sopor gravis seu Caros, quem secuta sunt,
Convulsio, Memoria læsa, & Vi-
sus hallucinatio.*

VIR annos supra quinquaginta natus, in otio vivens, luxuriæ deditus, viduus, cùm secundam uxorem duxisset. Anno 1593. circa finem Augusti, quadam nocte, nondum celebratis nuptiis, postquam cum ea cubasset, manè surgens, in urbem egressus, aliquid scripturus, capitis gradinem cum vertigine sensit adeò vehementer, ut ex domum redire posset: quò postquam pervenit, cœpit obstupescere, & cùm sellam illi apponerent, in eam lessurus cadebat, oculos torquebat, balutire, pituitamque magna copia evomere: Apoplexiam plerique esse censebant. Ego verò vocatus, cùm illum viderem utrumque latus movere, egavi, & quia attonitus omnino erat, & oculis clausis in sella prostratus sedebat, pituita que illi ex ore & naribus fluebat, Carum esse non Lethargum, sedque enim febricitabat, judicavi.

Itaque statim matutino tempore, quo hoc casu correptus est, 30. Augusti, quia conatus aderat vomendi, vomitorium illi sequens exhibui: *R. Syr. Acetos. sup. Oxymel. f. ol. Amygd. dulc. an. ʒ. j. aquæ Nucum & Raphani an. ʒ. ij.* Bibit, & multum pituitæ vomuit.

Tempora inungere jussi sequentibus oleis: *R. ol. nucis mosc. per expressonem facti. ʒ. j. B. ol. Salviæ, Majoranæ an. gut. iij. misce.*

Hisce factis, cùm jam esset vestimentis exutus, & lectum positus, admonui de Clysinatæ, verùm cùm

8 IN MENTIS CONSTERNATIONE

nollet uxor admittere, *suppositorium* hoc illi supponere iussi: *℞. Mellis q. s. pro duobus suppositoriis, coquatur, addendo Salis 3. j. rad. Pyrethri, troch. Alhandal an. 3. ℞. fiant duo suppos. quorum unum mox indatur, aliud sub vesperam.*

Naribus, pennam in succo seq. intinctam, intrudere iussi: *℞. succi Ruta. Majorana an. 3. ij. Castorei 3. ℞. Aceti 3. j. misce. Utatur frequenter.*

Et ut spinam dorsi inungeret, sequenti *linimento*, monui, ut materia à capite deturbaretur, non metuens illius prolapsum in nervos, modò à cerebro descenderet, & satius esse duxi, paralytim sequi quàm apoplexiam, in quam facilè abire potuisset, eum mori existimans: Tale autem erat: *℞. ol. de Castoreo, de Euphorbio, de Piperibus an. 3. ij. ol. Costini 3. ℞. Cera parùm, fiat linimentum.*

Cùm alto sopore premeretur & continuo, tandem concesserunt ut *Clyster* illi injiceretur, quem ille cùm attonitus esset, minimè respuebat. Talem itaque præscripsi: *℞. rad. Iridis rec. 3. ij. Enula, Angelica an. 3. ℞. Galanga 3. ij. herb. Salvia, Ruta, Betonica, Origani an. M. j. flor. Rosm. Stæchados, Primula veris an. P. j. baccarum Lauri 3. ℞. semin. Eruca, Sinapi an. 3. ij. sem. Fœniculi 3. iij. Agarici 3. ℞. rad. Esula 3. ij. Fursurie P. j. fiat decoctio & in Tlb. j. col. dis. succi Ruta 3. ℞. succi Mercurialis 3. j. Bened. lax. Hieræ Log. an. 3. ij. Castorei, troch. Alhandal an. 3. ℞. Mellis Anthos. ol. Rutacei an. 3. j. Salis gemma 3. j. fiat Clyster.*

Alternis diebus, uno *Clystere*, altero, *supposito*rio utebatur: quibus adhibitis cōmovebatur, nam aliàs semper nisi excitaretur, dormiebat: excitatus tamen, juscula in os infusa, deglutiebat, nec cibum nec potum aliàs expetebat.

Vesti.

Vesicatorium nuchæ apposuissem, sed non concedebatur uxor. Idcirco cucurbitulas sex cum scarificatione, uti solco, collo, humeris & scapulis, affixi.

Interim spinam indies inungebat, atque sequens aqua, aliquoties cum cochleari infundebatur: *℞. aquarum Lilii convallii, Rosmarini, Cinamom. an. ʒ. j. Myris Pliris etc. Dianthos an. ʒ. ʒ. Castorei ʒ. ʒ. ol. Mariani gut. ij. agitentur; Capiat cochl j. vel duo.*

Diebus aliquot elapsis, ut materia à capite deturberetur, cum jam per os melius res admitteret, ornavi: *℞. tab. Diacarth. meæ desc. ʒ. ij. Diagyridii gr. vj. Ros. sol. ʒ. j. aqua Cina. q. s. fiat parva potio: Sumpsit, que enim an medicamentum vel iusculum esset, cernere potuit.*

Purgatus hoc medicamento, coepit minus torere premi, meliusq; quæ offerebantur, admittere, mentesque cognoscere. Quare mox iterum hoc modo illum per vices purgavi: *℞. rad. Ireos ʒ. ʒ. rad. Angelicæ, Imperatoricæ, Galangæ an. ʒ. ij. herb. Majoranæ, Sijæ, Spicæ celt. Betonicæ an. M. j. fl. Anthos, Stæchados ʒ. j. sem. Fœnic. ʒ. ij. Carui ʒ. j. sol. Senæ ʒ. j. ʒ. se. Carui ʒ. j. fiat decoctio in col. lb. j. calente adhuc, infunde ich ʒ. iij. Agarici ʒ. ʒ. Zingib. ʒ. j. Salis gem. ʒ. ʒ. per noctem, fiat expressio, dissolve sacchari q. s. fiat potio tribus parvis dosibus, arom. Cinam. ʒ. ij. Bibit per diem, & benè purgatus fuit.*

Scropham capiti apposui: *℞. rad. Ireos, Angelicæ ʒ. j. herb. Majoranæ. fl. Rosmar. Stæchados, Lavandulæ ʒ. j. se. Coriandri ʒ. ʒ. Nucis mosc. ʒ. ij. Storacis calam. ʒ. j. fiat pulvis, insuatur pileolo nocturno.*

Et purgationem, cum jam os colluere posset, Garum hunc præscripsi: *℞. rad. Pyrethri ʒ. j. Ange-*

lica 3. B. *rad. Ircos rec.* 3. ij. *sem. staphisagr.* 3. ij. *herb. Salvia,*
Rosmarini an. M. j. Nucis mosc. 3. ij. *Garyoph.* 3. ij. *Piperis*
 3. B. *decoquatur in Vini mens. j. Pro caput purgio.*

Comedebat etiam *tab. Dianthos* manè, *guttâ olei Cinamomi* singulis tabulis prius affusâ.

Mutatis vicibus hoc utebatur *Tragemate: R. spec. Dianthos, Diagalanga, Pliris arcot. an. 3. B. Cinam. 3. ij. Sacchari q. s. fiat pulvis.*

Cum omnia in melius vergerent, & jam sedere posset, denuò illum purgavi *pilulis*, quas jam deglutire poterat: *R. pilul. Cochiarum, Aurearum an. 3. j. cum aqua Salviae* fiant *pilulae.*

Egregiè hoc medicamento purgatus est, videbanturque jam omnia in declinatione esse, verùm dum omnes benè sperarent, subitò in convulsiones incidit, quas tamen, etsi omnes eum deploratum censerent, non lethales, nec aliquid mali portendere dixi, materiam enim, à cerebro, in nervorû principium descendisse, & cum acris fuerit, convulsiones potiùs, quàm paralytim, excitasse.

Accersito alio quoque Medico, quia mihi peregrè abundum erat, pulsibus sequens applicuimus: *R. aqua Ros. 3. ij. Aceti ros. 3. B. Garyophyl. 3. B. sp. Cordial. 3. j. misce: Irrorati panni applicentur.*

Fulepo quoque sequenti usus est: *R. Fulep. Rosacei 3. j. B. aqua Cinamom. 3. j. aqua Borrage. & Buglos. Paeonia, Lilii convallii, aqua Epileptica composita an. 3. B. Manus Christi 3. vj. misce: Capiat frequenter.*

Alterum quoq; paroxysmum habuit, sed pergès in usu *Fulepi*, denuòq; purgatus, me absentè, à Medico adjuncto, exhibitis etiam iis quæ epilepsia resistunt, postea convulsiones non amplius supervenerunt.

Exactis

Exactis quatuor septimanis, à prima hujus mor-
bificatione, cum domum denuò essem reversus,
bene se habebat, rectè deambulabat, comedebat,
dormiebat: saltem Memoriam sibi vehementer de-
tecisse, ut omnium citissimè oblivisceretur, & Vi-
sionem depravatà, ut res geminas quas intuebatur,
esse putaret, nec rectè legere posset, conquerebatur:
quo nomine sequentibus ut uteretur, ordinavi.

Primum Vino: \mathfrak{xx} . herb. *Salvia*, *Majorana*, *Betonica*,
Abfynthii an. 3. \mathfrak{ij} . sol. *Sena* 3. \mathfrak{j} . *Agarici* 3. \mathfrak{iiij} . *Zingib.* 3. \mathfrak{j} .
sem. *Anisi*, *Fœniculi* an. 3. \mathfrak{ij} . *Nucis mosc.* 3. \mathfrak{j} . rad. *Ireos* 3. \mathfrak{B} .
Galange 3. \mathfrak{ij} . conqueß. pro mensura \mathfrak{j} . Vini & aqua *Beto-*
nica 3. \mathfrak{iiij} . Bibat tribus matutinis.

2. *Pilulas*: \mathfrak{R} . pilul. *Cochi.* *Fœtid.* an. 3. \mathfrak{B} . cum aqua
Salviae fiant pil.

3. *Pulverem*: \mathfrak{R} . sem. *Coriandri*, *Fœniculi*, *Anisi*, *Ca-*
rui. saccharo sem. cooper. an. 3. \mathfrak{iiij} . *Majorana* sicc. 3. \mathfrak{B} . gr.
Juniperi num. \mathfrak{xx} . *Cinamomi* 3. \mathfrak{B} . sp. *Diagalanga* 3. \mathfrak{j} .
Sacchari ros. tab. fiat pulvis: Capiat interdum manè, in-
terdum sub vesperam.

4. *Infusionem*: \mathfrak{R} . aqua *Vita* simpl. præstantiss. 3. \mathfrak{ij} \mathfrak{B} .
aqua *Cinamom.* 3. \mathfrak{j} . aqua *Salviae*, *Anthos* an. 3. \mathfrak{B} . *Zingib.*
Piperis, *Garyoph.* *Cubeb.* an. 3. \mathfrak{B} . conf. *Anacardina* 3. \mathfrak{j} .
miscantur, stent in infusione aliquamdiu, in loto cali-
do, colentur, donec clarum fiat; Capiat frequenter manè
b. \mathfrak{j} .

5. *Aquâ* hac manè oculos abluat: \mathfrak{R} . aqua *Fœni-*
3. \mathfrak{iiij} . aqua *Rutæ*, *Euphrasie* an. 3. \mathfrak{ij} . aqua *Ros.* 3. \mathfrak{j} .
Albi 3. \mathfrak{B} . misce, & Utatur.

Hac ratione restitutus, carus ab eo tempore nun-
quam amplius illum invasit.

Sopor

Sopor Vigilans eorum, qui inter dormiendum, nihilominus aliquid agunt.

JOHANNES Oporinus, insignis Typographus, nocte ingruente, urbe exclusus, cum parente meo, Thoma Platero, tunc temporis Typographo, ut in hospitio minùs commodo, noctem fallerent, Græcum exemplar corrigentes, cùm textum legeret Oporinus, obdormiens, à lectione tamen minime cessavit, postea excitatus, nihil eorum quæ legerat, penitus meminerat, cùm tamen integram legisset paginam.

Hoc in aliis quoque sæpiùs evenire vidi. Sic & mihi idem sæpe contigit, somnolentus enim, cum in lectum dormitum me contulissem, adhuc tamen aliquid legebam, & legendo obdormiscens, nihilominus in lectione pergebam, atque excitatus, me quidem legisse, sed propter somnũ nihil retinuisse, cognoscebam.

Dein & aliquoties mihi accidit, testudinem pulsanti, à càna, ut obdormiscens, in lusu aliquantulum nihilominus pergerem, quod & astantes fieri asseverabant, egoque observare potui: præsertim cùm mihi aliquando somno correpto, testudo è manibus elaberetur.

Alia munia, quæ loquendo, gestiendo, aliudve agendo, nonnunquam & ambulando, dormientes obcunt, cùm plerisque hoc notum, omitto.

Stupor

*Stupor seu Obstupescencia, à tumore
globoso glandulæ instar, in
cerebro genitò.*

CASPAR Bonécurtius nobilis Eques, sensim
per biennium mente alienari cœpit, adeò ut
tandem omnino attonitus, nihil secundùm ratio-
nem ageret: cibum nec petebat, nec nisi per vim in-
trusum capiebat: lectum nonnisi cœctus petebat,
sed ad mensam brachio innixus, continuò dormiens
ferè sedebat, nec nisi interrogatus sæpeque admo-
nitus, verba quædam, sed quæ ad rem minimè per-
tinebant, proferebat. Stillabat interim è naribus,
pituita aquea, copiosè frequenterque. Quibus sic
semianni spaciò se habentibus; tandem expiravit.
In causis perquirendis, nihil quod huic malo ansam
præbuerit, certiùs cognosci potuit, quàm ictus ca-
pitis, quo tribus aut quatuor annis antè perensus,
cerebri imbecillitatem, ab eo tempore, cœpit ex-
periri, cùm aliàs priùs, strenuus alioquin miles, ni-
hil tale sensisset. Calvariâ post mortem ipsius aper-
tâ, cerebroq; diducto, suprâ callosum cerebri cor-
pus, insignis tumor globosus, glandulæ instar car-
nosus, scirrhusus, fungosusque, pomi mediocris
magnitudine, deprehensus est, qui privatâ tunicâ
vestitus, venulisque erat confusus, ab omni tamen
connexione cum cerebri substantiâ liber, adeò ut
eâ sectionem, manibus exemptus, foveam infi-
mâ, aqueo humore mox repletâ, quo & ventri-
culi admodum dilatati diductique repleti erant,
se relinqueret. Quem globum, sua mole cere-
brum

brum illiusque ductus comprimentem, irrigantemque, hujus stuporis & torporis, tandemque mortis, occasionem fuisse,prehendimus. Cum tamen prius aliqui à veneficio, alii verò ab humoribus tantum, uti plerique Medici, cerebri morbos, hisce ascribunt, profectum hoc malum, asseverarent, donec patefacto cerebro, nobis, abstrusa & recondita hæc illius causa, innotuerit.

Apoplexia cum sanguinis profusione ex ore & naribus.

FOEMINA plethorica, rubicunda, ministri verbi Dei cujusdam uxor, cum in macellum prodire vellet, pecuniamque in mensa depositam acciperet, subito corruit, humique prostrata & tota resoluta, maximam sanguinis copiam, ex ore naribusque effudit, moxque extincta est. Quod & in aliis similiter accidisse vidi, uti & aliis, in ipso mortis agone & articulo luctantibus: interdum verò tunc primum, cum jam extincti essent. Cujus rei causam, à sanguine dependere, in tractu. Praxeos folio 26. ostendimus.

Apoplexia ex casu.

RUSTICUS ex urbe in villam rediens, Anno 1592. bene potus, in itinere in terram collapsus, surgere non amplius potuit, nec loqui: domum deportatus, ebrietati omnia accepta ferebant. Verum sequenti die, disculsâ ebrietate, nihilominus mutus mansit, unoque latere resoluta, altero quod movebat, admodum calente.

Et

Eccùm à sanguinis influxu hoc illi accidisse credimus, suasi 6. Maji, ut *venam* illi aperirent, verùm neglexerunt, cum adeò uti manè mihi referebant, utilis fuisset. Itaque ut *extrema* egregiè illi fricarent, treravi.

Et quia ægrè respirabat, *unguento Resumptivo* pedibus inungere jussi.

Tandem sanguinem excreare cœpit, & juscula hæ illi offerebantur, assumere. Calebat autem admodum. Itaque 8. Maji hunc *Julepum* exhibui: R. *Assacch. simpl. syrup. de Buglossa & Violarum an. ʒ. j. Violarum Primula veris & Ceresolii an. ʒ. ij. misce. Bibat huius vicibus manè & vespèri.*

Sed priùs nocte præcedenti, *suppositorio* alvum pateat. Post assumptionem *Julepi* 9. Maji, *venam* huius aperuit.

Et sequenti die *purgatione* hac usus est: R. *Rhab. ʒ. j. Mumia ʒ. j. el. de succo Ros. ʒ. j. ʒ. Cum aqua Cerebibeat.*

Altero die sumpsit *conservam Ros. & Primula Veris.* Et ita curatus fuit integrè.

Apoplexia subitanea.

NEX quidam Anno 1592. in pago subito cecidit, sensu & motu penitus destitutus, uti &

di *Elixir vite* nominatum, ex multis infusionibus, de quo guttatim, in illius fauces, instillare jussi. *Suppositorium* acre præcepti insigere, & sequenti die, deglutire cœpit.

Et iterum *elixir vite* cum aqua *Lavandula.* Et die hanc potionem: R. *tab. Diacarthami mœd. desc.*

16 IN MENTIS CONSTERNATIONE
desc. 3.ij. Diagrydii ꝑ.β. cum aqua Lavandulae & Salvia
fiat parva potio, quia adhuc ægrè deglutiebat. Mul-
tum deiecit & ad se omnino rediit.

Hydromel præscripti : R̃. Mellis poculum unum,
Aque Mens. j. semin. Erucæ 3. j. bulliant : Bibat loco vini ;
Sic exactè sanatus fuit.

*Apoplexia, ex cerebro dissoluto
& fluido.*

ANus quædam, Monspeßuli subitò apople-
xia tacta, expiravit, cujus calvariam, cum in
monasterio, antequam sepeliretur, aperiremus, ce-
rebrum illius, in meningē crassa, hinc inde fluctua-
re, deprehendimus, quod & dissectâ, apertaque,
durâ dictâ matre, liquoris alicujus spissioris, & albi
pulkem referentis, per faciē universam defluebat,
& hinc inde in pannos dispergebatur. Uti in Praxi
tract. 1. fol. 24. hujus casus, illiusque causæ mentio-
nem feci.

*Apoplexie metus in Capitis
gravedine.*

VIDE in Capitis dolore, Lib. II. Capitis gra-
vedo & fluctuatio.

Stupor mortalis ab assumpto opio.

CUM nobilis quidā podagricus, summis cru-
ciatibus affligeretur, nosque Medici illi adef-
semus, insciis nobis, Empiricus impostor, opium
illi propinavit, quò sumpto, cū mox ea nocte
dormiret, adeò valido sopore pressus, ut & sterteret,
gavila

primùm uxor, quòd de dolore non ampliùs
eretur, mox verò eum totum stupidum ob-
s, qui & impulsus, non è somno illo profun-
tabatur, nos excitavit, quem accedentes, in
mortis, summè calentem, & sudore frigi-
rim madentem, deprehendimus, sicque ex-
est.

Idem à narcotico sumpto.

EDICUS quidam celebris, febre epidemiâ
malignâ, per contagium, dum visitaret, ea-
infectos, è militia hâc transeuntes, corre-
mpatiens ob noctes insomnes, ter pilulas
narcoticas, quibus cùm tertia vice, in vigo-
i postremò usus esset, non solùm dormire,
ertere, donec multorum cum luctu, extre-
aceret spiritum, cœpit.

*Supor mortalis, à spiritu vel aqua
vini immodicè pota.*

pueros aliquot, & adultos, & senes, quia
itum Vini, quem Aquæ vitæ nomine ap-
immoderatè sumpserant, primùm summo-
ndi, postea attonitos stupere, ac si opium
, & stertere ad mortem usque, multoties
i.

*Supor, ex ebrietate noxius, quando-
que lethalis.*

Quos ex nimia Vini ingurgitatione,
n tantùm stupidos fieri, sed & mori, ob-

servavi: non aliter atque in Stupore, à narcoticorum, uti & vini spiritu accidere ostendi, simili stupore obrutos, fuisse extinctos. Qua ratione & aliqui ebrii, etsi rursus ad se redeant, trunci instar & attoniti adeò, ut nec impulsu, aut voce aut gestu. signum edant, in plateis jaceant, non minùs ac si opium magnâ sumplissent quantitate.

Stupor mortalis, ab exhalatione musti recentis, in cava vinaria effervescentis.

VINITOR quidam Anno 1613. tempore vendemiarum, cum in cella vinaria dolia musto implevisset, illudque effervesceret, vaporeque uti solet, acri & vehementi cavam implevisset, volens inspicere sua dolia, cum in cellam veniret, vaporem hunc hauriens, attonitus concidit, & statim expiravit.

Hoc idem anno præcedenti, in eadem cava, ex simili vini effervescencia, prædicti filio accidit, ut cum aliis eum sequentibus, in cellam descenderet, omnes corruerent, stupidi penitus, è quibus cum è cava exportarentur, duo statim expirarunt, tertius ægrè evasit.

Aliàs hoc quoque sæpè evenisse intellexi, existimoque, non à repletionem vaporum, & exhalationum istarum, quæ tam subito hominem suffocare, aut mentem consternare minimè possent, sed potius narcoticâ illarum vi. quæ uti in vino, quod jam deferbuit, ebrios reddit, sic maximè dum adhuc fervet, potenterque exhalat, attractus vapor, sensus in-

ernos externosque subito stupefaciens, re-
netunc, uti in apoplecticis sublatâ, homi-
teat.

*vapor mortalis, à prunis accensis, in
conclavi occluso.*

IM nuptias adolescens quidam, sponsus cum
pnsa juvene, celebraret, Anno 1582. ut cu-
n, in quo dormire volebant, nonnihil, frigo-
intensiore existente, calefacerent, prunas ar-
importari curarunt, à quibus, cum non pate-
caminum aliquem exitus, vapor suscitatus,
onjuges dormientes adeò attonitos reddi-
sponsus mox inde perierit : Sponsa verò
iens Vertiginem, & è lecto surgens, nuda
decidit, sicque stupida mansit, donec ma-
eos excitare vellent hospites, illum mor-
inc verò adhuc stupidam, in solo jacentem,
nt.

quoque duabus puellis nubilibus accidit,
n sub vesperam, carbonibus accensis, in ar-
lavi, balneum in labro calefacerent, &
lum in eo sederent, stupore præhensæ, cum
s observaret, matutino tempore demortuæ,
In eo adhuc sedens, altera pede uno è labro,
egredi voluisset, porrecto, & veluti rigida
nixa, deprehensæ sunt.

ini in ædibus cujusdam, in eodem cubili,
tione, ob prunas ardentes, in cameram
arritum, cum uxore & liberis, unâ nocte,

Atque in tugurio quodam, ubi vinum vendebatur, uxorem alicujus, quæ Vinum vendebat, prunis-que se calefaciebat, simili modo interiisse.

Stupor dæmoniacus, in quo corpus immobile & insensile rigeat, & collum inversum erat.

EXORCISTA quidam sacerdos Anno 1560. obsessos conjurando quæstum faciebat, in urbe quadam Helvetiæ, in cuius ædes, cum ob certas causas venire, à parente, cujus popularis erat, missus, ut eum ab hoc impio instituto averterem, ecce adfertur quidam, quem obsessum à Dæmone dicebant, vir robustus, indutus caligis dissectis, quem humeris gestatum, in pavementum conclavis projecerunt. Qui humi prostratus, pedibus attractis, manibus contortis, colloque, quod mirum, inverso, adeò ut facies dorsum respiceret, trunci instar immobilis, mutus & surdus jacebat: Narrabant illi, eum hoc situ, & formâ hac, aliquot dies, sine cibo & potu, nec excretionem aliquâ factâ, permansisse. Ego, percussus hoc terribili spectaculo, me mox subtraxi. Hic exorcista, eo anno, ad me Basileam devehctus, quod in coxa dolorem sentiret, nec ambulare posset, ut eum curarem, apud nos divertit: verum cum frustra multa adhiberentur, tandem mihi fassus est, à Dæmone hoc sibi contigisse. Quem cum ex obsesso, suis exorcismis vellet expellere, Dæmonem sibi tunc, uti ante sæpe, his verbis Germanicè minatum fuisse, *Psaff/ich will dir noch den lohn geben/dasß du mich also vertreibst/* simulque
ad fo-

ma, adeò violenter se detrusisse, ut coxâ illi-
tempore, hunc affectum, pateretur.

*us caducus, seu Epilepsia diuturna, &
ratica, in puella adulta, quæ nun-
quam menses habuit.*

FORIS cujusdam filia, adulta, colore mu-
no, melancholica, viso epileptici casu, eo
a, in epilepsiam incidit, eaquæ multos an-
ravit, ex improvviso sæpe corruens, idquæ
iùs circa novilunium, seipsam ex casu,
tu inordinato lædens: menstruis interim
opprexisis, quæ & nunquam viderat, neque
multis ulæ esset remdiis, promovere ullo
terat.

o principio praxeos meæ, Anno 1558. arti
ut hic aliquid præstarem, nomenq, mi-
rare, curam, non tamen aliquid temerè
aggressus sum, talem, quæ & huic malo
r, mensesq, simul promoveret. Ad præpa-
itaq, usæ fuit hoc *Apozemate*: R. rad. Gra-
agi, Rubiæ, an. ʒ. j. rad. Ireos, Eryngii, Acori
adic. Paoniæ rec. ʒ. ij. Herb. Melissæ, Hyssopi,
tonicæ, Arthemisiæ, Nepetæ an. M. j. Capill.
sch, Bugloss. utriusq, an. M. ʒ. quatuor Semin.
B. semin. Anisi ʒ. ij. semin. Paoniæ ʒ. iij. flor.
alviæ, Tamaricis, Genist, an. P. j. fiat decoctio,
j ʒ. dissolve Sacchari q. s. fiat *Apozema are-
om.* ʒ. j ʒ. Santali odor. ʒ. j. Nu. ismosch. ʒ. ʒ.
que matutinis.

præteritis, sequenti die sic purgata fuit.

R \mathfrak{x} . Tab. Diacarthami mearum, El. \mathfrak{cl} . Ind. majoris an. 3. ij. cum decocto radic. Paonia recentis 3. ij. facto, fiat Potio. Altero die sumat hunc bolum: R \mathfrak{x} . Mithridati 3. j. pulver. rad. Paonia 3. j. Sacchari parum: Misce.

Postea hasce formulas sæpe in ore continebat: R \mathfrak{x} . Succu Liquiritia 3. vj. Cinamom. el. 3. ij. Zingib. 3. j. Maceris, Garyophyl. Nucis mosch. Cubeb. an. 3. B. sem. Paonia 3. j. Sacchari candi 3. iiij. Excipiantur infusione gummi Tragach. fiant Formulae.

Cucupha sequentem pulverem insuebat, eamque noctu gestabat: R \mathfrak{x} . Mastiches 3. B. radic. & semin Paonia an. 3. ij. radic. Acori veri, cortic. Citri sicci, Galanga an. 3. j. flor. Rorismarini, Salvia, Paonia an. 3. B. Maceris, Garyoph. an. 3. B. Schœnanthi, Spicanardi, Ligni aloës ana 3. j. fiat Pulvis.

Pilulu usualibus singulis septimanis utebatur, talibus 3. j. pondere: R \mathfrak{x} . Agarici 3. ij. Mechoaca & Bryonia nostr. an. 3. j. B. Turbith Aloës succocitrin. an. 3. j. radic. Asari, Cassia ligrea, semin. Ocimi & Paonia an. 3. ij. Zingib. Garyophyl. Schœnanthi, Croci an. 3. j. Sarcocolla 3. B. cum succo rad. Paonia fiat Massa.

Utebatur hoc electuario per vices, capiendo 3. j. B. R \mathfrak{x} . cinerum Hirundinum, Ungula asini, & Cranij hominis crematorum. rad. Paonia, Visci quercin. an. 3. ij. radic. Pyrethri 3. j. herb. Hyssopi, Polij montan. Dielamni cretici, florum Stæchados an. 3. B. semin. Viticis, Paonia, Ocimi, Gallitrici vel Scarlea, Sileris mont. an. 3. j. Spica, Maceris, Cubeb. an. 3. B. Coralli utriusque 3. ij. Coaguli leporis 3. j. Cum syrupo de Paonia rec. q. s. fiat Electuarium. Horum usu, continuato toto ferè anno, liberata à paroxysmis fuit: & cum jam sana crederetur, tū sponte, tum meo consilio, si fortè menses ita cicerentur, nupsit.

Verum

um aliquandiu in matrimonio vivens bene,
corporis habitu, mensibus nihilominus de-
atur; ob quam causam pessaria, quibus ante
uti non licebat, indere iulsi: R². Rad. Asari,
an. 3. ij. Myrrhæ foliorum Ruta sicca. & Majorana
semin. Paonia 3. B. Galliamos. b. 3. ij. Contundan-
cipiantur Melle anthosato. addendo parum Fellis
3 j. fiant Pessaria. Quorum ulu, cum maxi-
lore, circa lumbos, tandem loco menstru-
rosus ichor effluxit, & vix dum cruentum
parebat.

idivam post annum, ex novo terrore alterius
ici, qui in templo ceciderat, passa, Venam
in brachio sequenti die in pede, aperuit.

hic sic purgata fuit: R². radic. Liquirit. Paonia
rad. Asari 3. ij. Polypodis querni 3. ij. sem. Car-
ij. Epithymi 3. B. Turbith 3. j. semin. Anisi 3. j. B.
had. Genist. an. P. j. fiat decoct. Infunde Agarici
& Rhab. an. 3. j. Zingib. spica an 3. B. Salu gem-
Oxymel. q. s. fiat potio. Per vices quoque ele-
urgante amaro, ut menses sic cicerentur, ute-
umendo 3 j. B. cum syrupo de Paonia: R². Hera
& Logadii an. 3. B. Diaphœnic. Diacarth. Dia-
3. ij. cum Oxymell. squillitico fiat Electuarium.
sivè nunc tabulis nunc sequenti electuario
à 3 j. ad 3 j. B. pondere.

la: R². semin. Ocimi, Scarleæ, Paonia, Palma
3. j. B. Visci quercin. rad. Paonia an. 3. j. Coralli
3. j. B. cineris Ungula asini & Cranii anterioris
an. 3. B. spec. Diamarg. frigid. 3 j. Sacchari dissol.
etonica & Paonia q. s. fiant tabula.

arium: R². rad. Paonia, Pentaphylli, Tormentilla

an. 3. ij. Aristoloch. rotund. Gentiana, Pyrethri ana 3. j. Herb. Polii montan. Polytrichi, Pulegii. Lingua passerina, Thymi an. 3. ʒ. sem. Paonia, Ocimi, Seseleos an. ʒ. ij. Cubeb. Carpobalsami, Cardamomi an. ʒ. j. Cinerum Hirundin. & Pica, Rasura cornu cervi. an. 3. ʒ. Sacchari dissoluti & cocti cum succi Paonia ʒ. iiij. fiat Electuarium.

Rursum post horum usum, longo tempore, libera à paroxysmo fuit. Sed cum facilè, re quavis vel levissimâ & præsertim mariti jurgiis, admodum perterrefieret, factum, ut denuò hanc ob causam, paroxysmi redirent, qui aliàs, quando non terrebatur, minimè eam infestabant. Verùm cum semel subito perculsa caderet, læsis temporibus, non multo post fuit extincta.

Epilepsia diuturna, quæ à tumore in manu suborto, & in ulcus converso, originem sumpsit.

FABRO claustrario, annorum circiter viginti, An. 1601. apud ejusdem artis opificem, Bernæ operanti, tumor exiguus subortus est, in vola manus dextræ, sub radice minimi digiti, cum dolore, qui tumore crescente augebatur. Post dies aliquot, nihil gravius sentiens, subito corruit, epilepsiâ præhensus, convulsus, sensibus sublati, motuque inordinato aliquamdiu agitatus. Finito paroxysmo adferediens, munia consueta obivit. Verùm exactis diebus 14. paroxysmus rediit: ab eo, diebus octo post, denuò recidivam passus. Quo magister perterritus, eum à se dimisit. Itaq; in patriam ad nos reversus, Magistratu sumptus pro remediis solvente, sic cura fuit instituta.

Purga.

purgatus fuit 13. Aug. 1601. primùm, hoc pacto:
lic. Paoniae rec. 3. ij. Polypodii 3. j. ʒ. sol. Sennae 3. ij.
onis 3. ʒ. sem. Fœnic. 3. ij. Fumariæ M. j. fiat decoctio
in Aqua & Vino pro tribus vicibus sumenda.

De pulvere usus est sequenti, 18. Aug. *Rj. Cranii*
trititi 3. ij. rad. Paoniae, Ungulae asini ana 3. j. ʒ. ci-
trundinum ʒ. j. Visci quer. 3. ʒ. rasura Eboris 3. j.
ad pondus omnium, fiat pulvis, Capiat sing.
anis. coch. j.

De bibendo, *Aqua fl. Paonia 3. j. ʒ.*

novo purgatus fuit 3. Septemb. sequenti modo:
tari Vini 3. ij. Diagrydii ʒ. ʒ. semin. Anisi ʒ. j. rad.
3. ʒ. Sacchari albi 3. vj. fiat pulvis pro tribus vici-
bus sumendus.

Septemb. incepit uti sequenti electuario: *Rj.*
centis incisa, Mellis opt. ana 3. ij. Visci quer. 3. j.
opi, Ruta an. 3. ʒ. Agarici 3. j. Cranii hominis 3. ij.
in fusione ad solem per tres dies: Exprimatur suc-
cus, Capiat de hoc coch. j. bis in se-
ptemb.

Postremis duobus remediis, paroxysmum,
 per quam cum vellicatione quadam, in ma-
 ede, sensit, 15. Septemb. sine sensus & motus
 alia mutatione, unde spes sanationis con-

ptemb. rediit convulsiva palpitatio, in ma-
 um, indeque vaporis instar, descendisse in
 ni licet inde vacillarint, non tamen adeò ut
 mihi significavit.

25. Septemb. Post usum remediorum, huc-
 surpatorum, ne natura illis assuesceret, sic
 ea mutata: *Rj. Theriacæ veteris 3. vj. rad. & sem.*

Paonia. Visci quer an. 3. ij. semin. Gallitrici & O. imi an. 3. j. Cranii hominis 3. ss. cum melle squall. fiat Opiata. Detur 3. j. cubitum ituro & continuetur.

Sulavit insuper, in balneo sicco semel, post usum Opiata, unde se valde confirmatum aiebat.

Septemb. ultimo, tumor in manu, ab initio subortus, valde auctus est, cum rubore & dolore ingenti, dicebatque, initium paroxysmorum præcedentium, semper illic abortum, sensisseque prius aliquid instar glaciei, ab eo loco in brachium, indeque in pedes descendere, posteaque in totum corpus dispergi, antequam corrueret. Quibus indiciis præmonitus, ne ex casu periclitaretur, mox sedendo, vel cubando eum avertere potuit.

Emplastrum Diachylon tumori fuit appositum, quod per totius mensis spatium, aliquoties renovatum, gestavit, donec suppuratus tumor, in abscessum conversus, magnam puris copiam, profudit. Liber à paroxysmo, de aliis nihil est conquestus.

I. Novemb. Corruptus denuò sævissimo epileptico paroxysmo, sumpsit sequenti die: *Rx. pilul. Cochiarum, Aurearum an 3 ss. cum aqua Paonia fiant pilule 9. copiosè deiecit.* Chirurgo commissà fuit, ulceris in manu tractatio.

II. Novemb. ut occurrerem paroxysmo qui metuebatur, *Cauterium in cervicis posteriore regione fuit appositum. unde eschara inusta decidit 21. Novemb. ulcusque, apertum, ut solet, servatum, tractatumque, à quo tempore licet præludia quædam paroxysmi sentiret, non tamen eo usque ut caderet, invaluerunt.*

28. Novemb. *pilule sequentes ordinatæ: Rx. Calorei, Assæ fæt. ana 3. j. gummi Ammon Sagapeni diss. in Aceto*

to squill. an. ʒ. ij. Fells bovis ʒ. j. olei Succini gut. 8.
 Succo rad. Paonia fiant pil. pond. ʒ. ʒ. Capiat unam
 le cubitum iturus aliquoties.

5. Decemb. iterum fuit purgatus: R. pil. Aggregat.
 cum aqua Paonia fiant pilula, deiecit per biduum
 rs.

Ut Vinum sequens biberet inunctum: R. radic.
 ana ʒ. iij. Ireos, Enula camp. an. ʒ. ʒ. herbar. Salvia,
 orana, Chamapit. ana ʒ. ij. semin. Paonia ʒ. iij. semin.
 iculi ʒ. j. incidantur pro duabus mensuris Vini: Bibit
 pilulis matutinis haustum.

Ab eo tempore, quo fontanella fluebat, sex septi-
 tarum spatio, liber fuit à paroxysmo, & post
 præscripti usum, dicebat, convulsivos illos mo-
 eū palpitationes, in pedibus, cessasse, saltem in
 thio remanere. Quapropter etiam brachio cau-
 tem fuit applicatum 2. Januarii Anno 1602. Ulce-
 ducto, dicebat se noctu ter aut quater sensisse
 vulsionem levem, in digitis, sed non alibi.

Quapropter iterum pilulis Aggregativis fuit purga-
 o. Januarii. Vinumq; denuò prius præscriptum,
 et ad 3 Februar. usque, Cauteriumq; tertium in sura
 dextri fuit appositum, dennoq; pilulis purgatus.
 Cum adhuc sentiret reliquias aliquas 3. Martii,
 pit hoc electuario uti: R. rad. Paonia, Pyrethri an.
 yssopi semin. Paonia ana ʒ. ij. Mellis scillit q. s. misce-
 ur singulis matutinis.

Postmodum sentiebat tantum, ut exponerat ab
 re manus, vaporem per brachiū ferri sibilo ve-
 p fisen/ & quasi per cauterium brachii, & nuchæ
 ræ pedis evaporari, alioquin graviolem paro-
 num non sentiens, neq; à 1. Novemb. cecidisse.

Circa

Circa finem Martii cùm esset plethoricus, *vena brachii dextri aperta fuit*, atque repetiit *electuarium ex Cranio & rad. Peonia paratum*, nec dum paroxysmus aliquis rediit.

De ulcere manus jam maximè conquerebatur, quod fistulosum factum erat, osque subjectum cariosum, & cùm à chirurgo hospitalis segniter curaretur, atque cum ex hospitali, ubi sustentabatur, ablegare vellent, tanquam sanum, qui jam per totum annum atq; aliquot menses, nullum paroxysmum sensisset, beneque comederet & biberet, ipse desperabundus 30. Januar. Anno 1603. clàm noctu, nudus è lecto surgens, in vicinam cloacam, priùs vulnere, in thorace sibi inflicto, se præcipitem dedit, illicque suffocatus, manè repertus est.

Epilepsia in Puella.

PUELLA quædam rustica, vigenariâ major, bono corporis habitu & colore alioquin, ancillans alicui, aliquoties paroxysmo epileptico correpta, corruit. Ad me adducta An. 1597. consilii causâ 29. Januar. sequentibus ut uteretur injunxi.

Primum purgata fuit Electuario meo consueto.

Postea venam aperuit in brachio.

Tertiò vino hoc usa est: *R. rad. Peonie sicca lb. β. rad. Ireos, Enule ana ℥. j. herbar. Salvia, Majorana, Chamapit. an. ℥. β. seminum Fœniculi 3. ij. seminum Peonie ℥. β. conquassentur pro mensuris tribus vini: Bibat singulis matutinis, posteaquam jusculum sumpsit.*

Hiscè cùm ad 17. Februar. usq; usa fuisset, reversa cum patre, interea semel tantum paroxysmum se passam

am fuisse, referebat. Jussi ut denuò *venam aperi-*
sed in pede, quia menses segniùs fluebant.
 Postea ab epilepsia liberata, denuò se ad priorem
 im contulit, nec postea aliquid passa est.

Epilepsia in Infante.

ER triduum ferè, paroxysmis epilepticis corri-
 piebatur, puella infans. Anno 1558.

Isi succum Rutæ cum Aceto fortiss. permixtum, in
a naribus adhibere, quando paroxysmo infestabatur,
usui, statim ad se redibat, sed mox iterum reci-
 n patiebatur, brevibus tamen quando hæc na-
 admovebat paroxysmis.

plastrum hoc cordis Regioni applicavimus:
riatæ vera 3. j. rad. Paoniæ pul. 3. ℞. misce.

in pulverem rad. Paoniæ capilli conspergantur.
 ic, præter omnem spem evasit.

Catalepsis vel Epilepsia, ex nimia animi intentione.

omotione publica, cum aliqui Doctoris ti-
 decorandi essent, Anno 1595. unus ex Can-
 dum perorat, subito corruit, totus attonitus,
 su & motu, in quo paroxysmo, è brabeute-
 onclave deportatus, aliquantulum permân-
 e ad motis & exhibitis refocillantibus ad se

an syncope, vel epilepsia esset dubitaretur,
 prius hoc affectu laborasse ipse fateretur,
 eos speciè, ex nimia animi intentione in-
 tionem, ut eam memoriter rectè diceret,
 in tan-

30 IN MENTIS CONSTERNATIONE
in tanta hominum multitudine, spiritibus diffusis
prognatam, esse judicavi, cui & prægressa studia
diurna nocturnaque, ut se ad disputationes & exa-
mina præpararet, occasionem præbuerunt, capitis-
que aliqua imbecillitas, & humorum melancholi-
corum copia.

Metuens autem ne paroxysmus reverteretur, re-
manente post ipsum corporis imbecillitate, capitis
dolore & gravedine, imprimis verò ne in epilep-
siam trāsiret, hic affectus, meo consilio 8. Decemb.
sic purgatus fuit: R. syr. Ros. sol. cum inf. rhabarb. & senæ
℥. j. Catholici ℥. ℞. cum aquis utriusque Buglossi, misce;
Bibat.

Sequenti die 9. Decemb. præparans hoc sumpsit:
R. syr. de Hyssopo, de Fumaria an. ℥. j. aquarum Betonica
℥. ij. Cinam. ℥. ℞. misce fiat Julep.

Postea per vices denuo purgatus fuit, tribus die-
bus 10. 11. 12. Decemb. R. rad. Aperitivar. in Vino ma-
cerat. an. ℥. ℞. rad. Buglossi rec. ℥. j. rad. Pæonia rec. ℥. j. ℞.
cort. Tamaricis 3. vj. rad. Liquiritiæ ℥. j. herb. Hyssopi, Fu-
maria, Melissa, Betonica, Thymi ana M. j. fl. Cordial. an.
P. j. semin. Fœniculi 3. ij. sem. Anisi. 3. j. sem. Pæonia 3. j. ℞.
Pas. ℥. ℞. sol. Senæ ℥. j. ℞. Polypodii 3. ij. Epithymi ℥. ℞. fiat
decoctio. infunde Agarici 3. iij. Zingib. 3. j. adde Sacchari
q. s. arom. Cinamom. Utatur.

Quarta vice 13. Decemb. ultimum purgans subje-
ci: R. Rhabarb. inf. in aqua Endivia & expr. 3. iij. el. de
succo Ros. 3. ij. syr. Ros. sol. cum inf. senæ 3. vj. fiat potio.

Deinde ulus est hoc electuario: R. conservæ fl. Sta-
chados, Rosmarini, Salviæ, Betonica. fl. Pæonia ana 3. j.
conserv. fl. Cichorii, & Viol. ana 3. ℞. radic. Pyrethri, sol.
Hyssopi ana 3. j. sem. Ocim. radic. Pæonia ana 3. ℞. cum
Melle

scillitico fiat electuarium; Capiat alternis die-
bolum unum.

Decemb. quia adhuc propter accidentia pur-
ge videbatur opus habere, dedi sequentem
m. R. tab. Diacarthami 3. iij. syr. Ros sol. cum infus.
& Sena 3. j. aquarum Salvia & Hyssopi q. s. fiat
A' quâ bene purgatus fuit & allevatus.

uenti die corroborationis causâ, dedi bolum
erva Majorana, Ros. ana 3. j.

tea manè formulas per dies aliquot masticare
quentes, atque exspuere: R. Nucis mosc. 3. j.
ubri. sem. Sinapis an. 3. ij. Cubeb. Piperis, Galanga,
elice an. 3. j. Mastiches 3. B. fiat pulvis, excipiatur
erâ, fiant formula instar avellana.

a finem Decembris, cùm jam satis bene se
atq; abitum pararet, ut quo pacto deinceps
ffectu se præservaret, edocerem, rogavit.
m causam illi sequentia præscripsi.

jam tertio sic purgatus, ut nihilominus ele-
quenti purgante septimanatim uteretur, ad
m, ne nova denuò illuvies colligatur, suasi.
lici, Cassia extr. cum Sena an. 3. j. elect. de suc-
aphæn. an. 3. iij. Cinamom. 3. ij. Caryophyl. 3. B.
os. sol. fiat instar electuarii: Capiat 3. ij. vel iij.
erabitur, superbibendo jusculum Pisorum
mrubrorum.

die post usum electuarii purgantis, tabulam
sequentibus sumat, quæ in capitis affecti-
antis. habentur: R. nucum Mosc. numero iij.
bri 3. j. sol. Salvia, Majorana, fl. Lavandula,
3. B. sem. Nigella 3. j. Cinam. 3. j. B. Caryoph.
ia 3. B. Crani hominis preparat cineris Hi-
rund.

32 IN MENTIS CONSTERNATIONE
*rund. an. 3. ʒ. Sacchari ʒ. vj. dissoluti in aqua Salvia fiant
tabula pond. 3. j ʒ.*

Quiescat tertio die, quarto verò à purgatione die, *electuario* utatur *confortante* priùs descripto, rursùmq; die quinto à medicamentis absteineat, uti & sexto, septimo verò denuo *electuario* purgante utatur, & post illius usum, *tabulis electuarioq; confortante*, iisdem diebus, ut priùs dictum, hunc ordinem aliquandiu continuando.

Aquam sequentem, quæ epilepsiam singulariter præcavet, mensura *cochl. ij. vel iij.* post assumptionem *electuarii confortantis*, semel in septimana bibat, quæ sic paranda erit: *R. Hirundinum pullorum numero x. Pica pull. nu. v. Ruta M. j. radic. Pæoniæ ʒ. ij. Castorei 3. j. Spec. Diamarg. Diamosc. ana 3. j. affunde Vinum Malvaticum, eliciatur aqua.*

Cucupham sequentem noctu in capite gestet: *R. radic. Ireos 3. vj. radic. Cyperi. sol. Majoranæ, fl. Lavandulæ, Ros. rubr. ana 3. j. semin. Coriandri ʒ. ij. semin. Nigellæ 3. j. Storacis Cal. 3. j. ʒ. fiat pulvis, insuatur pileolo nocturno.*

Interea convenienti utatur victus ratione, quæ moderata sit & simplex, certoq; tempore ordinata. Imprimis temperantia in Vino adhibenda.

Ineunte Vere, eadem ratione Venæ sectione, præparatione & purgatione utatur, sicuti hæc ab initio illi superius præscripta fuerunt.

Cata-

*Catalepsis seu convulsio, ex Vini generosi
potatione, sensibus non omni-
no sublati.*

MERCATOR quidam, procerus, intemperanter solitus vivere, iracundus, cum in cena quadam ad medium noctis usque commessando, Vinumque Muscatum seu Passum forte, quod aqua vitæ mistum esse, ex sapore judicabatur, bibendo se inebriasset, per reliquum noctis erapulam edor- nivit; Manè verò 17. Novemb. Anno 1601. sitiens, junus idem Vinum bibit, & domo egressus, se- mel atq; iterum se titubare conquestus est. Domum versus, cum in taberna aromataria, ad carbones censos staret, subito corruit, dorsumque in cra- ni ferreum, in quo carbones ardebant, allisit; In- totus attonitus, stupidusque factus, in lectumque atus, biliosam materiam evomit, & membra pusque hinc inde volutavit, cum dentium stri- ge, neminem agnoscens, nec verbum ullum pro- ns, nihilominus tamen intuitu & ad interroga- & ex contactu corpus movendo, se sensus mini- misisse, declarabat.

ocatus Medicus, Convulsionē & animi defectū suspicatus, sequentē *Julepum* illi præscripsit, qui
Cinam. ʒ. j. Julepi ros. ʒ. ʒ. fol. Auri num. iij. Margar.
at. pulvis rad. Paonia an. ʒ. j. aq. Primula veris ʒ. ʒ.
ratus fuit bis vel ter hic *Julepus*, de quo tamen,
in os per vim infunderent, nihil vel parū de-
bat, uti nec juscula, nec potum, vel aliud quid-
oblatū, sumere, idq; toto ferè triduo, potuit.

Sub vesperam accersitus, Convulsionem esse, quæ, uti aliàs solet, non ad intermissionem aliquam perfectam veniret, sed ad catalepsicos aliquam speciem inclinaret, causâ non sublatâ, aut à nervoso genere derivatâ, judicavi.

Vomitorium exhibuissem, verùm cum nihil sumeret, in crastinum distuli, præsertim cum summe esset debilis, pulsus, & extrema frigerent, quæ periculum denotabant. Nox inquieta, motus admodum violenti, integumentis abjectis, corpusq; quaquaversum jactans.

Sequenti die, manè, extrema rursum calebant, pulsus citus, valde inquietus, oculi aperti, quibus singula torvè inspieiebat, totus mutus, insomnis & prostratus, convulsivis paroxysmis, aliquando manifestis supervenientibus: & quia respiratio difficilis, *vomitorium* exhibere non ausus eram. Præscriptimus ideò *suppositoria* duo; R̄. Mellis cocti q. s. pro duobus *suppositoriis*, cum Sale gemmæ, addendo rad. Pyrethri 3. j. specierum Hiera, Colocynth. an. 3. ℞. fiant duo *suppositoria*. Intruso primo, nihil fuit promotum, cum alterum inderet, alvus soluta fuit.

Nares sub vesperam inunctæ fuerunt, sequenti *Linimento*, ad vapores à cerebro derivandos; R̄. succi Ruta 3. ℞. Oxymelitis scillitic. 3. ij. Castorei 3. ℞. radic. Pyrethri, sem. Nigell. an. 3. j. misce: Pro illinitione narium.

Aqua postea præscripta fuit, si fortè quid sumeret; R̄. aquæ Pæoniæ, aq. Cinamomi an. 3. j. spec. Cord. 3. j. Misce.

Nulla adhuc mutatio eâ die, nec sequenti nocte.

Tertio die, sequenti manè, *vomitorium* meum, ex aqua Nucum maceratarum, cum Raphano in Aceto paratum,

tum, ori illius per vim infusum bibit, cui tantillum
infusi Helleborati mixtum fuit. Unde bis copiosam,
 subviridem & flavam evomuit materiam.

Sub vesp̄eram *Clyster* injectus, quem ne rejiceret,
 panno podici appresso, cautum fuit: *R. rad. Ireos,*
Bryonia ana ʒ. j. Cyclaminis ʒ. vj. Salvia, Chamæpit. ana
M. j. rad. Pyrethri ʒ. ʒ. Agarici ʒ. iij. flor. Anthos, Lavan-
dula, Pæonia ana P. j. sem. Ruta ʒ. ij. Carui ʒ. iij. fiat de-
coctio; Dissolv. Mellis ʒ. j. ʒ. Hier. Logad ʒ. ʒ. ol. Rutæ ʒ. ij.
Sacch ʒ. j. fiat Clyster. Egregiè inde similem huic quam
 vomuerat, materiam dejecit, semelq; è lecto erum-
 pens, erectus, neminem interim cognoscens, in hy-
 pocautum minxit.

Cùm nec cibum, nec potum, ori inditum, de-
 glutiret, & toto jam triduo jejunos esset, impedi-
 mentum deglutitionis à cōvulsione prodire suspi-
 catus, nucham inungere iussi, *ol. Costini & Lumbrico-*
rum ana æq. partibus.

Sub noctem dormire cœpit, & circa medium
 noctis expergefactus, astantes cognoscere, loqui,
 de Cardialgia & membrorum languore, & dolore
 Capitis conqueri, juscula admittere, & quia nullo-
 rum quæ passus erat, recordabatur, se lecto detineri
 urabatur.

Et cùm manè conveniremus, quam ob causam
 fieret, interrogabat, atque se eâ primùm nocte
 rotare cœpisse, ex Cardialgia, conquestus.

Purgationem requiri admonitus, eam in crasti-
 num differre voluit. Quo diacydonium meum su-
 pens, post horam, dejectione subsequente, no-
 vies purgatus fuit. Ab eoq; tempore sen-
 sim, se recollegit.

Convulsio post Carum.

VIDE in Mentis imbecillitate. Lib. I. Sopor gravis seu Caros, &c.

Convulsio post Resolutionem.

VIDE in Motus impotentia. Lib. II. Resolutio seu paralyphs corporis, &c.

Convulsio in Febre.

VIDE in Febribus Lib. II. Febris, cōvulsio, &c.

Convulsio lethalis, ob terrorem, ex intuitu suspensi, incussum pronata.

PUELLÆ, veris initio, in prata extra urbem, excurrentes, cū ad locum supplicii, ubi patibulum erectum erat, pervenissent, illicq; cadaver, non ita diu suspensum, cernerent: Una ex illis, lapidibus aliquoties in altum jactis, cū cadaver tetigisset, illud ex hoc impulsu fluctuavit. Quo perterrita, sibi-que eum vivere, seq; invadere velle, imaginata est, domumq; mœsta & melancholica reversa, & continuo timore divexata, post dies aliquot in convulsiones incidens, mortua est.

Convulsio lethalis, ob terrorem & metum, inspecti cadaveris, exorta.

ALIA puella trans-Rhenana 16. annorum, sepulchrum recens apertum, ingressa, fetetro jam pridem illie putrefacto & aperto, in quo, cadaver

daverincorruptum matronæ cujusdam, postquam manibus contrectasset, & aliquomodo brachia cadaveris, elevasset; subitò inde perterrefacta, domum reversa, convulsionibus ex terrore adeò fuit divexata, ut oculi, ex sua orbita prolapsi, viderentur, tandemque vitâ cum morte commutatâ, sequenti die, in vicinum sepulchrum, ac si cadaver eam vocitasset, uti nocte præcedenti clamitabat, sit collocata.

Convulsio ab ira procedens, quâ quædam, in prima nocte sponsalium, extincta est.

CAPITANEUS quidam Helvetius, viduam juvenculam, divitem, ducturus, cum sponsa is indictis, in contractu matrimoniali, inter fratres sponsæ ipsumque, de donatione propter nuptias, non conveniret, ipsa que offensa, quòd ab illis ediretur, quò minus sponso, quantum cupiebat, legare posset, cum irâ percita, à cœnâ, abstinuisset, noctu cum sponso dormiens, convulsionibus, subitò extincta est. Unde alia sponsæ fratres, sponsumque exorta est, dotem negantes, quòd nuptiæ nondum consummant; aliis dicentibus, nondum eum, consuetum cum illa, tam subitò habere potuisse; aliis vero affirmantibus, illum, eam nimium exoritur, interfecisse. Sponsus nihil asseverare volens, mille florenos, dotis nomine, obtinuit.

IN MENTIS ALIENATIONE
OBSERVATIONES.

Stultitia originalis.

FATUOS seu stultos ab ortu, multos hinc inde videmus, qui mox in ipsa infantia, stultitiæ indicia, gesticulando, ridendo, præbent, qui non facile obtemperant, aut dociles sunt, nec quicquam, quod industriam aliquam requirit, addiscunt, sed jocando, nugando, & sinistrè pleraq; agendo, risum præbent, & magnatibus, qui horum stultorum consuetudine delectantur, voluptatem adferunt, & proin, in ipsorum aulis, educantur.

Alios quoque cognovimus, minùs fatuos, qui licèt pleraque vitæ munia rectè obirent, & in certis artibus essent industrii, tamen in hoc stultitiam suam proderent, quòd se laudari gestirent, & res ludicras nugasque simul narrarent & agerent. Qualem vidi, in Principis alicujus aula, Georgium nomine, qui egregius erat architectus, & sculptor, Principi acceptus: Alium quoque insignem musicum, cætera fatuum.

Sunt & aliqui stulti, qui præter innatam stulticiam, vitiis quibusdam, à natura, notati sunt: Quorum aliqui passim occurrunt, maximè verò in certis regionibus frequentiores inveniuntur; Uti in Valesiæ pago, Bremis appellato, plurimos in viis sedentes, quorù aliqui, ad me Sedunum delati fuerunt, an fortè aliquid auxilii ipsis adferre possem, vidi, capite informi interdum, linguâ immensâ

& tu

& tumidâ, mucos, strumoso simul aliquando guttore, aspectu deformi, qui ante suas ædes collocati, orbo visu solem intuebantur. ac bacillis digitorum interstitiis inditis, corpusq; variè torquentes, oreq; idusto, cachinnum & admirationem, prætereuntibus movebant: sicuti horum etiam, uti & aliorum, Praxi nostra, obiter mentionem fecimus.

Stultitia acquisititia.

NUM in aulis Principum, & apud magnates, factuos in pretio haberi, atque sustentari, assentantes, & Gnatones aliqui, videant: atque etiam eos, si stulta multa loquuntur, & agunt, risumque movet, conviviis & commestationibus adhiberi, grati esse, student aliqui nugando, gratiam hanc maxime, ut amentur & sustententur, sibi conciliare. hisque, multi se stultos esse, simulant, & ut probus habeantur, verbis factisq; student. Quâ tantâ consuetudine, diu continuatâ, ita naturâ suam vertunt, ut licet postea, senescentes relegentur, amplius, nisi stulta loqui, & agere, queant, acquisititiam illam stultitiam, deponere. Quod ultis accidisse observavi.

ut & referri possent, qui licet se stultos esse, mihi profiteantur, nec pro talibus, haberi velint, tamen stultitiam quandam, se ex consuetudine praxiisse, nec amplius eam exuere posse, eo potissimum odunt, quod, ut jocosi esse videantur, & risum ceteris moveant, pleraq; cum risu & cachinno, hæc dicunt, nullis sint condita salibus, narrant, hac stultitia, perseverant. In quos, hoc dictum, *risum multum, poteris cognoscere stultum,*

Temulentia cuiusdam ebrii, qui splendorem Lunæ fluvium esse, sibi imaginabatur.

QUO pacto, ex nimio potu & ingurgitatione Vini, aliqui stulti & jocosī, alii irati & furibundi, alii tristes & melancholici, alii somnolenti & stupidi fiant, in Praxi nostra, sub titulo temulentia, ostendimus. Quorum historias infinitas, quæ indies se offerunt, partim ridiculas, partim serias & admirandas, recensere possemus, quas tamen studio omittimus. Sufficiat tres exposuisse jocosas. Ebrius quidam, noctu, dum domum reverteretur, in platea, splendorem Lunæ, in terra intuens, existimabat fluvium se videre profundum, itaque se exuens, & humi procumbens, ad natandum, se deceptum demumprehendit.

Ebrius qui lucem diei, Lunæ splendorem esse, putabat.

ALIIUS quidam totam noctem pergræcatus, & circa diluculum, somno oppressus, domum reversurus circa meridiem, diem, Lunæ splendorem arbitratus, sibi accensâ lucernâ, quasi de nocte, præluceri passus est.

Temulentia, in qua quidam ebrius, se diu mingere credebatur.

ALTER bene potus, ad fontem aquæ salientis perveniens, illic urinam reddere cœpit, nec inde recessit, donec à quodam prætereunte, fuit admo-

monitus. Cui roganti quid ageret, respondit, se
 illimasse, quàm diu strepitum aquæ fluentis au-
 det, hunc, à sua urina emissâ, provenire, & proin-
 diu substituisse: nam supra horæ spatium, velu-
 tingens, illic hæterat.

*Ebrietas, quando Vinum plus iusto bi-
 bendum, quomodo aliquomodo,
 caveri possit.*

INTERROGATUS sæpenumero, cū tot annos ab
 ris plurimis frequenter accersitus, Principibus
 ibus, & aliis magnatibus, apud quos splendide
 r, mihi caveri potuerim, quò minùs ab illis,
 andum invitatus, uti moris est, inde noxam
 n contraxerim, & ad hanc grandem & vege-
 atem, salvus pervenire, potuerim? Respondi
 d & verum erat, me in convivii, quæ in multas
 etrahuntur, ab initio ad horam unam vel etiam
 otu abstinere posse, idq; eò faciliùs, quòd sitis me
 at, donec ad satietatem scèrè comederim, tum q;
 iculo cibis referto, etsi quandoq; liberaliùs bibens,
 ffensam inde me hæcenus sensisse. Quod cū
 idam, me suadente, fecissent, se quoque,
 orietatem, egregiè fuisse præmunitos, mi-
 lsi.

*As à potu Vini contracta, quomodo
 mendari aliquomodo possit.*

remedia, quæ ebrietati resistunt, & quò
 a dat, juvant, imprimis acida, vim Vini
 jam diu observavi, uti & aliorum narco-

ricorum, sicuti in Praxi mea *Acetum*, & Solani furiosi, & Papaveris, vires retundere, demonstravi: Ita & Vini, eam proprietatem qua inebriat, & stupidos attonitosque reddit. Quod experienciâ cognoscētes ebriosi quidam, domum à crapula reversi, vel haustum *Aceti* bibendo, vel *Caules capitatos* & *Rapas conditurâ acidas redditas* comedendo, nihil gravius à largiori potu patiuntur: aliquosque insignes potatores, frequenter se inebriantes, hacque arte sibi prospiciendo, ad multos annos perseverare posse, jam diu notavi.

Animi perturbatio in muliere, ob laborem levis momenti.

MULIER quædam, quòd vestes indies induere, rursusque noctu, cùm dormitum esset eundum, se exuere cogeretur, mirè angebatur, & parocho suo, cum lachrymis, de ea molestia, conquerabatur.

Animi perturbatio in alia, quòd sordes intra suum corpus inclusas, gestaret, se affligente.

NOBILEM cognovi mulierem, munditiei supra modum studiosam, & delicatulam, hac phantasiâ se torquentem, quòd cùm vidisset, porcos aliave animalia, mactari & exenterari, cogitaret se quoque ejusmodi exta & sordes foetidas, uti nominabat, in proprio corpore inclusa, gestare. Ex quo tantum fastidium conceperat, ut suum ipsius corpus odio prosequeretur, & nescire se dicens, quo pacto,

peccato, se ab hac immunditie liberaret, & hac phantasia continuò vexabatur, de quo, seriò sæpe mihi, magno animi cum affectu, est conquesta, & quando illum continere vix poteram, offendebatur.

Animi perturbatio, ex imaginatione falsa, quâ quidam, se ranam vivam, in corpore, à multis annis alere, sibi persuadebat.

U V E N I S quidam in sua patria, in profluente, animi gratiâ lavans, capite in aquammerso, cum ea, se foeturam ranarum, quæ flumini innatat, simul hausisse existimavit. Quo admodum territus, sibi vivam ranam, in ventriculo vel intestinis hædere, illicque ex cibo & potu assumpto, erere, adeò certò persuadebat, ut nemo illi, hanc opinionem ex animo delere, multis annis postea posset. Medicinæ operam dabat, fortè eo consilio, ut sibi mederi posset: in quo studio, toto septentrione Germania, Italia, & apud nos Basilea, ita fecit, ut honos Doctoratus, illi cum laude fuerit tributus.

Tristebatur infinitis remediis, ad ranam hanc, ut dicebat, enecandam expellendamque, Medicos passim consulens, postquam ex Italia rediisset, etiam consilio & operâ usus, Anno 1609. Cui, cum adhuc hanc opinionem, rationibus firmis eximere non, flatus esse, qui per ructus erumpentes, hunc ventrem, quem ille, à rana coaxante proficisci, putarent, mordicè nihilominus contradicebat, bare ore & scripto nitebatur, flatus minime esse,

esse, sed vocem ranæ, quod rusticis coram me editis, nonne audis? inquires, demonstrare volebat, atque ex motu, se eam sentire, & quod nullam quietem haberet, cā esuriente, nisi cibum caperet, multis verbis contendebat, addens & hoc, Medicum, si hoc credere nolit, quod ipse certum esse sciat, remedia alia, frustra sibi exhibiturum.

Volueram illum pharmaco propinato, & clām in sellam purgatoriam, ranā suppositā, fallere, & sic hāc phantasiā illi eximere: verū quod esset Medicus, & hęc omnia exactè novisset, non potuit illi hac ratione, quia diligenter omnia observabat, fucus fieri. Et cū vehementer instaret, ut ea tantū, quæ vivum animal, veluti lumbricos, serpentes, ranas, similiaque in corpore contenta, enecare possent, eaque efficacissima exhiberem, multa enim ab aliis sumpta, nihil effecisse, ut illi morem gererem, amarissima, aliaque adversa hisce bestiis, & quæ ea, si illic essent, suffocare possent, præscripsi, quæ cū & in vermibus delendis, conferant, quibus maximè infestatur homo, ea quoque, hīc illorumque successum, annotare volui.

Pilulas 9. Febr. sumpsit sequentes: ℞. Extracti rad. Gentianæ & Absinth. an. ʒ. ʒ. (quod extractum parabatur, ex rad. Gentianæ ʒ. iij. Absinthii ʒ. j. semin. Santonici ʒ. j. Lupin. ʒ. ʒ. decoquendo ad spissitudinem) Aloes ʒ. j. semin. Santo. ʒ. ʒ. Cumini ʒ. ij. (maximè ob flatum, quibus ego causam hujus eructationis tribuebam, malamque consuetudinem, quā effecit, ut cū vellet, eructaret) medul. sem. Citri ʒ. j. cum Felle piscium Capionum fiant pilule num. xxx. Deglutivit manè, pondere ʒ. j. & vesp̄i, ante cœnam tantundem, semelque

que eâ die, post cœnam, fœculentam materiam, deiecit.

Sequenti die 10. Februar. hausit, *olei Olivarum* ʒ. v. loti prius aquâ Absinth. addendo *ol. è Nucleis Persicorum expressi, & Amygd. am.* ad ʒ. j. inquires, sic suffocari posse, si vivum animal in ventriculo esset. Et ante cœnam, denuo assumpsit, *pilul. prædictarum* ʒ. j. Harum usu, paulò invalidior factus est, verùm cùm copiosam pituitam deiecisset, statim meliùs habuit.

11. Febr. denuo *Oleum* bibit, & *Pilulas* sumpsit, & quater eâ die deiecit, ac sub vesperam mordicationem satis molestam, in podice percepit, quæ ad matutinum tempus duravit.

Ab eo tempore, aliquot diebus, multas fæces, & pituitam mucosam, indies excrevit, interdum nucis magnitudine, in globum convolutam, interdum & cruore tinctam.

Cùm ei postea indicarem, illum animadvertere, nullam adesse ranam, quæ si adfuisset, sine dubio, nec vivere, nec subsistere potuisset, nihilominus in ea sententia persistebat, rogansque ut extrema tenerem: Dixi nihil æquè adversum insectis & lumicis, uti *argentum vivum*, quod assumi possit citraiculum, hoc pacto: *℞. Agarici, Aloes, Myrrha ana. fiat pulvis. Argenti vivi guttam j. dissoluti in Theriacina, fiat massa pilul. pro duabus vicibus.*

Verùm malebat, solum *argentum vivum*, sumere, & hac forma exhibui. *℞. Argenti vivi pisti instar, pul. Liquiritia ʒ. j. ʒ. fiant pilula xx.* Deglutitatuor ultimo Aprilis, postea fæces aliquas eruit, urinam guttatim, & cum ardore, red-Vesperis cùm matulam, quæ urinam exceperat, in-

rat, inspiceret, quæ stannea erat, in ambitu, minutissima puncta, *Argenti vivi*, illi adhærere vidit.

Duabus septimanis elapsis, reliquas 16. de viginti *pilulis* sumpsit, extrema tentans remedia: Cùm nulla rana, uti ajebat prodiret, & dies etiam aliquot, hoc *Emplastrum* ventriculo impositum, gestavit: *℞. sar. Lupinorum scutel. j. Aloes ℥. ʒ. excipiat Felle bovis & applicetur.*

Ab usu *pilularum* 16. *mercurialium*, decies, ante & post prandium, deiecit, nec aliquam molestiam, nisi quod in postremis duabus sedibus, ardorem & mordicationem, in podice experiebatur, sensit, atque ardentem inter urinandum acrimoniam, quæ non diu duravit.

Hiscæ extremis, cùm spatio trium mensium, usus esset remediis, videretque nullam ranam apparere, etsi ructus remisissent, tamen semper adhuc, ranam adesse, sibi imaginabatur. Pertæsus itaque istarum querelarum, cœpi illum vehementer objurgare, pertinacem eum esse dicens, & mente captum videri, quod in falsa hac opinione & persuasione, persisteret, idque tot annos, contra omnium Medicorum mentem, ostendi que, etsi quis vivam ranam deglutivisset, vel plures, illas tamen, per horæ spatium, non posse vivere, sed suffocari, & à ventriculo nostro evinci, idque exemplo illius, qui anguillam vivam deglutierat, & post horas decem, eā rursus, sed mortuam & veluti excoctam, per alvum reddiderat. Item exemplo serpentum, quæ in lacubus, ranas vivas, integras, deglutiunt, quarum binas, meminisse me interfecisse, in quibus rana modo absorptæ, uti videram, sed jam mortuæ, inerant. Postremo

mo exemplo ardearum, quæ circa lacus versantes, eas quoq; vivas, deglutiunt, & cum capiuntur, mortuæ in illis,prehenduntur. Ultimò quo tandem illum evici, addidi, quòd ranarum ætas brevis sit, nec supra biennium vivere possint, sed ex foetura quam quotannis deponunt, renasci, cum ille setotum septennium, ranam vivam, aluisse somniet, seq; risui omnibus exponat. Addidi ranas, extra aquam, si diutius aëre destituantur, suffocari, expertum me hoc esse, qui ut fastidium Vini, cuidam ebrioso conciliarem, *ranam in Vino, quod illi propinarem, suffocavi.* Idem fieri, si in loco aliquo occlusa recondatur, debere illum hoc uti, & alia experiri: & cum iam Doctoris titulo ornatus sit, non ita pueriliter, de rebus hisce judicare. Tandem hisce evictus, mentiam suam fassus est, gratias egit, & à nobis discedens, à phantasia illa, liberatus est.

Animi perturbatio, impellens quandoque ad impia, contra voluntatis propositum, cogitandum.

PIO alioquin & docto cuidam, in juventute primum hoc accidit, ut aliquando de Deo cogitanti, vel precibus intento, impiæ cogitationes in mentem venirent, quas subito ex animo delere, quin subinde redeuntes, ad impia quædam in Deum ef ferenda, eum stimulant, non posset. Quod illum, mirum in modum, angebat, Deumque, ex intimo corde, invocabat, ut ab hac tentatione eum liberaret. Hoc, etsi crescente ætate, rariùs illi accideret, tamen ad profectam ætatem usque, hæc tentatio, cum,

eum est comitata, veluti per accessiones illum invadens Quo nomine anxius, Theologo hoc aperire, fuit coactus. Qui eum consolatus, Deum invocando, & precibus continuis, tandem hoc corrigi posse, quod & aliàs facere solitus erat, ostendebat. Uti & factū, quòd postea, cū rursū hæ diabolicæ cogitationes, mentem ipsius, à piis meditationibus, averterent, ad alias res pias & serias, mentem convertendo, pravorum sic oblivisci potuerit.

Simili vel etiam graviore tentatione Dæmonis, alii quoq; divexati fuerunt, qui, hoc arte emendari posse, existimantes, meo consilio uti voluerunt.

Animi perturbatio, mulierem ad Deo maledicendum incitans, eamq; vehementer angens.

INTER hos tentationibus ejusmodi obnoxios, etiam mulier quædam, religiosa alioquin & proba, frequenter eousque tentata, ut, ad Deo maledicendum & blasphemandum, tacite sibi visa sit, cogi, maximâ animi cum anxietate & dolore. Cui malo, omnibus viribus resistere volens, cū non posset, in lachrymas erumpens, gravem hunc animi affectum, mihi patefecit, qui ad desperationem, & ut manus sibi inferret aliquando, nisi precibus continuis hoc averteret, sollicitaret.

Animi perturbatio, uxorem, ad maritum, quem unicè amabat, interficiendum, impellens.

SED non solum ad impia cogitandum, verum & horrendum.

ida perpetrandum, Dæmon interdum homi-
nentem ejus perturbans, impellit. Sicuti scri-
usdam uxori formosæ evenit, quæ mihi, de
perturbatione gravi, quâ angeretur, sæpe
esta est, & ut suppetias ferrem, rogavit. Quæ-
atem, quid illud esset, clàm magno cum ge-
nultisque cum lachrymis, mihi primo ape-
ontinuò sollicitari & impelli se, ad maritum
dormientem, confodiendum, adeò vehe-
ut vix sibi temperare, aut se continere pos-
quamvis Deum ardentem invocet, ut ab hac
ca tentatione, uti illa eam nominabat, libe-
tamen jam longo tempore, hæc se esse pres-
ec cuiquam mortalium, præterquam mihi,
ausam, ne maritus resciscat, quem præ o-
mortalibus amet, & pro ipso mori parata
um abesse, ut eum necare velit, ad quod ta-
lens, indies impellatur, addens, quòd me-
se ipsam potius, quàm ipsum, interficiat.
on solatus, adhibitâ curâ, per *Vena apertiones*
& *multas evacuationes*, Deo juvante, in in-
restitui.

ni perturbatio, matrem, ad infan-
em quem lactabat, enecandum,
sollicitans.

LI detestandâ cupiditate, perdendi foetum,
in utero gestabat, & enecandi, postquam
lucem edidisset, & lactaret, cauponis cujus-
or, statim postquam gravida facta fuit, cor-
ur, hæcquæ insaniâ, ad menses aliquot, ante-

quam ad se rediret, laborans, clam marito, mirè angebatur. Quæ Deum assiduè implorare, ut opinionem hanc diabolicam, sibi eximere vellet, non destitit. Licet sæpe, sibi mortem consciscere, cogitaret, quod maritus etsi observaret, tamen causam, ex illa intelligere, minimè potuit. Quæ ad me, domum meam veniens, magno ejulatu, casum hunc mihi exposuit, & egressa in atrium desperabunda, se in labrum, quod aquam è fonte excipit, nisi impedivissem, præcipitare, capite immisso, voluit. Quæ perturbatio, cum bis illam uterum gerentem, invasisset, tandem *Vena sectione & evacuationibus, per vomitum, & alvum, sæpe repetitis*, curata fuit.

*Animi nimia commotio, ob iram
exorta, lethalis.*

CUM vocatus essem, ad præfecti ejusdam uxorem, Anno 1604. in Novembri, ad inspicendam pelliculam, in oculo natam, maritus eâ nocte, ancillam cum famulo molitore concubuisse, certior factus, matutino tempore, domum reducem ancillam, capillis arreptam, & humi strâtam, pedibusq; pulsans, adeò irâ excanduit, ut statim dyspnœâ correptus, & tremore, illi potiùs quàm uxori, consulere necesse fuerit: Verùm antequam remedia adhiberentur, *venam*, Chirurgi consilio, *aperuit*, sed nihilo levatus, perseverante dyspnœâ & tremore, totiusque corporis prostratione, *biduo post expiravit.*

Animi

Animi perturbatio, ob debitum, ad desperationem adigens.

PISTOR nostrâs, cùm post mortem conjugis, quam viduam duxerat, cum privigno hæreditatem partiri, & dimidia bonorum parte, ei cedere cogeretur, adeò perturbatus est, ut noctu domum reversus, à sua sponsa nova, cum qua coenarat, necdum cohàbitarat, summo manè surgens, octo vulneribus, cultro abdomen præcipuè læserit. Vixit per biduum, à Deo veniam, pœnitentiâ ductus, petens, posteaque expiravit, mense Majo circa finem Anno 1613.

Animi commotio vehemens, ex Timore, mortem concilians.

QUIDAM verbi Dei Minister, cum uxore, mense Novembri, in urbem nostram è pago cino, se conferens, nocte imminente, ad portam, accurrit, ut eam apertam servaret, uxore sequen-
relietâ. Et cùm in urbem ingressus, existimantiores, adventum uxoris expectaturos, clau-
ost ipsum porta est, quo factum, ut ille non ex-
uxor non intrare, posset. Uxor itaque sola re-
ans & ejulans, ex timore, & terrore, qui noctu,
eticulosos admodum fatigare solet, matu-
cino tempore, ad portam sedens, mor-
tua inventa fuit.

Animi perversio, ex falsa imaginatione, inveniendi lapidem dictum philosophorum, aurumq; conficiendi.

BARO quidam generosus, doctus & eruditus, pius insuper & religiosus, aliquot annos nobiscum versatus, adeò sedulus, in inveniando illo Lapide, diu hætenus quæsito, quæ Philosophorum nominant, atque in eam rem intentus, dies noctesq; longo tempore fuit, ut immensam dilapidarit pecuniam, vixque ampliùs se sustentare posset. Et licet res ipsa declararet, frustra hæc omnia fieri, animum tamen minimè abjiciebat, bonam spem concipiens, tandem se voti fore compotem. Mentis autem suæ alienationem, maximè hisce patefaciebat, quòd quæ in Poëtis legeret, & insomnia, quæ illi offerebantur, aliaque multa ridicula, etsi aliàs magno esset ingenio, ad confirmandam suam inanem spem, veluti præfagia, felicitis successus, arbitrabatur. Unde indubitanter, se auro abundaturum, sibi persuadens, inter alia, à Magistratu petiit, ut sibi divitiis hisce acquisitis, potestatem facere vellent, lapideum, loco sublicii, pontem novum, supra Rhenum, suis sumptibus, extrueridi, Collegiumque universitatis, magnificis ædificiis, ampliandi, ornandi, redditibusque ditandi. Nam alioquin naturâ, erga egenos & pauperes, admodum erat munificus & liberalis, in eleemosynis largiter distribuendis. Nec dum etiam in patriam domum reduci, etsi damnum videret, hæc opinio, falsaq; persuasio, quâ sibi aureos montes pollicebatur, eximi potuit.

Quâ

Quâ mentis depravatione, in eudendo hoc lapide, auroque fabricando, multos alios se, suosque liberos, ad summam pauperiem redigere & perdere, quotidiana ostendit experientia.

Amor immodicus, mentem cujusdam vehementer perturbans & affligens, qui contrario affectu superveniente animi, tandem repressus est.

VIduus quidam, puellam nubilem agnatam, nec ita divitem, sed probè alioquin educatam, & humanam, rei domesticæ administrandæ gratiâ, domi suæ habebat. Eam, etsi continentissimus esset, pius & probus, non uti prius solebat, paterno, sed conjugali quasi amore, deperire cœpit, adeo vehementi, ut nihil ampliùs rectè cogitare vel gerere posset, nec dolorem tantum, animo inclusum, tenere diutius, quem tamen diu ce arat, nec etiam cellæ, hunc suum affectum, detegere ausus, metuens, ne quid mali inde sequeretur. Itaque consilii ops, & veluti desperans, ad me Medicum & amicum venit, amoremque hunc, multis cum lachryis, & profundè è corde ductis suspiriis, pudore misus, detexit. Quem consolando, objurgando, in, quòd vir adeo prudens, se à puella hac, quam mem dicebam, pateretur fascinari. Cùm nificerem, ipseq; pro sua pietate, se cum illa comere noller, etsi hoc fortè, si amorem hunc illi det, ab illa id impetrasset, in hoc saltem acquiescere mihi, remediis quibusdam aliquid tentaturo, speraret. Itaque primùm aliquoties sanguinem

illi detrabi curavi, quem ille, ut hac anxietate liberari posset, etiam totum profundere voluisset, & uti sæpe dicebat, etiam castrari. Verùm hisce, longo tempore nihil fuit effectum, flammaque hæc, in ipso, præsertim puellam se redamare persuaso, amplius accendebatur, donec post biennium ferè elapsum, puella amorem illius ignorans, alium amare cœpit, quem sibi maritum exoptans, hoc illi tanquam tutori, auxilium, ut matrimonium promoveret, petens, patefecit: Unde factum, ut amore hoc in odium converso, tandem ab enormi affectu, liberatus sit, Deo gratias agens, qui eum, ne gravius quid committeret, tam diu, in præsentissimo periculo versantem, conservavit.

Amor vehemens, qui licèt esset mutuus, tamen mirabili accidenti impeditus fuit, tandemq; aliâ ratione sopitus.

INGENUUS pius quidam, in oppidulo quodam vir, prædives, etsi uxorem haberet pulchram, & liberos, vicini sui ancillulam deperibat, adeò vehementi amore accensus, quem tamen reticuit, ut penè insaniret, mihiq; hanc suam dementiam, ut auxilio essem, detegere cogeretur. Quem etsi consolando, hortando, periculum denuntiando, offensam Dei, si quid committeret, proponendo, ab amore hoc, avertere studerem, moneremq; ne puellæ, quæ aliàs pulchra & amabilis erat, negotium detegeret, victus tamen amore, tandem occasione captâ, illi suum amorem, magnâ animi commotione, patefecit.

fecit. Illa perterrita, pudoreque suffusa, tantum virum, se adeò humiliare, blandis verbis illum dehortabatur, & ut rationem honoris sui haberet, rogabat; dicens, amare se quoque illum, & pro ipso, si opus esset, mori cupere, sed in hac re, si obtemperaret ipsius voluntati, periculum utrique maximum instare. Quibus verbis amicis, ille magis magisque incendebatur, adeò ut ad desperationem penè redigeretur. Quod videns puella, miserta illius, ne quid sinistri pateretur, se illi obtulit, admodum anxiosa tamen, referens malle se, & corporis & honestatis, jacturam facere, & quævis perpeti, quàm ipsius mortem videre. Hisce, illa conscientiam illius, ita movit, ut licèt se illi clanculum offerret, seque illi totam daret, ipse tamen, pudore, metu, angore, mirè afflictus, rem cum ea, minimè habere potuit, sed osculis tantùm & contrectatione, se cum illa, uti narrabat, postea oblectavit. Quod ferè anni spatio duravit, ut nihil præterea, quando occasio conveniendi erat, efficere potuerit amplius. Et cùm manifestò videret, Deum nolle, ut eam corrumperet, & proin hoc impedimentum immisisse, cùm mihi, illi amicissimo, hæc narraret, amore interim nihil remittente, suasi, ut occasionem quæreret, dote subministratâ, quò alicui nuberet. Quod, etsi neuter expeteret ex animo, tamen factum, ut cùm eam, divite munere donasset, quidam hoc, & formâ ejus plectus, eam uxorem duxerit. Sicque sensim, amor deferbuit, ipseque, paulò post, in morbum gravem incidens, ex eo, vix evasit, & sic, delicti poenas, dedit.

Amor tacitus, juvenenem quendam, ut desperaret, venenoq; vitam sibi adimeret, adigens.

JUVENIS quidam Medicinæ studiosus, clandestino amore, quem nulli aperuerat, prosequeretur cujusdam Doctoris filiam, amoris hujus ignaram, & cum illam nuptum sibi dandam desperaret, quod jam nubilus esset, ille verò studium Medicum primum inchoasset, mortem sibi inferre, dolore victus, etsi pius & probus esset, constituit. Cum itaq; me ad lectionem comitaretur, & commotum illum viderem, existimans causam esse, quod pater illi pecuniam, ut in Galliam proficisceretur, suppeditare nollet, de quo aliquando mihi erat conquestus, coepi illum consolari. Verum mox post lectionem, me relicto, pharmacopœi famulum accessit vesperi, sublimatum ab eo petens, quod ulceri tibiæ adhiberet, quod cum famulus denegaret, neque in scio hero, hoc cuiquam dare se audere, diceret, illud ab aurifabro impetravit, moxq; domum reversus, integrum uti erat concretum, devoravit, causâ prius in charta, quare hoc fecisset, ascriptâ. Quo facto, mox illi os & fauces inflammari coeperunt, doloresque atroces Ventriculi suboriri, sanguinemque excreare, & licet Medicus vocatus Paracelsista, multa se effecturum polliceretur, tamen nihil factum, sed ipse miserè se torquens, & cum loqui non posset, sursum oculis intentis, manibusque junctis & elevatis, veniam à Deo petens, matutino tempore expiravit. Quod horrendū facinus, ne innotesceret, amici

amici & parentes, illum antimonio assumpto, purgationis gratiâ, sibi mortis causam præbuisse, quod ad hunc usque diem creditum, divulgant.

Zelotypia, quendam ad dementiam redigens.

ALIIUM noveram virum doctum, magni ingenii, adeò Zelotypiâ laborantem, ut ad dementiam aliquam perveniret, eò usque, ut nec studiis amplius incumbere, nec professioni cui præerat, operam navare, posset. Qui, quòd sæpè ex ardi- bus in campos fugeret, & filiolum suum tecum deportaret. absconderetque, aliasque nugas ageret, in custodia aliquandiu, tanquam mente captus, detentus fuit. Quem cùm convenirem, & causam hujus dementiæ, ex ipso, variis modis, expiscarer, dubitans, an fortè ex Zelotypia proficisceretur, quam ille hætenus celarat, tandem eam, cum pudore, mihi patefecit, obsecrans, ne alicui hoc aperirem. Qui postmodum, mortuâ uxore, ab hac mentis alienatione liberatus, cùm melancholicus esset, non tamen desit, contra suam conscientiam, in officio Academico, quoungebatur, multa, cum scandalo, dicere & facere. Tandem desperanti similis mortuus.

Zelotypia, ex amore conjugis profecta.

HABUI admodum familiarem, juvenem doctum, qui domum, ex Galliis reversus, cùm uxorem duxisset, quàm prius multos annos amaverat, Medici filiam, qui tunc temporis, in suis ardi- bus, canonicum juvenem, quem curabat, habebat, filiamque suam, mox post nuptias, frequenter ac-

cerferet, quæ priùs diu, viduo patri, rem domesticam, administrarat, maritus illius, hic meus amicus, adeò Zelotypiâ affici cœpit, ut sæpè, sicuti mihi liberè fassus est, in ædes soceri, post cœnam, se, uxorem repetendi causâ, conferens, in animo habuerit, hunc canonicum, ad quem tamen illa, minimè accedebat, confodere, quam suam dementiam, tandem agnoscens, uxori patefecit, veniamque ab ea petiit.

Zelotypia, quâ uxor laborans, maritum etiam post mortem, alteri uxori inuidebat.

VITRIARIJ cuiusdam uxor, secundum maritum ita amabat, ut quando, in mentem, illi veniebat, illum, se mortuâ, aliam uxorem ducturum, nam jam senex erat, maritus verò adhuc juvenis, adeò inquieto animo fiebat, ut ferè ad insaniam redigeretur, uti illa mihi, & aliis, hoc sæpe, magnâ animi commotione, narrabat, & in ea cogitatione perseverabat.

Zelotypia, quâ affectus quidam, uxori insidiabatur, ipsaq; nunquam ampliùs cum illo, habitare voluit.

IN eadem platea, alius mercator, vir revera pius & probus, sed melancholicus, conjugem suam secundam, non adeò formosam, sed pudicam & bene moratam, suspicans alios quoque amare, ad eam animi perturbationem, redactus est, & zelotypiam, etsi plures, cum ea procreasset liberos, ut etiam illius

vitæ

vita infidiaretur, gladiumque nudum, noctu in cubiculo, lecto appositum, haberet: Quo illa perterrita, ad parentem fugiens, eum diu sæpè deserebat, Mox marito reconciliata, eo, in suo tamen affectu, persistente, denuo separata ab eo fuit. Cui nunquam ampliùs, hæc falsa persuasio, potuit eximi, quapropter non ampliùs, ad mortem usque mariti, uxor sibi metuens, ei cohabitare voluit. Nihilominus pater, liberos liberaliter educavit, ipsisq; divitias magnas reliquit, pauperibusq; multa, & vivo ipso, & post mortem ejus, distributa, legavit.

*Zelotypia, cujusdam erga uxorem,
quam repudiavit.*

EQuus auratus, magni nominis, è militia domum reversus, cum uxorem gravidam, & partui propinquam, invenisset, supputans tempus, quo ipsam reliquerat, suspicabatur, foetum ex alio, ipso tam diu absente, conceptum. Et licet ea de re dubitaret, utpote incertâ, tamen etsi ditissima esset, eam nunquam ad se recipere ampliùs, licet multi ex magnatibus intercederent, admodumque instarent, voluit: Respondens, foeminam ita se gerere debere, ut non tantum casta esset, sed etiam nullam suspicionem, de se præberet. Tamen ipsâ, multos post annos, hydrope mortuâ, filium, quem mater pepererat, & educarat, ad se recepit, splendide educavit, & hæredem instituit, cum ex secunda uxore, quam post primam duxit, nullos haberet liberos.

Zelo-

*Zelotypiâ dictâ, animi perturbatione,
ad homicidia & desperationem,
quidam adactus.*

INTER animi ægritudines, maximè cum excruciat, zelotypia illa, quâ quis timet, ne ab alio, uxor quam amat, ametur, nolens cum alio, eam habere communem, unde, mira animi anxietas, & desperatio, sæpè exsurgit.

Erat in urbe nostra, quidam mercator, qui, cum secundam uxorem duxisset juvenculam, hoc affectu laborans, eam admodum observabat, sibi persuadens, vicini famulum, cum ea habere cōmercium, & cum infantem peperisset, hūc non ex se genitum, sibi imaginabatur, & proinde indignis modis, matrem tractabat. Tandem verò, cum denuo esset gravida, dissimulans horrenda, quæ animo indignabundus volvebat, ablegatis quodam die, prius, ex ædibus domesticis, & foribus occlusis, uxorem uterum gerentem, & infantem, quem ulnis gestabat, sicâ interemit, frætumque simul, in utero illius, perdidit. Quo factò, scripto in zona appenso, quo causam hujus facinoris exponebat, desperabundus, ex alto ædium, se præcipitavit.

*Zelotypia in furorem conversa, quo accensus, uxorem adulteram cum
adultero occidit.*

ERAT, in primaria Helvetiæ urbe, quidam mercator, vir integer & robustus, qui à prima uxore repudiatus, secundam duxit virginem, ex qua, liberos

liberos plures, suscepit. Ad eam, me adduxit maritus, rupturâ umbilici, laborantem, cui & consilium dedi. Hæc post aliquot annos, cum famulo ipsius, eam impudicè satis contrectante, deprehensa, marito, ut eam observaret, occasionem præbuit. Qui simulans, se peregrè profecturum esse, in conclavi, cubiculo suo vicino, se occultavit, famulumq; clâm in cubiculum introeuntem, & in conjugis suæ lectum, se conferentem, cum ea cubantem, & conredientem, per fenestram, suis ipsius contemplatus oculis, furore percitus, in cubiculum irruens, famulum, ex locuplete familia, ense, atq; uxorem, pugione, confodit, impositisque supra eadavera, aliquot denariis, quo indicio, pro more illius loci, est concessum, adulteros, in ipso facto deprehensos, interficere, Magistratus sententiâ, fuit absolutus, mihiq; postea, hunc tragicum casum, multis cum lachrymis, exposuit.

*Affectus idem, quo aliquis inflammatus,
adulterum, pessimè tractavit.*

IN Gallia Narbonensi, cum illic Anno 1553. degerem, Doctor quidam Jurium, larvâ, ne cognosceretur, facie testâ, unâ cû aliquot studiosis, in cubiculum domus suæ irrumpens, atq; scribam, cum uxore sua, deprehensum, vinculis primùm constrinxit, mox & pene, naso, tendinibusq; pedis, amputatis, miserum reliquerunt. Quem postea, Monspeffali, ægrè grallis incedentem, pedesq; resolutos, in incessu trahentem, & quandoque, juxta officinam pharmacopœi, hospitis mei, sedentem, aliquoties vidi.

Melan.

Melancholia hypochondriaca.

HOc affectu, in quo varia symptomata, præter ea, quæ melancholiæ aliâs consueta, concurrerunt, laboranti cuidam Jurium Doctori, consilium hoc dedi, Anno 1601. Et primùm, ventriculi incommoda enarrata, aliâque circa eum, & hypochondriorum sedem, accidentia, cum mentis aliqua perturbatione, Melancholiam Hypochondriacam esse, pluribus ei exposui.

Illiusq; causam, in venis meseraicis, ventriculum, hepar, lienem, omentum, mesenterium, perreptantibus, latere, illicq; symptomata, illis in locis se offerentia, uti & sudores inordinatos, evaporationes ad cerebrum, unde perturbatio hæc mentis, Vigiliæ aliâq; prædeunt, gignere, nec dum morbos graviores inducere, cum causâ in venis, non extra has in visceribus lateat; prolixè illi edisserui.

Prolongari hosce affectus admodùm, nec ferre fortiora, aut multa remedia, quibustamen ægri, se diu sæpè, frustra excruciant, cum sibi periculum majus quàm adsit, imaginari soleant, dixi.

Imprimis, *ut ventriculus benè coquat, laborandum; ne flatus & cruditates gignantur, aliâve excrementa prava; unde illuvies hæc, in venis meseraicis colligitur, quæ etiam ex sentina hac, ut expurgentur sensim, procurandum, caput quoq; roborandum, cor reficiendum, recreandumq;.*

Itaque cum nunc Caniculares dies instent, caloræque & sudores, hoc tempore frequentes, medicamentorum usum, impediunt, *Acidarum aquarum potum* suasi: sic enim, in venis meseraicis, congesta melan-

melancholia excrementa, per alvum expurgabuntur, calorque præternaturalis, hepatis & lienis, contemperabitur.

Quibus absolutis, exactis duabus septimanis, ut pilulis sequentibus, uteretur succelsivè, suasi, quæ citra incommodum, cum comodo etiam ventriculi, tutò usurpari possunt: *R. Aloës 3. ij. Rhabarb. 3. j. Epithymi 3. B. rad. Asari 3. B. Gummi Ammon. dissoluti in Aceto 3. j. Spicæ 3. j. Diagrydii 3. B. cum Terebinth. fiat massa.*

Frequenter à cibo, in fine mensæ, capiat, pulverem sequentem, in prandio vel cœna, alternis ad minimum diebus, ut concoctio juvetur, flatus, vapores discutiantur: *R. sem. Coriand. 3. ij. sem. Anisi, Fœnicul. ana 3. j. sem. Carui 3. B. 3. flor. Cord. an. 3. B. sol. Meliss. 3. j. Major. 3. B. Sacchari ros. tab. 3. ij. Fiat pulvis.*

Ventriculus item & hypochondria, sequenti oleo, ter in septimana, manè ungantur: *R. olei Anethi, Chamomil. an. 3. j. de Capparibus 3. B. Irini 3. ij. succi Absinth. 3. j. Aceti 3. B. Coquantur ad succorum consumptionem.*

Imprimis electuario hoc, tertio die, cubitum iturus, utatur, quod statim incipere poterit, etiam dum acidus bibit, & postea: *R. conf. Ros. cort. Citri cond. ana 3. j. conf. Major. Anthos. Bugloss. Meliss. ana 3. j. conf. Alkermes 3. ij. pul. electuarii de Gemmis, Diamarg. frig. ana 3. j. Cinamom. sem. Ocimi an. 3. B. syt. de Papav. 3. j. Fiat electuarium: Capiat instar nucis moschat. pro una vice, vel paulò plus, si vigilie urgeant, angores, & perturbationes, quibus egregiè resistit.*

Vindemiarum tempore, fundantur musti recentis mensura xij. supra sequentia: *R. cort. Tamar. 3. iiij. Cappar. 3. ij. Zarsa parill. 3. iiij. fl. Bugloss. Borr. an. P. ij. fol.*

fol. Melissæ, Absinthii ana M. j. Incidantur, effervescent in dolio. Hoc Vinum. uti absinthites solent, bibat in mensæ principio, aliquando etiam manè, post exhibitum prius iusculum.

Hæc remedia, non admodum, naturam commovent, sed sensim, vitia enarrata corrigunt, & citra molestiam, assumuntur.

Assuescat interim ordinariè, bis in die cibos certâ semper etiam horâ sumere. Cibo utatur simplici non vario, illoq, qui faciliè concoquatur. Non utatur salsis admodum cibus, aut nimium aromatizatis, sed alimentosis, nec nimia conditura medicamentosis factis.

Bibat vinum album laudatum, consuescat unius generis uti, & si ardorem ventriculi, ex Vini usu sentiret, posset Aquâ parum Chalybeatâ diluere.

Balnei sudatorii utum interdum non improbo; Uti nec lotiones capitis ex Lixivio, in quo herba capitales coxerint.

Caveat à vehementioribus purgationibus, cum irriterent potius malum. Sufficit autumnî tempore, pilulis frequentius, suprâ scriptis, uti.

Si hæmorrhoides fluere, nullum esset præstantius remedium, quæ sanguisugis admotis, promoveri poterunt.

Interim bene speret, nec dubitet de convalescentia, & in cœlibatu diutius non vivat.

Domum reversus, post horum usum, uxorem duxit, quod illi etiam profuturum suaferam. Et

sic, uti ad me postea scripsit, melancholiam illam deposuit.

Melan-

Melancholia hypochondriaca, in alio.

HYPOCHONDRIACÆ Melancholiæ initia, haud obscure passo, sequentia ordinavi. An. 1596. Vinum sequens ab initio præscripti. 18. Octobris. R̄. rad. Cichorii ʒ j. Fœniculi, Ireos, cortic. Tamaric. ana ʒ. ʒ. B. Enula camp. fol. Absinthii ana ʒ. iij. Majorana, Chamæpit. Chamadr. an. ʒ. ij. flor. Cordial. an. ʒ. j. semin. Anisi, Fœniculi, Petroselini. ana ʒ. j. ʒ. fol. Senæ ʒ. j. ʒ. sem. Carthami contus. ʒ. j. contundantur & incidantur, Vinoq̄ permisceantur.

Ulus est per quinque dies, & quater quotidie dejecit.

Pilulas sumpsit 24. Octobr. R̄. massa pilul. Aggregat. ʒ. j. cum Vino fermentur pilula viij.

Promoverunt sedes eodem die septem.

Bolum sequenti die exhibui: R̄. conserva Ros. recent. Majorana ana ʒ. j. misce pro bolo.

Sumpsit, tribus horis ante prandium, & quia materia, ex præcedenti purgatione, adhuc in motu erat, subsequutæ sunt, à meridie, sedes adhuc quatuor.

Dein Pilulis Usualibus uti jussi: R̄. Aloës ʒ. ij. Myrrha ʒ. ʒ. gummi Ammoniaci in Aceto dissol. ʒ. j. Agarici, Rhabarb. el. ana ʒ. j. ʒ. rad. Asari, Gentiana, ana ʒ. ʒ. Maſliches ʒ. j. Spice, sem. Petrosel. ana ʒ. ʒ. cum succo Absinthii instar extract. inspissati fiat massa. Capiat ʒ. ʒ. semel in septimana, vel paulò plus, horis duabus ante prandium. Si majorem dejectionem requirat, permisceat Aggregativas pilulas dosi uni pilularum.

Pulvere post pastum sequenti utatur: R̄. sem. Coriandri ʒ. ij. Fœniculi, Anisi. ʒ. j. Carui ʒ. ʒ. rad. Liquiritiæ ʒ. ʒ. Zingib. ʒ. ij. rad. Galangæ, Nucis moschat. Cinamo-

mi, Caryophyl. ana 3.j. Incidantur minutim, addito saccharo q.s. fiat pulvis sumendus à pastu, vel fiant tabulæ Saccharo dissol. in aqua Rosacea.

Unguentum pro Ventriculo & sinistro hypochondrio sequens præscripsi: R. ol. Nardini, Amygd. amar. ana 3.j. B. succi Paludarii, Petroselini seu veri Apii an. 3.j. Aceti 3. B. rad. Asari, cort. rad. Ebuli ana 3. B. Spica, Mastiches, Rosrub. ana 3.j. coquantur succi cum oleis, addendo Vini albi 3.j. Postea pulveribus additis, & Cera, fiat Unguentum.

Ut Vino hoc successivè uteretur, suasi: R. radis. Aperitivarum an. 3. B. Absinthii 3.ij. Majorana 3.j. B. flor. Cordial. ana P.j. cort. Tamaricis, Capparum an. 3.j. B. sem. Fœniculi, Anisi ana 3.ij. Carui 3.j. Spica 3.j. sum. Centaurii 3.j. B. fiat pulvis.

Cujus media pars infundatur in Vino albo, & utatur interdum in principio mensæ.

Hæc illi plurimùm profuerunt, sanusque & contentus, à nobis discessit.

Melancholia hypochondriaca, cordis palpitatio.

MELANCHOLIA hypochondriacâ nobilis quidam, doctus & eruditus, generosorum Dominorum quorundam Ephorus, à teneris ferè laborabat, nec saltem de accidentibus, quæ aliâs, hic affectus, in hypochondrio sinistro, producit, animi scil. perturbatione, atq; Ventriculi & capitis, variis symptomatibus, sed & pluribus aliis, quæ sibi imaginabatur, uti solent, continuò conquestus est: cum tamen interea, fungi suo munere, circumire, atq; peregrinari, cum suis posset.

Curam

Curam itaq; aggressus, institutoq; decenti regimine, in vivendi ratione, successivè, sequentib. utebatur.

Primum sic expurgatus fuit: R. Rhabarb. ʒ. iiij. pulverisetur, irroretur succo Limonum donec mollescat, postea affunde Vinum album, & aquam Melissæ, & post macerationem per noctem, adde syrup. Ros. sol. simpl. ʒ. j. B. syrupi de floribus Persicorum ʒ. j. fiat potio, arom. ʒ. ij. aq. Cinamomi.

Vena sinistri brachii, sequenti die, aperta fuit.

Postea usus est, ut per vices purgaretur, Syrupo hoc usuali: R. rad. Aperitivarum ana ʒ. B. cort. Tamar. rad. Sambuci ana ʒ. j. herb. Cichorii cum toto, Acetosa, Buglossi utriusq; cum radicib. Fumaria, Thymi, Melissæ, Ceterach. veri ana M. j. flor. Cord. Geniste an. P. j. flor. Lavand. P. B. sem. Anisi ʒ. B. sem. Citri ʒ. ij. semin. Ocimi ʒ. j. Tamarind. ʒ. j. B. sem. Carthami conquass. ʒ. ij. fol. Senæ quart. j. rad. Polypodii ʒ. j. B. fiat decoctio in Aqua & Vini albi quarta parte, & in colatura infunde Rhabarb. elect. ʒ. B. Spica ʒ. B. Mechoaca ʒ. vj. fiat express. adde Sacchari lb. B. Succi pomorum redolen. ʒ. iiij. succi Citri ʒ. j. Coquantur ad consistentiam syrupi, arom. ʒ. j. aqua Cinamom. Capiat ad ʒ. j. B. primum experiundi gratiâ, postea augendo minuendove quantitatem, prout sedes pauciores, pluresve, promovebit, singulis septimanis semel.

Cum intermitteret & fastidiret, continuum illius usum, interjecto spatio, clyster sequens injectus, cujus usu, flatul simul cum fecibus multi, erumpabant, admodumque probabat: R. Betæ rec. vel Mercurialis, Brassicæ fol. rec. Atriplicis sativi, Fumaria, Abroxi, Thymi, ana M. j. rad. Polypodii ʒ. j. B. Epithymi ʒ. ij. Senæ ʒ. B. flor. Chamomil. Anethi, Matricariæ, Sambuci an. P. j. sem. Carui, Cymini, ana ʒ. ij. baccarum Lauri &

Juniperi ana ℥.℞. fiat decoctio in aqua & tertia parte Vini, dissol. in s. q. Mellis ros. Sacchari rub. ana ℥. j. Hieræ picra 3. ij. ol. Liliorum 3. ij. Salis parum fiat enemia.

Quando paroxysmus illum urgebat, circa ventriculum & hypochondria, tunc Fotu sequenti mirè levabatur, qui talis erat: *R. cort. Ebuli & rad. Sambuci ana ℥. j. rad. Asari ℥. ℞. herb. Abrotani, Matricaria, Absinthii, Thymi, ana M. j. flor. Chamom. Meliloti, Sambuci an. P. j. sem. Carui 3. ℞. Cymini 3. ij. Spica celt. P. j. fiat decoctio in Vino & Aqua: Pro sotu hypochondrii sinistri.*

Quia cordis palpitatio, atque imbecillitas, illum certo tempore, angebat, jussi inungere cordis regionem, illic ubi pulsus illius sentitur, hoc unguento: *R. succi Cardiacæ, succi Citri ana 3. ℞. ol. Nardini 3. j. ol. Caryophyl. per destillationem eliciti 3. j. Camphoræ 3. j. Croci 3. ℞. cum Therebinth. dissoluta in oleo Nardino, parum fiat unguentum.*

Cùm aliquando ita remitteret hic affectus, ut se sanum, si ita duraret, judicaret, interim tamen, vel leve quid sentiens, metueret & perturbaretur, duo sequentia remedia, illi ordinavi, quibus, mutatis vicibus, uteretur, eaque ad tempus continuaret.

Primum erat, *Vinum medicatum*, sic compositum: *R. rad. Cichoreæ 3. j. rad. Fœniculi 3. j. ℞. rad. Ehulæ 3. vj. cort. Capparum, Tamaricis & Sambuci ana 3. ℞. rad. Angelicæ, Galangæ an. 3. ij. cort. Citri sicci 3. ℞. herb. Absinthii 3. iij. Ceterach veri & Majorana an. 3. ij. sol. Melissæ 3. iij. fl. Cordial. ana P. j. sem. Anisi, Fœniculi ana 3. iij. sem. Carui 3. ij. sem. Angelicæ 3. j. ℞. sem. Ocimi 3. j. Caryophyl. Nucis mosc. ana 3. ij. Limaturæ chalybis præpar. 3. ℞. in nodulo ligata. ponantur in dolio, assunde Vini albi mensur. viij. vel Mustum recenter expressum, (cùm tunc Vindemiz essent)*

essent) stent ad dies aliquot; Postea manè alternis diebus, bibat haustum, sumpto prius iusculo, ad tempus donec melius se habeat.

Imprimis pilulae sequentes, illi, uti & aliis, in hoc casu, admodum profuerunt, sic paratae: R. Aloës succocitr. 3.j.ß. Rhabarb. Agaraci an. 3.j. Zingib. Mastiches, Gentiana ana 3.j. gummi Ammon. diss. in Aceto 3.ß. succi Absinthii inspiss. vel illius loco fol. Absinthii, sum. Centaurii min. ana 3.j. Linatura chalybis 3.ß. vel Croci Martis parati cum Aceto tantundem, Terebinthina q.s. fiat massa pilularum: Capiat 3.ß. pro vice.

Utebatur interdum, confectione illa cordiali, Alkermes appellatâ, quæ propter lapidem Lazuli, in melancholicis affectibus, eò magis convenire videtur.

Ne quid negligeret, egoque è Venis meseraicis, ubi causa & fontes mali, potissimum hæreret, sanguinem non per alias vias, commodius educi posse, quàm per venas hæmorrhoidales, idq; amotis sanguisugis, sæpè illi prædicarem, etiam hoc remedii genus, experiri voluit. Atque illo primùm recusante, tandem verò consentiente, hirudines per arundinem podici admotas, eò fuerunt transmissæ, ubi se illic affigentes, plurimum sanguinis exhauserunt.

Revocati tandem illius Domini aliò, cum illis discessit, meliusculè habens & gratus.

*Melancholia, cum variis capitis affectibus
copulata, uti & Scotomia ac
Podagra.*

VIR quidam, magni nominis, in Burgundia, se sequentibus affectibus, infestari, ad me pro-

lixè scripsit. Anno 1611. Capitis se sentire, ferè perpetuam gravedinem, sensuumque interiorum, memoriæ præsertim defectum; atq; in externis sensibus, visione præcipuè, imbecillitatem, vitiumque interdum penitus obscurari, cum vertigine manè potissimum, cùm jejunos & lectioni intentus esset. Accedere hisce incommodis, tristitiam & mœrorem, omnes suas actiones impediens, & ab hominum consortio divertentem, adeò ut solitudines amet magis, quàm cū hominibus conversationem. Alioquin aliis gravioribus accidentibus, in vitalibus ac naturalibus functionibus, se non admodum molestari, nisi quòd defluxionibus frequenter laboraret, quæ nunc in dorsum, nunc articulorum externorum regionem, descenderent, doloremque illic adferrent. Hisce incommodis, se, jam viginti quinque & ultra annorum spatio, obnoxium esse, in literis ad me datis, referebat. Quo tempore, præstantissimorum totius ferè Europæ Medicorum, consilio se fuisse usum, verùm parum, aut nihil profecisse, meam requirens, super hisce casibus, judicium atque auxilium.

Ex consiliis Medicorum diversorum, quæ ad me mittebat, plerosque in eo convenire, cognoscebam, Melancholiâ illum hypochondriacâ laborare. Inter quos sequentes erant, quos viros clarissimos, honoris causâ, nominare volui.

Alvarus Medicus Hispanus, Anno 1584. in suo consilio, Melancholiâ hypochondriacâ esse essebat, & *pleraque remedia, capiti confirmando, accommodabat.*

Bernardus Bertramus Patavinus, eandem causam statuens,

statuens, *venæ sectionem & purgationes per vices, ad Melancholiam educendam, & corrigendam, per remedia alterantia præscribebat.*

Campalonus Italus, *ad pituitam, à capite diver- tendam, evacuandam, caputq; roborandum, sua accom- modabat remedia.*

Franciscus Gujamezus Romanus, *ad Melancho- liam præcipuè, sua dirigebat consilia, capitis, ventriculi, & lienis rationem habens.*

Augerius Ferrerius Tolosanus, *pleraq; præsidia ad arthritidem præscribebat, tam interna, quam externa.*

Riolanus, idem de hisce affectibus pronuntiabat, *curamq; ad Melancholiam sanandam, instituebat.*

Alexander Bucinellus, *ad serosos & pituitosos hu- mores absumendos, curam instituebat; China decoctum illiusq; usum per septimanas sex commendans.*

Antonius Darinettus & Antonius Porrei, Bur- gundi, *præter remedia melancholiæ emendandæ conve- nientia, & quæ caput respicerent, acidæ aquas, ut biberet, suadebant.*

Pascotius Burgundus, *& melancholiæ, & defluxio- nibus, præcipuè sua accommodans remedia, curam ab An. 1582. ad annum 1602. continuans, evacuationi- bus variis, usus est. Decoctum Guajaci, adhibitâ simul, cibi parsimoniâ aliquandiu propinavit, hancq; per sudores evacuationem, aliquandiu continuavit. Anno sequenti, thermis Plumbariis, illius consilio, usus est. Annis tribus postea etiam, acidæ aquas Griesspacenses, bibit. Præter hæc alia multa remedia, melancholiæ di- cata, ad expurgationes per sedes, vomitū, & particulares vias faciendas, illi præscripsit, uti & quæ alterationis causâ usurpantur, atq; tum exhibentur varia, tum inji- ciuntur enemata.*

Post quorum omnium usum, seramen non curatum, sed adhuc semper, hisce malis, infestari, usuque tot remediorum, debilitatem sentire, eaq; fastidire, multa interim graviora, uti melancholici solent, sibi persuadens, ad me prolixè scribebat. Anno 1608. mente Septemb. consiliumq; aliquot singulare petens, & ne multis remediis, quorū summo pereum tæderet, se fatigarem, obnixè rogabat.

Respondi; Curam fore difficilem, cum iam illius constitutio & temperamentum, tot annorum spatio, in melancholicam constitutionem desierit. Proin multa polliceri nolui, & per grata & amica remedia, curam inchoandam judicavi.

Vinum itaque medicatum (quâ formâ remedii, nondum erat usus) ejusmodi ordinavi: R. rad. Aperi. ana ʒ. j. cort. rad. Ebuli & Sambuci an. ʒ. vj. cort. Tamarici ʒ. ij. cort. rad. Capparum ʒ. j. ligni Sassafras ʒ. j. ʒ. sol. Absinthii, Chamapit. ana M. j. ʒ. herbarum Ceterach. Melissa, Chamadryos ana M. j. flor. Borrag. Bugloss. Scabiosa ana P. ij. sol. Genist. P. j. semin. Fœniculi ʒ. j. sem. Carui ʒ. ij. sem. Sileris mont. ʒ. j. conquassentur, imponantur in dolium, in quo scobs ligni Juniperi posita sit, affundendo mensuras xv. Vini, sicq; bene obturatum in cava Vinaria ad usum asservetur.

Post macerationem, octo diebus factam, jussi, ut de eo, mensuras iij. sumeret, in iisq; infunderet, Rhabbarbari ʒ. vj. sol. Senæ ʒ. ij. Mechoacæ ʒ. ʒ. Epithymi, Cinnamon. an. ʒ. ʒ. Caryoph. ʒ. j. Sicque hoc Vinum asservaret, quod purgans, aliud verò preparans appellavi.

Ad hæc tabulas de Absinthio meæ compositionis, ut per vices iis uteretur, transmissi.

Bibit Vinum preparans, manè, duabus horis ante prandium,

prandium, sumēdo simul, cochlearia aliquot, jusculli Gallinæ, per dies tres, postea de *Vino purgāte*, quarto die haustum, unde leniter purgabatur.

Anno 1609 Martio mense, certiore me fecit, *Vinum* sibi admodum sapere, illudq; probavit. Verum Podagram, quæ interea supervenerat, ut ab eo cessare cogeretur, effecisse. Quā sanatā, cum *Vinum* deficeret, denuò aliud parari curavit, idq; tertio in Vindemiis sequentibus, loco *Vini mustum* sumendo, in quo materia hæc pro *Vino*, effervescebat.

Cum postmodū mense Novembr. denuò ad me scriberet, ab eo tēpore, quo podagrā laboravit, primum & nunc secunda vice, accedente simul erysipelate crurum cum febris, uti solet, capitis diuturnos affectus, cessasse significavit, adeò ut de illis, nō amplius sit sollicitus, petiitq; *præservativa* quædam, ne podagra, gravius illum infestaret, nisi illi, *pilulas & electuarium anti-podagrica*, ut successivè iis uteretur.

Melancholia post peripneumoniam.

VIDE in Pectoris dolore. Lib. II. Peripneumonia Melancho, &c.

Melancholia ex terrore, ob casum subitaneum epileptici, in melancholico naturā, cum vertigine & cordis palpitatione.

EX improvise, casu epileptici, senator quidam nostras, naturā melancholicus, cum concidentem videns, adeò perculsus est, ut in gravem melancholiam inciderit, & de cordis dolore, palpitazione,

ne, hemierania, vertigine, vigiliis, conquereretur. Prius multis usus est remediis, *acidusq;* quas advehi curaverat, bibit. Verum non remittente malo, vocatus, Anno 1596.

Præscripti electuarium 29. Septembr. sequens: *R. conf. Ros. cort. Citri. cond. ana ʒ. ʒ. ʒ. conf. Majorana ʒ. ij. conf. Anthos. Bugloss. Melissa, an. ʒ. j. pul. Elect. de gemmis Diamarg. frig. ana ʒ. j. syrup. de Papav. ʒ. j. fiat electuarium. De quo, cubitum iturus, sumat ʒ. j. ʒ.*

Superbibendo de sequenti aqua, ʒ. j. *R. aquar. Cinamom. ʒ. j. aq. Melissa ʒ. ʒ. Vini Malvatici ʒ. ij. Sacchari ros. tab. ʒ. ʒ. misce.*

Cum 5. Augusti, cordis vehemens pulsus, illi imprimis, facesseret negotium, & hoc saltem accidens, emendari flagitaret, sequentia hæc illi ordinavi remedia.

Epithema primum cordiale, quo semel in die uteretur: R. aque Ros. ʒ. iij. aq. Melissa, Lavandula, Vini albi odor. ana ʒ. j. ʒ. Camphora ʒ. j. misce.

Dein, ut cordis regionem ungeret: *R. succi Cardiacæ, ol. Nardini ana ʒ. ʒ. coquantur parum, adde ol. Caryophyl. ʒ. ʒ. Camphora ʒ. j. Croci ʒ. ʒ. Cera alba parum, fiat linim. Pro corde.*

Sacculum quoque Cordialem, ut adhiberet, talem præscripsi: R. cort. Citri sicci, Santali albi & muscatel. ana ʒ. j. ʒ. ligni Aloës ʒ. j. Spicæ celticæ, flor. Lavandula, Anthos ana ʒ. j. semin. Ocimi, Caryophyl. Macis, Diamarg. frig. troch. de Camphora ana ʒ. ʒ. fiat pulvis: Pro sacculo.

Vinum etiam sequens, bibere iussus est: *R. sol. Melissa, cort. Citri ana ʒ. j. fl. Bugloss. ʒ. j. ʒ. Anthos, seminum Ocimi ana ʒ. ʒ. Caryophyl. ʒ. ij. Macis ʒ. j. Cinamom. ʒ. ʒ.*

Sacchari

Sacchari quartar. j. ß. infundantur in Vini mensj. passetur.
Bibat interdum haustum.

Sequentibus diebus, cùm de vigiliis admodum quereretur, propinavi illi, cubitum ituro, *Diacody simpl. cochl. j.* sequenti nocte reiterando. Quod valde profuit, & sudorem, illis noctibus, aliquem sensit.

Cùm dein potissimum vertigo illi molesta eisset, reliquis sensim desinentibus, *tabulis*, ut hisce uteretur, consului: *Rz. pulver. Diacydon. sine speciebus Nucis mosc. ana 3. j. sol. Euphrasia, Majorana, flor. Lavandule, ana 3. j. Coralli rubri 3. ij. ras. Eboris 3. j. Sacchari diss. in aqua Ros. fiant tabula.*

Fusculum manè ut sumeret, suasi, cum *Majorana* & *Macere* conditum. Vel ut *Ovum sorbile*, addito *Carui semine*, cum *Sale*, sumeret. Sic sensim restitutus est.

Melancholici hypochondriaci, multa & varia, sibi imaginantes.

DIVERSIS & plurimis affectibus, se infestari, qui Melancholiâ hypochondriacâ laborant, sibi persuadent, cùm tamen revera, licet aliqua, huic melancholiæ propria, experiantur, pleraque sibi falsò imaginentur. Atq; hi maximè, qui aliàs sunt ingeniosi, & res altiùs rimantur, imprimis Medico studio incumbentes, & causas, morborum indagantes, quasvis vel levissimas, in corpore mutationes, aliquid mali portendere, & à morbo aliquo procedere, existimant, Medicosque, horum relatione, obtundunt. Quorum aliqui, ore & scriptis, singulas corporis partes, à capite, universum corpus, ad pe-

ad pedes usque, pervadendo, tam in externis quam internis, se læsionem, aut vitium, deprehendere, magnâ animi contentione, explicant, cùm tamen, præter levia incommoda, & nullius sæpè momenti, bene comedere, dormire, aliaque munia obire queant. Notavi quandoque, eos sibi persuadere, se calorem nativum omnem amisisse, se defluxionibus opprimi, cerebrum, ventriculum, pulmones, hepar, renes, & in mulieribus uterum, omnia debilitata, vitiata excrementis plena esse, cùm nihil tale sit, sed mera imaginatio melancholica.

Quorum aliquos, inde deceptos vidi, quòd non possent sternutare, sudare, & nulla haberent insomnia, eò nomine mirè se affligere. Inter quos aliqui, verâ hypochondriacâ laborantes, non malè de certis affectibus hypochondriorum, conqueruntur, sed insuper, multa alia, sibi fingunt. Sicuti nobili cuidam vidi accidere, qui quadraginta annorum spatium, non desit, perpetuò ferè, hujusmodi cogitationibus, se macerare, remediis que infinitis uti, qui tamen, ad profectam pervenit ætatem.

Melancholia gravis & diuturna, ex timore exorta.

ALIA quædam mulier, versperi extra urbem versans, circa patibulum, ubi fur suspensus pendeat, noxque ingrueret, metuens, ne illic urbe exclusa, pernoctare cogeretur, in perversam quoque, quæ ægrè curari potuit, melancholiam incidit, in qua, similia, illi obversabantur.

Melan-

*Melancholia gravis & diuturna, à ter-
rore, ob visum, suspensi homi-
nis, cadaver.*

CUM quidam captivus, supplicio afficiendus, sibi laqueo, in carcere mortem conscivisset, atq; à carnifice, ut in profluentem, cadaver abjiceretur, dolio includeretur, muliercula quædam, vicina, hoc viso, summo opere perterrita, melancholiam gravem contraxit, in qua multa impia, ut diceret & faceret, quin & seipsam suspenderet, in mentem illi continuo, veniebant. Quæ, quò magis ex animo delere, cupiebat, non ausa mihi exponere, cujus consilio utebatur, tantò magis seipsam, mirum in modum, cruciabat, & Dei opem, ardentibus precibus, implorabat. Non persistens autem, in usu remedium, quæ illi assignaveram, Empiricos hinc inde consulendo, peregrè etiam ad eos profecta, penè totam substantiam expendit. Tandem mitius habere cœpit, sed admodum consumpta, tot evacuationibus, sanguinis detractionibus, debilis & macilenta, suprà annos quadraginta, vixit.

*Melancholia gravis & diuturna, ad de-
sperationem adigens.*

HORUM aliquos, utriusque sexus, audiivi con-
querentes, se esse ex numero damnatorum,
Deo non esse curæ, aliaque infinita sibi imaginatos,
quæ proferre non audebant. E quorum numero vi-
di, qui templum adire metuerent, qui quando Rhe-
num, vel cultros intuebantur, cohorescebant, &
treme-

cremabant : tunc enim veluti furore perciti, ad se interficiendū, incitabantur. E' talibus, prædivitis mercatoris uxor, diu hisce tentationibus divexata, cū se ampliùs tentari dissimularet, clam marito, noctu, nuda surgens, & per fenestrā, se in plateam demittēs, in pontem Rheni cucurrit, in eum se præcipitavit, & submersa fuit. Uti & vir alius, noster civis, alibi, se in aqua, suffocavit. Plures, laqueo se suspenderūt. Aliqui, cultro se vulnerando, interfecerunt.

Melancholia gravis, mulierem lactantem, ad vitæ odium, continuò sollicitans.

ALIA melancholica, rustica, venusta, cum lactaret infan-tem, eamq; curarem, semper hoc dicere solita erat: Non possum, in hoc mundo ampliùs, manere aut vivere, abeundum mihi est, moriendum est, nullas interim causas, se adeò molestantes, adferens. Quæ, laqueo cū se suspendisset, domi suæ, à morte abscisso, à quodam interveniente, laqueo, liberata est, & tandem, vomitoriū præcipuè exhibitis, curata.

Melancholia gravis, ex tristitia & indignatione, cuidam fœminæ, quòd nubere cuidam coacta fuisset, exorta, quā ad desperationem, fuit adacta.

ELEGANS virgo quædam, invita, nupsit cuidam, maluisset alium ex nostratibus, quem inimè amabat, maritū habere: unde factum, ut postquam

quam nuptias celebrasset, melancholica reddita, in perpetuo mœrore, etsi maritus, illi summè gratificari studeret, versaretur. Tandem sola, in suo cubiculo existens, seipsam, ad lecti summitatem, apenso mantili, suspendit, sicque desperabunda, extincta est.

Melancholia gravis duorum, in desperationem versa, ad quam, vulnus conscientiae, illos impulit.

FRATRES duo, Viri docti, quos familiariter diu noveram, ob certam præconceptam, de quibusdam dogmatibus, opinionem, secus sententiis, ipsorum instigatione, in exilium pulsus, poenitentia post ducti, in desperabundam inciderunt melancholiam, in qua alter, etsi sedulò observaretur, se per fenestram præcipitem dans, expiravit: alter paulò post, laqueo se suspendit, verùm antequam suffocaretur, liberatus, non diu tamen, supervixit.

Melancholia gravis, ex imaginatione & metu captivitatis, ad homicidium & desperationem, impellens.

MULTI inter melancholicos, hac phantasia laborant, quòd se capiendos, & ad supplicium duendos, timent, ob eamque causam, omnia suspecta habent, & præcavent.

Quidam Basileæ, patre viro docto, sed egeno, natus, & postea, patre in Sueviam profecto, partim illic, partim Argentinæ, scholas frequentans, in studiis adeò profecit, ut à patre meo, quò hypodidascali

scali fungeretur officio, accersitus fuerit. Qui cum aliquādiu in schola versatus esset, tandem curā, quorundam adolescentum nostratium, susceptā, cum illis Lutetiam, studiorum gratiā profectus est, ubi Marchionis Brandenburgici, fortissimi illius Principis, & exercituum imperatoris, qui tunc exulabat, aulicos frequentans, mores illius, adeo principi placuerūt, ut illum sibi adjunxerit: unde factum, ut studiis neglectis, militiæ deinceps operam dederit. In qua adeo inclaruit, ut postea apud principem Saxoniae, in magna fuerit existimatione, illiq; praefectura quaedam, fuerint conceditae. Quarum administratione, cum summam haud exiguam pecuniae confecisset, eam primum ad me, postea Francofurti, custodiendam deposuit. Reversus, in Ducis quoddam oppidum, & melancholicus factus, in mala gratia se esse Principis, & rationes dispensationis sibi reddendas, adeoque in mandatis, ut caperetur, aulicos habere, sibi persuasit. Quo metu, certis temporibus illum invadente, vel eques aut pedes, ut elaberetur fugā, per loca diversa oberrabat, postea remittente metu, revertebatur. Ex amicis ipsius, Jurisconsultus quidam, ut illi hanc sinistram opinionem eximeret, eum in monasterium vicinum, ut se illic exhilararet, cum famulo eques deduxit, ubi cum pransi essent, domumque equites revertentur, illius rursus, imaginatio hæc falsa, animum subivit, milites armatos se videre, qui illum capere vellent, & amicum suum comitem, hoc procurasse, seque fefellisse, dicens, iratusque extracto è theca sclopeto, eoque exploso, Jureconsultum illum, amicum suum, qui præcedebat, trajecit, ita ut ex equo

equo delaberetur mortuus. Ipse verò desperatione motus, gladio extracto, ex equo in ejus mucronē, in pectus cōverso, se conjecit. Verū, hoc ob thoracis duritiem, non penetrante, detecto pectori, ense admoto, magno impetu, in arborem vicinam incurrens, seipsum cōfodit. Quemadmodum id mox postea, Stutgardiaē, in aulam tunc temporis, Anno 1570. vocatus, ex Ducis Saxoniae conjuge, quæ illic, apud matrem ægram, cujus curam habebam, versabatur, cognovi, valdeque, cū summus parentis, meusque esset amicus, eam ob rem dolui, domumque, horrendum hunc illius casum, transcripsi. Certior factus, de obitu illius, frater ejus, qui ab Hispanis, in bello Schmalcaldico, Sueviam occupantibus, juvenis abductus, & militiam ab eo tempore sequutus, tribunus militum factus fuit, mox re cognita, festinanter Francofurtum properavit, ut decem milia Thalerorum, quæ frater defunctus illic deposuerat, inde asportaret. Verū cū hanc pecuniam, Dux Saxoniae, jam arrestasset, re infecta, ut Senatūs nostri intercessione, arrestum relaxaretur, domum rediturus, Argentinā transiens cū famulo, Capitaneum, civem nostrum, illic invenit, cum quo, ad vesperam usque, præmisso famulo in pagum, ubi pernoctare volebat, ut crenam instruere juberet, commessatus est. Et cū solus urbe, eques egrederetur, nocte ingruente, niveq; itinera instrata essent, à via aberrans, in campo nivibus tecto, in paludem illic latentem, cū equo incidit, illicque miserè periit.

Famulus in pago præstolans, cū nō veniret herus, manē Argentinam reversus, eum illic, & nusquam comparētem, postea in tota vicinia, quæsit.

Verùm, cùm nihil aliud intelligeret, quàm quòd tardè, urbe egressus esset, Basileam veniens, hoc sorori indicavit, quæ Sabaudò cuidam, Principis sui negotia, apud Helverios, agenti, nupta erat, qui juvenis, patris mei convictor, & domesticus, per septennium fuit, ab eoque, in literarum studiis institutus, civis noster postea factus est. Hic ad res graves tractandas, satis idoneus, ad Ducem Saxoniae, literis commendatitiis, à magistratù nostro instructus, se festinanter contulit, & dictæ pecuniæ relaxationem, ab optimo Principe, impetravit, ex qua tamen, ob geminum homicidium commissum, in pauperum usus, mille quingenti Thaleri, fuerunt solvendi. Negotio expedito, Basileam revertens, Argentinam cùm venisset, eâ ipsâ die advenerunt, qui se equum mortuum & cadaver hominis ei infidentis in palude invenisse narraverunt, quo cognito, statim suspicans affinem suum jam 18. septimanarum spatio amissum fortè esse, protinus eò se conferens, rem ita habere, cadaveris illius capitis nudâ calvariâ depili & decute è palude prominente, & jam reliquo corpore in aquamerso & integro adhuc existente, deprehendit, quod postea & extrahendum, sepeliendumque curavit. Inventafuerunt omnia quæ secum Argentinâ exportaverat, Catena aurea cum Chirogra. thecæ inclusis. Quæ cùm secum affinis Basileam reportasset, partemque pecuniæ fœnori dedisset, inde ditatus, splendide vivens & sumptuosè ædificans, Principis negotiis interim neglectis, debitis primùm obrutus fuit, mox in morbum, & varias animi afflictiones incidens, ad inopiam redactus, multis relictis debitis, quæ ex-

solvi

solvi minimè potuerūt, miserè mortuus est. Quam historiam tragicam horum trium, qui ex humili statu ad magnum pervenerant, quorum exitus adeò funestus fuit, quòd mihi fuerint amicissimi, copiosius enarrare volui.

Melancholia gravis, in muliere alioquin melancholica, ob zelotypiam, & terrorem, eam ad desperationem, & in mediâ, mortem sibi accersendum, adigens.

PICTORIS uxor, naturâ solitaria, domesticis rebus intenta, religiosa, tristis & melancholica, cui Zelotypia, quam ex mariti confessione, de amore alterius mulieris, antequam eam duxisset, occasionem quoque præbuit, cùm viginti septem annos, in matrimonio vixisset, & novies peperisset, mense Januario, Anni 1600. terrore percussa, ob rumorem sparsum, filium ipsius jam adultum, absentem tunc, in conflictu quodam, interfectū esse, id quod eò magis credebat, quòd in somno, imago filii cæsi, ei apparuisset: in melancholiam gravem, incidit. In qua primùm zelotypia, quæ ante multos annos, in principio matrimonii, eam affecit, redire cœpit, eamque affligere, affirmans, maritum adulterium commisisse, mox idem negans, adeò ut è domo, se aliquoties subduceret, nec ullam consolationem, admitteret. Consilio Medicorum, cùm filius revocaretur, & ad matrem adduceretur, minùs quidemangebatur, non tamen omnino, ad se rediit. Quapropter, sanguis sæpe detractus, ipsaque purgata fuit: quibus factis, nec tunc remittere malum, sed augeri

perrexit, & de vehemētiore animi angore, conquiescens, adeò inquieta facta est, ut dies noctesque, non uti prius, saltem ambularet, verum etiam, de loco in locum, discurreret, nec desineret, etiam cum cibum caperet, donec lassitudine, viribus prostratis, somnus, sed brevis, eam invadens, quietam nonnihil redderet. Frustra omnibus tentatis, cum tantum cruciatum animi, se non amplius ferre posse, continuo exclamaret, tandem mortem, ardentem expetebat, nec quidem ab initio, sibi manus inferre volebat, sed saltem astantes, ut venenum propinarent, unice rogabat. Tandem desperans, Deum sibi minime ignotum, damnatam se esse, & cruciatus infernales ac gehennam, jam sentire, iterabat. Et cum, quatuor mensium spatio, hæc jam durassent, postremo, ad eam pervenit insaniam, ut sibi omnino persuaderet, maritum cum liberis, venenum propinare velle, sicque mortem struere. A qua falsa impressa opinione, nemo illam potuit, nec consolando, nec persuadendo, avertere, se non mortem, quam sibi molirentur, sed quod veneno hausto, diu cruciatus magnos, antequam expirare possit, perpassura sit, metuere, asserens: quam accelerare studens, jam cultros, laqueos, aliaque, ad hanc rem perpetranda, apta instrumenta, clam indagabat. In hac itaque opinione, quod intoxicare eam vellet, obstinate persistens, nullum amplius cibum, nec potum, nec medicamentum, admittebat, & si quid tale, per vim, ori illius intruderetur, ne micam, aut guttam aliquam, deglutiebat, sed omne denuo expuebat, expuitioneq; continuâ, orisq; abstersione, veneni reliquias, in ore hærare putans, eas propellere, nitebatur.

Quod

Quòd si fortè dormienti, penna, *aqua cordiali* intincta, leviter, ori illius inderetur, aut alioquin naribus, aut pulsibus, *cordiale* aliquid illineretur, statim excitata, excandescens, tanquam furibunda exclamabat omniaq; spuenndo, abstergendoque, denovo auferre, laborabat, venenata esse prædicans.

Quam suspicionem, ut declinarent adstantes, cibum potumque, qui illi adferebant, prægustabant, venenum minimè esse, nec ipsis nocere, hoc pacto ei, persuadere cupientes. Ad quod illa, illis quidem minimè, sibi autem venenum esse, replicabat. Ab omnibus itaq; penitus, quæcunq; assumi poterant, abstinens, seque inedia consumens, decem adhuc dies, totidemq; noctes, supervixit, quod in ea, priùs per quartam anni partem, morbo attenuata, debilitataque, eò admirabilius fuit.

Paulò antequàm expiraret, cælum intuens, sursum sursum, inquit, in cælum ferar, nec ultra effari, quicquam valens, manibus, tanquam precatura, cùm de eo admoneretur, compositis, spiritum s. Aprilis, Anno 1600. horâ quartâ matutinâ, reddidit.

Melancholia gravis, quâ captivus, metu supplicii, sibi fame mortem conscivit.

OB delictum quidam, carcere detentus, in urbe nostra, supplicium timens, fame, sibi vitam finire, statuit. Itaque, ab omni cibo & potu, abstinuit, ad dies quatuordecim. A qua desperatione, ut diverteretur, plurima licèt tentata fuerint, cibi optimi, vinâ item generosa, ori ad morsa, conse-

lationes, promissiones variæ factæ, admonitiones item seriæ, comminationes æterni supplicii, omnia tamen frustra. Ultimò, cùm jam viribus deficientibus, in extremo esset, potum petiit, ac parùm bibit, nec inde refocillatus, in hac desperatione, miserè periit.

Mania ob mœrorem, in muliere, à marito pessimè tractata.

JUVENIS quidam, dissolutè vivens, puellam prædivitem, Milhusio, contra parentum voluntatem abductam, sibi, in hac urbe, matrimonio copulavit, ipsiusq; bonis, mox dilapidatis, eam pessimè tractavit, adeò, ut sæpè desperabunda, seipsam interficere, cogitaret. Tandem ad insaniam redacta, vestes dilacerabat, nudaque catenis vincta, etiam stramen, in quo eam cubare vidi, minutim, unguibus dilcerpebat, Ideoque deventa, ad Empiricum quendam rusticum, qui maniacos curare solebat, septuagesies, unâ septimanâ, venit diversis in locis, apertis, atq; universo penè illi sanguine detractò, ab eo fuit curata. Inde domum reversa, debilis & pallida, mortuo marito, alteri nupsit, cum quo, ad 40. annos, vixit, sana, sterilis tamen, maleque colorata.

Mania, quâ virgo quedam nupturiens, correpta fuit.

AD Principem virginem quandam, fui accersitus, quæ ex amore, Principis ecclesiastici, cui, ipsi per suos nubere, non licuit, in maniam incidit, multa que turpia, solita proferre, eâ obiit.

Mania,

*Mania, in alia virgine, eandem
ob causam.*

ALIA virgo, à nobili quodam & strenuo viro, adamata, sed quia ignobilis illa erat, prohibito, matrimonium cum illa, contrahere, quod tamen ille, summè expetebat, indignabundus, in militiam abiit. Cujus discessu, illa maniaca facta, longo tempore, vinculis & carceri inclusa, semper illum magno clamore vocabat. Ille, cum multis annis militasset, Serenissimis Imperatoribus, Carolo quinto & Ferdinando, summus dux militum factus, domum reversus, nec illam, cum insana esset, nec aliam uxorem, illâ superstite, ducere voluit, sed tandem ipsâ mortuâ, cui solum imponendum, tanquam virgini, miserat, diu post, uxorem, jam senex, duxit.

*Mania, quâ quadraginta annos quidam,
cum summo furore, laboravit, à
qua liberatus fuit.*

COQUUS quidam, in hospitali, maniâ gravissimâ, correptus fuit, illicque in obscuro carcere, nudus in stramine, quòd omnia alia dilaceraret, jacens, cibumque interim capiens, quadraginta annis, uti vidi, miserè detentus fuit. Tandem, ab ea, aliquo pacto liberatus, liberè, jam senex, canus & decrepitus, per urbem deambulavit, neminemque amplius lædere tentans, multa secundum rationem, dixit & fecit, sed ob senium, diutius vivere, non potuit.

*Mania ex furore uterino horrenda,
fœminæ cujusdam.*

NOBILIS quidam Alsatus, senex, juvenculam uxorem duxit, verùm mox colico dolore correptus, eoque miserè, longo tempore, convulsionibusque, afflactus, membris contractis partim, partim resolutis, quòd in nostris regionibus, colicis ut plurimum evenit, lecto detentus miser, per biennium ferè, cùm esset, tandem mortuus est, uxore relictâ viduâ, quam vix inito matrimonio, æger statim factus, attingere poterat. Illa, mox eo extincto, intam horrendum furorem maniacum, ac Venereum, incidit, ut non solùm, invisentium eam, congressum, voce & gestibus, expeteret, sed etiam, illi morem gerere nolentibus, molossos Anglicos, magno clamore, ejus rei causâ, adduci juberet. Quæ horrenda ipsius verba, parentes audientes, vehementer fuerunt contristati, mirati, cùm priùs, tam pia & casta, semper fuerit, ad detestabilem hanc insaniam pervenisse: in qua & postmodum, extincta est.

*Mania correptus quidam, amicissimum
compatrem suum, eum compesce-
re volentem, confodit.*

LANIUS quidam, hîc Basileæ, furore quoque penè maniaco, interdum corripì solitus, præsertim cùm vinum liberalius bibisset, insidias sibi strui, ut caperetur, dicens, per urbem, stricto gladio, discurrerat, & cùm eum nemo verbis aut vi, com-
pescere

perfcere poffet, metuentes fibi ab eo, excitatus fuit faftor quidam, qui jam dormitum fe contulerat, illi adeò familiaris, ut quævis, ipfo monente & ob- jurgante, faceret. Quem, cùm denuò reprimere vellet, nec fibi caveret, ab ipfo furiofo, in vicina no- bis platea, fuit transfoffus, enfe, latum pedem, extra dorlum prominente. Hic, manè cùm jam furor nonnihil defiffet, captus, & quia maniacus putaba- tur, non capite plexus, fed ad carceres perpetuos, damnatus fuit, in quibus femper, blasphemando & dejerando, dies noctesque conterens, poft annos aliquot, hyeme, frigore intenfiffimo, periit, & velu- ti congelatus, manè inventus eft.

Mania, ex morfu canis rabidi.

MANIACA puella, à morfu canis rabidi, canis inftar latrabat, dein vehementer continuo vociferabatur, quo clamore, cùm adhuc puer effem, & vicinus hospitali, noctu præfertim, valde terre- bar, quid cum illa actum fuerit, haud memini.

Mania, ex morfu lupi rabidi.

LUPI, cùm revera, è canum genere fint, fed agreftes, uti & boves, equi & feles, fylveftreis naturæ, inveniuntur, in rabiem quoque vertuntur, & ab illis demorfi, in maniam cum ululatu, & hy- drophobiam, ut à domesticis, incidunt. In pago Bief Wenden memini, focerum meum chirur- gum, inviffiffe duos, à Lupo rabido morfos, qui è vicina fylva, fub vefperam, in pagum furiofè irruens, duos viros adortus, morfibus multis, faciem ipfo- rum dilaniavit, qui & ambo, poft dies aliquot, ex- tincti fuerunt.

*Hydrophobia species, alia ab illa quæ à
morsu canis rabidi evenit, cum animi per-
turbatione & convulsiva inter deglutien-
dum suffocatione, à terrore in-
ducta, lethalis.*

SUTORIS uxor, Anno 1593. vndecim. Martii,
scùm corium, in Birsæ fluviolo, sub concame-
rato opere, urbem interluente, vesperi lavaret, no-
ctæque instante, eam vicini solam, illic reliquissent,
solitudine perterrita, existimans, se splendorem ali-
quem, è fornice erumpentem, cernere, torrentem-
que inundantem, autumque cum impetu affluere,
eo perculsa, domumque reversa, ab eo tempore,
neque aquam, nec vinum, nec jusculum, nec aliud
quicquam liquidum, deglutire potuit, sed statim,
hisce oblatis, magisque ori inditis, suffocandæ si-
milis, spiritum cum vociferatione, veluti interclu-
sum, trahebat. Et quod mirum, ex solo contactu li-
quidorum, idem accidens, patiebatur, imò si liqui-
da, in conclave inferrentur, illis conspectis, cohor-
rescebat, denuoque afficiebatur, adeo ut non prius,
grave hoc symptoma, cessaret, nisi hisce, è conspe-
ctu, ablatis. Sed & aërem, nonnihil agitatam, vel au-
ram aliquam lenem sentiens, idem patiebatur, eo-
dem modo, uti alteri cuidam mulieri, accidisse, in-
tra biduum, angustia hac extinctæ, in praxi mea
memini.

Ob metum itaque hunc, non solum aquæ, sed &
reliquorum liquidorum, ab omni potu abstinuic,
nec sustentabatur aliâ re, quàm pane, solidisq; cibis,
quæ

quæ deglutire potuit. Cumque *panem, vino maceratum*, exhibere jussissem, corroborationis causâ, non nili bene expressum, admittebat: somnum interim minimè capescens.

Adstantes, ob deglutitionis difficultatem, in collo vitium esse, existimantes, Chirurgum primò vocarunt: verùm cum ille, nullum in faucibus impedimentum, inveniret, rem mihi, quinto demum die, exposuerunt. Ego, adstantibus, ex affectu textæ vel septimæ nervorum conjugationis, hoc procedere, eo modo, sicuti in praxi in ea docui, utcunque exposui, illique Hydrophobiam, ex latente veneno, uti in morsis, à canē rabido, accidere solet, copulari, periculumq; prædixi: jussi que statim *cucurbitulas in scapulis applicare, & sub vesperam repetere*.

Manē vocatus, rem ita habere, uti retulerant domestici, atq; hoc admiratione dignum, observavi: Sedebat, infantem in gremio tenens, loquebaturq; piè & cordatè, atque quo pacto afficeretur, oblatis liquidis, mihi patefaciebat. Cùm juberem adstantes, illi *decoctum calidum, ut pedes in eo mergeret*, revulsionis causâ, clam apponere, illa, ubi primùm adferri sensit, paroxysmum passa est. Quia autem menses supervenerant, nec aliquid admitteret, nolui aliquid hoc die tentare, nec *narcoticum* dare.

Octavo in prima invasione die, matutino tempore, supervenit diarrhœa, admodumque debilitari cœpit. Jussi experiri, an hunc *bolum*, posset sumere: *R. Mitridati elect. 3. j. Philonii 3. j. Cum saccharo fiat Bolus.*

Verùm cum offeretur, renuit, sancteque & pie, multa, de electorum beatitudine, prædicans, mortemque

semque sibi prædicens, horâ quartâ post meridiem, sensim voce remittente, viribus quoque paulatim deficientibus, expiravit.

*Viti saltus, S. Vitis Danti / Mania
Species, in fœmina quadam.*

CUM puer adhuc essem, hoc horrendo affectu, quædam fœmina laborans, in tribus suburbii cinericii, hinc Basileæ, Zum Ruyf domum dictam, non procul à parentis ædibus, à licioribus ducebatur, cui magistratus, uti in Praxi mea annotavi, viros aliquot robustos, qui alternatim, uno sesso, altero succedente, cum ea, dies, noctesq, tripudiarent, constituit, quod ferè mensis spatio, spectantibus multis, duravit, sine ferè intermissione, et si solearum, pedum ejus, cutis attrita esset. Et licèt aliquando, ut cibum caperet, & somno correpta, sedere cogere-tur, tamen gestu, motuque corporis inquieto, interim nihilominus, corpus veluti saltans, agitabat: donec omnino, viribus prostratis, adeò, ut nec stare amplius posset, à saltu cessare coacta, in hospitale vecta est, ubi resecta, sensim denuo convaluit.

*Viti saltui similis, corporis agi-
tatio.*

PRINCEPS quidam Ecclesiasticus, Convulsionis gravis, aliquot paroxysmos passus, tandem in similem Maniam incidit, in qua, corpus illius universum, saltaturi in modum agitabatur, quod, & si vires suffecissent, atque è lecto prodire potuisset, uti facere nitebatur, sed detentus vi, non potuit,

potuit, egisset. Sicque corpus, agitando, ridendo, aliosque ut secum saltarent invitando, ad agonem mortis usque, perseveravit.

Phrenitis vera, in puerpera.

PUERPERA juvencula, non bene post partum purgata, in grave delirium, subito, nullo prægresso alio morbo, incidit, irascebatur illis potissimum, quos maxime amare debebat, marito scilicet & parentibus: multa tamen religiosa locuta, facie vehementer rubebat & oculis: Febris aderat acuta, quare, Phrenitidem veram esse, statim judicavi.

11. Januarii, Anno 1593. vocatus, *Venam ut aperiret*, suasi, sed ob inquietudinem, fieri minime potuit. Itaque *scarificationem, in scapulis & humero*, adhibere jussi, quod magnâ difficultate factum.

Dein ob vigilias, & inquietudinem, dedi, *syrupum de papavere dilutum.*

Oxyrrhodinum item, fronti apponere, jussi, quod tamen continuo detrahebat, nec quievit.

12. Januarii *Gallinam per medium dissectam, tepentem & cruentam, capitis vertici*, jussi imponi; quo facto, vapor copiosus & spissus, ita ut conspici posset, mox ab ea sede, sursum evaporabat, & cū gallina removeretur, tosta esse videbatur, quod mire profuit.

Nam 13. Januarii ad se redire cœpit, & adstantes agnoscere, & rationi consentanea loqui, atque obtemperare. Itaque *Julepum refrigerantem & humectantem*, nam adhuc febricitabat, præscripti. Quo bis tervē usa, accedente idoneā vivendiratione, mox convaleuit.

Para-

*Paraphrenitis, quâ delirans quidam,
lusu scacchiæ dicto, ludebat.*

EPIDEMIO morbo, adolescens quidam, correptus, in ædibus parentis mei, etsi manifestè deliraret, per dies aliquot, nihilominus è lecto surgens, scacchiæ ludum nobiscum, qui eo nos exercere consueveramus, exercebat, satis industriè, idque aliquoties, nec ad se reversus, ampliùs ejus recordabatur.

*Delirans quidam, se suamq; uxorem
perdidit.*

QUIDAM in urbe Walsdtschütt/ febre continuâ laborans, in delirio, furore percitus, uxorem per vim compressit., statimque postea expiravit. Uxor verò, mox eodem morbo correpta, licèt ab eo fuerit liberata, nunquam tamen postea se rectè habuit; tandemq; in tympanitidem incidit, quâ obiit.

Delirium ob Septi inflammationem.

VIDE in Respirationis defectu. Lib. I. Dispnoea à defluxione supra septum, &c.

Delirium in causone.

VIDE in Febris. Lib. II. Febris ardens seu caufus, &c.

IN TACTUS LÆSIONE

OBSERVATIONES.

*Stupor brachii, Capitis gravedo, atq; è
cute capitis, veluti pinguedinis
exudatio.*

FILIAE adultæ, Nobilis cuiusdã Nancei primarii, stupebat brachium cū formicationis sensu, & movendi aliqua impotentia: quærebam, an ex compressione per decubitum brachii, vel refrigeratione aliqua, hoc illi accidisset. Verùm cū causam explicare non posset, sed de capitis dolore & gravēdine conquereretur, & præter hæc, è cute capitis, pinguis quædam exudaret materia, excrementa copiosa congeri observans, frigidamq; defluxionem, ad brachii nervos decubuisse suspicatus, ut purgaretur, ordinavi pilul. sine quib. ʒ. ij. hebdomadatim.

Alternis quoque diebus, de conserv. sequenti capiat: R. cons. Ros. Anthos, Salvia ana ʒ. j. Chamapic. pulver. cum conservam non haberet ʒ. ij. cum syrupo de Betonica fiat mixtura.

Ut Lixivio item caput lavaret, quarto semper die: R. Lixivii tensorum mensur. ij. decoq. in eo Majoran. Salvia, Spica celtica an. M. j. Agariçi ʒ. ʒ. sum. Rosin. p. j. Tartari Vini albi ʒ. ʒ.

Post lotionem siccet pannis suffumigatis, Mastiche, Thure & Succino.

Postea præscripsi seq. inunctionem: pro brachio, quā manē ad focum, interdum etiam post sudores, uti stupha motos, brachium fricaret eò usq; donec ruberet.

ruberet, cuius hæc descriptio: *R. rad. Ireos, Acori, Enule an. 3.j. sol. Ruta, Thymi, Chamap. Salvia ana 3.ß. Hyperic. Chamom. sum. Rosm. an. 3.ij. bacc. Junip. bacc. Laur. ana 3.vj. Nucis mosch. Benzoini, Storac. ana 3.ij. Terbinth. seu resin. lariceæ 3.j. affunde Vini generosi lb. ij. Urinae puëri. lb. 3. destillentur; Aquâ oleaginosâ, quam Balsimoleon voco, utatur.*

Cùm aliquandiu eo usâ esset, cœpit fornicatio nonnihil minui, brachiumque minori cum impedimento moveri.

Iussi, ut in acervum vinaceorum calentem, brachium intruderet indies, horamq, integram retineret.

Et postremo dropacem adhiberet, ex Pice cum ol. Laurino dissoluta, miscendo Stercoris columb. sic. pulver. & sem. Sinap. & detraheret indies bis vel ter, rursusque reponeret, vnde tandem restituta.

Stupor brachii ex compressione.

LAPICIDÆ dormienti, totaque nocte cubito incumbenti, brachium adeò obstupuit, ut veluti emortuum, nihil amplius sentiret, cum resolutione quoque aliqua illius. Hic licet varia tentasset remedia, vix toto biennio, sensum tactus iterum recepit, eoque uti potuit.

Sensus tactus depravatus, ardentem & veluti urentem dolorem, in partium extremitatum superficie discurrentem, percipiens, ad multos annos durans.

QUIDAM chartarum lusoriarum confector & pictor, spacio viginti octo annorum, affectu

raro.

raro atque admirando, divexabatur. In extremitatibus corporis hinc inde, nunc in digitorum manûs & pedis summitatibus, nunc in labiis, nunc in apice nasi, ardorem intolerabilem sentiebat, ab uno loco in alium, in jam enarratis partibus discurrentem, locumque aliàs citiùs, aliàs tardiùs permutantem, sæpè & in pluribus simul infestantem, eo omnino modo, uti ajebat, sicuti ex contusione nervi, in cubiti articulo, dolor, in minimo illique vicino digito, aliquandiu summus, cum formicatione aliqua, se offerre solet. Qui dolor in illo, nullis aliàs caloris, morbi ve alterius indiciis, sese prodebat, nisi quòd lutea macula quandoque illic appareret, quæ tamen subito iterum evanescebat. Hisce ille doloribus, per intervalla redeuntibus, & nunc longiùs, interdum breviùs durantibus, per annos tam multos conflictatus, domi se continere, in lecto plerunque decumbere, cogeatur, emaciatus non nihil & pallidus, membris diversimodè in lecto collocatis, cum ea dolore urgente, variis modis nunc attraheret, nunc extenderet. Cibum interea capiebat, & suas chartas nihilominus, cum dolor indutias dabat, pingebat, liberosque procreabat sanos & incolumes. Hunc ego sæpè, ex Galliis reversus Anno 1557. invisi, consilioq; ut dolor aliquo pacto mitigari posset, certis præfidiis juvi, & cum spem aliquam sanationis conciperem, pestis cum Anno 64. jam senem, è medio sustulit,

& à longo illo languore
liberavit.

*In Lingua, sensus, ardoris & veluti
urentis doloris.*

IN linguæ extremitatibus & lateribus, similem ardorem, mulierem quandam, multos quoque annos passam, & ad extremum usque enervatam, illiusq; præcipuè causâ, succedentibus tandem gravioribus noxis extinctam, similiter vidi.

In Labio, sensus, ardentis & velutipungentis doloris.

DEIN & in labio dextro, virum robustum alioquin, jam toto triennio, simili modo affectû, accedentibus tum etiam interdum punctiõibus, in caput usq; ascendentibus, ac si ferro candenti, ut referre solebat, ureretur, lecto decumbentem visitavi, qui & tandem occubuit. Quæ nervorum causâ accidere, illorumque affectus aliquos, sic excruciare, quàm diutissimè homines, posse, nullo indicio aliâs apparente manifesto, in Praxi nostra ostendimus.

Sensus ardoris & punctiõis, hinc inde per corporis superficiem, maculis & pustulis simul erumpentibus, cum Capitis dolore, & Aurium tinnitu.

VIR quidam rusticus, Burgundus, corpore valido, venit ad me, consilii gratiâ, Anno 1607. Septembr. 18. Conquerebatur de dolore ardente & pungente, discurrente per universam corporis superficiem, maximeque in extremitatibus, ut

manis

manibus, pedibus, facie & scapulis: atque erumpabant interdum, maculæ luteæ & pustulæ hinc inde, quæ tamen mox iterum evanescebant. Circa scrotum ardor præcipuus erat. Accedebat his, capitis dolor, & aurium tinnitus.

Ufus erat, Chirurgi consilio, qui cum Lue Veneræ infectum suspicabatur, uti verisimile erat, licet ille negaret, nec se, cum impura muliere, congressum testaretur. Post *purgationem & venam sectam*, diatam usus est, *parcè edendo, & non nisi decoctum Guajaci bibendo, sudandoq;*, sicq; hanc curam ad dies decem octo continuavit, sed nihilo melius inde habuit: Postea usus *thermis Plumbariis*, recruduit malum.

Suasi illi, ut non solum *sudoribus*, sed & simul *alvi dejectionibus*, per vices aliquandiu continuatis, corpus ab ejusmodi acribus, biliosis & malignis humoribus, cum sanguine, per venas & corporis superficiem dispersis, & discurrentibus evacuetur.

Ad quæ promovenda, hoc *purgans decoctum* illi præscripsi: *R. rad. Polypod. ʒ. ij. ʒ. sol. Senæ ʒ. ij. Epithymi ʒ. ij. Myrobal. citr. ʒ. ʒ. ligni Guajaci rasi ʒ. iij. flor. Cord. P. ij. cort. Hellebori nigri ʒ. iij. bulliant in Aqua ʒ. viij. & Vini ʒ. j. ʒ. ad consumptionem tertiæ partis, dulcoretur Melle: Bibat manè haustum, & continuat, si ferre possit, per mensem unum, sin minus, interdum quiescat, per diem unum alterumve.*

Sudatorium hoc ordinavi: *R. rob. de Sambuco ʒ. iij. rob. de baccis Juniperi ʒ. j. ʒ. syr. de Papav. ʒ. ij. Narcotici mei ʒ. j. spiritus Juniperi ʒ. ij. misce. Capiat alternis diebus, cubitum iturus, & sudet eâ nocte.*

Atque ita, in cura, & purgando & sudando, perrexit, ad spacium illi definitum.

Reversus ad me Anno 1608. mense Aprili, dicebat, se post illam curam, bene habuisse. Et intra mensis spatium, denuò discurrentē illum dolorem rediisse. Suasi, cū robustus esset, ut curam priorem repeteret, præsentē Chirurgo illius loci. Iterum post annum reversus, dicebat se curam inchoasse, sed postea neglexisse. Quare denuò repetendam suasi, quod & fecit, & postea iterum convaleuit.



IN VISUS LÆSIONE OBSERVATIONES.

Vertigo epilepsie proxima.

QUIDAM amicus meus jam senescens, Vertigine interdum subito corripiebatur, nunc ante cibum, mox post eum, in qua, quia cubiculum aut locum in quo erat, inverti illi videbatur, statim corruerat, & se retinere studens, unguibus terram radebat, pedibusq; eam, epilepticorum instar, pulsabat, nisi quod mens in eo constaret. Paroxysmo autem soluto, capitis dolorem aliquamdiu sentiebat, lentamque pituitam evomebat: antequam autem vertigo eum invaderet, prius de ventriculi gravitate & cardialgia conquerebatur.

Frequenter autem *pilulis* utens, illorum usu, ut rarius eum affectus hic invaderet, præcavebat.

Vitui simplici & moderato se assuefaciebat.

Pulvere post pastum, interdum quoque concoctionem juvabat.

Verum cū aliquando, horum intermissione, aliquoties in publico cecidisset, omnesq; eum, jam
verè

verè epilepsiâ laborare crederent, vomitorium illi exhibui, ex decoct. Azari in Vino, quod illi valdè profuit. Quam vomitionem postea sumptâ sibi infusione in Vino factâ, continuavit.

Vomitionem facillè ferebat, nisi quòd spasmus flatulentum, in cruribus, sumptis vomitoriis sentiebat, non tamen aliquid gravius, inde pati solitus.

Cùm aliquândo recrudesceret malum, hoc Vinum ita illi profuit, ut postea nunquam ampliùs, etsi levis vertigo, sese adhuc offerret, caderet, vel de vertigine admodum conqueretur, quod tale fuit: R. Senæ ʒ. ij. Turbith. ʒ. ʒ. Agarici ʒ. iij. Zingib. ʒ. j. Piperis ʒ. ʒ. sem. Coriandri ʒ. j. Absinth. ʒ. j. sum. Centaurii, Majoran. ana ʒ. j. infundantur in mensur. j. Vini. Bibat diebus aliquot.

Vixit diu postea incolumis, & jam penè septuagenarius, casu camerati, cavæ Vinariæ, obrutus, vitam finiit. 6. Januarii, Anno 1596.

Vertigo, multos annos durans in quodam, adeò, ut erectus esse, minimè posset.

ITALUS quidam mercator, civis, benè coloratus, & benè habitus, in virili ætate, sensim cœpit vertigine laborare, quæ ætatis decursu, adeò invaluit, ut nec ambulare, nec in lecto se erigere, quin corrueret, posset: sic autem ociosus decumbens, dies noctesque in lectulo, cibum nihilominus capiens, & bibens, sanorum instar, & dormiens, mirè factus est obæsus, atque eo modo, multos annos, scabie interim quandoq; infestatus, perduravit, tandem verò, Caro correptus, in somnum profundum incidit, quo, diebus aliquot elapsis, expiravit.

Causam indagaturi, calvariam serrâ circulatim divisimus, subitoque, antequam calvariæ scutella detraheretur, è sectione, vulneratâ illic crassâ cerebri meninge, aqueus humor, copiosè per faciem in corporis, quod erectum nonnihil erat humeros, pedusq; defluës, linteamina admodùm madefaciebat. Calvariæ dein pars separata, cùm tenaciter duræ matri connata esset, ægrè ab ea, & non citra illius dilacerationem, avelli potuit. Intrinsecus omnes cerebri anfractus, & ventriculi, aquâ madebant. Vas venosum, omnesque arteriæ induratæ callosæq; factæ, occaluerant, distinctisq; globulis, toto ductu undique in capite, ad ipsorum juxta infundibulum insertionem usq;, protuberabāt. Ex quibus, & aquam, longo tempore in capite collectam, fluctuantemq;, & Vertiginis & Cari subsequentis causam fuisse, uti & arteriarum illam obstructionem, vertiginis, sicuti in Praxi nostra annotavi,prehendimus.

Vertigo, ob jejunium & vigilias.

PATER meus Thomas Platerus, Medico studio aliquandiu operam dans, utque praxim illius rectiùs addisceret, cum Doctore Medico insigni, Johanne Epiphanio, natione Veneto, Medico Episcopi Basiliensis, cum uxore aliquandiu vixit, & cùm non solum interdium, studiis incumberet, sed & noctu, aliquot horas insumeret, vertigine laborare cœpit, adeo vehementer, ut matutino tempore, vix nisi alicui rei innixus, citra periculum casus, ambulare posset. Cui consilium, super hoc casu petenti, Doctor respondit, habes pharmacopœum, uxorem tuam, quæ remedium tibi parare potest: *jube eam, jentaculis*

Jentaculi loco, offam tibi indies manè prabere, nec jejunus maneto, & horas somni decentes completo. Hisce factis, vertigo defiit, nec postea, ad præcipitem ætatem 83. annorum viventi, cùm indies jentaret, & loco offæ, cùm in schola matutino tempore maneret, panem & caseum comedere consuevisset, ampliùs ei molesta fuit. Idem pro vertigine avertenda remedii genus, cùm D. Martino Borhao Theologo, aliisque pater meus indicasset, & ipsi, sic liberati ab ea fuerunt.

Scotomia in Melancholia hypochondriaca.

VIDE in Mentis alienatione. Lib. I. Melancholia cum variis affectibus copulata, &c.

Visus hallucinatio post Carum secuta.

VIDE in Mentis alienatione. Lib. I. Sopor gravis seu caros, &c.

Visio depravata in resolutione.

VIDE in Motus impotentia. Lib. I. Resolutio sinistri lateris, &c.

Visio depravata, ob maculam nigram, quæ nubeculæ instar, ante oculum sinistrum, volitare videtur.

CUM ante quinquennium Anno 1608. cum quodam manè colloquerer, subito offusa fuit mihi, ante sinistrum oculum, macula quædam nigra, rotunda, lentis instar majoris amplæ, ante ocu-

lum visa mihi volitare, quam cum depellere vellem, existimans aliquod filamentum, de pileo nigro, illic dependere, deprehendi nihil esse corporei, sed tantum, uti nubeculae solent, in oculo aliquid, ante pupillam sese offerre, quod visionem sic depravaret. Et cum alioquin, visionem non impediret, qui nihilominus sine perspicillo, jam annum superans septuagesimum septimum, etiam minutas literas, legere possum, haecenus neglexi, etsi haec macula, ante sinistrum oculum ditcurrens, tunc maxime, cum inter videndum, oculum in sinistrum latus flecto, perseveret, nec minuatur cessetve. Cujus causam cum scrutor, existimo, à ciliaris processus filamento aliquo, à nexu cum sua membrana libero, & in aqueo humore natante, sicque ante pupillam oberrante, visumque obfuscante, hoc proficisci.

Suffusio, in oculo dextro confirmata, in sinistro incipiens, visionem, in uno auferens, in altero obfuscaus.

QUIDAM jam longo tempore, Alchymiae operam dans, sensim coepit, in uno oculo defectum visionis, qualis in suffusione in oculo nata, ab initio, cum nubecula, mox cum majore obscuritate, se manifestare solet, sentire, & licet multis usus esset remediis, quae omnia, ad defluxiones avertendas dirigebantur, praesertim cum & oculi nonnunquam rubeant, forte, quia frequenter illos, perfricare solebat, & tandem consilio chirurgi setonem in collo gestaret, nihil tamen haec effecerant, sed tandem incrassata pellicula, & albidâ in pupilla apparente, caecus eo oculo factus est.

Verum

Verùm cùm & in altero oculo, idem defectus se se patefaceret, metuens, ne & in eodem hoc accideret, penitusque cœcus fieret, consilio meo, cui prius parere noluit, quia vitium in oculo esse dixeram, ipseque, à vaporibus hoc tantùm accidere, sibi persuaderet, postmodum usus est.

Cui si fieri posset, ut succurrerem, remedia sequentia ad discutiendam, quæ jam in pupilla videbatur, obscuritatem, ab aqueo humore illic te affigente, & retulam formante, procedentem, quod à calore ignis, quem sæpe, cùm fornacibus chymicis adesset, exsiccante oculi globum profectum conjiciebam, præscripsi.

Primumque eæ, quorum vires evacuando, ut caput magis mundum esset, curatioque sic meliùs succederet, & quæ alterando visui accommodata essent, ac simul discuterent, operarentur.

Pilulæ ejusmodi per vices usurpandæ, sic fuerunt ordinatæ: R. sol. Sena mund. ʒ. v. semin. Fœniculi ʒ. ij. aquarum Verbena, Chelidonia, Euphrasie ana q. s. pro infusione & decoctione consq., donec in formam spissam extracti redigatur, cui adde Aloës lotæ aquâ Fœniculi ʒ. ij. Rhabarb. op. ʒ. ij. R. Turbith. ʒ. j. sem. Ruta, Fœniculi ana ʒ. ʒ. Cubebar. Maceris ana ʒ. j. Mastiches ʒ. ij. fiat massa pilul. Capiat à ʒ. ij. ad ʒ. j. Possunt acui Diagrydii grani aliquot, si major debet fieri evacuatio.

Aquâ hac efficaci, cujus vires si assumatur, ad cerebrum, & nervos oculosque usq; pertingunt, aliquoties utatur, summo manè cochl. j. bibendo: R. herb. Fœniculi, Ruta, Euphrasie, Verbena, Chelidonia, an. M. j. sem. Rosmar. Salvia. fl. Rosar. ana P. j. bac. Juniperi, ʒ. vj. lac. Lauri ʒ. ʒ. Caryoph. Piperis an. ʒ. j. Cinam. ʒ. ʒ. ligni

Alōēs 3. ℞. sem. Fenic. 3. ij. Sileris mont. 3. j. Rutæ sem. 3. ℞. Infundantur in Vino generoso, & destillentur.

Secundò topica præscripti, oculo occluso adhibenda, noctu cùm dormire vult: *R. Fellis Carpionum, Mellis, Succi Chelid. ana 3. ℞. coquantur parùm donec inspissentur, dein adde Tuthiæ 3. j. Camphoræ 3. ℞. axungie Thymali piscis 3. ℞. fiat linimentum, pro palpebris extrinsecus ungendis.*

Cùm hisce aliquamdiu usus esset, & profectum aliquem experiretur, spemq; sanationis bonam concepisset, interveniente morbo alio, decessit.

Visus imbecillitas, seu Amaurosis.

COMES quidam Lotharingus, de visionis imbecillitate conquerebatur, quòd res exactè, si-
ve propinquas si-ve distantes, dijudicare non posset, ob-
stare dicens, veluti fumum seu nubeculam quan-
dam, quæ sibi visum obscurarent. Cùm omnia di-
ligenter inquirerem, nihilq; in pupilla obscuri appa-
reret, & non semper, in eodem statu permaneret, hic
visionis defectus, sed nunc major, nunc minor
esset, à vaporibus potiùs, quàm vitio in oculo, hoc
evenire judicavi, atque ostendi, vapores non ocu-
lum subire, uti credebat, sed cerebrum, juxta ner-
vorum opticorum exortum, uti in praxi mea de-
scripsi, impetere.

Usus jam erat multis evacuationibus, & diver-
sionibus, atque inter reliqua etiam setaceum in cer-
vice gestabat, quod, quia utrinque labia forami-
num, etsi indies traheretur, idque cum magno cru-
ciatu, coalescebant, molestiam illi parebat, præser-
tim cum ea, pulv. corrosivo, ne penitus occluderen-
tur,

ut, chorda non amplius sequente, aspergere multo-
ties oporteret.

Præscripti illi pilulas sequentes: R. sol. Sena, (quæ
oculis appropriata esse creditur) 3.ij. sem. Fenic. 3.j.
Turbith. 3.ij. pilul. Sine quibus & Lucis an. 3.ij. cū syrupo
de Fumaria, quæ & ipsa oxydorcica est, fiat massa. Capiat
3.j. singulis mensibus ter, sine custodia, cum leviores sint.

Cucurbitulas applicet menstruatim, duas in collo, duas
in scapulis sine scarificatione, continuando per triduum.

Vinum medicatum paret euphrasiatum, visioni conve-
nientissimum, de quo nonnunquam haustum, in ingressa
principio, vel manè bibat jejunus: sic enim ejus vis, per
vapores cum Vino rectius ad caput ascendit: R. sol.
Euphrasia sicca 3.j. rad. Fœniculi 3.ij. sol. Caryophyllata
3.vj. Betonica, Verbana, Majorana ana 3.ß. fl. Rosmar.
3.ij. sem. Fœniculi 3.ß. gran. Juniperi 3.j. incidantur atq;
in doliolo collocentur, inter scobes ligni Juniperini affunde
Vini albi generosi mensuras 10. vel 12. serventur ad usum.
Vel Vindemiaram tempore, affunde mustum recens,
& finito effervescere. Poterit & Cinamomum ad gra-
tiam addi.

Pulverem sequentem mensurâ unius cochlearis, noctu
cubitus iturus, præcedenti levi cenâ sumat, superbibenda
parum Vini vel projectum in Vinum, sic cum eo bibat:
R. sem. Coriandri 3.ij. sem. Fœniculi Anisi ana 3.j. Carui
Sileris mont. an. 3.ß. Sinapis 3.j. sol. Euphrasia, Majorana
an. 3.ß. Cinam. 3.ij. Maceris 3.ß. Caryoph. 3.j. Sacchari
tabul. cum aq. Rosar. 3.ij. fiat pulvis subtilissimus.

Sal in mensa ad manum habeat, quo ova recentia
vel etiam alios cibos quandoque saliat: R. Salis puri
3.ij. semin. Carui 3.j. sol. Euphrasia, Majorana ana 3.j.
Nucis mosc. 3.ß. fiat pulvis.

Comedat

Comedat frequenter *jecora caprarum juniorum, assa confixa Caryophyllis & Cinamomo.*

Aquâ lequenti oculos manè abluat: R. Chelidonia, Verbena, Euphrasia. Fœniculi herba, recent. ana bonam quantitatem, Rosar. rubr. recent. Pugillos aliquot, si haberi possunt, sin minus assundatur Aquæ rosarum Cyathus unus; Eliciaturs aqua ad usum.

Hæc & illi atque alteri cuidam, qui eâdem curâ usus est, admodum profuerunt.

*Cæcitas à tumore globoso, in cerebro
nervos opticos premente, pro-
veniens.*

GALLUS quidam, Jurium studiosus, annos natus 24. hîc versans, dolore capitis correptus est, mox sequuta febris, quâ cessante, cephalalgia reliquæ aliquæ nihilominus remanserunt, cum vigiliis & capitis imbecillitate. Tandem in oculo sinistro, visio obscurari cœpit, & post mensem, etiam in dextro oculo, sequutaque est paulò post in utroque oculo, omnimoda Amaurosis, seu Cæcitas, nullo vitiò in oculo apparente. Postmodum etiam cœcus ille, convulsionibus laboravit, quæ illum per vices, totâ hyeme, affligebant. Quibus, initio veris, cessantibus, supervenit tussis, febris hectica, expunitio purulenta, & tabes, quâ diu molestatus & consumptus, tandem expiravit.

Corpore per Anatomen aperto, pulmonum vitiumprehendimus: verùm, cùm causam cœcitatatis, apertâ calvariâ, in cerebro perquireremus, invenimus cerebrum, aqueo copioso humore irriguum,

guum, partemque illius anteriorem, sinistra præsertim in sede, tumidiorem, à qua cum portio adimeretur, inventus est. tumor seti globus quidam glandulæ seu strumæ instar, inclusus, in cerebri substantia, ab ea tamen separatus, propriaque membranâ durâ contentus, per quam, venæ aliquæ capitulares, dispersæ erant, ovi gallinæ magnitudinem superans, inæqualis, & formam pinæ nucis exprimens, cujus interior substantia, albida & æqualis; ovi albumen, coctione induratum, referebat, sed durior illo erat. Hic, cono obtusiore, nonnihil sursum prominebat, basi verò latiore, ventriculo cerebri, anteriore sede innitebatur, & pondere suo, quod erat drachmarum quatuordecim, nervorum opticorum exortui in cerebro, incumbēbat, eosque comprimebat, quam causam fuisse cæcitatē, quod cum spiritus animalis transitus, ad oculos fuerit impeditus, conclusimus, cum alioquin in nervis opticis, nulla obstructio, aut aliud vitium, uti nec in oculo, apparuerit.

Notā admodum absimilem globum glandulosum, cum etiam in cerebri substantia, in nobili quodam equite, Obstupescentiā gravi & diuturnā laborante, (ut eo loco exposuimus) invenerimus, satis conjicere licet, graves & diuturnos, cerebri vitio accedentes & incurabiles morbos, ab ejusmodi occultis, in cerebro latentibus tumoribus, aut vitiis, frequenter accidere, & cum rarissimè hæc sectione indagentur, Medicos, qui causam, cerebri intemperiei, aut humoribus attribuunt, atque hisce remedia accommodando, oleum & operam perdunt, latere.

Cæcitas

*Cæcitas post convulsiones, aliquandiu
perseverans.*

EX colico dolore, quædam convulsionibus correpta, visum omnem amisit, adeo ut ad motum lumen, oculis apertis intueretur, vel scintillam splendoris, se videre negans.

Post triduum iterum visum recuperavit. Exactis aliquot annis, denuo colicis passionibus obruta, & convulsionibus, cæca facta, sed iterum visum recepit, redeuntibusque postea, ferè quottannis, hiscè affectibus, tandem extincta est.

Cæcitas post convulsiones, incurabilis.

ALIAM nobilem, post colicos dolores & convulsiones, similiter excoecatam vidi, causam epithematibus frigidis, quæ fronti suæ, frequenter apposita fuisse dicebat, imputans. Hæc nullo modo ampliùs, ab hoc affectu sanari potuit, sed ad finem vitæ, cæca permansit.

Cæcus ab infantia, ex consuetudine nihilominus, multa artificiosè fabricans.

COECCUS quidam, à septimo ætatis anno, à teneris, in parandis organis ita se exercuit, ut organa, fistulis ligneis & stanneis, maximi pretii, proprijs manibus elaboraret. Quale organum, Dux Wirtembergicus Fridericus, à cæco isto paratum, mihi ostendit, illudque, artificem illum pulsanter, audiui, cujus & oculos inspiciedo, nullam maculam

jam in illis deprehendere potui, omnes tamen, qui à multis annis illi convixerant, cœcum esse, eademque præstare posse, firmiter hoc argumento probabant: quòd & in tenebris, hæc elaborare posset, soloque contactu, agebant, illum, lignorum quoque diversa gênera, cognoscere.

Pupillæ dilatatio, visum obfuscans.

EX ictu pilæ parvæ, in oculum cujusdam, inter ludendum, magnâ vi, delatæ, ita fuit pupilla ejus, jam diu dilatata, ut totus circulus iridis, ferè niger appareret, dicebat, se, paulò minus in illo oculo, quàm altero, posse cernere. Et quod mirum erat, aliquando rursum pupilla, ad decentem & eam, qualis in sano oculo erat, angustiam redibat. Ex quo conjicere potui, uterque processus hunc, qui pupillæ foramen in se habet, retrorsum converti, nec disruptum esse, obeamque causam remeare posse.

Jussi imponere, *aquam peculi ros. in qua cort. Granatorum ebullierint*, an hac ratione, denuò firmari posset, ne ampliùs se inverteret.

Pupilla obscura, visum obfuscans, in Oculi inflam.

VIDE in Oculorum dolore. Lib. II. Oculi dolor & Palpebrarum inflammatio.

Pupilla obscura cum lachrymis.

VIDE ibid. Oculorum tumor, rubedo lachrymæ, &c.

Macula

*Macula in pupillæ oculi regione, cum
rubore in ambitu, Visum ob-
fuscans.*

PUELLA annorū circiter 18. mense Februario, 1609. imbecillitatem visionis in oculo ientiebat, adeò ut res eo oculo, non rectè dijudicare posset: & cùm macula quædam, in pupilla appareret, rubedoque in ambitu, & veluti initium panniculi, Chirurgi operâ usâ, multa citra successum, oculo indita fuerunt, licèt aliquoties purgaretur, tandem ad me ventum mense Martio. Ego præmissâ denuo purgatione exhibendo pilulas Sine quibus, oculo hoc cataplasma iussi applicare, sic paratum: R. pulpa Pomorum Grûnacher incisorum & repurgatorum lb. ʒ. coquatur in aqua Ros. & Fœniculi, donec in pulvem redigatur, contundatur, adde mucilag. sem. Fœnogr. ʒ. ij. Album ovor. nūm. ij. cort. Granat. subt. pulv. ʒ. ij. lap. Hamatita exactè triti ʒ j. Cremoris lactis parum. fiat Cataplasma; applicetur tempore somni & manè, reiterando indies.

Usa fuit insuper Cucurbitulis, quas colli regioni & scapulis utrinq, tribus diebus continuò in mense semel adhibuit, citrà scarificationem.

Hiscæ restituta fuit adeò, ut nihil ampliùs in oculo vitii appareret, visusque nullum, in eo oculo, impedimentum sentiret. Sed novum supervenit accidens, nam redeunte interdum defluatione, glandulæ circa mentum, illi intumescere cœperunt, & tumor tandem, illic enasci, cujus historiam, in Tumore menti, infra proponemus.

Albugo,

Albugo, in oculi pupillæ sede, post ophthalmiam nata, visui incommodans.

PUELLÆ cujusdam, sinister oculus admodum rubebat, pruriebatque, lachrymæque continuo ex illo fluebant. Et quia jam diu, hic affectus duraverat, albugo in oculo nata, mediam ferè iridis partem, obtexit, ita, ut de visus amissione, esset periculum.

Jussi cucurbitulas cervicis regioni aliquoties applicare.

Et cataplasma sequens oculo clauso imponere, continuoq; gestare, & bis in die renovare: quod sic parabatur: R. pulpa Pomorum odoratorum acidulorum, Grünacher dictorum quartar. j. ß. incidatur minutim, & in aqua Ros. & Fœniculi coquatur, donec in pulvem redigatur: cui contusa permisce mucilag. sem. Fœnogr. ʒ. ij. album. Ovorum num. iij. lap. Hematita ʒ. ß. cort. Granat. ʒ. j. olei Rosacei parum, misce.

Hujus remedii per dies quinque usu, oculus ad colorem, statumque naturalem, rediit, albugoque & macula, penitus sublata sunt. Anno 1560. hoc factum fuit.

Cicatrix, in oculi pupillæ regione, visionem impediens, casu deleta.

PUELLÆ, cum ex cicatrice, in corneæ media sede nata, visus impediretur, Chirurgus sacch. sandi pulverem, oculo inspergere volens, ad eam ex-

tergendana, errore quodam pixidem eam arripuit, in qua *sublimati pulvis* continebatur, quem cùm imprudens, oculo inspergeret, tanta suborta est inflammatio, ut periculum esset de oculo. Eâ tamen sanatâ, tantùm abfuit, ut quid obfuerit, ut potius multum profuerit: nam cicatrice, penè universâ detersâ, remanente levi duntaxat maculâ, vîsum recuperavit. Quod indicio est, globum oculi, fortia quoque perferre posse medicamenta, cùm corneâ ipsius tunica sit durissîma & insensibilis.

*Panniculus in oculo, & Nares
coalitæ.*

VIDE in Deformatione. Lib. III. Nares in morbillis coalitæ.

*Crystallini humoris, ex oculo effluxus,
cæcitatis causa.*

VITRIARIUS quidam, cùm peste laboraret, Anno 1564. inter alia symptomata, capitis dolore vehementi atque ophthalmiâ afficiebatur, quæ adeò invaluit, ut in tumorem, oculo elevato, suppuratoque, crystallinus humor, unâ cum aliis humoribus, subitò ex oculo erumperet, & in barbam illius flueret. Quod cùm in uno oculo, decimo ferè, post primam pestis invasionem die, factum esset, decimo quarto postea, dum in agone mortis esset, ex altero quoq; eodem modo, humores effluerunt. Mirum sanè, tam brevi temporis spatio, duram oculi tunicam & crassam, exedipomisse.

IN AUDITUS LÆSIONE OBSERVATIONES.

Surditas in una aure, in altera gravius auditio.

IN una aure, surda erat penitus mulier quædam, juvenis adhuc, alterâ verò difficulter audiebat, metuens, ne & illic, penitus auditus deficeret.

Proprio suo ipsius consilio, venam sæpius aperuerat, sed pejus inde semper habuit.

Consideratis considerandis, Pilulas sumpsit, bis tæve, Sine quibus cum aqua Fœniculi formatas.

Cucurbitulas citra scarificationem post aures, in scapulis & humero utring, tribus diebus continuis, singulis mensibus admovit: Unde magnum sensit commodum.

Lotionibus pedum & frictionibus eorundem usa est ex Lixivio, in quo herbe Capitales decoctæ: Quo & caput die præcedenti pilulis primum usa, duarum septimanarum spatio semel abluit, adhibita frictione cum pectine.

Cucupham noctu capiti imposuit, ex pulvere radic. Ireos, Coriandri, Majorana, &c.

Masticatorio usa, ex radice Pyrethri, Angelica, Zedoaria, semin. Staphisagri, pulv. cum Cera subactis, multum expuit, magnaque ab auribus, facta est revulsio.

Auribus noctu, aquam hanc indidit, quæ; R. aqua Fœniculi, aqua semin. Carui remanentis post extract. olei ana ʒ. j. spiritus Juniperi ʒ. ʒ. Instillavit addendo semper guttam. j. fellis Carpionum, postea sivit iterum effluere.

Sufficrum manè auribus suscepit per infundibulum ex decocto Origani, Rutæ, Majorana, Spicæ celtic. baccar.

*Lauri, Juniperi, semin. Fœniculi, Carui, Cymini decoctis
in Vino.*

Auditio amissa, post resolutionem.

VIDE in Motus impotentia. Lib.I. Resolutio
ab icu.

Surda & Muta puella, ab infantia.

NOABILISSIMI atq; illustrissimi Domini cu-
jusdam filia, annos septem nata, nec audire
nec loqui, vocem tamen edere potuit. Ingenua a-
lioquin & industria, & quæ verba exprimere, & vo-
cem articulatam proferre, conata est.

E' quibus primùm manifestum est, in nervis ex-
tra organa, horum sensuum, adhuc consistentibus,
conjugationibus nimirum cerebri; tertia ad lin-
guam, & quarta ad auditum desinentibus, causam
totius mali consistere, præsertim verò in illo ramo
nervi, qui communis est hisce conjugationibus;
ab auditorio nervo, ad linguæ nervos, propagato.
Cum lingua, quæ ad motum, sensum gustus & ta-
ctus, pluribus nervis optis habuit, si in uno illius ra-
mo tantum, vitium hæreat, motum sufficienter, qui
in syllabis efferendis requiritur, efficere non possit.
quamvis lingua moveatur, & sensum non amittat.
Ob hanc causam fit, ut propter communem hunc
ramum nervi, audiûs & loquelæ, si hic lædatur, &
mûti & surdi fiant, sicuti plerosque surdos natos,
etiam mutos esse videmus.

Cæterum an hoc ab ortu, huic quoque virgini
acciderit, dubium est. Licet existimarint, illam pri-
mo anno, ad sonos ita se comparasse, atque si illos
audiret.

audiret. Dein etiā capitis dolor, quem passa est, videtur huic malo, causā praeuisse. De loquela nihil certi constat, cum infantes alioquin, ob imbecillitatem, loqui nondum possint, verisimile tamen, tunc & loquelam periisse, quando & auditus, cum nervi causā, hoc factū esse, non sit dubium, interiit.

Utut sit, casus satis fuit gravis, qui si ab ortu extitit, cum vitia originalia vix emendetur: difficulter in ejusmodi aliquid praestari potest. Si verò postmodum accidit, ex defluxione eò delapsa, humoris alicujus, hoc persistente, cum adhuc aetas sit tenera, meatus aperti & laxi, & crescendo multa corrigantur, sicuti mutatione aetatis, gravissimi casus saepe mutantur, non est desperandum, sed aliquid tentandum.

Imprimis autem *varias diversiones à capite tentare*, Anno 1595. suasi, ut fortè, diu hæc continuando, causa à nervis occupatis recedat, frustra enim aliās, & linguæ & auribus, remedia adhibebuntur, in quibus causa mali, minimè latet.

Præcipuè *cauterium in nucha seu cervicis postica regione, mox sub capillis* probavi, quod sine omni dolore, parare solitus sum.

Cucurbitularum frequens applicatio, sine scarrificatione plurimum proderit, unam sub auribus, mox in collo, alteram in humero, tertiam in scapula, nunc in uno latere per dies duos vel tres usurpando, postea per alios tres dies in alio latere, semel in mensis spatio, etiam ante cauterii usum, & tunc quando cauterium jam inustum est adhibendo.

Setacea loco cauterii applicari possent, nisi majus esset impedimentum.

Si *Masticaret aliquando sequentes formulas jejuna, atq; egregiè expueret, plurimum proderet, quæ sic parantur: R. rad. Pyrethri 3. j. β. sem. Staphisagria 3. j. Cubebarum, sem. Nigellæ ana 3. β. fiat pulvis, excipiatur Cera fiant formulæ pro masticatorio.*

In *Nares, si aliquando succum hunc traheret, valde conveniret, nihil enim æquè, ab auribus derivat, atq; fluxus narium: R. succi Anagailidis, rad. Beta ana 3. β. misce, trahat naribus, vel penna iminctâ in eo, naribus indatur.*

Veris tempore, non esset inutile, si per dies quatuordecim, aut amplius, manè lac caprinum biberet, in quo parùm Senæ, decoctum esset, ut singulis diebus duas sedes haberet, quod ex quantitate senæ auctâ vel imminutâ, facile commodè, institui poterit.

Experientiâ comperi, si fistulam, illa dentibus mordeat, dum fistula inflatur, & audiat sonum, vel manubrium aut collum testudinis, dum pulsatur, bonum esse signum, sin minùs malum.

Surdus & mutus ab ortu, qui scribere potuit, & ex motu labiorum, aliquid intelligere.

SURDUS quidam & mutus ab ortu, nihilominus cretâ in tabella, quam secum continuò gestabat, animi sensum depingebat, & ab aliis scripta in ea notabat. Narrabat pater nœus, illum, cùm Oecolampadium concionantem, magno cum zelo audiret, ex motu labiorum, & gestibus ipsius, multa potuisse intelligere, uti etiam ex aliis.

Surdus

*Surdus, qui etiam verba, ex solo ductu
digitorum, literas exprimente,
percipiebat.*

SURDUS quidam, qui ut eum curarem, huc venerat; diu hîc moratus, cùm aliquid illi indicandum esset, deficiente pennâ, vel cretâ, quibus hæc illi annotari possent, nam, cùm doctus esset, optimè quæ scribebantur, legebat, etiam in horum defectu, si quis, digitum saltem ducendo in mensa, literarum figuram expressisset, mox quid esset, intelligebat.

*Surdus, Mutus, & Cæcus simul, cui eadem opera, literæ & verba, ex
primi potuerunt.*

ABBAS quidam in thermis erat Plumbariis, ex lue Venerea uti ajebant, cæcus, mutus & surdus factus, qui mentem aliorû, non aliter, quàm hoc pacto intelligere, & percipere potuit, nempe illi supra brachium nudum, literas digito vel ligno, sententiam aliquam exprimentes, ducendo, ex quibus singulis, sensu perceptis verbum, atque ex pluribus verbis, sententiam colligebat: Quod quàm fuerit miserum, pœnaque horrenda peccati commissi, quilibet intelligere potest.

Auditus difficilis, Baryecoia dicta.

AD MODUM difficulter audiebat mulier quædam, idque jam aliquot annos. Et quia sæpe

purgata fuerat, *topicaq;* tantum expetebat, sequentia præscripti Anno 1597.

Suffitum primum hoc pacto: R. rad. Ireos, Imperatoria an. 3.ß. herb Salvia, Rosmarini, Majorana, Thymi, Lauri sol. an. M.ß. sem. Carui 3.ß. baccarum Lauri 3.ij. coquantur in Vino; *Suffitum auribus* excipiat indies.

Dein: R. aqua exstillata ex Fellibus, Melle, Laricea, semine Fœniculi & Sulfure vivo, addita Euphrasia: immittat guttas tres in aurem tepidas, sinatq; mox iterum ubi auris intrinsecus bene commaduerit, effluere, repetatq; sepe.

Post aliquot menses, ad me scripserunt, illam auditum pristinum denuo, horum usu recuperasse.

Auditus difficultas in febre continua.

VIDE in Febribus Lib. 11. Febris continua putrida longa, &c.

Tinnitus aurium, auditionem depravans.

QUANTUM ex relatis cognoscere potui, cerebro admodum humido, in quo multa excrementa pituitosa, generantur, & serosa, constat clarissimus Dominus Doctor, idq; à teneris, licet calidius habeat hepar, unde & defluxiones citius moventur, venterq; constipatur. Augentur autem hæc cerebri excrementa, immoderatione, & præsertim vini nimio usu, ob quã causam, & pejus habet, quando ei indulget. Inprimis tonus ille, qui auditui obstreperit, à vaporibus, ab excrementis cerebri elevatis, & in auditus organum irrepentibus, nascitur, tamq; diu, donec illa rursus discutiatur, molestiam parit.

Hiscæ

Hiscæ omnibus, obviam ire licebit, si moderatâ utatur victus ratione: parcè cœnet: vitet ciborum in uno prandio aut cœna varietatem: Caveat à cibis nimis salsis, aut aromatizatis, qui hepar accendunt, & constipationem alvi faciunt, sitimque irritando, ut liberaliùs bibatur, efficiunt.

Purgetur corpus semel in mense, Pilulis sequentibus, sumendo eas tribus horis ante prandium: R. pil. Sine quibus, Cochia. ana ʒ. j. ol. Maceris gut. ij. cum aqua Origani fiant pilulæ 9.

Masticet post usum pilularũ formulas manè, expuendo, idq; diebus 5. vel 6. postea cesset, donec denuo pilulis fuerit ulus: R. Mastiches ʒ. iij. sem. Staphisag. rad. Pyrethri an. ʒ. ij. rad. Angelicæ ʒ. ʒ. Cubeb. Nucis mosc. an. ʒ. j. Euphorbiæ ʒ. ʒ. pulverizentur, excipiantur Cerâ, fiant formulæ.

Post masticationem factam, abluat os vino, in quo Salvia maduerit & Majorana.

Applicet quoque cucurbitulas quatuor, sine scarificatione, post usum pilularum colli posteriori regioni, duas in latere dextro, duas in sinistro, è quibus inferior sit versus scapulam, idq; sequenti quoq; die. Si post usum illarum semel aut bis in anno, scarificationem quoque adhiberet, valde conveniens esset.

Post cibum comedat, frequenter in fine mense, semina Anisi, Fœniculi, Carui, Coriandri, saccharo cooperta, cum carne cydoniorum condita.

Pani quoque semen Carui indat, vel Fœniculi, eoque sepe utatur.

Sali quoq; addat semen Carui, Majoranam siccam & parum nucis Moscata, quo res saliat.

Pruna dulcia, si alvus constipata sit, sepe comedat, & Spinachia Violariam recentem coctam addat, & cum butyro comedat.

Hiscæ observatis, quod sonum in auribus attinet, & capitis imbecillitatem, hæc erunt singularia præsidia.

Pulverem in pileolo nocturno insuendum curet, addito Gossipio, & noctu gestet, non continuò sed aliquando, & si deficiat & fiat inutilis, novum parari curet, ex sequentibus: R. rad. Ireos ʒ.ß. Cyperi, Angelicæ an. ʒ. j. sem. Coriandri ʒ. ij. Nigellæ, fol. Majoranæ, fol. Lavandulæ, Rosarum, Granor. tinctorum ana ʒ.ß. Storacis Calamitæ ʒ. j. Mastiches ʒ. j.ß. Caryophyl. Nucis mosc. an. ʒ. j. misce, fiat pulvis.

Tabulas sequentes bis in septimana manè jejunis comedat, quæ cerebro & organis sensuum robur adferunt, quæ hoc modo parari debent: R. mices Mosc. num. ij. rad. Pyrethri ʒ. j. fol. Salviæ, Majoranæ, fol. Lavandulæ, Anthos, sem. Nigellæ ana ʒ.ß. Cinamom. ʒ. ij. Caryophyl. ʒ.ß. Diamaschi dul. ʒ.ß. sacchari dis. in aqua Origani, fiant Tabulæ.

Liquorem quoque sumat, illiusq, portionem aliquam calefaciat, & in eo bombycem compressam madefaciat, & parùm exprimat, auriq, imprimat, sic enim dum ficcatur, vapores emittendo, flatus interiores aurium dissipat, cujus descriptio hæc est: R. rad. Raphani, Porri, Ceparum ana ʒ. j. rad. Cyclaminis ʒ.ß. Hellebori albi ʒ. j. herbar. Origani, Rutæ, Majoranæ an. ʒ. ij. flor. Lavandulæ, Anthos semin. Fœniculi, Cymini ana ʒ. j. baccarum Lauri nu. 15. contundantur omnia, addendo Fellis vaccini ʒ.ß. Vini fortis. q. s. misce, eliciatur aqua, cui adde ol. Caryophyl. Spicæ, de baccis Juniperi, ana gut. iij. misce.

Sudores valde quoque proderunt, si jejunis in balneo sicco, aliquando illos eliciat, sumptâ prius Theriacâ ad ʒ. j.

d 3 j. quantitatem, & postea quoque in lecto sudet, nec
nox aëri frigido post corpus exponat.

Hæc profutura si rectè observentur, non dubito,
quod ut Deus opt. max. secundet, opto. Consului
hæc Anno 1597.

*Tinnitus in auribus, auditionem de-
pravans, ex casu.*

EX casu mulier ætate provectâ, Anno 1592. in
latus sinistrum, temporibus contra terram illi-
sis, tinnitu aurium adeo perseverante laborabat, ut
illo sono, exteriorem impediente, nihil ferè audi-
ret: etsi autem multa, prius adhibuisset, & de cura
desperaret, tamen extrema tentare volens, meo con-
silio usa est.

Affluxisse ad aures sanguinem suspicatus, *phlebo-
tomiam* primùm facere iussi.

Dein *cucurbitulas* in utroque latere tres, *superiorem*
sub auribus, *mediam in summo humero*, *infimam in sca-*
pula, cum *flamma* adhibui, *sequentiq;* die repetere,
idemq; tertio die sed cum *scarificatione*, iussi.

Postea purgavi illam: *R. pilul. Fœtid. Aurearum an.*
3 j. cum aqua Ceresolii, fiant *pilula*.

Utatur dein *confectione siccâ post pastum*, ad Vapo-
res, ne caput petant, impediendos: *R. sem. Coriandri.*
Fœniculi, Anisi, Carui, saccharo semiobductorum, an. 3. ʒ.
pul. Diacydan. sine speciebus 3. j. sem. Cymini 3. ʒ. gran.
Juniperi incis. 3. ij. Sacchari parum misce.

In aures sequens instillet: *R. Aquæ vitæ cochl. j.*
succi Ceparum, coch. ʒ. olei Spicæ per destill. guttas qua-
tuor misce, valde hoc profuit.

Cucupham

Cucupham hanc gestet: *R. rad. Ireos, sem. Coriandri ana ʒ. ʒ. sol. Majorana, fl. Ros. rub. & Lavandula. sem. in. Carui, Nigella, Nucis mosc. an. ʒ. ʒ. fiat pulvis, insuatur in pileolo nocturno.*

In balneo sicco interdum jejuna sudet, & in eo caput Lixivio abluat, parato ex colatura frequenti cinerum Quercus, addendo parum Calcis, in quo decocta sint Spica Celtica, & Lavandula.

Pedes eodem lixivio frequenter lavare sub noctem jussi.

Hiscæ tinnitus omnis cessavit, nec amplius de eo conquesta est. Anno verò sexto postea, obstupescencia eam corripuit, quæ in apoplexiam versa, illam Anno 1598. è vita sustulit.

Tinnitus in auribus, auditionem impediens, in alia.

MATRONA jam senex, eundem tinnitum passa, Anno 1594. cucurbitularum applicatione supradicto modo, & scarificatione, postmodum factâ, usuque balnei, & pedum lotionum, integrè fuit restituta.

Post biennium, denuo hoc affectu prehenſa, auditum ferè penitus amiserat, curâ uti prior institutâ, per cucurbitulas, scarificationem & balneum, in quod ingressa, pannum linteum calidissima aquæ immerſum, denuoq, expressum auribus intrulit, toties, donec aures intrinsecus egregiè incalescerent, sicque affectus hic, planè sublatus fuit.

Auditus

*Auditus gravis, cum strepitu in auribus,
Vocis interceptio, & Alvi
constipatio.*

RELIGIOSUS quidam Anno 1607. à sex annis auditus difficultate laborabat, adeò, ut non nisi altâ voce loquētes, ad aurem, audiret. Dein & de impedimento, vocis edendæ, conquerebatur, quando in templo cantabat, quæ illi subito supprimebatur, donec lentam pituitam exscreans, rursùm eam edere poterat. Accedebat hisce, alvi constipatio frequens.

Pro auditus difficultate, jussi eum aquam ex fellibus auribus indere, eâque interiora madefacere, nec diutius retinere, sed postquam effluxit, aures bombyce muschatâ obturare noctu.

Item suffitum excipere ex decocto baccarum Lauri, sem. Carui, rad. Caryophyl. Iridis, herbarum Rutæ, Salvie, Betonicæ, Spondylii, Myrrhidis, an. cum Vino.

Pro phlegmate vocem interceptante, & fortè defluxione, nervos recurrentes occupante, jussi sumere semicochleare spiritus Anisi, cum spiritu Juniperi, tunc cum vox interceptetur.

Præscripsi pilulas, cucurbitulas, vesicatorium ad cervicis posteriora: Jam prius cauteriū in brachio gerebat.

Ut alvus liberius responderet, jussi infundere Sennam, Passulas in doliolo Vini, & de eo in mensâ interdum bibere.

Aliquando syrupum Ros. Lax. cum aqua Fontis frigida dilutum, Fulepi instar bibere.

Et Prunis & Passulis laxativis per vices uti.

Auditio

*Auditio gravis & penè Surditas, in utraq;
aure, cum sono strepente. Excoriatio
faucium, & Uvulæ amissio.*

OB mutationem temporis ante hyemem, Anno 1596. mensis Novembr. 21. die, mercator quidam, ex defluxione subitanea, noctu facta, auditum in utraq; aure, penitus ferè amiserat, sentiens in auribus, sonitum strepentem, cum capitis gravedine & dolore; Palatum excoriatum habebat, ex quibus, acrem defluxionē esse, judicavimus: Ante aliquot annos, simili modo se affectum, dicebat.

Mox ea die, manè sumpsit, pilular. Aggregat. Sine quibus & Cochiar. an. ʒ. j. & sufficienter deiecit.

23. Cucurbitulas sex, cum flamma, sine scarificatione, in utroq; latere ternas, in collo, bismero, scapulis apposuit, matutino tēpore. Noctu cubitū iturus, pedes abluir decocto Salviæ, Chamom. calidè, addendo parūm Lixivii & Vini.

24. Repetiit cucurbitulas manè, ante cœnā pastam, ex pane, cum pulvere semin. Carui & sol. Origani siccis subactam, & parūm in clibano coctam, confractam, calidam, auri utriq;, adhibuit. Noctu iterum pedes abluir.

25. Cucurbitulis cum scarificatione usus est.

26. Iterum pilulas sumpsit, Cochiarum & Aurearum an. ʒ. ʒ. Et quia de excoriatione palati conquirebatur, iussi decocto fl. Malvæ autumnalis, addito pauco Aceto Ros. & Diamoron & Melle ros. fauces abluere, frequenter. Pastā ad aures, iterum sub vesperam, usus est.

27. Ad præparationem materiæ dedimus: R. Syrupi de Hyssopo, Betonica, Storch. an. ʒ. ʒ. aqua Betonica, Cichorea an. q. s. fiat Fulep. Bibat manè.

Errhinum

Errhinum naribus ante prandium indidit, *Majorana* contusam, tinctam prius in succo *Betae*, intrusit, & valde promovit pituitam mucosam, & incepit, verba quæ dicebantur, percipere.

28. Repetiit *Julepum* & *errhinum*, quod iterum multum eduxit. Jussi ut decoqueret *Origanum cum* *Baccis Lauri* & *semine Carui* cum *Vino* & *Aqua*, & *suffitum* in aures per *infundibulum* intromitteret.

Reliquis diebus in *errhini* usu & *suffitus* perrexit.

30. Novembr. Usus est hoc *Vino* per triduum: *R. Majorana, Betonica, Salvia an. 3.ij. fl. Lavandula 3.j. Absinth. 3.β. Sena 3.j.β. Agar. troch. 3.β. rad. Cichor. 3.β. sem. Anisi 3.ij. Zingib. 3.j. Cort. citri sicci 3.ij.* infundantur in *Vino*; Egrege dejecit, primâ vice cum torminibus, postea non amplius: Pergens nihilominus in usu *errhini*, *suffitus* & *gargarismatis*.

2. Decembr. Quia auditus, ea die denuo, non nihil strepitu in aure, impediēbatur, jussi succum *Porri* cum æqua portione *Aquæ vitæ* cum cottone intincto in eo, in aures intrudere: Et quia tussis molestabat, *Tab. Diatragach.* noctu in ore retinere.

3. Decembr. Absolutâ purgatione manè sumpsit *confer. Major. Anthos, Rosar. an. 3.β. fiat Bolus*, Sumat.

4. Decembr. Manè succū *Majorana*, & *Beta* naribus attraxit, ita ut in fauces illaberetur, ab eoq; sensit ab auribus ad nares pituitâ derivari, quam emungens; cepit auditū recuperare. Perrexit tum in usu *suffitus* & *succi porri* in aures, & *errhini*, ex succo *Beta* tantum.

8. Decembr. Quia ob intermissum usum eorum quæ auribus adhibuisse debuisset, denuo difficulter audiebat, Jussi *Balneum* intrare, sudare, & in balneo *suffitu* uti, & succo *Porri*, ea nocte, & *scarificate* dum in balneo esset.

Ab

Ab eo, uno die pejùs, alio meliùs audiebat. Dedi illi aquam ex *Fellibus meam*, ut in aures guttas aliquot tepidas instillarèt, & ubi parùm continuasset, sineret iterum effluere; Jussi item repetere balneum post octiduum cum scarificatione. Et quia nares obturatæ erāt, & nihil olfaciebat, jussi continuare *Majorana contusa cum succo Betæ in nares usum*.

22. Decembr. Cùm illum accederem, jam meliùs audiebat, & aliquid olfaciebat, prædixi ubi primum olfactus exactè redierit, auditionem quoque perfectam iterum fore. Jussi post biduum denuo in balneo sudare, manè, caputq; diligenter *Lixivio forti*, in quo *Salvia*, *Origanum*, *Chamomilla*, *Tartarum* coxerint, lavare & siccare.

Et quia fauces excoriatæ, nondū omnino sanatæ erāt, & de illis potissimum conquereretur, ordinavi gargarisimum: *R. rad. Pentaphylli. Bistortæ ana. ʒ. j. sol. Ligustri. M. j. fl. Rosar. rub. P. j. fl. Balaustr. ʒ. ʒ. semin. Cydon. ʒ. ij. fiat decoctio in aquis Aquæ & Vini portionibus, & in mens. j. dissolve Mellis ʒ. ij. Abluat sepe os.*

Cum post aliquot dies illum inviserem, & fauces inspicerem, vidi adhuc in ambitu exulceratas, absumptâ penitus cōlumellâ. Ord. seq. Gargarisinū: *R. rad. Pentaph. Bistortæ ana ʒ. j. sol. Ligustri, Plantag. Agrimon. ana M. j. Hordei, Lentium, Rosar. rub. ana P. j. fl. Balaustr. Cort. gran. ana ʒ. ʒ. coquantur in aqua ext. ferri dil. in Mensur. j. mel. Ros. ʒ. iij. Oxymel. squill. ʒ. j. Aceti squill. ʒ. ij. fiat Gargarismus.*

Atque ita exulceratio hæc, quoque sanata fuit, amissâ tamen uvulâ, neque ob id, raucus erat aut aliud impedimentum, in voce observari potuit.

Mense Martio sequenti, qui ob frigus & pluvias, asper

asper erat, delabente rursus à capite humore denuo, surdus est factus. Verùm scarificatione usus atque *Erthino*, rursus auditum recuperavit. Quod nisi factum fuisset, *cauterium* illi inuisissem.

Post annos aliquot, novum & horrendum accidens, in nare illius & ore supervenit, quod, cùm cancrum esse, judicarem, in Oris dolore, Lib. II. descripsi. Vide Cancer in palato & nare.

Auditio difficilis cum tinnitu, & ulcere aurium.

VIDE in Aurium dolore, Lib. II. Aurium ulcus cum tinnitu, &c.

Strepitus, in aure & temporibus, in Hemicrania.

VIDE in Capitis dolore, Lib. II. Hemicrania sinistri lateris, &c.



IN MOTUS IMPOTENTIA OBSERVATIONES.

Paralysis seu resolutio corporis inferioris, mediae sedis, à globo sclopeti, spinalem medullam contundente, subsequente Convulsione.

PUELLA nubilis, è pago vicino, comitibus quibusdam, inter quos & soror erat, An. 1611. Aug. mense, Basileam revertens, & à tergo cuidam

in equo assidens; exploso sclopeto à quodam, statim resoluta, inferiore corporis à media lumborum sede, penitus facta est, adeò ut nec pedes, nec illorum digitos ullo pacto, movere posset, nec sensum ullum perciperet: sicque domum devecta est.

Chirurgus, vulnus in dorsi media ferè sede, deprehendit, cui *curam* adhibuit, quod à casu, ab equo factum, putabant. Verùm cum in superioribus partibus, nullum alium sentiret defectum, atq; inferiores omninò resolutæ & stupidæ manerent, hisce curâdis, & chirurgus & mulierculæ, *consilia varia* dantes, inter cætera, *strophas pedibus* adhibuerunt, à quibus vapor adeò fervens suscitabatur, ut, cum ob sturem, ardorem non sentiret, pedes ab imo ad coxam usque, ac si aquâ fervidissimâ combusta esset cutis, adusti nigricantesque apparerent, admodumque tumerent.

Vocatus ad eam, cum de principio & causa huius casus rogarem, narravit mihi, se cum bombum bombardæ, quam comes itineris, equitans disploserat, audivisset, eodem momento, ac si tergum suum tactum esset, dolorem sensitse, subitoq; animo defecisse, nec an ceciderit, an à comitibus retenta fuerit, & ab equo relevata, se scire, donec recepto animo, se vulneratam & resolutam, senserit. Cum vulnus inspicerem, erat illud in latere dextro dorsi, juxta octavam, vel nonam illius vertebra, & ad spinam vertebrarum illius, oblique intrinsecus declinabat. Erat autem vulnus, exactè in cute rotundum, in sinum profundum definens, & cum in ambitu, contusionis nullum signum appareret, ex ictu glandis accidisse suspicans, iussi vestes adferri, quæ similiter
rotundo

otundo foramine, uti & indusium perforata, meam
ententiam, globulo sclopeti, hoc vulnus factum, &
pinalem medullam laxam fuisse, confirmabant, uti
& chirurgi alii, postea vocati, idem judicabant, &
præsertim cum stylo immisso, vertebræ portionem
ruptam deprehenderent. Quia verò, jam exactis à
ratione decem diebus, quibus de superiorum partium
affectu aliquo, non admodum conquerebatur, tunc
verò pejus habere inciperet, vomituque gravari, &
de ardore superioris partis spinæ, capitis dolore, ac
spasmo circa cervicem conqueri, *hiscæ emendandis re-*
media, uti & vulnere, fuere adhibita, prognostico in-
terim præmisso, incurabilem hunc fore affectum, uti
mox apparuit: nam vigesimo post eum, quo hoc ac-
cidit die, expiravit. Et cum adhuc dubium apud au-
thorem facti, uti alios aliquos esset, an à sclopeto, vel
casu ab equo, hoc evenisset, licet constaret, eam non
ab equo cecidisse, sed post sclopetum explosum, ani-
moq; mox deficientē, ne ab equo caderet, ab eo cui
à tergo assidebat, retentam fuisse, ut globus adhuc
in corpore derineretur, si ab ictu illius factum fuit,
cum nullus alius pateret illius exitus, necesse erat.
Itaque cum in vulnere, per sectionem post mortem
dilatato, nihil inveniretur, illudq; vertebræ subiret,
exemptâ spinæ dorsi aliquâ portione, eaque juxta
vulneris ingressum dissectâ, globus plumbeus, spi-
nalem medullâ dirupisse, atq; in corpore vertebræ
substitisse, tandē deprehendimus. Globus is appen-
dicem habebat, cui chartam, quæ pulverem tormen-
tarium recipit, adligare solent. eratq; globus ex parte
illa, quâ os tetigerat, non nihil dilatatus, uti sæpè hoc,
si globus os in corpore tangat, nec illud penetret, ac-
cidere observavi.

*Resolutio ab ictu, utriusq; lateris, Loquelâ
simul amiſſâ, & Auditione.*

CUM luctarentur pueri, alterq; annos circiter decem natus, alterum in terram proſtraviſſet, illiq; incumberet, mater ſuccumbêti filio; auxilium latura, ſcopæ inverſæ manubrio, cervicem alterius percuffit, unde ille ſtatim, mutus factus & ſurdus, ac utroq; ſimul latere reſolutus, & cùm ubi nam doleret, ab eo quæreretur, caput nutans, in eo ſe aliquid pati, videbatur innuere. Cibum alioquin capiebat, egerebat & dormiebat. Sic itaque lecto, per multos menſes affixus; cùm ſpes omnis ſanationis, poſt uſum quorundam remedium, ſublata eſſet, in hoſpitale receptus, & inſigni pecuniæ ſummâ, decreto magiſtratûs, à muliere quæ ipſum percufferat, multæ loco annueratâ, ipſa quaſi deſperabunda, manus aliquoties, ſibi ipſi intuliſſet, niſi ſedulò cuſtodita fuiſſet. Æger verò, per annum unum aut alterum, illic miſerè vivens, tandem obiit.

Resolutio ſiniſtri lateris, ab ictu procedens, cum Oris tortura, & Viſionē depravata.

LAPICIDA puer, ab alio percuffus, tegulâ ſupra caput, ſiniſtro latere, ex parte reſolutus, difficulter incedebat, osque diſtortum gerebat, & res quas intuebatur, geminas ſibi videri dicebat. Hic quoque in hoſpitale receptus eſt, quid cum eo fit actum, mihi non conſtat.

Resolu-

*Resolutio in pedibus, cum Loquela impedi-
ta, atq; Oculorum convulsione seu spasmus,
ab ictu procedens.*

IN balneo sedenti cuidam ædituo, civis quidam à tergo stans, transversâ manu, joco, cervicem percutiens, hoc pacto, caput illi amputari, facile posse, dicebat.

Verùm ab eo tempore, misero huic, sensim pedes labascere, & resolvi cœperunt, ob quam causam, agrè incedere, pedesque cundo trahere cogebatur: Adhæc, cùm alioquin naturâ blæsus esset, verba deinceps, minùs expressè pronuntiare potuit, oculis torvis, ac veluti contortis & convulsis, restituebatur, donec tandem incrementibus omnibus, hoc pacto quoque extinctus fuit.

*Linguae paralysis, Loquelam im-
pediens.*

OSTENSUM casum apoplecticum, mercator quidam senex, resolutus aliquandiu permansit, in uno tere, & paraly sin linguæ passus est: curatus postea aliquo modo, ut ambulare denuo potuerit, remanente tamen linguæ resolutione, loqui ut intelligeretur, quid vellet, minimè potuit, eratque jam inventum malum.

Cùm fortè illac iter facerem Anno 1558. & à me consilium efflagitaret, primùm, etsi jam sæpè purgatus esset, ut ante usum topicorum denuo purgaretur, pilulas præscripsi: R. pilul. Cochiarum, Fœtidarum & ðj. cum melle Scillitico fiant pilule.

Postea ut sequentibus per vices uteretur, ter quater, & 3. j. sumendo in mense iussi: R. Agarici troch. 3. ij. Turbith. gummosi in hydrom. infusi 3. B. Myrrha, Sarcocoll. nutrita in succo Rosar. ana 3. ij. Castorei 3. j. B. Mastiches, salis Gemma ana 3. j. Aloës 3. B. cum melle Scillit. fiat massa.

Masticatione sequenti manè utatur sæpe: R. Cubeb. nucis Mosc. seminis Sinapis ana 3. j. Caryophyl. Galangæ, Piperis longi ana 3. B. Salis communis 3. j. excipiantur Cera fiant formulæ.

Abluat postea os Aquâ falsâ, quâ olive condita ad nos vehuntur, nam ejusmodi merces, mercator hic habebat.

Nares intrinsecus Unguento hoc, ad eò divertendam materiam, illinire iussi: R. Troch. Althandal, Diagydi an. 3. j. rad. Hellebori albi 3. j. Castorei 3. B. Mellis scill. q. s. fiat Unguentum.

Ungatur pars posterior capitis rafa, & cervicis nuda, hoc modo: R. ol. de Piperibus, de Euphorbio ana 3. j. B. Cera rubra q. s. fiat linimentum.

Postquam his aliquandiu usus fuisset, iussi postea frequenter lambere, electuarium ex Melle Scillitico & Anthosato, invicem permixtis.

Colluere dein hoc decocto os, atq; aliquandiu in eo retinere: R. nucis Mosc. 3. j. rad. Galangæ, Costi an. 3. B. Zingiberis 3. ij. sem. Sinapis 3. iij. decoquantur in Vino & Melle. Pro oris collutione.

Victus rationem idoneam præscripti, & ut interdum jejunus in balneo sudaret, nitereturque loqui.

Hac ratione, etsi non perfectè verba proferre posset, tamen ut intelligeretur, balbutiendo loquebatur.

Lingua impedita, uti & loquela, à resolutione illius, uti & digitorum.

IN EUNTE senectâ, cuidam præconi verbi Dei, facies inflata, phlyctenis seu vesicis amplis, subflavit aquâ repletis & distentis, facta est, quibus discissis orifice, aquâque effluxâ, iterum subsedit. Paulò post subitò impedimentû, cum loqui vellet, in pronuntiatione sensit, atq; insuper digitos moturus, & apprehensurus res, dextrâ manu, præsertim calamus ad scribendum, imbecillitatem quandam passus est. Uti & in crure illius lateris, in quo etiam vesica, sicuti prius in facie, aquâ citrinâ plena, apparebat. Quæ omnia accidentia tamen, mox remiserûnt, remanente tantûm loquelæ, levi hoc impedimento, quod eò magis illi molestum erat, quòd inter concionandum, hoc, in eo loquente, vitium observaretur.

Consiliû à me efflagitans, quòd minùs remediis assuetus esset, leviora hæc, sed efficacia, præscripsi.

Vino sequenti ex musto, quod tunc Vindemiarum tempore ad manum habebat; hoc pacto parato, usus est: R. herb. Chamæpithyos aride ʒ. ʒ. herb. Salviæ, Absinthii ana ʒ. ij. flor. Rosmarini, Primulæ ana ʒ. j. Musti albi laudati mensuras v. vel vj. sinatur donec mustum, uti solet, effervescat: Bibat sæpè de hoc Vino.

Quia pilulas non poterat deglutire, ord. sequentem potionem, quâ interdum se purgaret, leviolem, ne, si validè operaretur, defluxiones movendo, novam excitaret, ut sæpè in paralyâ & podagra fieri observavi: R. Rhabarb. ʒ. iiij. Mechoaca ʒ. j. ʒ. sol. Senæ ʒ. ij. infundantur in Vino prædicto Chamæpithyos, fiat expressio, adde syrup. Ros. sol. ʒ. j. Bibat.

Paret condituram ex herba Chamepityhes & fl. Salvia recentibus, cum melle coctis & conditis, iumendi interdum mane bolum, & iuperbibendo parum aquæ Rosmarini, & Thymi.

Masticet manè, de hoc masticatorio aliquando: R. Cubebarum 3.j. Piperis longi 3. B. Nucis mosc. 3.j B. Mastiches 3.j sem. Angelicæ, 3. B. sem. Sinapis & Nasturtii an. 3.j. Euphorbiæ gran. ij. cum Cera fiat masticatoria.

Colluat os frequenter aquâ Rosmarini, ex infusione in Vino factâ & exstillatâ.

Fricet quandoque linguam Bell rio Sinapis mensis consueti, & abluat Vino.

Lingua impedita unde Balbuties, ap opio, per clyisma infuso, progressa.

NEPHRITICO senî, cùm inter alia remedia, quæ dolorem, quo interdum vehementissimo laborabat, sedarent, Clysterem injiciendum curarem, cui portionem aliquam Opii dissoluti miscueram, post somnum, qui supervenit, dolore mitigato, excitatus à somno, balbutire cœpit, ex quo nervos linguæ, stuporem quoque concepisse, indeque balbutiem hanc prodiisse, uti eandem in ebriis, eodem modo à Vino contingere, observamus, conji-cere potui. Verùm uti in ebriis, remittente narcosi Vini, loquelam rursus integram redire videmus, ita & in illo, postquam opii vis discussa fuit, balbuties cessavit.

Oris tortura à resolutione.

VIDE sub eodem hoc titulo, paulò superius, Resolutio sinistri lateris, &c.

Palpi-

Palpitatio convulsiva in buccis, labrum & narem sinistram, in sinistrum latus continuo trahens, cum facie pustulosa & rubra.

MATRONA nobilissima, annos nata 47. quæ plures liberos pepererat, menstruis adhuc laborans, ante biennium, prægresso ictero, cœpit in sinistra buccæ regione, attractionem quandam involuntariam sentire, quæ labium utrumque, & vicinam narem, nonnunquam & palpebram inferiorem, ad latus leviter trahebat, sæpe repetitis vicibus, & ferè continuo motu, non tamen os admodum distorquens, uti in perfecta oris tortura accidit, uno latere minimè deorsum tracto, sed ad latus saltem diducto. Tota alioquin illius facies pustulosa erat & rubra, quibus duobus vitiis, remedia adhiberi cupiebat, eoque nomine, huc ad me, magno comitatu venit, cui consilium hoc scriptum, Anno 1613. April. mens. dedi.

Palpitationem convulsivam, hunc affectum, sicuti hanc speciem, in praxi mea descripsi, vocavi: cui subveniendum, eo potissimum modo, dixi, ne resolutio aliqua, aut convulsio, quæ interdum hunc anteambulonem sequuntur, superveniat, præsertim cū stupor aliquis in brachio, & crure, ante menses aliquot, sed obiter tantum, se manifestarint.

Ante omnia *evacuatio generalis*, per *preparantia*, *purgantia*, & *sanguinis detractionem*, cūm *plethorica* esset, fuit præscripta, & post eam *alterantia quædam*, in hanc rem *conferentia pharmaca*.

Topica, buccis, intus forisq; adhibenda sequentia, & primum *Masticatorium* sequens: *R.* Nucis mosc. 3. ij. rad. Pyrethri, Angelicæ, sem. Staphisagri, Sinapis ana 3. j. sem. Angelicæ 3. B. Cubeb. 3. j. Piperis 3. B. Mastiches 3. j. B. Cera q. s. fiant formulæ rotularum instar, vel orbiculare, quas masticeret jejuna frequenter.

Aquam dein sequentem in ore contineat, tepidulam, præsertim in sinistra sede: *R.* rad. Pyrethri, Angelicæ, Acori veri, Ireos ana 3. ij. herbar. ficc. Salvia, Majorana, Thymi, Chamæpithyos, Origani ana 3. ij. fl. Lavandulæ, Stæchados ana 3. j. Nucis mosc. Cinamom. ana 3. j. semin. Fœniculi, Carui an. 3. j. sem. Erucæ 3. ij. pulveris. omnia, affunde Vinigenerosi lb. v. destillentur; Aquâ utatur uti dictum.

In Sacculo vel pulvino sequentia, insuenda curet, interpositâ Bombace vel Lanâ, ne premant, atq; buccæ laboranti, prius calefacta, frequenter admoveat, vel noctu eâ faciei parte, quæ agra, pulvino sic parato incumbat, pulvis autem talis est: *R.* rad. Ireos 3. vj. radic. Enulæ, Angelicæ ana 3. B. herb. Salvia, Betonica, Chamæpithyos, flor. Chamomil. nobilis, Meliloti, Sambuci, Rosarum, Lavandulæ an. 3. j. sem. Coriandri 3. ij. semin. Milii solis 3. j. sem. Carui, Fœnic. ana 3. j. Salis 3. j. conquassentur.

Pro facie rubra & pustulosa, utatur sequenti lacte, id cum penicillo frequenter illinendo: *R.* Fragorum non plenè maturorum lb. j. B. Lactis caprini lb. iij. radic. Oxylapathi rec. 3. iij. herbar. Portulacæ, Plantag. rec. ana M. j. Rosar. rubr. rec. (quæ tunc florebant) P. iij. Album. ov. num. xij. Limonia vel arantia poma incisa, num. vj. Aluminis 3. j. B. Aceti 3. j. Camphoræ 3. j. Eliciaturs aqua ad usum.

R. Lithargyrii 3. j. Cerussæ 3. ij. Boracis 3. j. affunde Aceti

Aceti albi ℥.iiij. stent in infusione. Misceat cum per-
tione hujus infusionis, portionem aquæ, eoq; lacte illinat
faciem, & manè si quid albedinis remansit, priore aquâ
abstergat.

Cucurbitulas binas collo, binas scapulis, utring, unam
applicet, repetatque altero & postea tertio die, denuoq;
post mensem idem faciat. *Cauterium*, quod inulsit sub
aure, cum molestū sit, rursus coalescere permittat.

Victus ratio conveniens præscripta, & reliquarum sex-
rerum non naturalium decens usus observandus.

Spasmus in bucca seu Oris tortura.

QUIDAM pagano, quoties loqui volebat, buc-
ca universa, dextræ faciei sedis tremebat, &
sursū deorsūque convellebatur, atque os distor-
quebatur, idque magnâ, uti ajebat, & re ipsâ appa-
rebat, molestiâ, ita, ut eam, adhibitis manibus, non-
nihil retinere, & premendo, motum hunc violen-
tum, cohibere cogeretur. De vigiliis perpetuis si-
mul conquerebatur. Ad anni spatium & ampliùs
cum hoc malo conflictatus, frustra Empiricorum
usus remediis, tandem ad me consilii causâ venit.
Purgavi illum ante omnia; *Cucurbitulis* usus *ficcis*, ci-
tra *scarificationem*, sub *auribus* & *humero ac scapulis*.
Postea, quod penitus insomnis esset, dedi ipsi *Mi-
thridatium*: verū cum nec sic tum dormiret, exhi-
bui *syrupum de Papavere*, idque ter, augendo semper
quantitatem, donec ad ℥.ij.℞. pervētum est. Sed cum
ne minimum quidem inde dormiret, tandem *Nar-
coticum meum* illi propinavi, unde eâ nocte dormivit
& copiosè sudavit, eoq; repetitō, ad somnum natu-
ralem rediit, & buccarū illa agitatio cessavit.

Spasmus

Spasmus Maxillam inferiorem adeò constringens, ut os non sufficienter aperiri potuerit.

EODEM affectu Arthritide nimirum, mulier nobilis, quæ annos cōceptioni aptos nondum prætergressa fuerat, adeò miserè afflicta fuit, ut licet, plurimis purgationibus & sudoribus, exhausta esset, tamen incedere difficulter potuerit, articulis maioribus hinc inde tumescentibus.

Post *thermarum sulphurearum* usum, meliùs habuit, sed propter membrorum ad motum difficultatem, hoc supervenit accidens, quòd maxillæ inferioris articulus utrinque juxta aures, adeò immobilis sit factus, ut os aliquousque saltem, ita ut cibus crassior, vix intromitti potuerit, aperiri posset, quo incommodo ad dies vitæ, per annos aliquot, miserè afflicta, tandem ore penitus ferè ocluso, in periculo, ne fame enecaretur, ad finem vitæ usque fuit.

Spasmus in Oculis.

ET mihi & aliis, qui de hoc affectu conquesti sunt, sæpè accidit, ut post somnum, quando oculos aperire volumus, illud cum labore & dolore, qualis in spasmo flatulento dicto, in aliis membris sentitur, fiat, nimirum, ut oculi sic veluti tracti, & astricti ægrè cedant, nec sine cruciatu, nisi priùs fricentur manibus, aperiri queant, uti & spasmus in aliis locis, cum contrario nixu & motu, musculi contracti reducuntur, cessat, & sic oculorum musculi

musculi veluti convulsi, hac frictione reducti, rursum moveri, palpebræque aperiri possunt.

*Oculorum convulsio seu spasmus in
Resolutione.*

VIDE sub eodem hoc titulo. Resolutio in pedibus, &c.

Spasmus quidam in cervice post congressum, atq; ardor in glande.

CONQUESTUS mihi est, Princeps quidam, post concubitū, subito dolore quodam tenfivo & veluti convulsivo, in nuchæ regione & posteriore capitis seu occipitii sede affici, ardoremque vehementem, in glandis extremitate, tam diu, quam diu glans semine adhuc madebat, sentire, madoreq; absterfo, acrimoniam mitigari: causas unde hæc prodire possent, aliquas exposui, illiq; satisfeci.

*Spasmi species, in qua caput, in sinistram
latus torquebatur.*

VENIT ad me mercator quidam insignis, Anno 1612. de diuturno affectu conquestus, quem & mihi explicabat, egoque in ipso mox observabam, cum capite in latus verso, non recta me inspiceret. Cujus affectus initium, ut mihi narrabat, sic se habuit. Ante annum, cum ingruente hyeme, ex Italia domum tendens, per alpes iter faceret, frigusque sæpè pateretur, & in navi lacum trajiciens dormiret, atque excitatus totus frigeret, cœpit primum dolores in cervicis sede posteriore, quam nucham

etiam vocant, sentire, quibus continuatis, secuta est capitis in sinistram sedem, inclinatio involuntaria, seu contractio, quæ adhuc durat, illique admodum molesta est, atque eum insipientibus, admirationem præbet.

Ut huic vitio mederetur, variis & generalibus & topicis usus erat remediis, atque inter reliqua, cum nullam inde sentiret mutationem, *thermas* adiit *Sulphureas*, quarum usu, levamen aliquod, ita ut caput minùs rigidè, quàm priùs in latus tunc torquere cogeretur, sensit.

Cum causam hujus accidentis, ex me intelligere cuperet, & quale nam illud esset, Spasmi speciem seu contractionis à me appellatæ, distinctam à convulsione, multis argumentis probavi esse. Talem nimirum, in qua præter voluntatem, caput in latus sinistrum traheretur, & cum voluntario motu, rursus retraheretur, mox involuntario motu relaberetur.

Partem verò affectam, musculos, caput in latus illud moventes, à cervice & dorso progressos, capitique insertos, esse dixi, & ab illorum affectu, hoc procedere, partemque sic ægram, sanam, uti in spasmo fieri solet, attrahere. Hincque accidere, ut dolorem & molestiam, quam sentit, non solum in cervicis, sed & dorsi aliqua superiore regione, unde longi illi, ad caput protensi musculi, progrediuntur, & per hæc loca ad caput feruntur, æger percipiat.

Maximè verò hosce musculos, eâ sedè, ubi in tendines, & latas aponeuroses desinunt, & circa nuclæ superiora, in caput inseruntur, affici eâ ratione, ut tendines hi astricti, brevioresque sic redditi, caput in latus continuo attrahant, qui tamen capite moto, contrario

contrario motui, tātisper cedere, & in latus dextrum aliquousq; retrahi queant. Quo tamen motu cessante, rursum caput retrahitur.

Morbus verò quisnam sit, qui adeò membranas illas, seu nervosas, ut vocant, insertiones, ut astrictæ sint, efficiat, existimare me, intemperiem esse frigidam, quæ uti nervis, sic membraneis, & ex sanguibus partibus inimica, eas lædit, & constringendo breviores reddit, ita ut agrè postea, rursum ad pristinam figuram, remeare valeant.

Hanc autem ab aëre frigido progressam, satis præcedens frigus ostendere dixi, quod eò magis hæc sedes, cum nudæ, nec vestibus tectæ sint, quàm alias affecit. Accedit, quòd cum proclivis sit ad sudores, ab iisque corpus adhuc madens refrigeratum, gravius eo in loco læsum fuerit, & quòd capite nudo, cum sudat, sudoresque abstergit, plerumque existat.

Hiscæ sic expositis, cum quid sperandum & agendum, à me quæreret, etsi in hoc diuturno affectu, & pertinaci, de cura diffiderem, præsertim tendinibus jam exsiccatis & induratis, tamen eam tentari posse, per summè emollientia ea, quæ simul nervoso generi essent appropriata, administrata, è quibus *Unguentum singulare ejusmodi, quo cervicis latus sinistrum* inungeret, ei præscripsi, sicque illum dimisi.

Circa finem Decembris ad me ager scripsit, se *unguento* à me præscripto, duodecim dierum spatio, indies nucham, cum tota spina, quod tamen non jusseram, sed tantum cervicis posteriorem regionem, inunxisse, atque tumorem inde mollem, juxta
sinistram

sinistram scapulam, fuisse subortum, & veluti duos nodos, in utraq; cervicis postica regione, unde dolorem sentiat, spasmus verò illū adhuc perseverare.

Post mensem circa finem Januarii, rursū scripto à me petiit, ut curam, cū ver appropinquet, suscipiam, erupisse in eò loco, ubi inundatio facta est, phlyctenas, illisque disruptis, aquam aliquam effluxisse. Quod ego ab *unguenti usu emollientis*, relaxatis & dilatatis inde quoque poris, seroque sub cuticulam effuso, non defluxione aliqua, à capite eò delapsa, accidisse, demonstravi, defluxionesque à capite, quibus alioquin etiam obnoxius erat, alia potius loca petere.

Quid porro agendum esset, cū rogaret, denuo emollientia, quibus non diu usus erat, repetenda, atque ea in forma *fotus, emplastri, cataplasmatis*, præscripsi, *pilulæq;* simul *corpus mundū efficientes, & nervoso quoq;* generi *accommodas*. De *thermis* autem ad-eundis, vere inchoante, cū esset quaestio, *Sulphureas* quæ prius profuerant, cæteris præferebam.

Cū itaque enarratis, uteretur ad mensem Majum usq; remediis, & simul *cauterium brachio utriq;* adhibuisset, affectusque in eodem persisteret, sponte cū frater ipsius eò quoque abiret, in *thermas non Sulphureas, sed Leucenses Vallesianorum*, se contulit, atque in illis balneando, moram septimanarum trium traxit, multumque sudavit, atque aquā illā calente, cervicem continuò, perfundere iussit, & per epistomium irroravit.

A *thermis* reversus, ad me, adducto secum sibi familiari erudito Medico, cōsiliū conferendi causā, Basileam venit. Exponens, caput illi non ampliùs adeò

adeò uti priùs, in sinistrum latus trahi, sed rectum manere posse, ut jam rectà homines intueatur, nec ampliùs hoc vitium in eo adeò observari. Verùm aliud accessisse, quòd nimirum caput in sinistrum latus, nulla ratione possit vertere, dein quòd scapula sinistra, cum humero, viciniq̃ue dorfi sede, deorsum adeò trahatur violenter, ut nisi scipione, manu sinistra, nixus, brachium & per consequens fulchra illius sustentet, erectus manere non possit, sed humi procumbere cogatur, ob quam causam, sine hoc sustentaculo, nec ambulare, nec equitare valeat, nisi scipione stapedi sinistro innitatur, sicq̃ se sustentet. Sentire insuper se adhuc, interdum dolorem aliquem, qualis in spasmo flatulento evenit.

Consilium cùm caperemus, conclusum inter Medicum ipsius ordinarium & me, cùm adeò pertinaciter perseveraret hoc malum, etsi spes salutis esset exigua, aliquid tamen, ut illi animum aliquomodo adderemus, & extrema tentaremus, esse agendum. *Pilulas* priores, quorum successum se sensisse agebat, reperendas; *Olco medicato* dorsum inungendum. *Balneo humido ex decocto herbarum cui insisteret*, utendum.

Sicq̃ue per caniculares, horum usu pergendum. *Cauterium* quod in brachio sinistro ulcus fecerat, sanandum; aliud in dextro adhuc apertum servandum.

Circa medium Augusti, Medicus illius denuo ad me scripsit, post usum prædictorũ remedium, nihilo meliùs illum habere, sed spinam, nunc in sinistrum latus, adeò curvari, ut quasi pondere gravatus, in terram procideret, nisi scipione sustentare-

tur: dubitare se, an ex retractione musculorum tendinum unius lateris, an verò relaxatione oppositi (cùm vi quadam in sinistrum latus trahantur) hoc oriatur. Addidit porro, mirari se, quod cùm æger, nō nisi baculo innixus, obambulare possit, pondere tamen gravi, multarum librarum, humero sinistro imposito, sine baculo, erectus possit incedere.

Ad hæc sic respondi, hoc à dorsi musculis, spinam dorsi, à cervice ad lumbos usque, in utroque latere opplentibus, proficisci, è quibus profundiores, spinæ toto ductu connati sunt. qui dorsum, hoc est spinam illius movent, quorum utrinq; octo sunt paria, quatuor cervicem, quatuor dorsum flectentes, & rursus oppositis motibus erigentes. In his causam mali latere, maximeque ab initio in illis, qui cervicem & cum ea caput movent, latuisse, ut ostensum fuit, cùm caput tunc solum, in sinistrum traheretur, nunc verò etiam reliquos, dorsum moventes musculos, affici, spinamque sic in latus trahi. Hocque non in utroq; latere, aliàs enim spina rigeret, sed sinistro tantum, quo dorsum vi trahitur, & pars ægra, sanam, uti in contractione fit, trahit. Quòd autem non ex resolutione, oppositi dextri lateris, musculorum dorsaliū fiat, quòd tunc pars sana, ægram traheret, indicio esse, quòd inclinatio illa dorsi, in sinistrū latus, non uti in paralyti, ob partis pondus, unde leviter & obiter eò tantum inclinaret, fiat, sed per vim validissimè, uti æger ipse nominat, in suo scripto, eò trahatur, idque cum dolore, sicuti in spasmo solet accidere, adeò membrum trahi, ut oppositi muscoli sequi cogantur, in resolutione verò nulla sit attractio, sed membrum fiat languidum & pendu-

pendulum, idq; sine doloris sensu, cum tunc potius stupidum existat. Ex quibus patet, in hoc spasmo, musculos jam dorsi, toto illorum ductu, in sinistro latere, affici. Sed & quod hoc verum sit, illud etiam demonstrare asserui, quod uti in spasmo flatulento dicto, si musculi contracti, oppositis musculis per vim rursus retrahantur, vel etiâ manuum operâ sic impellantur, contractio & dolor inde natus, remittat: ita in hoc simili casu, quando sinistrum latus, illicq; contracti dorsi musculi, vel seipione contra terrâ innixi impelluntur, vel pondere humeris imposito, hoc fiat, dorsum sic erigi rursus, ut tunc procedere & ambulare, tam diu quàm hoc fit, possit.

Præterea nihil ampliùs addidi, cum æger, defessus medicamentorum usu, hoc non adeò expeteret. Cui libenter, tanquam optimo Viro, ulteriùs operâ meâ, si modò quid effici posset, operâ & arte, succurrerem, quem adhuc in eodem statu & corporis habitu vivere, cuius sanè ipsius conditionis me miseret, audio.

*Contractio digitorum in manibus, &
resolutio manuum.*

POST diuturnum morbum colicum, & resolutiones contractionesque secutas, in manibus & pedibus, in nobili quodam, jam sene, remanserant contracti digiti, in utraque manu: inter-nodiis duobus exterioribus, adeò astrictis, ut incurvati, in volam manus, digiti, nullâ vi, extendi ampliùs possent, quibus tamen res, quas apprehendebat, firmiter retinebat. Manus quoque pendulæ nonnihil, resolutæq; erant, quas vix sine adminiculo, aut veluti

ja&u, elevare posset : articuliq; digitorum , præfertim in pollice & indice , nonnihil disjuncti , admodumq; laxi , apparebant. Multis usus remediis & thermis quoque , nihil profecit , durante malo , & ad biennium usque perseverante.

Tandem in desperato malo , extrema tentans , *thermas Piperinas* adire decrevit : quâ in re , cum meo uteretur consilio , in eoq; curandi quandam rationem , quæ in aliis successerat , intellexisset , omnino eam , antequam *thermas* adiret , tentare voluit.

Itaque circa finem Aprilis , Anno 1597. curam hoc pacto inchoavit : Burgato prius decenter corpore , per triduum , *Vino Cathartico* , nervis simul accommodato , in dextra , topicorum usum , hoc pacto , experiri voluit.

Emplastrum sequens , supra *alutam extensum* , manus interiori sedi universæ , applicuit , & in plicaturam astrictorum digitorum impressit , & scissum illic in partes tot , quot digiti erant , *chirotheca* instar , apposis petiis , singulis digitis obvolutis , ut exacte illis jungeretur , coërcuit : postea *Pittacio* , ex panno duplicato formato , impressoq; firmiter , asserculoq; panno involuto , transversim collocato , sic ut *emplastrum* undiq; se digitis incurvatis accommodaret , eosq; nonnihil , extrorsum premeret , industriâ uxoris fasciâ colligavit , totamq; noctem sic collocatam retinuit , aliquotq; noctibus continuavit.

Manè verò hisce impedimentis remotis , singulis digitis plumbeam massulam , chordâ planâ appensam , quæ illos sensim extenderet , gestavit.

Emplastrum verò tale erat : R. gummi Ammon. 3. ij. Galbani , *Opopanacis* , *Ebellii* ana 3. j. dissolvantur in

tur in

tur in *Aqua vite*; adde *Styra. calam. ʒ. β. ax. Anseris, medullæ Cruris vituli ana ʒ. j. Thuris. ʒ. ij. rad. Ireos ʒ. j. Hermodact. ʒ. j. Lariceæ & Resina communis q. s. fiat emplastrum.*

Suffitu insuper manè usus est, ex *trochiscis* sequentibus, carbonibus ignitis impositis, parato, quem in vase, ad id apto sumum & manum excipiente, aliquandiu admittebat. Cujus hæc erat descriptio: *R. Marcaf. ʒ. j. β. Myrrha, Mastiches an. ʒ. ij. Storacis, Benzoini ana ʒ. j. rad. Ireos ʒ. β. cum Laricea fiant trochisci.*

Quibus vix dum octiduo usus, cum digitos, premendo tamen eos, extendere posset, *emplastrum sinistræ quoque manui*, tribus noctibus tantum apponens, eos quoque digitos jam cedere nonnihil sensit. Quibus ad me scriptis, jussi ut articulorum roboris causâ, bis aut ter manum decocto *Salvia*, in *Lixivio*, in quo *Chalybs* extinctus esset, foveret, usumque horum pergeret.

Verum cum jam ferè penitus digiti, extendi possent, præsertim in dextra manu, licet vi propriâ musculorum, efficere id nequiret, ut huic quoq; impotentia, suppetias ferrem, ad me veniens, petebat.

Jussi itaque, ut *emplastri* usum continuaret, & quia extrinsecus, internodia digitorum, dura apparebant, non solum intus, sed & foris *emplastrum* noctu applicaret.

Suffitu tantum bis in septimana uteretur, nec nimium calido, cum si calidissimum adhiberet, stringi digitos, se nonnihil sentire, diceret.

Adhæc ut unguento ante *emplastri* appositionem, utramq; manum digitosq; intus forisq; illiniret; quod tale erat: *R. ol. Lumbricor. Liliorum an. ʒ. ij. β. ol. Cheyrini,*

Irini an. 3. ʒ. Litharg. 3. j coquantur parùm, adde gummi. Ammon. dis. in aq. vitæ 3. j. Syracis 3. ij. Lariceæ 3. ʒ. Cere q. s. fiat unguentum.

Manè dein sepositis emplastris, fomentatio hæc adhibebatur: R. rad. Althææ, Bryoniæ, Ireos, Liliorum, recentium, incisorum, de singulis quantum poculum vulgare caperet. Absinthii, Thymi, Salviæ an. M. j. flor. Chamomilla, Melilot. Sambuci ana P. j. sem. Lini, Fœnig. an. cochl. 3. vel quatuor, coquantur in decocto intestinorum Capitis & pedum Vituli, addito pauco Vino: Atque in decocto manus foveat singulis matutinis.

Interea licet omnia in melius tenderent, spesque integræ restitutionis esset, tamen, quia tempus præfixum aderat, thermas distantes procul, magno labore & sumptu, lacu & alpibus superatis, adiit. Quorum usu, digiti amplius astringi potius quam relaxari cœperunt. Et cum in reditu lacum Tigurinum, navi trajiceret, tantâ vertigine correptus est, cum vomitu ab initio, ut nec stare nec sedere posset, sed lecticâ vectus ad nos, indeque domum duceretur. Unde manus iterum resolutæ sunt. Quarum curam postea desperans, cum eum pueret, denuo meo uti consilio, cui non ad finem usque paruerat, neglexit.

*Contractio digitorum sinistrae manus,
in volam illius.*

INsignis artifex lapicida quidam, saxum immensum volvens, adeo tendines, in sinistrae manus vola, ad digitos, annularem & minimum desinentes, ei attracti sunt, ut illi à vinculis quibus retinentur laxati, elevatique, duas chordas, sub cute tensas

in al-

multum, referrent, contractique duo hi digiti & attracti, postea semper manserint.

Digitus astrictus in manu.

Vide in Habitus corporis dolore, Lib. II. Arthritis generalis post particularem.

Cruris dextri astrictio & contractio, post coxendicum dolorem.

Affectus Nobilissimi hujus Viri, est cruris dextri ad superiora, cum levi contorsione versus interiora, contractio, eousq; facta, ut pedem terræ admoveere erectus, nisi corpus inclinet, amplius nequeat: ob quam causam, incessus illius, nisi gressibus adhibitis, vicem cruris suppleantibus juvetur, impeditus est. Hisce accedit pedis seu cruris illius elongatio nimia, levisque quædam atrophia.

Causam hujus mali, in articulo illo magno, femoris cum coxa esse, tum functio læsa, cum nullo alio motu, nisi ille quo femur rotari, & sursum deorsumque moveri debebat, læsus sit, ostendit: tum inæqualitas & extuberantia, ac distorsio in articuli hujus dextri sede, manifestè apparens, & tactui se offerens, ad quam etiam inferior spinæ, & ossis sacri sedes, nonnihil inversa apparens, dilucidè patefecit. Imprimis verò, præcedens hunc affectum, morbus coxædiæus, dolor ischiadicus dictus, quem diutius perseverantem, vitium hoc sequutum est. Et hæc de sede affecta.

Morbus verò in dicta sede occurrens, articuli hujus est luxatio, femoris capite ex acetabulo suo egresso, & ad inferiora, ad pubis ossis processum in-

ferioremusque delapso, illicque subsistente & hærente: ligamenti illis quæ articulum hunc vincunt, geminaque existunt, potissimum læsis.

Cùm enim ligamentum illud, articulum circumdans, omnium totius corporis ligamentorum, quæ articulos ambiunt, sit amplissimum, fieri potest, ut adeò cedat, ut (sicuti sæpe fit) femoris caput, è suo sinu devolvatur, & in membranæ illius (quæ cùm crassissima sit, præ omnib. totius corporis ligamentis, nunquam vi qualicunque dirumpi potest) amplitudine seu capacitate subsistat, elongato simul & vehementer attracto, tereti illo & crasso, quod caput aliàs in suo sinu retinere solet, ligamento. Quod & obtensionem illam nimiam, astrictum & induratum, chordæ alicujus crassissimæ & firmissimæ instar, quæ nunquam dirumpi, nunquam ab acerbulo, ejus cartilagini innata est, vel extremis impetibus abrupti potest, femur suspensum retinet, motumq; illius ad inferiora, cùm nunc non amplius, ut femur in sinu erat laxum, sed ob illius descensum, vehementer, uti dictum, tensum sit, impedit.

Quam ego, potissimam hujus astricti cruris causam, esse existimo. Neque enim nervorum hæc aliqua statuenda est induratio, unde stupor & contractio illius, vel resolutio potius sequerentur: non articuli impedimentum, ad ejus constructionem ossa & ligamenta, non nervi requiruntur. Sed nec tendines musculorum, femur moventium, in causa esse, vel hoc satis declarat, quòd femur movere alioquin potest, & solum impedimentum illud est, quod veluti suspensum, quò minus terram attingere possit, impedit, & sic stationi & incessui obstat.

Laxatio-

Luxationem autem hanc, unde hæc tensio sequitur, à fluxione illa, quæ ischiadicum dolorem pepererat, nisi major vis huic parti quoque illata sit, originem suam traxisse, præcedens hunc casum, hic morbus satis ostendit.

Cæterum prognosticum quod attinet, hunc articulum reponi, & luxationem hanc sanari posse, impossibile esse duco, proin nec vi hic aliquid esse tentandum, ne malum fiat deterius.

Cùm partes hæc astrictæ, in ossium hac distorsione, nullâ arte in rectum situm reponi queant.

Ob quam causam, in eo omnino laborandum esse existimo, ut femur deorsum eousque sensim impellatur, donec pes terram possit attingere, tunc enim rursus, Nobilis hic vir, etsi claudus aliquo pacto permaneret, tamen sine alio adjumento, & stare & incedere posset.

Et licet omnes cruris motus perficere nequiret, tamen illud vel attollere, vel si perdifficile esset, & femur rigidum retinere cogeretur, cùm hæc forma ad incesum sit convenientior, eaque in qua crus attractum est, eum penitus impediat, nihilominus ambulare posset.

Ut autem femur deorsum pellatur, arte potissimum & industriâ, adjuvantibus medicamentis, effici posse, si nec æger nec Medicus morâ defatigetur, considerem, cùm sæpè & in femoris & genu aliisq; firmatis ac incurvatis articulis, id mihi tentanti feliciter successerit.

Omissis autem hic generalibus præsidiiis, quibus corpus mundum & purum redditum atque ita præservatum, facilius remedium Topicorum vires admittit, præci-

puos obiter *medendi* hîc indicabo *scopos*; Qui sunt, ut *ligamenta hæc astricta indurataq̃, emolliantur*, & *crus sensim arte deorsum trudatur*.

Verùm perdifficile est *ligamenta hæc*, quæ in abstruso latent, præsertimque teres hoc, quod ego præcipuam hujus astricti *cruris causam* statui, emollire, cum medicamentorum externorum vires, eousque ægrè pertingant. Dein & cum teres hoc *ligamentum adeò sit tensum*, ut ulterius ferè extendi nequeat, idque tamen necesse sit, si *crus ulterius debet descendere*, si vis adhibeatur, eam ægrè perferre poterit.

Nihilominus tamen, cum continuus medicamentorum usus, illorum præsertim quæ summè efficacia sunt, ad interiora quoque usque penitiùs vires tandem exerant, & vincula etiam summè astricta, continuo impulsu, tandem aliquo modo remittere necesse sit, non dubito, successu temporis, ritè singulis administratis, indies aliquid moliendo, tandem exoptatum licere finem consequi, Deo opt. max. successum fortunante.

Imprimis itaque *interdiu laminam plumbi, latè extensam, caligarum regioni illi, quæ femur integit, insutam*, ut gestaret, suaderem. Atq; ut *pedem suspensum, dum sedet, nulloq̃, adminiculo sustentatum, ut pondere hoc deorsum deprimeretur, quamdiu hoc ferre posset, retineret, sæpeq̃, hoc repeteret*.

Quod etsi ab initio cum molestia aliqua fieret, consuetudine tamen, hoc tandem illi minorem offensam pareret, tuncq̃, pondus augere posset. Quod si appenso *cruxi pondere alio, id potiùs tentare mallet, illiq̃, commodius esse experiretur, modo fasciâ, quæ pondus sustinet, latè eam*
femoris

femoris sedem, quæ genu proxima est, amplecteretur, cum hic melius deorsum trahat, liberum illi erit.

Næque enim pondus pedis regioni in calceo, aut tibialibus adhibitum, adeo exactè, cum latus intercedat genu articulus, femur deorsum, uti cum illi proximè, nullo intermedio appensum est, aut incumbit, impellere poterit, proin illi potius, quàm subjæctæ parti, pondus erit adhibendum.

Quod si vinculo femori appenso, terræq; affixo, contrahendo id quoque mutatis vicibus, tentet, aliūq; ingeniosè excogitatis instrumentis utatur, quibus femur continuo deorsum impellat, tanto citius & melius succedet, quod optamus, ut nimirum pes terram possit attingere, quò consequuto, de incessu nullum amplius erit dubium.

Cæterum ut interea ligamenta rectius cedant, emplastra ex summe emollientibus, qualia sunt, Bryonia, Hyoscyamus, Iris, Sulphur, similibusq; parata, additis illis quæ vi penetrandi operationem juvant, erunt adhibenda. Quæ peritis Medicis describenda relinquo.

Interea tamen thermarum sulphurearum, quales sunt Badene Helvetiorum usum, in similibus casibus mirè profuisse, experientia me docuit, cui & ratio assentitur, cum sulphure, quod pinguedo terræ dicitur, quo & nihil est pinguius, unde & nil facilius accenditur, nil magis emolliat.

Unde & nobilissimo Viro, eas profuturas, cum mora illa longa, quæ dum illis utuntur interlabitur, plurimum possit juvare, non dubito, si tunc maximè, dum in balneo est, pondere semur, artibus jam enarratis, aut aliis etiam, quæ excogitari poterunt, continuo gravaret. Quæ ego sincere & fideliter consulere volui.

Crurum

Crurum contractio, ob ulcera in coxendico dolore oborta, claudos efficiens.

QUamplurimos qui curâ meâ nû sunt, à multis annis observavi, postquam diu passi fuerunt coxendicum dolorem, factos fuisse claudos. Idque ulcerum perversorum causâ, quæ circa articulum coxæ, sub clunibus, nunc uno nunc pluribus, illis in locis, & quandoque etiam in inguine, prægressâ inflammatione, in abscessum conversâ, oriuntur. E' quibus profundis & sinuosis, pus copiosè diuque emanat, quæ & ægrè sanantur. Et si aqueus ichor effluat, quem nostri Chirurgi *Ulsdewasser* vocant, indicium est, membraneas & nervosas ac ligamentosas illas, circa articulum coxæ, sedes affici, ideoque eos claudos futuros.

Memini me commilitonem, filium consulis habuisse, scholam mecum frequentantem, qui sic diu afflictus, sanatus tandem, claudus effectus est.

In Alio idem accidens.

AB initio Praxeos meæ, puerum simili affectu, per biennium laborantem, curæ meæ commissum, tandem sanavi, sed claudus, ad hodiernum usq; diem, Archigrammatei munere nihilominus, in Helvetica urbe quadam, defungitur.

In Alio idem casus.

COMitem etiam quendam, juvenem huc eonimine missum, talia quoque passum, adhuc claudicare audio.

In Alio idem affectus summè periculofus.

Imprimis illuſtriſſimus quidam Princeps, magni nominis, ante triennium, variis peregrinationibus ſuperatis, apud nos ſubiſtens, iſchiadico dolore crudeliſſimè divexatus, obortisque poſtmodum ulceribus profundis, adeò afflictuſ fuit, ut ad extremum marcorem redactus fuerit, qui tamen, Deo auxiliante, diligentiſque & ſedulâ noſtrâ curâ reſtitutus, in ditione ſua, ſubclaudicans tamen, incolumis vivit & regnat.

Cruris ſiniſtri contractio, ſurſum verſus nates, cum Tumore duro, circa genu, atque atrophîâ illius cruris.

Adoleſcenti cuidam, intumuit genu ſiniſtrum admodum, tum anteriore circa genu, tum poſteriore poplitis ſede: totumque articulum ambiens tumor durus, inſenſilis erat, dolorem tamen certis locis, ubi nervus premit, commovebat. Crus totum reliquum, ſupra genu, atque infra, atrophîâ laborabat. Articulus qui intumuit, vix apparenter movebatur, pede adeò ſurſum retracto, ut calcè ferè nates tetigerit. Hunc autem tumorem, intrinſecus tendines, illic copioſos, & ligamenta, circa illum articulum, obſidere putavi, natum ex nutrimento craſſiore, & excrementitio, quod ob imbecillitatem illius partis, à caſu prægreſſo, factam, congeſtum eſt, accedente quoque defluxione, huc potiſſimum veniente & ſubiſtente. Uſus jam erat Pariſiis, multis
remediis.

remediis, sudoribus & diatâ, evacuationibus multis, topicis item omnis generis remediis. Nihilominus tamen, curam sic agreisi fumus, Anno 1576.

Corpus per vicem evacuari sic iussimus: R. rad. Lappatii acuti ʒ. ij. Fumariæ, Mercurialis, sum. Lupul. an. M. j. sem. Anisi ʒ. ij. Passul. ʒ. ij. Scabestenum. vj. pulpæ Tamarind. ʒ. j. Polypodii ʒ. ij. Sennæ ʒ. ij. ʒ. fl. Cordal. P. j. Epithymi ʒ. ʒ. fiat decoctio s. artem, dissolve syrupi Ros. sol. de Fumaria an. ʒ. j. ʒ. fiat syrupus coctus ad consistent. arom. ʒ. ij. Cinamom. Capiat ʒ. j. vel plus, per intervalla.

Utatur aliquoties conservâ Ivæ, & Rosarum per vices.

Sudet singulis septimanis semel in balneo.

Quod Topicâ attinet; Crus in vase quodam, ad id convenienti, in hoc decocto balnei, manens jejunus contineat, per horam unam, vel diutius continuando, per septimanas aliquot, & renovando decoctum tertio semper die: R. rad. Bryoniæ Tb. ʒ. Liliorum, Althææ. an. ʒ. iij. herb. Malvæ cum rôtô, Violaria, Absinthii, Chamæpithyos. an. M. ij. fl. Chamomil. Meliloti, Sambuci an. P. ij. sem. Lini ʒ. j. rad. Cucum. as. ʒ. j. misce: Pro balneo, adde radic. Ireos ʒ. j.

Emplastrum vel ceratam dein hoc genu regioni applicet, quod R. gumm. Ammoniâci, Bdellii ana ʒ. j. Opopanâcis, Galbani, Thuris, Storacis liquidæ ana ʒ. ʒ. medullæ cruris Vituli vel vaccæ ʒ. j. rad. Ireos ʒ. j. baccarum Lauri ʒ. ʒ. Volubilis ʒ. j. Terebinth. Cera an. q. s. fiat empl. vel Ceratam.

Ungatur quoque hoc unguento: R. ol. Lumbricorum, Vulpini, Chamom. an. ʒ. j. de Piperibus, Liliorum, axungie Ursi an. ʒ. ʒ. Cera parum, fiat Linim. addendo ol. Spicæ guttas. iij.

Reiteravi

Reiteravi postea emplastrum, addendo *Volubilis* ʒ. ij. *mucilag. sem. Lini*, *rad. Althææ ana* ʒ. j. *gummi Elemi* ʒ. ʒ.

Fomentetur hoc *fortu*: *R. rad. Althææ*, ʒ. ij. *Bryoniæ rec. Tb. j. Liliorum quart. ʒ. Malvæ, Violariæ ana* M. ij. *Abſinthii, Chamæpithyos, Salviæ an. M. j. sem. Lini, Fœnigr. an. ʒ. j. ʒ. rad. Ireos ʒ. j. baccarum Lauri ʒ. ʒ. fiat decoctio in Aqua & Vino, fomentetur colatura illius, quæ erat Mens. ij.*

Ex *residentia* formetur *Cataplasma* hoc modo; *Eam contundendo & per cribrum mittendo, addendo ol. Liliorum ʒ. iiij. axung. Gallinæ, Anseris ana ʒ. j. ʒ. gummi Ammon. dissoluti cum Aqua vitæ ʒ. j. summat. Thymi, rad. Ireos siccæ an. ʒ. j. fiat Cataplasma.*

Suffumigetur postea *crus* hoc *suffitu*: *R. Marcaffiæ ʒ. iiij. Styracis cal. ʒ. ij. rad. Ireos ʒ. ʒ. cum Aceto acri & pauca Laricæ excipiat, fiant Trochisci pro sumo ponderantes ʒ. j. Ex hac cura, tracto interim continuo pede deorsum, per instrumenta, quæ in genu flexura, adhibebantur restitutus, claudus quidem mansit, eundo, summis insistens pedis digitis, sed ambulare quocunque voluit, deinceps potuit.*

Brachii circa cubitum contractio, cum Atrophia illius, ob nervum in venæ sectione læsum.

MUlieri rusticæ seni, cum lithotomus, venam cubiti interiorem, in illius flexura secuiſſet, illicò dolor, eo in loco subortus est, qui per cubitum, ad digitorum extremitatem usque, se extendebat, cum stuporis, quem fornicationem nominant.

nant, sensu, in pagum reversa, cùm dolor increbesceret, lithotomum, ut medelam adferret, vocavit: verùm ille famulo missò, *lardum* tantùm *vulneri*, quod in tumorem elevatum erat, apposuit. Cùm nec inde dolor & tumor remitterent, & lithotomus eam negligeret, nec dum aliud quid apponeret, carnificem tandem consuluit, cujus quoque remedia, cùm nihil proficerent, cœpit brachium atrophiam laborare, & veluti convelli: quare carnifex, *unguentis attrahentibus calidis brachium inungens*, sic voluit atrophiam avertere; sed omnibus frustra tentatis, maloquē in deteriorem statum vergente, & in loco vulnerato, ulcere putrido nato, cum corruptione partium istius loci: Chirurgum ex urbe accersivit, qui eam, per menses aliquot tractans, *ulceri mundando*, & similiter brachii extenuationi, *balsama, unguenta cœteraq; applicando*, intentus, tandem ulcus, quod latissimum & profundissimum fuerat, atque nervos, venas, arterias musculorumque capita corrumperat, quorum portiones exemptæ patebant, sanavit, relicto brachio attenuato admodum, & circa cubiti, digitorumque articulos attracto & rigido, & proin ad motum edendum impotente: prominebatque in cubiti flexura, tumor admodum à brachio elevatus, chordæ instar crassæ, ab humeri fine, in cubitum desinens, eumq; veluti alligatum sustinens, stupente simul brachio, nec dum ampliùs dolente, sed uti dictum, inutili.

Sic itaque afflicta, cùm à lithotomi sectione, atq; incuriam hoc sibi evenisse testaretur, eum in jus vocavit, ut sumptus sibi, quos integro anni spatio, in sanatione hujus affectus insumpserat, refunderet, & læsionis

læsionis hujus damnum, cujus illum causam esse, accusabat, refarciret. Judex variis auditis super hac re, Chirurgorum testimoniis, tandem etiam Medicorum judicium expetivit: Cui scripto, in hanc sententiam, responsum dedimus, Anno 1611.

Errores qualescunque, qui ex vena vulnerata, dum ea ad sanguinis detractionem aperitur, committuntur, vulgus plerumque inde, quod vena supra infraque pertundatur, prodire existimat. Verum si hoc accadat, uti sæpe fit, tunc, quia sanguis non solum per vulnus externum cutaneum, exilit, verum etiam per aliud, quod subtrus est, in carnem cutemque vicinam, venæque adnatam transsudat, locus in vulneris ambitu, intumorem levem aliquem attollitur, tandemque livescit & flavescit, sugillatorum instar, uti ex levi alia aliqua contusione, etiam evenire solet, quæ tamen tandem, sponte rursus discussa, evanescent, nisi fortè, ob copiosorem affluxum sanguinis, inflammatio aliqua accedat, & si illa non discutitur, in suppurationem conversa, in ulcus aliquod desinat: quod rariùs graviora, nisi in cura illius peccetur, gignat accidentia.

Verum longè major noxa, dum venam secare cupiunt, ex ictu vel puncturâ, per phlebotomum factâ, suboriri potest, videlicet partis, eo in loco ubi læsa est, vicinisque sedibus, dolor immensus, inflammatio, ulcus perversum, corruptio, & gangræna, & totius membri aliquando, in motu impotentia & contractio, vel rigiditas stuporque: interdum & convulsiones corporis, si nervus insignis, venæ subjectus, pungatur. Quod vel imperitiâ chirurgi, si inter venam & nervum, non possit distinguere,

accidit, vel eo in loco sectionem tentet, ubi nervus venæ incumbit, uti certis in locis fit, vel vehementius ferrum impellendo, venamque pertundendo, nervum subjectum etiam vulneret, tunc pro ratione læsionis, & prout punctura hæc illius negligitur, vel malè gubernatur, accidentia enarrata, ob causas, in praxi nostra propositas, in punctura nervi, possunt subsequi.

Sed & capita musculorum, si per sectiones ejusmodi læderentur, gravia quoque inducerent symptomata, illorumque tendinibus admodum vulneratis, in motu sequeretur defectus: verùm cum vix adeò imperitus sit chirurgus, qui tantopere à vena, quam secare cupit, declinet, aut tam profundas molietur sectiones, hoc erratum vix dum, quando venam secare volunt, committunt.

Hoc nostrum, de gravibus casibus, quos phlebotomia malè, errore vel casu, administrata, adferre potest, scriptum, judici obtulimus, & an lithotomus illorum, quæ mulier passa est, causa fuerit, ipsius discretioni commisimus: cum ob nervum læsum, hoc illi evenisse, facile ex dolore, quem mox ab ictu sensit, & stupore, cæterisque quæ supervenerunt accidentibus, potuerit colligere.

*Pedis inferioris, inter eundem, in
latus inclinatio.*

Adolescens quidam studiosus, ambulans, pedem unum introrsum contorquebat, adeò ut non pedis basi, sed latere externo solo insisteret. Accedebat illius lateris, brachii & cruris, ad motum languor & imbecillitas, harumque partium atrophia

phla seu extenuatio, nimiaq; mollities & frigiditas.

C usam hujus imbecillitatis, dixi consistere, in majoribus, brachium & crus adeuntibus, nervis, ubi in conjunctione, parium nervorum juxta spinam, supra infraque reticularem dictum plexum constituent. indeq; prodeunt: Sicque spiritum animalempediri, quò minus sufficienter musculis, hasce sedes moventibus, comunicetur, & cum muscoli simul, nutrimento ex parte destituantur, atrophiz quoque, in hisce locis, occasionem præberi.

Cæterum cū non adeò, hujus imbecillitatis emendandæ, in qua & multi jam Medici tollenda laborant, quàm curvitatishujus pedis, incessum legitimum summoperè impredientis, in integrum restituendæ causâ, consilium meum peterent: *actuali hoc operâ & per instrumenta rectius posse fieri, exposui, docuiq; quâ arte Ocrea esset fabricanda, huic rei accommoda: Nimirum ut ex tenuibus ferri laminis, intus forisq; corio obductis, ocrea hac cum calceo formaretur, quâ indutâ, pes, ne in hanc illamve sedem inclinare, aut abscedere inter eundum posset, firmiter retineretur, sicque latâ suâ basi, terræ inniteretur, ita enim futurum, longo temporis usu, pede confirmato, ut astrictis denuo ligamentis tendinibusque, quæ prius laxa erant, in convenientem situm pes reducat. Uti & factum est, nam post annos aliquot, rectè incedere potuit, nullumq; incommodum ampliùsin incessu ipsius apparuit.*

In alio, similis Pedis inversio.

Filius Abbatis cujusdam, ab ortu pedem adeò inversum habebat, ut convexâ illius sede, non plâ-

tâ terræ infisteret, cui in infantia *ocreâ similem*, sed *ex ligno*, sic ut induere eam posset, fabrefactâ, parari curavi, in qua tanquam in modulo, pedem in suo situ naturali retinendo, idq; longo tempore, tandem, ut etiam citra illius adminiculum, ambulare potuerit, hac arte effeci.

Gibbus.

Gibboſo puero cuidam nobili, cui ſpina dorſi extrorſum admodum extuberabat, in infantia, *thoracem ferreum, qualem armati ferre ſolent, ex tenuiſſimis laminis fabricatum, atq; intus forisq; ne nimium illum premeret, pannie ſuffultum, indutum* ut geſtaret, docui. Quo facto, cum eum integri anni ſpatio, dies noctesque geſtaſſet, eiſque ſic aſſueviſſet, ut non magnam inde ſentiret moleſtiâ, ſenſim preſſâ illâ curvaturâ, ſpina rectitudinem iterum ſuam naturalem eſt adepta, poſteaſq; ſemper recto corpore incedens, procerus admodum eſt factus.

Impotentia crus movendi, ob fracturam femoris, in deſcenſu ex equo factam.

Mulier nobilis, medię etatis, aliquoties Iſchia-dico dolore affligi ſolita, cû ab equo deſcendens, impetu magno, in terram, pedibus inſiliret, graviſſimo dolore, circa coxam ſubitò percuſa, cõcidit, nec ſtare ampliùs potuit. In lectum deportata, Medicus accerſitus, ex deſluxione ſubita, coxendicum dolorem natû eſſe, ex eo, quod huic malo eſſet obnoxia, conjiciens, quæ in eo caſu conveniunt, multa adhibuit remedia. Verùm omnia fruſtra, unde de-

colli

cocti Guajaci usum, cum *diata* illi injunxit, sed nec sic malum mitigatum, nec stare nec ambulare potuit, crure sensim sese abbreviante, ita ut longum pedem, altero crure brevius esset. Sicque lecto, ad annos aliquot detenta, cancro mamillæ insuper laborare cœpit, ad cujus inspectionem vocatus, cum prioris casus inscius, inter reliqua, causam diuturni decubitus inquirerem, crusque abbreviatum viderem, & circa coxam callum durum, in femore contactu deprehenderem, historiamque, quomodo ab impetuoso descensu, ab equo hoc illi accidisset, audirem, femur sub coxa fractum, ex eo impetu, dein ex cruris hac abbreviatione, & callo, collegi, illiq; exposui: quod illa verum esse, uti & adstantes, cum fateretur, & fragorem se audivisse, cum terræ insiliret, diceret: quod à Medicis & Chirurgis, non fuisset observatum, sed curam coxendico dolori, omnem tam diu frustra accommodatam, omnes mirabantur & detestabantur.

Dixi eos falsos fuisse, ex situ doloris, cum ad Ischiadicum dolorem prona esset: dein & fracturam, cum adhuc obesa esset, contactu non potuisse observari, uti nec callum, qui postea in attenuatâ, ex morbi longitudine, rectius pateret, adhuc non credidisse illos, ex saltu hoc, crus posse frangi.

Quod tamen femur sub coxa, ab eo impetu perfractum fuerit, atque ex illa fractura abbreviatum, nec repositum, nec invicem per callum coaluisse, collegi ex omnibus circumstantiis. Hoc cum illi exposuissem, & certis his argumentis comprobassem, illa maximè mirabatur, neminem unquam causam mali deprehendisse, adjecit se neutiquam


existimasse ex tali descensu, semur frangi posse, ac hæc fragorem audivisset, ob momentaneum motum, fracturam animadvertere non potuisse, cum verò exemplo alterius, cui idem eodem contigit modo, illi declarassem, credidit sicuti jam subjiciam.

Tibiæ motus impeditus, ob eam in descensu ab equo confractam.

SCultetus quidam, cum concitato equo, confractis habenis, equum velocissime currentem, amplius retinere minimè posset, ne præcipitem illum daret metuens, in ipso cursu, è sella se in terram, supra pedem dextrum, tanto impetu dejecit, ut tibiâ perfractâ, malèque curatâ & curvâ remanente, claudus postea semper permanferit.

Tibiæ confractæ insignis portio adempta.

EX casu tibiæ, portione digitos aliquot latâ exemptâ, nihilominus curatus æger, callo spatium illud adimplente, denuo ambulare potuit.



IN MOTU DEPRAVATO
OBSERVATIONES.

Motus totius corporis involuntarius, constante nihilominus mente.

INVISI aliquoties mulierem, quæ supina decumbens, pectus in altum adeò attollebat, dorso introsum flexo, ut inter illud & lectum, amplum esset spatium, quod & puer pervadere potuisset.

dein

dein dorso denuo demisso, lectum validissimè concutiebat, sicuti epileptici quidam ejusmodi motus inordinatos perpeti solent.

*Tremor generalis multarum partium,
diuturnus.*


TRemere seu agitari & concuti involuntariè, quorundam non solùm manus, in quibus hoc frequentius accidit, sed & brachia, nonnunquam & caput simul, idque non solùm manè, dum jejuni sunt, sed & reliquo diei tempore, noctuque in recumbentibus, & dormientibus, aliquando observavi, atque in plerisque ad finem vitæ usque durasse, nec curari potuisse.

Ab ortu quoque, hoc cuidam ex civibus nostris accidit, qui ad extremam ætatem usque, brachiis, manibus, digitis, pedibus, quibus inter eundem veluti saltabat, capite item quod agitabat, & maxillâ quâ veluti masticabat, totius corporis tremore & concussione, hac laborabat, nec unquam quietus, etiam dormiens esse potuit. Et nihilominus tamen in caveis, ex filo æneo artificiosè conficiendis avicularum, aliisque minutis operibus laborans, se, suosq; liberos & uxorem, alebat. Hunc à continuo hoc tremore, *Zitterhans*/ vocabant.

Risus præternaturalis.

Cujusdam monasterii Prior dici solitus, cum morbo epidemio seu feбри malignâ, quæ tunc grassabatur, & multos è medio sustulerat, extrèmè laboraret, in risum, qui eum nolentem, constante

168 IN RESPIRATIONIS DEFECTU
nihilominus mente, exercebat, incidit, adeò vali-
dum, ut etiam præ risu, vociferari cogeretur, & per-
severantem, ut præ eo nec dormire, nec quiescere
posset, unde tandem adeò, accedente vi morbi, de-
bilitatus fuit, ut viribus deficientibus, tandem suc-
cumberet.



IN RESPIRATIONIS DEFE-
CTU OBSERVATIONES.

*Dyspnœa diuturna cum tussi, ob deflu-
xum humorum in pectus.*

TUSSIEBAT quidam jam à longo tempore,
manè præsertim & sub vesperam, crudamque
expuebat materiam, sternutabat frequenter, & co-
ryzâ aliquando quoque laborans, locaque montosa
ascendens, admodum anhelabat.

Cùm defluxionem à capite, in pulmones descen-
dere, illicque coacervari, cæterisque pulmonum ex-
crementis, per congestionem illic natis, cumulari,
ex prædictis cognosceretur: Corpore prius decenter
evacuato, bonâq; vivendi ratione, parcâ præcipuè cenâ
institutâ, sequentia fuerunt præscripta.

Ad tussim mitigandam, *Diacodium cum sapa se-
cundum descriptionem Galeni paratum, in introitu lecti,
cochlearis unius mensurâ sumpsit, sensim deglutiendo,*
unde tussis mitigata fuit.

Præterea ut susteretur catarrhus, usus est placentis,
quæ: R. nucleorum Pini, maceratorum in decocto Hor-
dei, nucl. Pistaciorum, Amygd. dul. excort. ana ʒ. vj. pul.

Diatra-

Diatragach. Diapenid. sine speciebus ana 3.ij. pulv. Diareos simp. 3.j. pulpæ Passul. 3.ß. Sacchari albis. 3.iiij. vel plus, cum inf. gummi Tragach. factâ, in aquâ Ros. fiant placentæ. De quibus frequenter comedat.

Sumpsit ad eundem usum, noctu cubitum iturus, vel summo manè, superdormiendo, de sequenti pulte, non nimis spissa sed liquida: R. Hordei mundati, in aqua donec dissolvatur, lento igne decocti 1b. 8. adde sequentis emulsionis 1b. ij. extracta ex Amygdal. dulc. excort. 3.iiij. 4. semin. Frig. mai. ana 3.ß. sem. Papaver. albi 3.iiij. semin. Lactucæ 3.j. cum decocto Hordei misceantur, & parùm coquantur, donec in pultem, liquidam tamen adhuc, redigantur: Capiat 3.j.ß. pro vice, addendo Saccharum ros. tab.

Capiti adhibuit noctu, Cannabinas stupas, fumo sequenti prius suffumigatas, dein & cucuphâ, quæ capiti imponenda noctuq; gestanda erat, similem fumum excepit: R. Thuris, Mastiches, Styracis cal. Ladani ana 3.ij. gummi Juniperi & Hedere ana 3.j. gummi Sandarachæ 3.j. Rosarum rubr. semin. Coriandri ana 3.ij. pulveris. & excipiantur, infus. gumm. formentur trochisci: Pro fumo.

Ulus est singulis decem diebus exactis, sequenti purgatione, in forma electuarii, sumendo ad 3.j. pro vice: R. Cassiæ recentè extr. Catholici ana 3.j.ß. Mannæ granulata 3.ij. Diacarthami tab. in pulverem redact. 3.j. cum syrupo Rosar. solutivo fiat electuarium.

Regimen decens fuit institutum, nec dum postea de defluxionibus, ampliùs est conquestus.

Dyspnœa à defluxione supra septum, subsequente Delirio, ob illius inflammationem.

Medicus primarius è nostris, An. 1570. Febr. mens. morbo correptus, de dolore è regione ventriculi, cinguli instar, ventrem supra lumbos, ambiente, potissimùm conquerebatur: respiratio insuper nonnihil impedita erat, pulsus febrilis, quibus per dies octo perseverantibus, accessit delirium ante obitum, ad extremum usque, de cingulo hoc, quo stringeretur & suffocaretur, conquestus. De quibus, etsi variæ essent Medicorum sententiæ, ego, septi transversæ causâ, hoc evenire, pronuntiavi, defluxionemque primò supra illud, per nervorum ad eum disperforum, insignium ductum, lapsam, principium morbi fuisse, quam ex itinere, pluvioso & frigido cœlo, sibi contraxerat, inde subsecutam inflammationem, calorem, dyspnœam summam, tandemq; delirium & mortem Anno 1570. sequutam.

Dyspnœa subitanea, cum tussi & expuitione, ob defluxionem.

Senex appropinquante hyeme, cùm aëri frigido, nebuloso se exposuisset, profectus ad conventum Helvetiorum, domum iterum reversus, noctu, catarrho subitò infestatus fuit, angustîâ pectoris summâ laborabat, cùm tussi, & excreatione pituitæ albæ, crudæ, tenacissimæ, calebat caput & dolebat, aderat sternutatio, vomitus pituitosus, appetentia prostrata, pulsus celer, febris lenta, urinæ tinctæ, & vires admodum prostratæ fuerunt.

Deco-

Decoctum pectorale, consilio cujusdam bibit, & tab. Diatreos utebatur.

Verùm cum non remitterent accidentia, ab eo vocatus, Lucernam veni Anno 1593. Et quia difficulter admittebat medicamenta, ac morosus erat, coactus fui, illi plus quàm voluisssem, morem gere-re. Itaque gratum hunc, primùm exhibui *Julepum*: R. *Aquæ vitæ rectificata* eousq; donec adustionis illum gu-
stum deponeret ℥. 8. *aquæ Cinamom.* ℥. j. *aquæ Ros.* ℥. 8. *Sacchari candi albiss.* ℥. ij. pulver. rad. *Ireos Veneta* ℥. 8. misce: Capiat cochl. j. frequenter: cujus usu, tenacis-
simam excrebat materiam.

Quia *oxymel scilliticum*, quod dare cupiebam, respuebat, & quæ offerre vellem, in *Vino* ut exhibe-
rem, rogabat, tale illi *Vinum* præscripsi: R. sol. *Marrubii albi*, *Cardui bened.* *Tussilaginis sicc.* ana M. j. *Absin-
thii parvum* (quia hujus gustu delectabatur) infun-
dantur in *Vino albo*; Bibat haustum manè, cessavit vo-
mitus, multumq; pessimæ materiæ expuebat.

Persuasi ut *pilulas* sumeret, consensit: R. *pilul.*
Cochiarum ℥. j. ol. *Cinamom.* gut. iij. fiant *pilula*; Capiat
mediâ nocte. Vigies eâ die dejecit, & sequenti quo-
que aliquoties, ita ut dyarrhœam metueret. Verùm
ut benè speraret, profuturam enim, cum vitreæ pi-
cuitæ tantam egereret copiam, monui.

Pectori, propter dyspnœam, *Lac amygd.* cum *Oleo
amygd.* dul. applicare volui, sed renuit.

Cucupham paravi, quàm unâ tantum nocte gesta-
vit, postea, quia odor illi non placebat, abjecit.

Lotionem itaque *pedum revellentem*, talem præscri-
psi: R. *salvia*, *Betonica*, *Majorana*, *Origani*, *Pulegii*,
Spica celtica, ana M. j. flor. *Stœchados* P. j. *Agarici* ℥. 8.
bucc.

bacc. Lauri, *Salis ana P.j.* coquantur in *Lixivio & Vino albo*, & noctu cubitum iturus, aliquandiu in hoc decocto pedes immergat, repetatque diluculo, idq; aliquot dies continuet.

Ad sistendum catarrhum, formulas sequentes in buccis tempore somni retinere iussi: *Rx. spec. Diatrag. frig. 3.j. Sacchari candi 3.ß. Rosar. rubr. pulv. 3.j. succi Liquiritiæ 3.ß. ol. Cinamom. gut. iij.* excipiantur infusione gummi *Tragacanth.* factæ in aqua *Rosarum* fiant formulæ.

Hiscæ factis & continuatis per dies duodecim, melius habere cœpit. Bonâ interim usus victus ratione, Vinum saccharo dulcoratum, Cinamom. aromatizatum & rad. Enule & Ireos medicatum, bibere interdum iussi. Atque ita convaluit. Verum proprio consilio, sequenti æstate, thermis usus, hyeme post, apoplexiâ tactus, expiravit.

Dyspnœa periodica à defluxione.

Nobilissimus ac illustris vir, annos quadraginta quinque natus, hic accidentibus, per circuitus infestantibus, jam multos annos divexatus fuit. Sicuti mihi, cum huc ad me veniret, consilii causâ Anno 1573. exposuit.

Repentè angustiam & compressionem pectoris sensit, cum difficultate spirandi, subsequente mox pituitæ aqueæ copiosâ, per creatum, expuitione, tandem quoque tussi, sed circa finem demum subsequente, concocta quædam rejecta sunt. Quæ incommoda, postquam diem unum aut alterum perseverarunt, denuo cessarunt, sed elapsis diebus aliquibus, mox iterum redierunt, novusque paroxysmus

xyfmus superveniens, novâ illi peperit molestiam. Per cætera sanus, benè habitus & coloratus, nullam in reliquis functionibus corporis, sensit læsionem.

In capite autem hanc pituitam, ob excrementorum cerebri copiam, illiusq; imbecillitatem natam esse, cum ille ipse, à superioribus eam defluere, senserit, non esse dixi, quod dubitaret, secretumq;, quo etiam sine tussi pituitam excreavit, hanc ad fauces descendisse, satis ostendere.

Verùm unde hæc dyspnœa, quæ potissimùm illum angēbat, & primò omnium invaserat, proveniret, de eo fuit quæsitum.

Ego verò, huic dubio respondens, existimavi, eandem aqueam pituitam, cujus portio in fauces illap̄sa fuit, in musculos, thoracem moventes, non solùm illi incumbentes, sed & costis intertextos, & ad septum quoque usque, nervorum ductum secutam, statim in prima invasione defluxisse, majoriq; copiâ, quàm ad pulmones perlatam esse, cum hæc respirandi difficultas, sine stertore, facta fuerit, sed cum sensu aliquo ponderis, pectori incumbentis, vel alioquin illius motum impredientis: nec pulmonum, licèt diuturnus jam sit affectus, morbi aliqui sequantur, aut corporis consumptio: nec tussis molesta sit, nisi circa finem demum; ex irritatione faucium commota, & quæ non illam pituitam aqueam, sed alia concocta pulmonum excrementa, ex congestione potiùs, quàm defluxione, illic colligi consuecta, propellit.

Ob quam causam, phthisin, ne fortè superveniret, quæ ruptâ potiùs vel erosâ venâ, quàm ab hac defluxione non acri, alioque majori ex parte, quàm

174 IN RESPIRATIONIS DEFECTU
quàm ad pulmones delatâ, proficiscitur, frustra nobilissimum virum metuisse, censuimus.

Quòd autem tam diu duraverit hoc malum, totiesque redierit, non nisi ob copiam, cerebri excrementorum pituitosorum, fieri posse, manifestum esse, cùm ea non per viam decentem, ut nares, quæ semper illi siccæ fuerunt expurgata, aliâ viam quærentia, in dictos musculos procubuerunt, illorumque portio, quæ ad fauces perferebatur, sreatu rejecta sit. Quæ si dorsalis medullæ initium peterent, paralytin, aut si tota illa copia ad pulmones deferretur, catarrhum suffocantem dictum, asthmatis speciem, induxissent.

Curationis itaque scopus, in morbo hoc diuturno, præcipuus erat, ut congestio cerebri pituitosorum excrementorum impediretur. Quod faciendum, materiam quâ cerebrum nutrirî debet, puram & temperatam reddendo, & cerebro humidiori & imbecilliori, ut illam rectè excoquat, robur addendo illudq; siccando.

Imprimis autem eâ vivendiratione institutâ, unde sanguis laudatus & purus gignitur, à quo ille qui cerebrum alere debet, derivatus, pauciora excrementa in illius nutritione deponat. Temperanter cibos sumendo; Interdum quoque, versus noctem præsertim, jejunando, quod ego inter præcipua si aliquando à cœna abstinere assuesceret, remedia, quæ juvare possent, statuerem. Cibis uteretur concoctu facilibus, laudaturnq; succum gignentibus, non excrementitiis, & qui conditurâ, atque aromatificatione, ad calorem aliquem inclinarent.

Quæ omnia jam longo usu, cùm ipsemet Dominus à Medicis edoctus, quænam illa sint, noverit,
non

non erat, cur ego hoc repeterem. Inter quæ *Vinum* præferim generosum, sed moderatè bibere iussi.

Studeat corpus exercere, & suo tempore excrementa egerere. In balneo jejunis hebdomadatim semel sudet, caput à frigere muniat.

Hiscæ observatis, quod reliquæ attinet remedia, cum jam sæpè purgatus sit, deinceps quoq; hac ratione, proventus excrementorum impediendus.

Pilularum forma, quâ & libentiùs utitur, huic rei est aptissima, semel dierum quatuordecim spatio, hisce utetur: *Rx. pilul. Sine quibus, Aurearum, Cochiarum an. ʒ. j. cum aqua Vitæ fiant pillulæ. Sumat manè jejunis.*

Per vices bis in septimana, levioribus hisce, duabus horis ante cœnam, utatur: *Rx. pilul. de Aromatibus, Mastichinar. ana ʒ. ij. Aggregat. ʒ. j. Sine quibus ʒ. ʒ. fiat massa cum syrupo de Hyssopo: Capiat ʒ. ij. pro una vice.*

Post cibum sumptum, sequenti pulvere concoctionem juvet: *Rx. sem. Coriandri ʒ. ij. sem. Fœniculi, Carui, an. ʒ. iij. rad. Galangæ, Nucis mosc. an. ʒ. j. Cinamom. ʒ. ʒ. Majoranæ ʒ. ʒ. Coralli ʒ. j. Sacchari Rosar. tab. ad pondus omnium, fiat pulvis post pastum, ut vocant sumendus.*

Tabulis hisce matutino tempore utatur: *Rx. specierum Rosatæ Novellæ & Diagalangæ, de Nuce Moschata an. ʒ. ʒ. Cinamom. ʒ. ij. Coralli ʒ. j. semin. Carui ʒ. j. fiat pulv. adde Sacchari dissoluti in aqua Rosarum & Cinam. q. s. fiant Tabulæ.*

Lotiones pedum quoque adhibeat: *Rx. folia Salvie, flores Chamomillæ, Pulegium & Origanum, decoque in Vino & Lixivio, adde pugil. j. Salis & pugil. j. Tartari: Quo pedes frequenter abluat, calidè.*

Errhinum, aliquot matutinis, post purgationem, non diu

diu ante praeſſam, hoc modo naribus indatur: R̄. Majoranam contuſam, impone in ſacculum ſericum tenuiſſimum, ut ſit inſtar ſuppoſitorii, intingat in ſucco Bete albae, & intrudatur in nares.

Imprimis verò, licet capiti jam multa adhibuerit remedia, emplaſtrum tanquam efficaciffimum, raſo capiti, vel capillis ideò abſectis, ut ſine labore emplaſtrum ruruſum avelli queat, applicarem, ita ut illi adglutinatum hæreret; Vel ſi hoc illi diſpliceret, interpoſita tenui ſyndone, proximè illud attingeret. Quod dies nocteſq; geſtaret, atque angariatim renovaret, cujuſ hæc eſt deſcriptio: R̄. rad. Ireos, Galanga, Cyperi, Angelicæ ana 3. ij. rad. Pyrethri, Agarici, Rhab. rad. Scilla ana 3. j. Sennæ 3. ij. Majoranæ 3. j. ſem. Coriandri, Baccarum lauri, Caryophyl. Nucum moſc. Maceris ana 3. j. ſem. Nigellæ, Sinapiſ an. 3. B. Benzoini, Storacis an. 3. ij. Chalcanthi albi 3. B. lap. Calami. 3. ij. Aluminis 3. j. olei Nucum antiquiſ. addendo guttas aliquot olei de Majorana & Salvia, per deſtillat: Laricæ reſinæ & Cera q. ſ. fiat Emplaſtrum.

Quòd ſi his aliquandiu uſurpatis, nō remitterent paroxyſmi, ut diatam appellatam inſtitueret, ſuaderem; hac ratione.

Per ſeptimanas ſex, ſi perſeverare poſſet, bis in die parçè cibum ſumendo, uniuſ ferè generis, aſſum ſcilicet carnem volatiliū, vel pecudum juniorum cum pauco pane, nec ſine ſale, uti in ea re temerè ægros affligunt. Atq; interim ab omnib. juſculis alijsq; cibis abſtinendo.

Manè & ſub veſperam decoct. Guajaci ſequens ad 3. vj. vel viij. bibendo: R̄. ligni Guajaci & cort. raſi an. lb. j. cum lb. duodecim aqua ad conſumptionem medicæ parit decoquendo.

Potus ordinarii, sitis extinguenda gratiâ, Vinum biberet, sed dilutum hoc decocto: R. Guajaci rasi ℥.iiij. cum Tb.vj. ad consumptionem medietatis, coquat; Vinumq₃ diluat.

In qua cura si perseveret, hæc illi summopere profutura confido.

Dyspnœa ex congestione humorum.

Quidam senex, diu tussi pectorisque angustia, hyemis tempore, ad extremum ferè redactus, non ampliùs decumbere, sed erectus spiritum aggrè, dies noctesque ducere cogebatur, cum stertore, ita ut periculum mortis jam immineret, & pro desperato eum uxor, & liberi, quos multos habebat, haberent. Vocatus 4. Decembr. Anno 1600. cum expectorantia, nihil proficerent, dedi illi, succum recentè expressum ex radic. Iridis ad ℥.ß. boni ponderis, cum hydromellite vinoso mistum, à quò dolorem in ventre se sentire ajebat: Jussi, ut si non cessaret, jusculum superbiberet: quibus factis, dejecit eà die novies; vomuit viridem materiàm copiosè, cum tenaci phlegmate: & sublevatus dormivit per 3. horas, in lecto decumbens, quod diu ante facere minimè potuerat. Sequenti quoque nocte, in lecto permansit, dormivit, & semel adhuc dejecit, maneque meliùs se habuit, & sic convaluit.

Dyspnœa, ex collectione aque in abdomine, in hydrope.

EJusdem succi Iridis ℥.ß. cum Sacchari ℥.ß. & Vini Hipp. ℥.j. hydropicæ matronæ magnà dyspnœâ toto anno laboranti, & pedibus tumidis, triduo an-

te exhibui: Vomuitq; inde viscosæ tenacissimæq; pituitæ, matellatæ semiplenam, sedesque ternas habuit; meliusque postea spirare & sperare cœpit.

Dyspnœa in disposita ad hydropem.

DYSPNŒA vehementi laborabat mulier quædam, disposita ad hydropem, quod ex tumore pedum, & urina aquea, cruda conjiciebam: præscripsi illi *Vinum* sequens.

R. rad. Iridis ʒ. j. rad. Enulæ, Scillæ præpar. ana ʒ. ʒ. Marrubii M. j. cort. radic. Sambuci & Ebuli ana ʒ. j. sol. Sennæ ʒ. j. ʒ. Agarici ʒ. ij. Zingib. ʒ. j. conquassentur pro Vino, addendo ℥. iij. seu mensur. j. coquantur parùm in duplici vase.

Bibit cubitum itura haustum, per dies sex, cessavitque dyspnœa, & tumor evanuit, pulchreque curata fuit.

Dyspnœa in Febre tertiana.

VIDE in Febribus Lib. II. Tertianæ intermittens duplex, Obstructio Hepatis, &c.

Asthma, ob congestionem humoris viscosi, in pulmonibus.

GENEROSUS quidam quadragenarius, ante septennium, subito dyspnœa correptus, & tussi, quæ omnia à catarrho provenisse, Medici existimabant, post curam aliquam, denuo ad se rediit. Quinquennio postea, eundem paroxysmum passus est, & quia Medici, iterum hoc à deflexione à capite labentē, illi accidisse, existimabant, licet ille, tantum de

de difficultate spirandi, sine magna tussi, conquere-
retur, multis *evacuationibus, revulsionibus à capite*, inter
quas & *cauteriis*, in utroque brachio, & in capitis ver-
tice usi sunt. Tandem remittente hac dyspnœâ, per
triennium mense Februario subitò hæc eum adeò
violenter invasit, ut de suffocatione periclitare-
tur: Medicis denuo omnia hæc, à defluxione in
pectus, procedere, existimantibus, & huic curam
tantùm accommodantibus, in qua cùm & *Ve-
na sectio* usurparetur, ab ea se maximè levare, ali-
quo modò existimabat, ob quam causam, *septies in
septimestri, sanguis singulis vicibus, novem unciarũ quan-
titate*, illi detractus fuit.

Verùm cùm perseveraret hæc angustia pecto-
ris, ad me consilii gratiã 1. Septembr. Anno 1613.
miserunt, singula quæ acciderunt, mihi scripto ex-
plicantes. Quibus Asthma hunc affectum esse, eum-
que potiùs à congestione, in pulmonibus, tenacis
humoris, quàm defluxione dependere, multis ar-
gumentis ostendi.

Et præcipuè, ut id expectorari posset, curam esse
instituendam, remediaque in hunc usum quædam
præscripsi. Inter quæ hæc fuerunt præcipua.

Fulepus: R̄. Spiritus Anisi part. ij. Mellis scillit. part. j.
aqua Cinamom. part. β. misce: Capiat semicochleari
pro vice.

Item: R̄. Oxymel. veri ex hydromel. Malvat. parati
par. j misce Mellis scil. par. ij. syrup. de Hyssopo, de Liquiri-
tia tantundem: Capiat eodem modo.

Vinum medicatum, ut interdum bibat: R̄. radic.
Liquiritiæ ʒ. iij. radic. Ireos ʒ. ij. rad. Enulæ ʒ. j. radic.
Angelicæ ʒ. β. Scillæ præpar. ʒ. j. Porrorum bulborum si-

*milititer preparat. ℥.ij. Siliquar. quart.j. semin. Fœniculi, Anisi ana ℥.j. semin. Urtica, Angelica ana ʒ. ij. semin. Nasturtii ʒ.j. Mellis lb. β. Sacchari lb.j. Cinamom. ʒ. vj. Spiritus Anisi ʒ. β. Vini gener. mens. vij. vel viij. interven-
tur in dolio ad usum.*

Novem exactis septimanis, 11. Novembris cursum ad me nobilem equitem ablegavit, significans mihi per literas, ab eo tempore quo cœperit remediis meis, & præsertim *Oxymellite & Julepo* uti, de die in diem se melius habuisse, neque ullas defluxiones sensisse, & nunc sine omni impedimento, liberè spiritum ducere, neque angustiam aliquam pectoris aut in pulmonibus sentire, Deo agens gratias, rogans, ut cum *Vinum* saltem restet, de quo *manè ante prandium*, sumpto priùs *jusculo*, aliquando ei bibendum, ex quo magnum incommodum sentiret, rursus *Oxymel cum Julepo*, quæ penè absumpta erant, ut si necessitas requireret, eâ ad manum haberet, quod & factum, mitterem. Interim tamen, cum gravitatem aliquam capitis, & lassitudinem pedum saltem, se sentire, simul perscriberet, atque alioquin se sanum & incolumem esse, qui appetitum haberet optimum, enarraret, pro iis non multa illi remedia ordinare, necesse esse putavi, ex persuasione quadam hæc illum magis observare, quàm reverà se haberent, illi significavi. Aliquid tamen, ad *caput roborandum*, transmissi.

Asthma à calculo, in quatuor agris.

Pulmonibus innatum calculum, reperi, in sectione filii Parci, Typographi Anno 1557.
Alium, in sectione studiosi alicujus.

Tertium

Tertium, ex creatione rejectum.

In pectore circa jugulum, in medio intersepien-
tium thoracis membranarum, glandulis illis, calcu-
los accrevisse, in Anatome observavi.

*Suffocatio impedita, in quatuor fœminis,
quæ in Rhenum projectæ, supplicii
causâ, vivæ evaserunt.*

PRIMò famulus fabri ferrarii cujusdam, binas
illius filias, sorores compresserat, unde ambæ
gravidæ factæ, è quibus unam in uxorem duxit,
neglectâ alterâ, quam etiam spe matrimonii dece-
perat. Ob quod illa indignabunda, negotium cum
non ausa esset, parentibus aperire, ventrem ex hy-
drope tumere simulans, rem tamdiu celavit, do-
nec noctu in cubili & lecto sola, infantem vivum
pareret, quem, ne ejulatu factum proderet, manu
ori admota, suffocavit, & postea domo expor-
tatum, abjecit. Verùm cum deprehensa, delictum
mox fateretur, neci adjudicata, è ponte Rheni, pe-
dibus manibusque arctè vinctis, in flumen ut illic
submergeretur, à carnifice dejecta est. Per quartam
autem horæ ferè partem, aquæ immersa, adeò ut
non conspiceretur, ad terminum usque constitu-
tum, extra urbis moenia, ubi eas rursùm, more anti-
quo, mortuas vel vivas extrahere solent, in flumine
dejecta, illicque à vespillonibus extracta, rursùm
respirare, & ad se redire cœpit. Quam postea invi-
sens, frigore penè enectam, *malvaticò, confectioni-
busq;* refectam, sanam reddidi, quæ postmodum
cuidam nupsit, liberosque procreavit, adhucque,

elapsis annis, jam ab eo tempore, quadraginta sex circiter, est superstes. Hujus autem causam diligentius indagans, & de singulis inquirens, hanc tandem esse deprehendi: Quod nimirum ob terrorem mortis, cum Rhenum inspiceret, & casum, cum à ponte deiceretur, animo defecerit, accedente, quod deliquium illud juvit, quod supra funem, qui illi alligatus cum vesica fuerat, cadens, faciem illiserit, sicuti ex vibice postea apparuit, ex qua concussione, graviolem syncopen passa est, quæ tamdiu duravit, quamdiu in flumine mersa, ad locum, ubi è flumine extracta fuit, delata est, ubi ad se rediens, existimabat, se modò à ponte decidisse, sicuti ex ore illius audiui. Quod autem in syncope, cordis motu tunc cessante, respiratione etiam, donec cordis motus redeat, carere, vitâ adhuc durante possint, alibi demonstravimus, illudque sapius, in syncope vehementi, & hystericiis accidentibus, accidere videmus, ut per horæ sæpe spatium, nec pulsus, nec respirationis aliqua, vel minima indicia, apparuerint, & tamen postea ad se redierint.

Secundò annis aliquot post, Anno nimirum 1591. alia rustica, quæ prolem modò natam suffocarat, eodem supplico affecta, & in Rhenum projecta, viva evasit, idque, sicuti ipse observavi, quod cum esset supparo, ex panno lineo nigro cincta, & restibus transversim vincta, factum, ut aëre sub veste retento, quæ madefacta, poris occlusis, eum facile retinere potuit, telâ in aquæ superficie, vesicarum aërem continentium instar, fluctuante, ita corpus sustentavit atque elevarit, quò minùs in aquam demergeretur, sed incolumis, terminû supradictum, à rapi-

à rapido flumine vecta attigerit, atque viva ad portum deducta fuerit.

Tertiò idem contigit, ut eandem ob causam, quædam quia pedibus, quibus appensæ fune erant vesicæ, surlum niteretur, caputque elevarer, in Rhenum de ponte dejecta, evaserit, Anno 1600.

Quartò demùm factum, Anno 1608. Cùm quædam à me, de uteri tumore præmonita, quod tamen negabat, foetum post editum enecasset, in Rhenum quoque, ut submergeretur, projecta, strictè à lictore ligata, nihilominus tamen & illa, ad metam usque extra urbem, à ponte admodum distantem cùm pervenisset, viva extracta, & postea libera, dimissa fuerit.

Suffocatio ex congressu.

AMmannus quidam, pagi cujusdam Helvetiorum, jam senex & viduus, cum uxore juvenacula, quam recens duxerat, se commixturnus, in ipso actu, tantâ dyspnœâ corripiebatur, & angebatur, ut ob suffocationis periculum, cessare cogeretur. Quod cùm sæpius tentanti accideret, Medicos atque impostores circumforaneos consulebat, atque imprimis Paracelsistas, quibus plurimum fidebat, adeo ut existimaret, illos (quod se adhuc vivente fieret optabat) tandem remedium, quò mors præcaveretur, inventuros. Fatebatur quidem, hoc poenæ causâ sibi à Deo, cùm admodum dissolutè & luxuriosè vixerit, pluresque illegitimos liberos procreavit immisissum, tamen auxilium passim, multis promissionibus, Medicis factis, quærebat. Sed cùm frustra omnia, in ipso ten-

tata, jam annos aliquot fuissent, tãdem à coryphæo Paracelsistarum Bodensteno, aliquot septimanas, *remediis* sed sine fructu, excruciatu, & *sudoribus*, quos illi *per vim* movebat, pecuniaque insuper ducentorum coronatorum exhaustus, cùm domum reversus, successum huius curæ experiri vellet, cum uxore congressus, statim, uti prius dyspnœa correptus fuit, quã etsi admodum angeretur, tamen fides Paracelsistæ pollicitationibus, cùm nihilominus actum venereum ad finem perducere, conaretur, in ipso opere, adhuc uxori incumbens, suffocatus interiit. Quem miserum huius viri primarii apud suos casum, uxor celare cupiens, rem uti acta erat, reticebat, unde plerique, apoplexiã mortuum, credebant. Ego verò tunc temporis, in vicinia versans, ex conjecturis, cū à vivo ipso prius, uti dictum, hunc illius affectum cognovissem, & ex uxore aliqua intellexissem, quæ causa huius subitaneæ mortis fuerit, facile & certò potui deprehendere.

Suffocatio à Struma interna abscondita, circa jugulum.

Filius Marci Peresii, quinque menses natus, benè habitus, nullo præcedente alio affectu, subito cum stridore & respirationis difficultate, è medio sublatus est: quo genere mortis, prius quoque, cùm duos amisisset filios, causam scire cupiens, ipso rogante, pectus aperuimus, & in regione juguli, glandulam illius loci, in strumam quandam magnam, unciam unam cum semisse pendentem, spongiosam, venisque refertam, & quæ beneficio membranarum duntaxat, vasis maximis illis juxta jugulum

jugulum ascendentibus, adhærebat, excrevisse, deprehendimus, carniformi quadam materiâ, & sanguine oppleta, quò subito irruente, strumamque illam dilatante, adeò ut vasa illius loci premeret, suffocatum fuisse infantem, judicavimus.

Suffocationis periculum ab aura quadam, aëre commoto, in quibusdam.

FOemina quadam, in subitaneum incidit morbum, viribus subito prostratis, se suffocari indefinenter clamitans, etli nec stertoris, nec tussis aliqua essent indicia, maximè verò de aura quadam adveniente, si vel leviter aliquis astantium se moveret, quæ illam opprimeret, conquerebatur, seque suffocari, si quis propius accederet, clamitabat, vix dum biduum, in ea anxietate perseverans, expiravit.

Vidi & alios ægros, de simili aura, quæ eos si quis se illis appropinquaret, in suffocationis periculum induceret, conquerentes, quod semper, pessimum esse signum, deprehendi.

Suffocationis à catarrho ad fauces labente, periculum.

QUod subitam illam difficultatem spirandi, & angustiam circa fauces, & suffocationis periculum attinet, quem catarrhum suffocantem vocare solent, non ad pulmones, sed fauces delabentem, quasi cuidam, Anno 1594. Nov. ut Venam semel in anno aperiret, Veris tempore.

Et ut scarificatione uteretur, in scapulis ter vel quater in anno.

Pedes item frequenter noctu cubitum iturus, calido hoc decocto foveret, vel in illud imponderet. Quod ex lixivio, in quo Salvia & Chamomilla decocta sunt, paratur.

Purgaret corpus, bis in anno, Pilulis, Sine quibus esse nolo, appellatis, ad ℥.ij. sumendo, circa mediam noctem, & si bene & citra molestiam operantur, possunt singulis mensibus sumi.

In ipso paroxysmo, utilis est aqua, quæ fit ex Aqua vite benè preparata, cui Saccharum candum, tantâ quantitate, ut parùm dulcescat additum sit, & parùm aquæ Cinamomi, cum pauca aqua Rosarum: Et cochleare unum vel duo mox sumat.

Ac postea Lac caprinum tepidum, in quo Aizoon majus, grosse Haubwürst/ decoctum sit, & radix Althææ, in ore & faucibus contineret.

Extrinsecus collo commodè circumdaretur Lanâ nigra succidâ, oleo Liliorum inunctâ, calefactâ, panno cannabinò involutâ; Vel si perseveret malum, poterit tale emplastrum collo circumdari.

℞. Nidi hirundinum ℥. vj. pulverifetur & coquatur in Vino albo, addendo pulveris Baccarum lauri ℥.j. Mellis ℥.ij. olei Liliorum ℥.ij. fiat instar emplastri: Quod supra pannum extensum, tepidè collo circumdetur.

Hæc plurimum profutura, Deo juvante, me sperare dixi.

Catarrhus suffocans.

IN lotura linteaminum, matrona nobilis, noctu & interdium, frigori se exponēs, mense Nov. An. 1597. linteaque madida & frigida, manibus versans, mediâ nocte, febre correpta, summam pectoris angustiam

stiam sensit, & spirandi difficultatem, cum stertore gravi, qui in pulmonibus audiebatur, idque præsertim, cum in latus dextrum decumberet, doloremque in sinistro potissimum latere, sentiebat, non solum intrinsecus, sed & in mamma illius loci.

Ostendi defluxionem, non solum in pulmones delapsam, illosque nonnihil accensos, & peripneumoniam esse, sed & in thoracis musculos, decubuisse.

Cruda tantum expuebat; Et licet expectorantia varia propinarentur, *forisq; pectori, laxantia & maturantia* apponerentur *unguenta, cataplasmata*, tamen increbrescente dyspnœâ, & stertore, tertio postea die, circa medium noctis, expiravit.

Uteri suffocatio lethalis.

ANcilla mihi famulans, annorum circiter triginta sex, virgo adhuc, robusta, fusca, & sana, cum 4. Junii Anno 1613. in ædibus meis, ex conclavi, ut in forum abiret, se in aulam conferret, subito syncope correpta, in pavementum prona in faciem cecidit, quam mox accurrentes cum erigeremus, ad se rediit, rursumque loqui, nosque cognoscere coepit, & conqueri, de eo, quod sibi acciderat, nunquam tale quid antea passa, præsertim verò de dolore vehementi cordis, corque suum à re quadam rodi dicens: statimque cum clamore ad vomitionem aliquoties impellebatur, adeò ut nihil sumere posset, sed mox denuo, in deliquium incidens, sedens, retenta à nobis, ne retrorsum caderet, sine sensu & motu, ac respiratione, pulsu penitus destituta, mortuæ instar, uti revera erat, mortali flavecente

vescente colore, discolorata, sudorem frigidum exsudans, non amplius ad se rediit, licet speraremus, cum viderem uteri hanc suffocationem esse, quæ cordi insidians syncopen gravem efficit, eam fortè cessaturam, quod tamen non evenit, sed intra semi-horam, animam efflavir.

Hysterica accidentia, in virgine.

Virgo nobilis, rubicunda, bene habita, nubilis, fastidiens matrimonium, annos viginti & plures ætate superans, frequenter hystericis accidentibus infestabatur, cum incipiente cardialgia, unde valde circa præcordia angebatur; postea delirabat, corpus concutiebat, inde sine respiratione ac si expirasset, aliquamdiu jacebat, donec vomitu superveniente, somnoque correpta, eo perfecto, ad se redibat.

Cum aliquando, præcautionis gratiâ, *Diacydones lucidum scammoniatum*, illi ut extra paroxysmum eo uteretur, dedissem, illaque id servans ad dies aliquot, cum paroxysmi incipientis præludia sentiret, etsi non hoc jusseram, sponte purgans illud, quod ob gratiam libenter sumebat, assumpsit, & mox superveniente dejectione per alvum, à paroxysmo liberata fuit.

Cæterum cum nihilominus, post tēpus aliquod elapsum, denuò hoc malo corriperetur, quo jam annos aliquot, per vices, graviter molestata fuit, sequētibz *pilulis* aliquoties usa, curata fuit, quæ tales erant: *℞. pilul. de Hiera, Aggregat. ana ʒ. j. sem. Viticis, Myrrha, Castorei ana ʒ. j. cum syrupo de Artemis. fi. massula: Capiat ʒ. ij. pro una vice, in 9. pilulas formatos.*

Uteri

Uteri suffocatio cum dentium dolore.

Vide in Dentium dolore Lib. II. Dentium dolor, Hemicrania, &c.

Hysterica accidentia in matrona.

Matrona quædam annos 45. nata, quæ quatuordecies pepererat, ab ultimo partu, ante quinque annos facto, laborabat hystericis accidentibus, quæ certis temporibus, veluti per paroxysmos, ipsam invadebant, sentiebatque ante invasionem, vapores sursum versus, à sinistro præsertim hypochondrio elevari, in quo & punctiones experiebatur, uti & dolores stomachi, cum singultu. Alvus insuper difficulter respondebat, menstruorumque fluxus ordinarius cessaverat, quod ob ætatem; quâ erat, non mirum fuit.

Post remediorum, ab aliis præscriptorum frequentem usum, ad vapores illos tetros discutiendos, & obstructions venarum mesaraicarum, potissimum circa lienem; solvendas, & illuviem circa venas uteri collectam, expurgandam, præscripti sequentia Anno 1604. Martio mense.

Pilulas: R. sp. Hieræ simpl. 3. j. Mechoaca, Rhabarbari, ana 3. j. B. Turbith 3. j. Tartari vini albi 3. B. Zingib. ʒ. j. Myrrhæ, Castorei, ana ʒ. B. sem. viticis, Dancæ ana ʒ. j. Diagryd præpar. ʒ. j. cum syrupo de Artemisia fiat massa: Capiat 3. B. vel ʒ. ij. hebdomadatim.

Vinum usuale; quod in principio mense bibat:
R. rad. Valerianæ, Mei ana 3. vj. Imperatoria, Angelica ana 3. ij. herb. siccarum Melisse, Majoranæ, Artemisia, Thymi, ana 3. j. B. Absinthii 3. ij. sol. Rosmar. Pæonia, Lavandula,

vandula, ana 3. j. seminis Cymini 3. j. sem. Pæonia 3. ij. sem. Fœniculi 3. ij. bac. Lauri, Juniperi ana 3. β. Plantag. sol. sicc. num. x. Infundantur in mens. xj. Vini: Et de eo bibat.

Dolore admodum urgente, jussi ut caperet Mitridati 3. j. β. cum Vinò.

Crassam Panis intinctam in Vino rubro, insperso pul. Absinthii & sem. Cymini, adhibuit Ventriculo in paroxysmo.

Et postea sumpsit de hoc pulvere ad præcautionem aliquoties: R. sem. Cymini 3. β. rad. Imperat. 3. j. Piperis 3. j. cum Vino Malvatico sumat 3. β. pro vice. Sicque restituta fuit.

Hysterica accidentia, cum Cardialgia & Animi defectione, quæ multos annos durarunt.

Virgo nobilis, trigesima major, macilenta, candida, sæpè ventriculi doloribus, quos cordis vocant, infestari solita, & doloribus lumborum, mensium instantium tempore, mense Februario Anno 1598. cum alteri ægrotae virgini adesset, quæ morbo subitaneo extincta fuit, perterrefacta, & simil ob mortem amitæ suæ, vehementer tristata, in morbum incidit, quo appetitus prostratus, corpusq; admodum debilitari, consumi que cœpit.

Cum 12. Februarii id mihi exposuisset, meo Consilio, sequens vinum, tribus primis diebus continuis, postea alternis, aliquoties bibit, unde benè purgabatur, sensimque appetitus & vires redire cœperunt, cujus descriptio talis erat: R. rad. Aperit, ana 3. β. Absinthii

3. ij.

℞. *ij. sum. Centaurii* 3. *j. Majorana*, *Chamaepith. Chamaedryos ana* 3. *ij. seminis Fœniculi* 3. *j. B. sol. Sena* 3. *j. B. Agarici* 3. *B. Zingib.* 3. *j. Conquassentur pro mens. j. vini, coquendo in duplici vase.*

Postea sequenti pulvere usa est: *℞. sp. Arom. Ros. Diagalanga ana* 3. *B. Cinamomi* 3. *j. Majorana* 3. *B. seminis Fœniculi* 3. *ij. Piperis* 3. *B. Sacchari q. s. fiat Tragema: Utatur cum crusta panis intincta in vino.*

Inungebat ventriculum sequenti inunctione: *℞. olei Nardini*, *Amygd. am. Mastichini ana* 3. *B. Caryophyll. Mastiches ana* 3. *B. Cera parum*, fiat *Linimentum.*

Ab hisce cum benè se haberet aliquandiu, factum est primo Aprilis die, ut Cardiacâ subito præhensa, animo delinqueret, cum horrore pedibus tantum treméntibus, & palpebris oculorum nictantibus, ac veluti præter voluntatem convulsis, extremis summè frigidis, & postquam ad se rediisset, de Cardialgia, Cordis palpitatione in sinistro latere, capitisque sed non magno dolore, conquesta fuit, moxque iterum animo deficiebat, idque sæpius. Pulsus alioquin, cum se recollegisset, non febrilis. Quibus statim menses supervenère.

Accersitus, suffocationis uteri speciem esse, judicavi, iussique mox pedes calidis pannis confricare, uti & manus quæ summè frigebant.

Pulsibus Caryophyllos contusos cum Croco, Aqua & Aceto rosaceo applicui.

Naribus ol. Succini olfaciendum admovi, uti & Castoreum.

Volui illam reficere iussulis, verum statim propinato cochleari uno, animo deficiebat, uti & exhibente me potum; & quando vel tantillum somnus eam præhen-

prehendebat: ob quam causam tota die nihil sumpsit, præter Piperis grana quinque confracta, cum cochleari uno Vini, quæ illi, cum de summa ventriculi frigiditate, conquereretur, exhibui. Interim quoque cort. Citri condito, manu Christi, Morsellis ros. eam reficiebam.

Sub noctem remittentibus nonnihil animi defectionibus, nec nisi aliquid illi offerretur, redeuntibus, viribus admodum prostrata erat, & cum sub noctis medium, somnum tantillum capesceret, eo subito finito, denuo paroxysmo illo, cum tremore pedum, & palpebrarum, animique deliquio, aliquoties correpta fuit.

Mane reversus, suppositorium commune immittere jussi, sed ferre minimè potuit, nec Clyisma admittere voluit. Pulverem sequentem, ut sumeret, cum crusta tenuissima panis, in Malvatico vino intincta, & vini tantillo antiqui diluti, aqua Melissæ, superbiberet, hoc pacto ordinavi: R. tab. Diamarg. frig. ʒ. ʒ. ʒ. sp. Cord. ʒ. j. Cinam. ʒ. ʒ. Sacchari Ros. tab. ʒ. j. fiat pulvis: Uta aliquoties eo, Fusculi Caponis cochlearia tria, circa meridiem assumptis, nec animo defecit.

Pulsibus & Cordi sequens epithema applicatum fuit: R. aquæ Ros. ʒ. iiij. Melis. Buglos. Scabiose an. ʒ. j. succi Limon. ʒ. ʒ. sp. Diamarg. frig. ʒ. j. aceti Ros. ʒ. ʒ. succi Pomorum redol. ʒ. j. fiat Epithema cum Serico chermesino.

Et quia sinistrum hypochondrium admodum pulsabat, illique tunc præ cæteris negotium facessabat, solum hunc cum spongia, aliquoties calidum adhibuit: R. rad. Cyperi, Galangæ ana ʒ. ʒ. herb. Majoranæ, Absinth. Spicæ Celt. ana ʒ. iiij. Ros. rubr. flor. Rosmar. ana ʒ. ij. sem. Fœnic. Carni ana ʒ. j. Caryph. Nucis mos. ana ʒ. j. ʒ.

3. j. β. Conquassentur, decoquantur in vino. Pro
fotu.

Sub noctem & circa medium noctis, denuo pa-
roxysmos aliquot, passa est, quibus remittentibus,
aquâ Cinamomi, cui manus Christi permiscebantur,
corroborabatur. Nec enim adhuc *juscula* frequentius
exhibita, ferre potuit, & Vinum quod ægrè sumebat,
amarum penitus illi videbatur.

Tertio die persuasi, ut Clysterem sumeret talem :
℞. rad. Althææ, Liliorum ana ʒ. ij. herb. Betonicæ, Majo-
ranæ, Matricariæ, Artemisiæ ana M. j. flor. Stæch. Lavan-
dula, Buglos. Borræg. ana P. j. sem. Carvi ʒ. ij. Furf. P. j.
fiat decoctio pro duabus vicibus, dissolve in ℥. j. colaturæ,
Bened. lax. Hieræ picræ ana ʒ. ij. ol. Rutacei ʒ. ij. β. Mellis
anthos. ʒ. j. Salis parùm fiat Clyster. Cujus usu non
multùm dejecit, sed tamen, eo die, paroxysmos pau-
ciores, habuit, ita ut non omnino animo deficeret,
nec palpebrarum illa agitatio, illam exerceret. Per-
gebat in usu Pulveris, Epithematis, & Fotus.

Sub noctem sumpsit sequens : ℞. Confect. Alkermes
ʒ. j. superbibat aquam Cinamomi cum aqua Melissæ.
Eâ nocte, bis somno correpta, singulis vicibus, ferè
per horam dormivit, nec ita malè, ut priùs, post
somnia se habuit.

Matutino tamen tempore, quarti diei, iterum
imbecillitates illas, palpebrarumq; agitationes, per-
sensit, atque in imo hypochondrii sinistri, & circa
uteri regionem, torsiones & pulsationes.

Clysterem hunc injiciendum curavi : ℞. Clysterem
priorem, addendo Laricæ diss. in vitello ovi ʒ. ij. Mellis
anthos. ʒ. j. succi Betæ ʒ. vj. Castorei ʒ. j. misce, non diu
retinuit. Dejecit nigram & duram materiam.

Emplastrum sequens pulsantibus arteriis, circa immum ventris applicui: R. Theriaca 3. ij. rad. Paonia 3. β. Cymini 3 j. succi Melissa q. s. ad incorp. adde pul. Melissa & Major. el. de Baccis lauri: Pro emplaistro.

Sub vesperam sitiebat nonnihil, & quia nullum cibum adhuc admittebat, præter *Cochl. j. aut alterum jusculi*, cujus usum tamen Cardialgia redibat, *Lac amygdalinu n* quoque ut hiberet, jussi, ad ardorem, quem sentiebat, ventriculi contemperandum.

Quinto die manè, denuo pulsationem in ventre & hypochondrio sentiebat, *dedi lene solutivum*, neque enim è lecto surgere poterat, quin animo deficeret, *Syr. Ros. sol. cum infus. Rhabarbari 3. j. cum aqua Buglos. & Melissa dissol.*

Cùm non dejiceret, vesperi *Clysterem* injicere jussi: *R. Furfuris, Hordei integr. Cicerum rub. ana P. j. fiat decoctio, dissolve Mellis ros. 3. j. β. Sacchari rub. 3. j. Hieræ log. 3. ij. olei Anethini 3. j. β. Salis parum, fiat Clyster.*

Dejecit nigram copiosam materiam. Sed horâ nonâ vespertinâ, gravem syncopen passa est, cum tremore, debilisque eâ nocte fuit.

Sexto, verius diluculum, vires recolligebat, calebat, & corpore uda erat, urinæ crassæ, rubræ, cum sedimento copioso fusco. Exhibui hunc potum: *R. Mithridatis 3. β. semin Cymini 3. β. misce, Capiat hunc bolum, superbibendo aquæ Melissa & Vini ana cochl. ij.*

Item: *R. fol. Filicis. Levistici cum radicibus an. M. j. fol. Ruta M. β. coquantur in vino; Pro soru regionis uteri.*

Postea affigat cucurbitulam magnam, supra umbilicum, cum flamma.

Quibus

Quibus remotis, hoc *emplastrum uteri regioni* applicetur: *Rx. Galbani ʒ. j. Styracis liquid. ʒ. j. cum oleo Nardino subigatur, fiat emplastrum, extensum supra corium, conspergatur pulvere Caryophyll.*

Vesperis iussi repetere *Epithema Cord. addēdo succi Pomorum redol. ʒ. j. β. aqua Paonia ʒ. j. Santali albi & rubri ana ʒ. j. misce.*

Julepum item ordinavi: *Rx. Julep. Ros. Syr. de limonibus, Miva Cydon. ana ʒ. j. aqua Melissæ ʒ. j. Cinam. ʒ. β. succ. Limonum ʒ. j. misce.*

Septimo die *Clyster* fuit injectus, post meridiem talis, quem per tres horas retinuit: *Rx. Malva, Atriplicis, Mercurialis, Matricaria, Buglossi, Borrag. utriusq., Fumarie ana M. j. fl. Cham. Melil. Sambuci ana P. j. Ficuum numero 12. Furs. P. j. sem. Carui, Sesel. ana ʒ. j. Cymini ʒ. ij. fiat decoct. diss. in lb. j. Mellis Ros. ʒ. j. Sacchari rub. ʒ. β. Confect. Hamech ʒ. ij. Cass. cum melle ʒ. β. olei Cham. Rutacei ana ʒ. j. β. fiat Clyst. Repetitus sots & *emplastrum*. Horror manè & vesperi, subsequente calore, supervenit, quo tempore *epithema* semper applicatum fuit.*

Octavo repetiit *Mithridatium*, cum *Cymino* manè, suaviter dormivit, *Epithemate* utebatur, quum calebat.

Verùm quia alvum non deiciebat, nec remittebant horrores, calores, ipsa que tota prostrata esset, orisq; ingratia summa adesset, eâ die qui nonus erat, cum non amplius animo ita deficeret, sequentem *portionem purgantem* exhibui: *Rx. tab. Diacarthami ʒ. j. β. el. Diaphoen. ʒ. j. Syr. Ros. sol. cum inf. Rhab. ʒ. j. aqua Cinam. ʒ. ij. aqua Betonica & Bugloss. q. s. fiat potio. Ab ea tota die & nocte sequente, singulis ferè horis, bis*

dejecit. Sed ventriculus admodum offensus erat, singultiebat, orisque aderat amaritudo. Iussi itaque sequenti die *Crustam panis*, in *aceto Ros. intinctam*, & *Vino albo*, aspersio *pulvere* sequente, *ventriculo* applicare: *R. Mastiches 3. j. Ros. rub. 3. β. Caryoph. 3. j. fiat pulvis.*

Dedi iterum *Mitbridatii 3. j.* Et cessarunt dejectiones, urinarum color naturalis, redire coepit, cum laudata hypostasi, nocteque sequente bene dormivit.

Undecimo mane appetitus rediit, & paulatim sequentibus diebus cessarunt accidentia, tamen prostratis admodum adhuc aliquandiu erat membris, ita ut nec sedere diutius, longè minus incedere posset.

Corroborabatur interim *cibo exquisito*, & *congelatis instaurantibus*, *potuque vini*, utebaturque *conserva* sequenti: *R. conf. Ros. cort. Citri cond. conf. Majoran. an. 3. ij. syr. Cydon. q. s. Sp. Arom. ros. 3. j. fiat elect.* Capiat *instar Castaneæ.*

Quia alvus non respondebat, ad dies sex, post prægressum *purgans*, *Mannæ 3. j. in juscule cum Syrupo Ros. inf. Senæ 3. j.* bibit; alteroque primum die dejecit.

Appropinquante septimanâ, quâ menses denuo fluere debebant, cum prius rectè valuisset, iterum coeperunt horrores, calores, imbecillitates sese proferre, atque in sinistro latere, motus & rugitus, ita ut metueret ne fluentibus mensibus, in priora recurreret symptomata, ad quæ præcavenda, dedi primum *potio. R. Syr. Ros. sol. cum inf. Rhab. 3. j. elect. de succo Ros. 3. ij. aquæ Endivie & Buglos. ana 3. j. aquæ Cinam. parum, milce.*

Fulepum

Julepum sequentem tribus bibit vicibus: *R̃. Syr. de Betonica, de Cich. simpl. Ros. sol. ana 3. vj. aquæ Endivia, aquæ Gentianæ ana 3. j. misce, adde parùm aquæ Cinam.*

Absoluto eo, sic purgata fuit, unde multùm dejecit: *R̃. Syr. Ros. sol. cum inf. Rhabar. 3. j. el. de succo Ros. 3. ij. Diaph. 3. j. cum aquis Beton. & Artemisia, fiat potio.*

Sequenti die 27. Aprilis: *R̃. Mithridatii 3. j. pulv. Cymini 3. j. misce: Capiat; & quia circa uterum & dorsum tensiones sentiebat, cucurbitulas iussi umbilico applicare.*

Ut menses promoverentur, quorum tempus jam aderat, venam malleoli in utroque pede, quia parciùs sanguis fluebat, aperire iussi, idque manè, & horà quintâ post meridiem, supervenerunt menses.

Quia calebat nonnihil, *Julepum ord. R̃. Julep. Viol. Ros. ana 3. j. aquæ Cinam. 3. j. misce: Capiat frequenter cochl. j.*

Altero die, symptomata priora, & præfertim ardor ventriculi, eam divexabant & debilitabant, dicebatque menses parciùs fluere, eamque causam esse. Iussi itaque *fl. Borrag. & Buglos. Melissamq; arida in vino macerare, & haustum bibere. Repetere item Epithema cordiale. Dedi tab. Diamarg. eaque nocte copiosius narrabat fluxisse menses, quàm jam multis annis antea.*

30. Aprilis, perrexit in usu vini illius, & cordialium.

1. Maji, quia non dejecerat jam à sex diebus, dedi hanc *inf.* ut alvum solveret, & menses, quæ adhuc paulisper apparebant, promoveret: *R̃. fol. Senæ 3. vj. sem. Fœniculi 3. j. fol. Melissa, fl. Cord. ana P. j. Maceris*

3. j. *Abſi.* 3. j. *β. vini menſ. j.* Bibat *hauſtum.* Dejecit ſine moleſtia, ſed quia è lecto, ut alvum redderet, ſurgebat, horror eam invaſit, quo mox remittente, dextrum brachium, per tres horas, continuo tremebat, & agitabatur involuntariè, quod & calebat, cùm ſiniſtrum frigeret, cœpit inde ſenſim incaleſcere, ſitire: nox tamen quæ ſecuta, placida fuit, dormivitque.

2. Maji, cùm menſes remittere inciperent, iterum bibit prius *vinum non purgans, dilutum* tamen, & perrexit in uſu *tab. Diamarg.*

Ab eo tempore, cœpit per dies aliquot, melius habere, cibum capere, dormire, non tamen adhuc ſpontè ambulare, adeò erat proſtratis adhuc viribus.

Circa 6. Maji, ardorem maximum ſub vesperam præcipuè ſentiebat, circa orificium ventriculi, è ſiniſtro veluti latere prodeuntem, in quo ardorem ſe ſentire dicebat, à quo corpus nonnihil incaleſcebat, tuſſiculâ exiguâ moleſtante.

Illuviem itaque in venis meſeraicis adhuc reſtare agnoſcens, *Clyſterem* die 7. Maji hunc præſcripſi: *R. rad. Liliorum 3. ij. Althææ 3. j. herb. Malvæ, Atriplex Betæ, Bugloſſi utriuſque cum rad. ana M. j. fl. Chamom. Meliloti, Viol. Anethi, Bugloſſ. Borrag. ana P. j. ſ. Carui 3. β. Cymini 3. j. ſem. Fœniculi 3. ij. fiat decoctio diſſol. Mel. roſ. 3. j. β. Sacchari rub. 3. j. ſucci Mercurialis 3. j. Bened. lax. 3. ij. Salis parùm, ol. Aneth. Rutacei an. 3. j. β. fiat Clyſt.*

Item latus ſiniſtrum poſtea inungebat: *R. olei. Aneth. 3. j. β. de Capparib. 3. β. rad. Afari, ſeminis Apii ana 3. β. Cera q. ſ.*

8. Maji

8. Maji, pulverem post paslum ordinavi: R. *seminis Fœniculi* 3. ij. s. *Anisi* 3. ij. *Carui* 3. j. *Cymini* 3. β. fl. *Cord.* 3. ij. *Sacchari ros. tab.* 3. j. fiat pulvis.

Verùm cùm ardor nihilominus & calor ille alternis diebus potissimùm redirent, 10. Maji, denuo Clysterem injeci: R. *priorem, &c.*

Sub noctem *Mithridatii* 3. j. exhibui.

11. *Potionem* hanc propinavi, cujus usu plurimùm sine molestia dejecit: R. *Cassia rec. extracta* 3. j. *Syrup. Ros. solut.* 3. j. β. *aquar. Endivie & Bugloss.* q. s. fiat potio.

Postea per triduum usa fuit hoc *apozemate*: R. *rad. Aperit. cort. Cappar. rad. Liquirit. ana* 3. j. β. *Artemisia M. β. fl. Cord. p. j. s. Fœn.* 3. ij. *Anisi* 3. β. *Epithymi* 3. β. *Betonica M. j. Tamar.* 3. j. *Senna* 3. j. β. *sem. Carthami* 3. vj. fiat decoctio in Aqua & paucò Vino. inf. in col. *Rhabarb.* 3. j. β. *Agar.* 3. ij. *Zingib.* 3. β. fiat expr. dissol. *Syrup. Rosar. sol.* 3. j. fiat potio: Pro tribus vicibus, Immensam copiam indies dejecit, decies, duodecies & ampliùs, facileque tulit.

Cùm nihilominus ardor sub vesperam infestaret, dedi 17. Maji, tempore somni, *tabulam unam infusionis narcoticae meae*, placidamq; habuit noctem.

Dein sequenti die iterum de hoc *apozemate* sumpsit haustum, addendo *Rhab. inf. & express.* 3. ij. sl. de *succo Ros.* 3. ij. Misce, à qua plurimùm iterum purgata fuit, meliusque habere coepit.

Dein sic corroborata fuit: R. *cons. Bugloss. Viol. ana* 3. β. *Sacchari Ros. tabul.* q. s. fiat Bolus.

Verùm cùm eâ septimanâ tempus instaret mensium, & circa initium illius 21. Maji, dolores tum in lûbis rursus supervenirent, metuens denuo paro-

xysmos illos, qui jam bis illis fluentibus supervenerunt, jussi pedes in hoc decocto indies bis immergere, suffitumq; inferioribus excipere: R. rad. Ireos, Rubia maj. Liliorum ana ℥. ij. herb. Artemisia, Nepeta, Matricaria, Melissa ana M. j. fl. Chamomil. Anthos, Baccar. Lauri, Juniperi ana p. j. sem. Seseleos ℥. β. misce pro decocto ad sotum.

23. Jussi triplicatis simplicibus, ex illis balneum parare, in quo manè & vesperi parumper sedebat, eoque ardorem mirè mitigari dicebat.

24. Cùm jam altero post die, dies adesset menstruus, propinavi manè hunc Fulepum: R. Syr. de Artemisia ℥. j. β. aquarum Pulegii, Melissa ana ℥. j. β. aque Cinamomi ℥. ij. fiat Fulep. Capiat statim dum jejuna est, antequam intret balneum.

Quo sumpto, manè horâ octavâ menses supervenerunt, in quorum principio, non alia graviora symptomata passa est, quàm quòd animo semel delinquebat, admodumque prostrata erat.

Et quia parcius fluebant, jussi infusionem flor. Borrag. & Melissa recentium, in Vino factam, manè & vesperi bibere, quod & sequentibus diebus fecit, & lotionem pedum ex decocto quoque balnei usa est.

Interimque semel adhuc, sub noctem Tab. extr. narcotici ℥. β. & gran. iiii. sumpsit, quietamq; noctem habuit.

Absolutis mensibus, die 2. Junii, Balneo hoc uri incepit. Ex rad. Liliorum, Rubia, Valeriana, Ireos, herb. Matricaria, Artemisia, Pulegii, Sabine, Levistici, Melissa, Calamintha, Ruta, Nepeta, flor. Chamom. Sambuci, Bacis lauri, Juniperi, Seminibus lini, Fœnigr. decoctis decenti quant. in aqua. Manè quidem horas 3. à prandia
horas

boras duas in eo sedebat, beneque ferebat, ardorque ille lateris sinistri, quoties eo utebatur, mitigabatur.

Post octiduum eam purgavi, eoque die à *balneo* abstinuit, finitoque rursus ad *Balneum* rediit. Prima purgatio talis erat: R. sol. *Senna* ʒ. β. *semin. Anisi* ʒ. j. fl. *Cordi.* P. j. *Absinth.* ʒ. ij. fiat decoctio in *Aqua & Vino*, in colatura inf. *Rhab. el.* ʒ. iiij. *Agarici* ʒ. j. *Zingib.* ʒ. j. *Cinamom.* ʒ. β. fiat expr. dil. *Syrup. Ros. sol.* ʒ. j. fiat potio.

Octiduo ante tempus mensium, rursus dolores dorsi & hypochondriorum, se manifestabant, sensimque appetitus minui cœpit, urinæque turbari, cum sedimento nigro, uti prius quoq; eo tempore semper accidit, rursus eam purgavi.

Denuo postea *balneo* usa ad 17. Junii usque, quo die cum Symptomata augerentur, mensiumq; tempus appropinquaret, manè postquā *balneo* usa esset, venam in utroque malleolo aperui, in sinistro copiosè fluxit, sub vespèram menses supervenerunt, sumpterat eā nocte *tabula narcotica pulverem*.

Sequenti die cum jam triduo non dejecisset, & ardor vehemens esset, *Clysterem* injeci, unde bis dejecit.

Satis copiosè sed fœda fluxerunt menstrua, debilis erat, præscripti: R. *Mithridatii, conf. Alkermes ana* ʒ. β. misce.

20. Junii jussi *syrupum Ros. sol. cum aqua* dissolvere & bibere, quia constipata erat, & *Vinum* respuebat, menses non fluxerunt hoc die, sub noctem redierunt. Jussi manè in *Vino inf. Artemis. Melissam, Majoranam, & fl. Borrag.* & bibere haustum, & redierunt ea nocte menses, hocq; die & sequenti, sed parçè fluxerunt.

Absoluto tempore mensium, quo semper debilis fuit, & in lecto mansit, fastidioque cibi laboravit, sensim iterum se recolligere cœpit. Sed de ardore sinistri lateris & Ventriculi semper cōquesta, quem sæpè & præsertim interdum patiebatur, & cum parum dormiret, dedi 3. ij. *Narcotici extr.* suaviterq; ea nocte dormivit.

Sed cum ardor adhuc per vices reverteretur, ipsaque sæpè sanguinem expueret, sed sine tussi, de novo purgare constitui. Dedi itaque 29. Junii: R. *Cassia rec. extr.* 3. vj. el. de *succo Ros.* 3. j. B. cum *Saccharo* fiat *bolus*, à quo bis alvus soluta fuit.

Altero die *venam brachii sinistri* aperui, sanguisq; fluxit ad 3. vj.

Tertiò, qui primus erat Julii sumpsit: R. *syrupi Diasereos* 3. j. B. de *Cich.* cum *Rhabarb.* 3. B. *aqua Betonica*, *Cichorii*, *Endiviae q. s.* fiat *Julep*.

Dein usa est hac *infusion.* R. *rad. Cichorea*, *Graminis*, *Fœniculi*, *cort. Cappar.* *Tamaricis ana* 3. B. *rad. Gentiana* 3. ij. *Absinthii* 3. B. *sum.* *Centaurii*, 3. ij. *fl. Cord.* 3. j. B. *fol. Sennæ* 3. j. B. conquassentur, bulliant in *mensur. j Vini*, in *duplici vase*. Postea suspende *nodulum* factum, ex *Agarici* 3. B. *Rhabar.* 3. ij. *Zingib.* 3. B. *Tartari* 3. j. *limat.* *Chalyb. prepar.* 3. ij. fiat *pulvis*, pro *nodulo*. Bibit *duabus vicibus*, fœdâque excrevit sæpius materiam.

Et quia hospitium mutabat, atque impedita erat, iussi illam dies illos quiescere, posteaque iterum bi-duo eâ usa est, deinde quievit cum benè se haberet.

Cum tempus instaret menstruum, cœpit iterum dorsi dolores & torsiones in Ventre sentire, nondum tamen decumbere & sanguinem spueri. Verum cum

cum 15. Julii, quo fluere debebant, non supervenerent, jussi uti lotionem pedum ex decocto Chamom. & Artemisia. Item in Vino infundere Rosmarinum, Majoranam, Melissam, fl. Buglossi, & bibere.

Cum nec sic fluerent, usa est 17. Julii in sefione ex decocto herb. aliqua. balnei supradicti. Verum cum non procederent, essetque adeo membris debilitata, ut electo surgere nequiret, jamque dierum sex pratergressum esset tempus, quo menses apparuisse debebant. Dedi syrup. de Artemis. ʒ. j. ʒ. cum aqua Artemisia & Melissana ʒ. j. Bibat.

Sequenti die 21. extremum tentans, dedi troch. de Myrrha ʒ. ʒ. sem. Cymini ʒ. ʒ. cum aqua Artemis. fiat pulvis, & sub vesperam supervenerunt, qui dies, quatuor menses, vel 16. septimanas complebat, unde naturam denuo destinatum terminum attigisse, dixi, cum intermedio tempore, citius aliquantò fluxissent. Fuitque sic ad dies sex decenter purgata. Postea recollegit vires; sudavit in Stupha jejuna quinto semper die, sumpto prius Rob. de Sambuco, & semel Mithridatio.

10. Augusti, die octavo ante terminum, quo menses supervenire debebant, sub noctem cepit praeludia quædam accidentium sentire, nimirum lassitudinem, & cibi fastidium, & sequenti quoque die 12. balneum ingressa sudavit, sumpto prius Mithrid. versus noctem horrore correpta, pedum frigore, calor subsequutus, nox nonnihil inquieta fuit. 13. Palpitationes cordis, singultus accessere. Dedi sub vesperam ad reprimendos vapores: R. Syrup. de linonibus ʒ. j. ʒ. Fulep. Rosar. ʒ. ʒ. aqua Rosar. ʒ. ʒ. misce.

14. Dedi extr. Cydon. purgantis ʒ. j. ʒ. Dejecit bis,

bis, adusta veluti excrementa, nox paulò quietior.

15. Iterum dedi *extr. illius* 3. ij. Dejecit quater, benè dormivit, & valdè profuit. 16. Quievit.

17. *Vena pedis dextræ* aperta, fluxit copiosè, *sinistri* verò lecta nihil ferè, statim levamen sensit.

18. Die menses exspectabantur, sed non supervenerunt, uti nec 19. quò in *Vino Artemisiam*, *Majoranam*, *Macem*, fl. *Bugl.* maceravit, & *Vinum* bibit bis, uti & sequenti die 20. (alioquin longè melius, quàm præcedentibus mensibus eo tempore se habens) quo menses fluere cœperunt, diebusque sex sufficienter fluxerunt.

Absolutis mensibus, & diebus postea tribus, *Vinum præparans* hoc ordin. R̄. rad. *Aperit. rad. Entula*, *Cal. arom. ana* 3. ij. *Absinthii* 3. iij. *Sennæ* 3. j. *Agarici* 3. iij. *Mechoaca* 3. ij. *Zingib. f. Anisi ana* 3. j. rad. *Cichoreæ* 3. β. Conquassentur ad mens. j. *Vini*. Bibit per biduum, & ter purgabatur, tertio postquam iterum hamsisset, dedi 3. j. *extr. pulpæ Cydon.* & lexies dejecit, tenacissimum phlegma, quod & sequenti die, eodem modo factum. Quibus absolutis dedi *Theriacam*, & seq. diebus de hoc pulvere *cochl. j.* R̄. f. *Cymini* 3. β. *sem. Nigellæ, Viticis, Paoniæ ana* 3. j. *Succini, Caryoph. Cinam. ana* 3. ij. *Piperis* 3. j. lig. *Aloës* 3. j. fiat pulvis, adde *Sacchari Ros. tabul.* 3. ij.

8. Sept. Iterum *Vino* hoc uti cœpit: R̄. rad. *Cich. Fœnic. Valerianæ, Imper. Paoniæ ana* 3. ij.

Bibit interpolatis vicibus quater, bisque *extracti mei* 3. j. simul postquam *Vinum* bibisset, sumpsit, valideque & sine molestia purgata fuit. Diebusque ante menses iis, quibus torqueri solebat, & decumbere, antequam erumperent, quietius se habuit, eruperunt-

peruntque 16. Sept. die, quibus decenter fluentibus, postea ab illis liberata, nullis per mensem usa remediis, satis commodè habuit, ad 15. Octobris usque, quo rursus supervenère, præcedentibus levibus Symptomatis, sed parciùs fluxerunt.

23. Octobris cum præludia quædam, Symptomatum consuetorum sentiret, dedi illi *extr. pulp. Cydon.* parum, atque 11. copiosè deiecit; Verùm cum seq. die per ædium suarum cubicula, hospitum nobilium, qui advenerant, causâ, itaret; invasit eam horror febrilis, subsequente calore, nocteq; inquietâ, ita ut seq. die sub noctem *extractum narc.* dare fuerim rogatus, sed parva quantitate, unde meliùs habuit.

26. Denuo *Vino purgante* priorè uti cœpit, quod eam bis bibisset, & purgata fuisset, sed leviter, adjeci postea *extractum*, inde bis & copiosè deiecit. Sequenti die sub noctem, quia inquieta erat, iterum *tabellam narc.* sumpsit, & post biduum similiter, quæ valde profuerunt.

4. Novembr. rursus *extract.* *Citri* eam purgavi.
6. Novembr. cum eâ septimanâ menses expectaret, ut copiosius fluèrent, jussi eam *lotionibus pedum* uti, ex decocto *rad. Valeriana, rad. Lilio herb. Matricaria, Artemis. Pulegii, Levistici, Sabina, Melissa, Ruta, Chamom. baccis Lauri, Juniperi*, addito in decocto parum *Vini, suffitumq;* illius excipere, dein & *fumum* hunc: *rad. Asari 3. j. Galbani 3. ss. Thuris, Storacis ana 3. j.* fiat *pulvis*, qui uratur.

12. Novembr. menses supervenerunt, die ipso, quo supputatione factâ, adesse debuerunt, beneque diebus aliquot purgata fuit, illisq; absolutis, per dies aliquot rectè habuit.

Metuens

Metuens autem recidivam 27. Dedi purg. extra-
 ctum, deiecitq; quater. 28. hoc *Tragemate* uti coepit:
R. spec. Diamoschi, Diagalangæ, ana ʒ. j. Cinamom. 3. j.
Majoranæ 3. ʒ. Sacchari Ros. tabul. 3. ij. fiat pulvis.

1. Decembr. horror eam corripuit, seq. febrili ca-
 lore, sanguinis expuitione, & accidentibus hysteri-
 cis. Dedi iter. purg. seq. die, sed parùm deiecit, & dura
 tantùm, uti & sequen. die, cùm denuo purgarem: ter-
 tiò item, cum *infus. Vini purg.* cùm *extr.* exhiberem;
 tamen semel atque iterùm tantùm deiecit, nec omni-
 no remiserunt symptomata.

6. Itaque Decembr. *inseffione* etiam uti iussi, ex *iis*
ipsis, quibus pedes prius lavabat paratâ, additis *rad. Ru-*
biæ & Irens, Calam. Nepetâ, fl. Sambuci, semine Lini &
Fœnigræci, statimq; eâ usâ, melius habere coepit, se-
 ditq; manè in ea horas duas, à prandio unam, rediit
 appetitus & desierunt symptomata.

Itaque in *balnei* usu perrexit, per triduum, nono
 Decembr. cum seq. die menses expectaret, *saphenas*
binas in utroque pede aperuit, horisque duabus post,
 menses fluere coeperunt, non tamèn sine commo-
 tione in ventre & dorso solitis.

Absolutis menstruis, & diebus postea aliquot
 transactis, cùm denuo molestias sentiret circa ingui-
 na, purgavi illam 16. Decembr. *Vino purgant.* addito
extr. pulpa, unde vigesies & ampliùs deiecit, fœdissi-
 mam materiam. A qua evacuatione levata, ad tem-
 pus usque quo menses appropinquabant, moderatè
 se habebat, & ut rectiùs fluere, *balneo* denuò ad
dies 10. indies bis est usâ. Sextoq; die Januarii, men-
 ses ea ipsa die quâ expectabat, fluere coeperunt, non
 adeò accedentibus gravioribus symptomatibus, ad
 diem

diem postremum usque, qui 11. erat Januar. quo novus paroxysmus supervenit, quem dolor & tensio sinistri hypochondrii, die præcedenti & nocte præverant, manequè horror supervenit, cardialgia, & lipothymia summa, tremor membrorum, extremorumque frigus; atque aura universa membra percurrens, atque excrucians. Naribus Castoreum, Rutam, adhibui, frictiones & foveæ pulvinis calidis, extremitatum factæ, Julepum ex Julep. Ros. ʒ. j. Syr. de limonibus ʒ. ʒ. aqua Cinnamon. ʒ. ʒ. dedi, & sub noctem, Narcoticum, uti & sequenti die exhibui. Tabulis Diamarg. corroboravi, unde parùm ad se rediit.

Verùm 13. Januar. sub vesperam, denuo hoc paroxysmo correpta, gravem passa est Syncopen, ita ut eam jam expirare crederent: repetita omnia supradicta, Clyster injectus talis: R. rad. Liliorum ʒ. j. ʒ. rad. Filicis ʒ. j. bac. Lauri, Juniperi ana p. j. herb. Levistici, Pulegii, Rutæ, Sabinae ana M. j. sem. Cymini ʒ. ij. Viticis ʒ. j. fiat decoctio, diss. Hieræ Colocynth. ʒ. iij. ol. Cheyriani, Rutæ. ana ʒ. j. Castorei ʒ. j. Salis parùm, fiat Clyster. Sed non retinuit, repetitus sequenti die, sed loco Hieræ Colocynth. ut retineret, Benedictæ & Hieræ ana ʒ. ij. additæ, postea etiam Tryphera persica Emplastrum sub umbilico sequens positum fuit: R. Galbani ʒ. j. Stor. liquid. ʒ. j. malaxentur oleo Nardino, consperganturque pulvere Caryoph.

Epithema tale cordi & pulsibus applicitum fuit: R. aquæ Ros. ʒ. iij. Melissa ʒ. j. succi Limonum ʒ. ʒ. Theriaca ʒ. ij. spec. Diamarg. ʒ. ʒ. aqua Scabiosa, Bugloss. ana ʒ. ʒ.

Cùm 15. ex clysmate sexies, foetidissimam dejectisset materiam, sub noctem Theriaca ʒ. j. ʒ. dedi, cœpit.

cœpitque benè ea nocte se habere, seque recolligere.

17. Hanc *portionem* sumpsit: *R̄. Rhabarb. inf. in Vino albo, & aqua Melissæ, & aqua Cinamom. 3. j. fiat expr. adde syr. Ros. simpl. 3. j. fiat potio, dejecit quinquies. Manè Mithrid. 3. j. β. cum 3. j. pulveris Cymini sumpsit.*

19. *Pilulas* accepit: *R̄. pilul. Aggreg. 3. ij. Castorei gran. vj. cum aqua Artemis. fiant pilul. Dejecit quinquies, sed à prandio primùm, sequenti die conservam sumpsit.*

21. *Pulverem* sequentem quem *bombyce* exciperet, proximèq; sinui uteri applicaret, uti *nascalia* solent, iussi, quo *indies* ferè est usà: *R̄. Fol. Melissæ, Majorana ana 3. j. Caryophyl. Macis ana 3. β. Piperis, Croci ana 3. j. lap. Gagatæ 3. j. Salis nitri 3. j. Aliptæ mosc. 3. β. fiat pulvis subtiliss.*

22. Cùm semper de ardore in lateribus lumborum conquereretur: dedi *Narc. tab.* nox quieta fuit.

23. *Clyster* repetitus & copiosè dejecit. 25. *The-riacam* exhibui quæ profuit.

26. A prandio novus paroxysmus supervenit, inter horam tertiam & quartam pomeridian. cum oscitatione, cardialgia aliqua sed levi, singultu, frigore extremitatum, & levi tremore. Cibus tum capiebat sed lecto consternata jacebat. Hic paroxysmus singulis diebus postea rediit.

Adhibui mox cucurbitulam magnam cum candela impositam umbilico, uti & seq. aliquot diebus, *Fœtida*, ut *castoreum*, pennas accensas naribus admovi, nec diu duravit, calor tamen aliquis, non tamen febris, superveniebat.

Sequenti

Sequenti die statim adveniente paroxysmo, uti & subsequenter, *fortu* quoque usa est, ex *decocto rad. Filicis, Levistici, & Ruta, in Aqua & Vino*, quod statim accessiorem tollebat.

Pulverem tribus matutinis hunc quoque sumpsit:
R. *Diamoschi dulcis tab. pulveris.*

Repetitum quoque semel fuit *clisma*, posito in *decocto sol. Sennæ 3.ß. Cymini 3.ß. dissol. cum prædictis Terebint. diss. cum vitello ovi 3.ij. troch. de Myrrha 3. j. coepit spuer sanguinem, uti ante mensium adventum solita erat, & sequenti die, qui primus erat Febr. menses supervenerunt in ipso paroxysmo, bi-duo antequam expectarentur.*

Ut promoverentur, iussi iterum *Melissam, Majoranam, fl. Borrag. in Vino infus. & de Vino bibere, Cruciflamq. in Malvatico dictam*, refectionis causâ sumere.

Cum non satis fluere, dedi *pilular. troch. de Myrrha 3. j. pilul. Aggreg. 3.ß. cum syrupo Artemisiae*, fiant *pilulae*.

Et sequentibus diebus duobus, *pilulae* sequentes:
R. *Castorei 3. j. assæ Foetida, Myrrha, Galbani, Sagapeni ana 3.ß. Mellis scill. q. s. fiant pilula parva, Capiat 3.ß.*

Cessabant uno die præludia paroxysmi, sed altero redibant, verum mox *fortu* adhibito, remittebant.

7. Die, quo adhuc fluebant, quia alvus non responderebat, usa est *extracto purgante*. Et quia paroxysmi per intervalla redibant, altero die *Mithridatii 3. j. cum pulvere Cymini* exhibui. Dein sequenti, qui 9. erat Febr. *Vino preparante & purgante* denuo uti coepit: R. *Absinthii 3.ß. sem. Cymini 3.ij. Sennæ 3. j.ß. Agarici 3.ij. Mechoaca, Rhabarbari, Turpith. ana 3.ij. Zingib. 3. j. pro Vini mensura. Quod per quatrimum*

bibit, dejecitque indies aliquid: postea iterum purgata fuit: *Balneoq;* posthæc uti cœpit, *indies bis* in eo sedendo, *quod uti prius enarratum*, parabatur, additis insuper *rad. & herbâ Filicis*. Hoc *balneo* ad mensium usque tempus usâ fuit, & quando in eo sedebat, benè habebat: extra verò hoc sæpè passiones consuetas sentiebat. Interea *Clysterem*, quando constipata erat, *bis* aut *ter* continuatum, hoc pacto paratu facilem admittebat: *R. herb. Malvæ, Fuisuris ana M. j. Hordei integr. cochl. 3. fl. Chamom. p. j. baccar. Lauri p. 3. semin. Cymini 3. 3. decoq. & in decocto intestini Verveçis, dissolve in uno Clystere, Mellis cochl. ij. Butyri rec. cochl. ij. succi Betæ coch. j. Olei communis coch. j. vitellum unius Ovi: Detur sine Sale*, quia non ferebat acriorem. Latus quoque cùm semel admodum doleret sinistrum, denuo *inunctum* fuit: *R. ol. Nardini, Anethini, Ruta Laurini ana 3. 3. Galbani diss. in Aceto 3. ij. Stryacis liquid. 3. j. Cymini 3. j. 3.*

3. *Mentes* supervenerunt, qui segniùs ab initio, post biduum verò, copiosè fluxerunt: Quibus absolutis, cùm alvus non responderet, *Clyster* prior repetitus fuit.

Et quia torsiones & ardores consuetos, in latere sentiebat, nec cibum cum appetitu aliquo sumere poterat, *Balneo* denuo uti, *clysmag;* altero die repetere jussi, quod cùm *tertiò* injiciendum esset, ut dolor sedaretur, *tale* injectum fuit: *R. rad. Sigilli Salomon. Bryoniæ, Valeriana ana 3. 3. herb. Pulegii, Calaminth. Ruta, Sabina ana M. j. bacc. Lauri, Juniperi ana P. j. sem. Cymini 3. 3. fiat decoctio, in Aqua & Vino diss. Mel. 3. j. Bened. 3. ij. Tereb. 3. ij. Philonii 3. j. fiat Clyst.*

Hoc idem altero die, quia primùm non retinuerat.

rat, & interea nihilominus magnum senserat lenimen, repetitum fuit: semper usum *Balnei* continuans.

19. *Potionem*, ut purgaretur, hanc sumpsit: *R. fol. Sennæ 3. ℞. sem. Anisi 3. j. ℞. sem. Fœniculi 3. j. Epithym. 3. ij. fiat decoctio in Aqua & Vino dil. aque Cinam. 3. ij. syr. Ros. sel. cum inf. Rhabarb. 3. j. fiat potio.*

Sequenti die *Mithridatium* exhibui. Et quia dolor urgebat, sub hypochondrio sinistro, *sacculum* applicui, qui: *R. seminis Milii, Furfuris ana scutel. j. sem. Carui, bac. Lauri pulv. ana iiij. cochl. Salis cochl. ij. fl. Chamom. P. j. Majoranæ P. ℞. calefiat in sacco: Appliceturque.*

Septimanâ ultimâ, ante menses suborto iterum paroxysmo, sanguinem copiosè vomuit, eumque illis diebus, quibus redierunt paroxysmi, sæpè expuit. Quare *Clysterem* consuetum paratu facilem iteravi, uti & *balneum*. Cum per triduum iterum non dejeceret, & fastidiret *clysmata*, *Vinum* hoc bibit: *R. Sennæ 3. ij. ℞. Absinth. P. j. ℞. sem. Fœnicul. 3. ij. Agarici 3. ij. Rhabarb. 3. ij. Zingib. 3. j. Cinam. 3. ij. pro Vino. Facilimè bis dejecit.*

Et cum sequenti die repeteret, ter excrevit, mensesque altero die, qui 28. erat Martii supervenerunt, quibus fluentibus, quia alvus non respondebat, *Clystere* sollicitabatur. Atq; absolutis mensibus, *Vinum laxans* denuo bibit. Biduo post, qui tertius erat April. iterum sanguinem spueri cœpit, & paroxysmum sentire. Proin sequenti die rursus *Vino* purgata fuit, atque altero *scarificatione* usa est. Quatuorque diebus continuis deinceps, *Vino* sumpto, blandè & à foedis excrementis, quibus multa ramenta alba inerant, uti priùs semper, purgabatur. Posteaq; 14.

Aprilis melius se habere cœpit, nihilominus tamen in usu *Vini alternis diebus*, quia per se non respondebat venter, perrexit, atque inde dejecit semper copiosè. Triduo antequam mensium dies instaret, cum *Vino purgante extractum meum* junxit, deciesque primâ die atque copiosissimè dejecit. Et quia toto tempore sanguinem expuebat, die sequenti *cucurbitulæ suris* appositæ fuerunt, sine *scarificatione*, unde stigmata cum dolore, illis in locis ob attractionem apparuerunt. Postea altero die 25. April. quo menses expectabantur, *venâ in utroque malleolo* secta, sed quia parùm sanguinis fluebat, *ramum, qui ad pollicem pedis fertur*, aperire jussi, quo factò sanguis admodum profiliit, & copiosè fluxit, mensesque vesperi supervenerunt.

Purgabatur decenter per menses, & quod diu priùs non acciderat, spontè per illos dies dejecit. Sed quia dura erant excrementa, mensibus absolutis tertio Maji, iterum *Vinum* bibit, & quater dejecit, quod mirum erat, *Vinum* hoc adeò leve, toties sumptum, nihilominus semper operatum esse, idque sine omni molestia. Unde & illa melius, quàm unquam priùs habere, cibum sumere & circumambulare cœpit.

Cùm jam *de Thermis* adeundis esset quæstio, nolui hoc, cùm iter perferre nequiret, & continuâ curâ adhuc opus esset, suadere, sed tale *balneum*, ut in eo *indies bis horas duas* sederet, præscripsi. Parabatur ex recentibus plantis, quas tunc habere poterat *Filicis & herba, & rad. Levistici herbâ*, majori parte additis, *minori quantitate herb. Rutæ, Matricariæ, Pulegii, Origani, Melissæ, fl. Chamôm. bacc. Juniperi & Latrri*, & in
balneò

balneo sedens, *sacculum* in quo *herbæ coctæ* fuerunt, *ventri* apposuit. Hoc *balneo* ad mensium tempus usque usa est. *Vinumq;* quod restabat, adhuc semel alvi laxationis causâ bibit. Postea verò aliquando spontè alvus deiecit, sed difficulter & scevala tantùm prodierunt. Aliàs sumptis *tabulis albis extr. ad 3. β.* mota semel atque iterum fuit, & quidem subito eadem hora, cùm post balneum ante prandium sumpsisset. Eoq; tempore semel egressa, templum adire potuit, sed valdè lassâ, domi se iterum continuit, donec menses, 24. Maji supervenirent.

Fluxerunt satis decenter, & postea meliùs habuit per mensem, ita ut in ædibus circumire, atque aliquid agere posset, lassâ tamen semper, & uti jam diu fuit, etiam ante hunc morbum vehementer attenuata. Ab initio, quia constipata, bis sumptis *tabulis albis extr. ad 3. β.* alvus semper respondit. Postea etiam spontaneas, sed tertio demum die habuit, durâq; ejecit. *Balneo sicco* bis usa, & semel *scarificatione*.

Postquam tempus mensium denuo præteriiisset, coepit iterum recidivam pati, dolores in lateribus, angustias, cruorem expuere, constipata esse. Usa itaque denuo *Vino purgante*, ut priùs, *alternis* vel *ternis* diebus, unde iterum etsi parùm sumpsisset, copiosè foedâque uti solita erat, materiam deiecit, *bis tab. 1.* urgente dolore *narcoticam* noctu sumpsit, tandem consilium inritum, ut *thermas* adiret *sulphureas Helveticas*, quò curru 13. Julii vecta est, quod iter maximâ difficultate, & periculo vitæ uti prædixeram perfecit. Instructa interim certis *præsidis roborantibus*, & si alvus non responderet, *laxantibus*, & si dolor urgeret, *narcoticis*.

Thermis quatuor septimanarum spatio, exceptis diebus, quibus propter menses impediabatur, usa, satis commodè illas perferre potuit, sæpè tamen interim Symptomatibus quibusdam correpta, adeò ut eam invilere cogerer, illiq; consulere, quam dein etiam 16. Augusti, in lectica cum magna difficultate redeuntem, comitatus sum.

Reversa Octobr. 3. recidivam passa: Purgata fuit *Vino purgante* sumpto aliquoties, intermissa *venæ sectione*, unde iterum se recollegit. Novemb. 4. rursum malè habuit, Purgata fuit denuò *extracto*, & *Narcoticum* semel sumpsit, postea ad se rediit.

Anno 1600. Januar. primo, dolorem sensit in latere, dejectiones subsecutæ cruentæ, *emplastrum de Meliloto* fuit appositum, bibit *decoctum Cicerum cum rad. Petros.* & leviter fuit purgata. Cùm tempus mensium instaret, qui priùs non decenter fluxerant, ut promoverentur, propinavi illi *aquam Sabine*. Sumpsit item *pilulas de Myrrha*.

Peraçto tempore menstruo, cùm novus superveniret paroxysmus, *Clyisma* leve, & quo deinceps sæpè usa fuit, coxit illi meo jussu famula ipsius, ut sic sumptus minuerentur. Sumpsitq; pro decocto *Malvam, rad. Althææ, herb. Levisticum, Rutam, Pulegium, Artemisiâ, aliasq; calidas aliquas*, quibus pro Balneo uti solent, item fl. *Chamom. Meliloti, baccas Lauri, semin. Carui* decoquendo cum *Aqua & Vino*, & in colaturâ dissolvendo, saltem *Mel commune, cum Sale* priùs misto, & *resina Laricea, cum vitello Ovi* dissoluta, eoque alternis vel ternis saltem diebus utebatur, inde levamen sentiebat, omiſsis alijs purgantibus ad tempus. Quoties verò instabat menstruorum fluxus, utebatur vel

Balneo,

Balneo, vel Vino, in quo macerabat Melissam, flor. Borraginis & Maçem.

Et quoties absolutis mensibus paroxysmus ipsam invadebat, post utrum *clysmatis*, si non omnino proficiebat, utebatur *levi Narcotico*, & quibuldam *Cordialibus*, ex *Vino cum pulvere Nucis mosch. & Sacchar.* Aliquando & *confectione Alkermes.* Item *Epithema pulvis* applicabat.

Atque ita perseveravit semianni spatio, & cum jam melius haberet, ac prodire in templum posset, nihilominus adhuc post mensium purgationem, suos habebat paroxysmos. Quos ut averteret, sumpsit ante illorum adventum, præmisso interdum *Clysmate, pilulas Sine quibus & Aggregat.* unde putulentam & foedam semper dejiciebat materiam, idq; quotannis aliquoties; *Venam* insuper *in manu quotannis bis* aperuit, nisi enim illud faceret, sanguinem copiosè exspuebat.

Atque ita perseveravit ad annum 1608. usque, quo in *thermas Badenses* se contulit, sibi que fratrem meum Medicum, qui curam illius haberet, adjunxit, quorum utroque magis confirmata est, & ad hunc usque diem 11. Maji, Anno 1613. quo hæc scribo, sic satis bene valet, cibo parcissimo utens, & à gravioribus motionibus corporis & animi abstinens.

Loquela amissa in paralyfi utriusque lateris.

Vide in *Motus impotentia Lib. I. Resolutio ab ictu utriusque, &c.*

Loquela impedita cum resolutione in pedibus.

Vide in Motus impotentia. Lib. i. Resolutio in pedibus, &c.

Loquela impedita, ob lingue paralyfin.

Vide in Motus impotentia. Lib. i. Linguae paralyfis, &c. Iterum ibidem. Lingua impedita.

Loquela amissa cum deglutitionis impedimento.

Vide in Transitus per gulam defectu. Lib. i. Deglutitionis impedimentum, &c.

Muta & surda puella.

Vide in Auditus læsione. Lib. i. Surda & muta puella.

Vocis interceptio cum auditu gravi.

Vide in Auditus læsione. Lib. i. Auditus gravis cum strepitu.

Raucedo diuturna.

Raucedine puella diutissimè laboravit, ut vix cum loquebatur, intelligeretur.

Varia cum frustra tentasset, tandem hoc remedio sanata fuit: *R. succi Liquiritiæ 3. ij. Myrrhæ 3. j. gummi Fragac. 3. j. sacchari Candi & Penid. ana 3. j. cum affusa aqua Ros. fiant morselli. Teneat unam in buccis cubitum itura, sinatque sponte dissolvi, & cubere in dorso.*

Raucedo

Raucedo in cardialgia.

Vide in Cordis dolore. Lib. II. Cardialgia raucedo ob deglutitum.

IN RESPIRATIONE PRAVA
OBSERVATIONES.

Oscitatio ex imaginatione.

OSCITANTES cū videmus, etiam nihil tale cogitantes, ad oscitandum quoque impellimur: imaginatione sola, facultatem corporis nostri expultricem movente. Quantumque ea possit, vel ex eo patet, quod si quis absurda audit, vel sibi imaginatur, nauseam aliquam sentit, ad vomitum usque, etiam si sciat, nihil ejusmodi revera adesse. Libidinem quoque concitat potentissimè imaginatio, reliqua taceo.

Singultus præternaturalis.

Puer annorum circiter decem, de ventriculi dolore conquestus, sine ferè intermissione, idque per octiduum, dies noctesque singultiebat, ad me adductus, *aquam Nucum viridium cum Raphano in aceto prius maceratarum, exstillatam*, propinavi, qualem vomitionis excitandæ gratiâ, exhibere soleo. Verum etsi minimè vomuerit, tamen statim singultus desuit, & cū sub noctem denuo haustum bibisset, ab hoc symptomate perverso, penitus fuit liberatus, &c.

Singultus immodicus.

CHirurgus æger factus, mox singultire cœpit, adeò continuatis vicibus dies noctesq; ut nec dormire nec rectè loqui, aut cibum capere posset, ad extremum hoc pacto debilitatus, cum nil juvisset, & jam quasi in agone esset, dedimus illi, non sine metu, ipso tamen iummopere rogante, vomitorium satis validum chymisticum, quod Medicus ad manum habebat, unde immensam, bilis æruginosæ & nigræ copiam evomuit, aliquoties, cessavitque singultus, ipseque sensim convaleuit.

Vidimus, uti alios plures, ita ministrum Verbi Dei, colicis cruciatibus obnoxium & resolutum, singultu, ad septimanas aliquot, miserè fuisse afflitum, nec tamen succubuisse.

Singultus in febribus.

IN Febre semitertiana singultum vehementem supervenisse, Vide Lib. II. In Feb. Semitertiana seu Hemitritæus.

In Febribus ardentibus, supervenientem singultum & perseverantem, plerumque mortis esse prænuntium observavi.

Singultus in dysenteria.

IN Dysenteria item frequenter eum supervenire, & ad extremam usque spiritus efflationem, perseverare, in cōsule nostro dysenterico, observavimus, in quo licet post vomitionem excitatam, singultus, per horæ spatium remiserit, mox tamen rediit, nec nisi cum vita eum dereliquit. Dein & in nobili quodam puero, singultus nullam intermissionem, ut nec dormire nec loqui integrè posset, dedit.

Tussis

Tussis cum sputo sanguinis.

Vide in Expuitione Lib. III. Sputum sanguinis, Dyspnœa, &c.

Tussis in febre ardente.

Vide in Febris Lib. I I. Febris ardens seu Causus, &c.

Tussis in febre synocha.

Vide in Febris Lib. II. Febris Synochos, Catarrhus, &c.

Tussis diuturna, Mictio purulenta, Calculus, Cirsocle.

Reverendus quidam & magni nominis, Decanus Burgundus, mihi accidentia sequentia, quibus infestaretur, Anno 1608. mense Martio, exposuit.

Primū erat tussis perpetua, jam longo, & minùs c̃statis, magis verò hyemis, tempore eum molestans, hæreditaria partim, partim intemperantiâ acquisita, per quam difficulter & parū quid excreat, quod albuminis ovi conquassati instar, glutinosum & aquosum existeret, nonnunquam & salsum.

Secundò narrabat, urinam se reddere frequenter turbulentam, sublaetam, in cujus fundo, materia crassa subsideret, albida, glutinosa: dolorēque gravantem interdum & tensivum, se circa lumbos, dextra in sede potissimū, sentire: aliquando & arepulas calculosque rejecisse.

Tertiò se tulsientem in seroto, circa vasa semina-

ria,

ria, lancinationem quandam pati, sibi que de ruptura metuere.

Respondi, non solum defluxiones à cerebro, in pectus distillare, sed & in pulmonibus, excrementa ejusmodi pituitosa congeri, quæ per tussim, cum expurgari necesse sit, ideò adeò frequentem eam reddi. Secundò renes arenosos, dextrum præsertim esse, illicque conglomeratis arenulis, calculos gigni, substantiamq; renum suppurari. Tertiò dilatationem hanc vasorum, esse veluti cirsocele, quæ à nimia sæpe, & immoderatiùs Venere repetita, uti & equitatione frequenti, possit accidere.

Cum postremum hoc accidens in seroto, non magni faceret, & præcipuè tussis diuturnæ hujus, medelam expeteret, ad quam divertendam priùs multis usus esset remediis, sæpeq; purgatus; Præscripsi illi *Vinum pectorale*, atq; *Oxymel verum ex Hydromellite malvatico artificiali paratum*, ut successivè iis uteretur.

Tussiq; admodum urgente, *trochiscis* ut uteretur sequentibus, uno in ore inter dentes & buccas retento, donec sponte difflueret, quod noctu commodius inter dormiendum fieri posse, docui: R. pul. *Diatragac. frig.* 3. j. B. sem. *Hyosc. albi* ʒ. j. *Sacchari penid.* ʒ. j. *Opii dissoluti in Vino gener. gran.* vj. cum *insus. gummi Tragac.* facta in aqua *Rosarum* fiant *Trochisci*.

Pro renum affectu, ut mundarentur, nec ulcerentur consumanturve, ord. *dilutum Resina Lariceæ ad 3. ij. cum Melle & Vino.* Et ut *Tabulis meæ ordinationis*, pro *exulceratione renum*, in *Praxi mea descriptis*, per *vices* uteretur, suasi.

Rescripsit post aliquot menses, se post usum horum remediorum optimè habuisse, & à tussi libera-
tum,

tum, hoc tantum se mirari, quod cum dilutum Ter-
rebinthinæ bibisset, erisypelas in cruribus cum fe-
bricula secutum sit, nec diu tamen duraverit.

Tussis, mictio involuntaria, ardens.

TUSSI diu admodum, mulier quædam vetula,
valetudinaria, ex peripneumonia, relicta in
pulmonibus purulentâ materiâ, adeo violenter infe-
stabatur, ut valido hoc conatu abdominis, urinam
quando tussiebat, involuntariè profunderet, quæ
summè actis erat, à qua meatus urinarius, pudendi-
que interiora, irritata, inflammabantur atque exco-
riabantur, dolorque intolerabilis inde sequebatur.
Etsi autem ob pudorem, hæc diu celasset, obstetri-
cumq; saltem consilio, *inunctionibus* frustra usa fuis-
set, tandem tamen cruciatus eam, ut mihi rem pate-
faceret, impluit.

Cui primùm quæ *tussim* leniunt, & *urina acrimo-
niam retundunt*, hoc modo præscripsi: *Hordeo, Oryzâ
frequenter coctis* uteretur, *Lac caprinum* biberet cum *sac-
charo*: Et loco *vini Serum lactis*, præsertim cum con-
stipata esset. Quo nomine & *Manham* cum *jussculo* ad
℥. j. ℞. exhibui.

Et ut *pulveris sequentis* *cochl. ij.* cum *Lacte bis* vel *ter
in die* biberet: *℞. rad. Liquirit. ℥. ℞. rad. Althææ &
Consolidæ ana ʒ ij. semin. Papav. albi ʒ. j. gummi Tragac.
ʒ. j. troch. Alkekengi ʒ. ℞. Sacchari candi ʒ. j. fiat pulvis.*

Obscenis, ad ardorem illum compescendum, iussi ap-
plicare sequens *unguentum*, *extensum supra pannum
lintheum tenuem, vel corium leve & tenuissimum.* Quod
mirè illi profuit: *℞. mucilag. sem. Lini, Psyllii Cydon.
an. ʒ. j. ℞. Pomadæ ʒ. j. Vitell. ororum num. ij. Cerussæ ʒ. ij.
Camphoræ, Opil an. ʒ. j. Butyri q. s. misce.* Præ-

Præterea in *seſſione* uſa eſt, ex *decoctione* rad. *Conſolidæ*, *Althææ*, herb. *Malvæ*, *Hyoſcyami*, ſemin. *Lini*, *Fœnigræc.* facta.

Dedi illi dolore urgente & vigiliis: R. ſyrupi de *Papav.* 3. iij. aquæ *Lactucæ* 3. j. Capiat tempore ſomni: Sic convaluit.

IN TRANSITUS PER GULAM DEFECTU OBSERVATIONES.

Deglutitionis impedimentum.

FIGULUS meus, jam per quinquennium hac deglutitionis difficultate laboravit, cibos ſolidiores, vel liquidiores, aut potum, deglutiturus, quæ niſi paulatim & parva quantitate aſſumpta, in ventriculum minimè deſcenderunt, ſed ſupra illum, circa cordis regionem, ut vocant, ſubſtiterunt, illicque angorem & compreſſionis ſenſum pepererunt, tamdiu, donec ſupinus dorſo incubuit, tunc enim cum ſonò quodam, ea quæ illic hærebant, in ventriculum illapſa ſunt. Hic tandem ſperans, ſe *aquarum acidarum naturalium* uſu, ſanari poſſe, eò proſectus, iisq; uſus, illic vitam finivit.

In Alio.

SCRINIARIUS quidam, vir robuſtus, à menſibus aliquot, quotieſcunque carnem aut panem deglutire vult, mox ſentit in ventriculi elatiore regione, magnam compreſſionem, quæ eum, ad vomitu aſſumpta, iterum rejicienda, adigit, ſi verò quandoque in ventriculum hæc illabantur, ſtatim levamen ſentit,

tit, flatusque tunc per ructum erumpunt. Idem illi si affatim bibat, accidit, ut & potus subsistat in œsophago, donec per vomitum, rursus ejiciatur, maximeq; hoc, si prius aliquid solidi, deglutierit, & superbibat, evenit, ut simul ierenta, magnâ illi molestiam pariant, donec omnia evomuerit.

In me ipso.

ALiquoties hoc mihi, in hac mea senectâ accidit, carnem tenaciorem, aut duriorē, vel minus incisam aut masticatam deglutienti, ut illa, in œsophagi ingressu in ventriculum, subsistens, angustiam summam & compressionem, eo in loco mihi pariat, quæ augetur, si superbibendo, bolum hærentem promovere velim, adeo ut lipothymia superveniat, nisi tussis, quæ tunc maximè urget, concutiendo, ut in ventriculum labatur, efficiat, neq; enim vomitus hætenus, sed ructus tantum, subsequuti sunt, tunc maximè, quando bolus cedens, flatibus à ventriculo erumpentibus, locum facit. Hæc semel aut bis, tæve in anno, mihi, & tantum quando incogitanter, crassiora devoro, à sex vel septem annis, acciderunt.

In muliere.

Capitanei cujusdam uxor, à multis annis, non nisi minuta & liquida, eaque non sine magno labore, deglutire potuit. Melancholica alioquin, quæ sibi à veneno assumpto, hoc uti & alia multa, de quibus ad mortem usque conquesta est, accidisse persuasit.

In Gravida.

GRavida quædam aurifici's uxor, multos menses, simile in deglutiendo impedimentum passa fuit, ut ferè nihil deglutire pòsset; sicque tandem expiravit.

Deglutitionis impedimentum, cum amissa loquela.

Mulier vetula in hospitali, subitò loquelam amisit, adeò ut verba nulla proferre pòsset, accedebat in deglutiendo summa difficultas, sic ut non nisi *juscula*, vel *lac* eaque *minima quantitate*, & *guttatim*, cum labore deglutiret, quæ quandoque in asperam arteriam prolapsa, tussim movebant, sicque per septimanas aliquot fuit sustentata. Nervorum sextæ & septimæ conjugationis vitio hoc accidisse verisimile. Ad se rediit, *colluendo* os frequenter, *decocto Salvia in Vinò*, & *continendo* in ore *Aquam vitæ infus. Thymi*.

Transglutiendi difficultas in alio.

TOto anni spatio, & ampliùs, cuidam Lucernæ Ann. 1599. cibos paulò solidiores deglutienti, in mediâ via, uti dicebat, hi subliscebant, eumque tamdiu angebant, donec superbibendo, eos de orisum propelleret, alioquin sanus & nullum alium affectum sentiens.

Perquirendo singula, an callus œsophago, ex inflammatione, abscessu, ulcereve prægressis, accrevisset, vel alias ob causas, gula humiliore sede strictior facta esset, postremam hanc causam esse, dubitans, cum similem casum sepè viderim, sequentia illi ordinavi.

Linctum

Linctum hunc; R̄. *olei Amygd. dulc. rec. Butyri rec. ana* ʒ. β. *Mucilag. seminis Lini extr. cum aqu. Viol.* ʒ. ij. *Medull. semin. Cucurb. & sem. Melonum, rec. ana* ʒ. j. *Penid.* ʒ. j. β. *Misceantur fiat instar. Troch.* Cap. co. hl. j. *cubitus iturus & manè alterum sensim deglutiendo. Sæpè repetendo medicamentum ne rancidum fiat.*

Bibat item frequenter Lac caprinum, cui Butyri recentis & Penid. portio aliqua permista sit.

Inungat latera colli, ol. Amygd. Butyro rec. & Axungia gallinae.

In faucibus impedimentum veluti bolus.

Vide in Cordis dolore, Lib. II. Cardialgia cum impedimento, &c.

~~~~~

## IN DEJECTIONIS DEFECTU OBSERVATIONES.

*Excrementa alui dura, in ano subsistentia.*

**C**UIDAM alui fæces duræ, in podice substiterunt, nec egredi, etsi vehementi conatu propellere tentaret, poterant, adeò ut podicem, cum cruciatus, nimium aperirent, & veluti divellerent. Huic ut mederer, *sternutationem* movi, & eum *tussire* jussi, prius *podice fomentato cum Oleo*, quibus conatibus & impetibus, scivalon propulsum & ejectum est, reliquaq; excrementa subsecuta sunt. In multis aliis, quibus ob duritiem excrementa ægrè per podicem feruntur, *tussim imperando*, ea ut prodirent, quæ alio conatu exprimi non poterant, effeci.

*Alvi constipatio in Cephalea.*

**V**ide in Capitis dolore Lib. II. Cephalea cum  
crustis, &c.

~~~~~

IN MICTIONIS DEFECTU

OBSERVATIONES.

Urinæ suppressio in febre, cum convulsione.

VIDE in Febris. Lib. II. Febris, Convul-
sio, &c.

Urinæ suppressio in febre continua.

Vide in Febris. Lib. II. Febris continua pu-
trida brevior, &c.

*Urinæ suppressio, cum Puris è virga
effluxu.*

Vide in Mictione. Lib. III. Purulenta mictio.
Item Puris cum urina, & sine ea, per penem,
uti ris & ramentorum, &c.

Urinandi difficultas à calculo Vesicæ.

Vide in Mictione. Lib. III. Mictio ardens pu-
rulenta cum calculo, &c.

*Urinandi difficultas, in Neph. & Co-
lico dolore.*

Vide in Ventris dolore. Lib. II. Colicus & Ne-
phriticus dolor cum calculi, &c.

Stran-

Stranguria seu Urinae stillicidium.

Vide in Miſtione. Lib. III. Miſtio ardens. Item Miſtio purulenta cum ardore. Item Ardens Miſtio.

IN PARTUS DEFECTU
OBSERVATIONES.

Partus impeditus, ob fœtum in partu mortuum, & quinque menses in matre vivente retentum.

SARTORIS cujusdam uxor, annorum circiter triginta, quæ quater prius pepererat, quintò gravida facta, exactis decem menſibus, cum jam pariendi tempus inſtaret, atque in ipſo labore, fœtus quandam convolutionem, levesque aliquot pariendi conatus ſentiret, tandem iis omnibus ceſſantibus, fœtum mortuum, uti poſtea apparuit, antequam exſpiraret, adhuc quinque menses retinuit. Quo tempore, cum an gravida eſſet, ex eo quòd ſupra uteri geſtationis tempus, tamdiu ſuperſtes maneret mulier, nec graviora pateretur accidentia, in quaſtionem veniret, & de mola, aliòve aliquo tumore, inter obſtetrices conſultaretur: tandem conſilio meo habito (licet eam vivam non viderim) de fœtu mortuo pronuntiavi, & ad fœtum propellendum pilulas, ut per vires aſſumeret ʒ. ſ. pondere, ſequentes præſcripti: R. Myrrhæ elect. ʒ. j. ſem. Melanthii, Lupinor. rad. Rubiæ tinct. ana ʒ. ſ. Croci, Aloes, Borac. ana ʒ. j. cum ſyrup. de Artemiſ. fiat pilul. maſſa. Harum unum menses primùm

promoti fuerūt: quibus fluentibus adeò levata fuit, ut tribus inde septimanis, cibum sine fastidio sumeret, ambularet, & in publicum quoque sine molestia prodiret. Postmodum denuo rogatus, *peffarium* subdere iussi: *R. Agar. 3 ij. rad. Asari 3 j. Myrrha 3. iij. suc. Mercurialis 3. j. B. Mellis 3. j. B.* decoq. *succus cum Melle ad spissitudinem convenientem, pulveresq;* permisceantur, *sacculusq;* pro *peffario* impleatur. Quod cum unam saltem noctem retinisset mox chorda umbilicalis propendere cœpit: quæ tamen, cum putris esset, tandem amissa fuit. Verùm cum nullus sequeretur abortus, nullusque esset omnino foetum excludendi conatus, ut is promoveretur, mulier quædam, ventrem, illi variis modis, aliquoties cōpressit, deorsumque impulit. Unde fluor uterinus, per quem putris, alba foetidissimaq; materia ex utero profluebat, exortus est. Quo octo septimanarum spatio perseverante, accedente interim febre, corpus adeò contrahuit, ut nihil in ea carnosum ferè amplius, præter ventrem, transversim admodum tumentem & durum, appareret: donec viginti septimanarum spatio, supra decimum mensem, quo uterum gestavit, tempore exacto, exspiraret. Rogatus ut corpus aperirem: primo ventris intuitu, vesicas geminas, lividas, in latere umbilici, ubi tumor durus inæqualis, adhuc transversim eminebat, deprehendi. Quibus levi negotio, cum tenuissimæ essent, disruptis, statim vertebræ ipsius foetus, unà cum scapulis & costis, obvia erant. Transversim enim collocatus, & supinus dorso inflexo & in orbem convolutus jacebat & versus exteriora prominebat. Qui exemptus diductusque adeò putris erat, ut præter cutem & ossa, quæ tamen

levi

levi negotio dissolvebantur, & quòd scœmella erat, nihil aliàs liceret, vel fœtor immensus sineret, cognoscere. Hoc saltem manifestum erat, transversum illius situm, atque eximiam magnitudinem, quam longitudo illius & capitis amplitudo, prolixis admodum capillis constans, declarabant, impedimento fuisse, quò minùs in partu, prodire potuerit: sicq; retentum, viginti septimanarum spatio, computruisse, & simul vicinas partes undique infecisse. Cùm univèrsus uterus, unà cū involueris & omenti portione aliqua, musculisq; epigastrii illius loci, desiderarentur, totaq; illa regio pure, fœtore & nigredine infecta esset, & ad extremam usq; cutem, ubi vesicę apparuerant livescèntes, corrupta. Quo in loco, si fortè sectio, ante extremam illam viscerum corruptionem, facta fuisset, fœtum eximi, matre superstite manente, potuisse, quæ sequitur historia comprobabit.

Partus impeditus, ob fœtum quoq; in partu extinctum; qui postea ex abdomine, matre superstite manente, exsectus exemptusq; fuit.

Concubina sacerdotis cujusdam, in pago quodam, tertio gravida, per octiduum pariendi conatus, cum maximis uteri cruciatibus persensit, neq; tamen peperit: sed tempore illo exacto, cessantibus conatibus, cū diu postea ægra permanisset, tandem in ventre illius, paulò supra umbilicum, vesica quædam, nucis juglandis magnitudine, erupit: quæ cū illi maximos dolores, per tridui causaret, ipsâ admodum rogante, à muliere quadam, subulâ

pertusâ & disrupta fuit. Quâ adaperâ, admodumq; propter ventris tumorem dilatatâ, falciculus foetum continens apparuit: qui postquam à chirurgo, approbantibus singulis, parte aliqua dissectus esset, foetus cubitus prominens, in conspectû se dedit. Quem cum forcipe arripuisset, integrum foetum, sed semiputridum, per foramen è velica, uti dictum, dissectâ factum, extraxit: nihil tunc gravius passa matre, nisi quod animo, dum foetus extraheretur, parumper defecerat. Dein alio adhibito chirurgo, cereâ candelâ accensâ, & foramini aliquo utq; inditâ, postea etiam manibus in abdominis cavitate per idem foramen immisis, anne quid restaret, diligenter explorarunt: & cum nihil superesse deprehendissent, vulnus *emplastris* ligaturisque curando, trium septimanarum spatio, integrè consolidarunt: mulierque à partu rectè & decenter, uti aliàs fieri solet, purgata, ab anno 1583. quo hæc facta sunt, ad anni 1584. diem 24. Augusti, quo extincta primùm est, vixit; miserè tamen afflicta, quòd ventrem falcis involutum & suspensum, ab eo tempore quo hæc acciderunt, gestare deinceps coacta fuerit.

Partum mortuum in utero, vivâ matre consumi & in sceleton redigi posse, exemplo vituli vivi, cum ossibus prioris foetus enixi, demonstratur.

Foetum mortuum ante partum, retentumq; putrescere, & ad ossa usq; matre superstitè absumi posse, sequens historia comprobare videtur. Vacca quædam paritura, conatu minimè succedente, retento foetu,

foetu, denuo concepit, & postmodum uno partu vitulum vivum, atque ossa plerâque prioris, quæ post consumptionem ipsius atq; involucrorum remanserant, enixa est, de quibus aliqua in Archivo Medico meo asservo. Quod etsi rarissimum & admirandum, tamen in foemina contingere posse, ut in vacca hæc accidit, præsertim si putrescens in foetu caro, per uterum diu effluat & repurgetur, hoc exemplum evincit.

Partus imperfectus, ob secundinam retentam, uteroq; adnexam.

Mulier nobilis Galla, quæ jam multoties pepererat, cum ante annum in partu, ob secundinam retentam, ab hora quarta matutina, ad octavam vespertinam, quâ demum, usa prius *injectionibus, sternutatoriis, suffitibus*, secundinam eiecit, vix evāisset: anno 88. Martij 25. denuo, cum manè foetum excluderet, ob secundinam subsistentem, in periculum venit, propendente interim chordâ umbilicali. Frustra autem variis remediis tentatis, magnâq; sanguinis grumosi continuo effluente copiâ, vires adeo collapsæ sunt, ut sequenti die, circa horam quartam vespertinam, extingueretur. Sectione factâ, uterus spissus & amplus (qualem puerperis per octiduum permanere, indeq; sensim se recolligere, & ad pristinam parvitatem redire, in sectionibus aliquot puerperarum supplicio affectarum, observavi) in hac quoque inventus est. Quo in longum, ipsiusq; æervice dissectis, secundinam, tum circa uteri orificii, quod amplum admodum erat, initiū, adhæsisse:

tum per carneam placentam, uteri interiori substantiæ, adeò accrevisse, ut ægrè manibus avelleretur, & tracta laceraretur, visa fuit: cui adhuc amnios tunica, chordaque umbilicalis, adhærebant. Præterquam & corpus quoddam, parenchymate crasso & sublivido constans, hepatis substantiæ coctæ simillimum, propriâ involutum tunicâ, illic quoque citra connexum jacuisse, observavimus. Ex quibus, quòd nondum perfectè maturo foetu, mater ad partum edendum, ab obstetrice sollicitata fuerit, causam fuisse, ut secundina hæserit, conjecimus. Cùm, nisi maturo penitus foetu, osculis vasorum tunc sponte, citra laborem secedentibus ab invicem, si foetus vi majore propellatur, oscula modò dicta, citra dilacerationem, divelli vix queant: unde postea tanta sanguinis profusio, quæ matrem è medio tollit, sequitur. Causamque hanc potius, quàm secundinæ retentionem, accedente nonnunquam etiam uteri inflammatione, ob dolores illos, in solutione illa violenta accidentes, quare puerpera tam subito extingatur, existimamus esse: cùm illa retenta, ut nec foetus mortuus, sicuti exemplo prioris, tam diu matre superstite, subsistentis, demonstravimus, hoc tam citò minimè posset efficere. In quo quàm sæpe peccetur ab obstetricibus, ut se expectant citius quàm necesse erat, gravidam, postquam aliqua tantùm præludia partus senserit, ad laborandum (ut vocant) per conatus, impellentibus, in opere nostro practico exposuimus.

IN VITALIS MOTUS DEFECTU
OBSERVATIONES.

Vividi alii naturâ, alii minimè.

IN certis locis vel regionibus, alii vividiores, alii minùs, prout humidum vivificum plus minùsve illis innatum: unde fit, ut quidam non ob morbum aliquem, uti aliàs ferè, ob nostram intemperantiam accidit, citiùs vel tardiùs supervenientem, è medio tollantur, sed morte naturali decedant, antequam de ullo alio affectu, nisi de solo languore, & imbecillitate conquerentes, placidè, flammæ alicujus instar, oleo destitutæ, extinguuntur. Quos, cum neminem, sine præcedente aliquo morbo, mori posse, existiment, apoplexiâ tactos, cum sine sensu doloris, aut alterius affectus, obeant, sicq; mortuos arbitrantur.

Ex his, quibus spiritus vitalis major copiâ & vigor suppetit, paucos octuagesimum ætatis annum attingere, longèque pauciores superare, sacræ testantur literæ, & quotidiana ostendit experientia. Vidimus tamen ipsi, & cognovimus, in patria parentis nostri, piæ memoriæ, Thomæ Plateri, gymnasiarchæ Basiliensis, in pago Grenchen/in altissimo monte, Vespientis tractus, in Vallesia, multos incolas, non solum octuagesimum, uti & pater meus, à qua ætate & ego, parùm absum, sed & centesimum annum ætatis excessisse. Inter quos avus maternus, Johannes Summermatterus, ex antiqua & honesta, illius loci, familia oriundus, post centesimum ætatis annum, adhuc vegetus, uxore, virgine 30. annorum ductâ,

filium ex illa genuit, cuius nuptiis viginti annis, post centesimum, adhuc superstes, interfuit, & sexennium adhuc vixit, atq; ita 116. annos ætatis complevit: de nullis aliis gravioribus accidentibus, nisi quòd flatus retinere non posset, conquestus. Cum quo pater meus, ipsius nepos, sexennio ante illius obitum colloquutus, ex eo decem adhuc, in diœcesi Vespienti esse viros, qui ætate eum excederët, intellexit. Quod non solùm ego, parentem meum narrantem in scholis, & D. Theodorus Zwingerus, compater meus quondam & amicus suavissimus, in Theatro suo vitæ humanæ, rem ita se habere testatus, audivimus, sed & ipsemet, cùm Ann. 1562. cum parente in hunc locum Valesiæ pervenissem, à multis extremæ ætatis, idem comprobari audivi, & in huius pagi ingressu, senem cœcum in sella sedentem, solemque facie in eum conversa intuentem vidi, & mihi indicantem, & se & alios adhuc illius ditionis centesimum annum complevisse: è cuius ædibus, filii & filiæ illius, jam decrepiti & cani, & avi ac parentes aliorum prodeuntes, mihiq; & adventum, & Doctoris honorem, & quòd ex familia illa, quæ illic magna erat, originem traherem, gratulabantur, præsertim cùm & pater meus, inde oriundus, ad scholæ gubernationem promotus, & amicus illius, Simon Lithonius, scholæ Argentinensis, quondam Professor, cuius Stumpfius in Chronico suo meminit, factus esset, vehementer gaudebant.

Animi defectio, Scotomia, Vertigo.

Sensit Dominus quidam, barbâ rufus, facie candidus & virilis ætatis, ex levi commotione, jejunos,

nus, interdum animi defectum, prius circa ventriculi regionem, torsionibus se manifestantibus, & iursum vaporibus ascendentibus, unde obtenebratio visus, & levis vertigo, & nisi sedisset, animi defectio- nem hancque sequentem epilepsiam metuit, quibus ut obviam iret, iussi, Anno 1595. mense Novembr. sequentibus uti.

Comedat Saccharatas confectiones post Pastum. Conservam item Rosarum, & condituram Cydoniorum, diutius non maneat jejunus: Utatur jusculis cum Major. & Nuce mosc. vel Scintvarm Germ. Aut Ovo sorbili cum Nuce mosc. & Majorana.

Sumat tabulam unam postquam comedit: R^x. Nuces mosc. num. ij. Cinam. Caryoph. Galang. an. 3. j. sol. Euphrasie, Majorana, fl. Lavand. an. 3. β. Diamarg. frig. 3. j. sem. Fœnic. 3. β. Sacch. diss. in aqua Ros. 3. v. fiant tabule.

Pulvere utatur sequenti in Vino hoc modo: R^x. rad. Ireos 3. vj. Galanga. Acori veri. Enula, Angelica, herb. Absinth. Chamæpit. Chamæd. Euphrasie, Betonica an. 3. β. fl. Ros. Anthos. Salvia, sum. Thymi an. 3. iij. sem. Fœnic. Carui, Coriand. an. 3. ij. conquassentur. De hoc pulvere maceret coch. j. in poc. ij. Vini & colatum bibat duobus matutinis, post jusculum, continuet singulis septimanis.

In paroxysmo comedat mox tabulam: R^x. olei Anisi, Cinam. ana guttas 8. olei Perlarum, Corallorum ana gutt. ij. Sacchari diss. in aqua Ros. 3. j. β. superbibat Vinum illico, vel aquam Cinamom.

Aquâ hæc cordiali uti quoq; posset: R^x. fol. Melissa 3. β. fl. Cord. an. 3. ij. sem. Ocimi 3. j. Caryophyl. 3. ij. cordia Cervi abluti Vino frustum, Vini Malvatici quant. j. mensura partem, destillentur.

Hujus aquæ cape 3. j. aqua Cinamom. 3. j. Sympi de Acetos.

236 IN VITALI MOTU DEPRAVATO
Acetos. Citri ʒ. β. misce: Capiat in & extra paroxysmum.
Lipothymia cum cardialgia.

Vide in cordis dolore. Lib. II. Cordis dolor
seu cardialgia.

IN VITALI MOTU DEPRAVATO
OBSERVATIONES.

Cordis palpitatio, Epilepsia.

LABORABAT quidam ex Burgundia, perseve-
rante Cordis palpitatione, cerebri totiusq; cor-
poris imbecillitate, atq; Epilepsiâ correptus, aliquo-
ties in anno corrui. Inter cætera remedia, hæc po-
tissimùm profuerunt.

Pro palpitatione cordis, hac Aqua usus, qua cordi,
cerebro nervisq; accommodatur: R. cordis Cervi vel Hir-
ci, Porci domestici vel Sylvestris an. ℥. j. abluantur Vino
Malvatico, & incidantur in parvas portiones, addendo
fol. Melissæ, Majoranæ ana M. j. fl. Buglossæ, Borrag. Vio-
larum, Rosarum, Scabiosæ, Caryophyl. hortensium ana p. j.
sem. Ocini ʒ. j. sem. Citri ʒ. β. Caryoph. aromat. ʒ. ij. Cina-
mom. ʒ. vj. Macis, Santali citrini, ligni Aloës an. ʒ. j. inci-
dantur & contundantur, add. Vini Malvat. ℥. ij. succi
Limon. vel Citri ʒ. j. vel in illius defectu Syr. illius. Destill.
in B. M. donec aqua non ampliùs odorem spiret, tuncque
satis est, servetur ad usum bene obturata, & rectificetur
in calore solis vel alio.

Deinde de hoc electuario alternis diebus manè jeju-
nus sumpsit instar castaneæ, superbibendo aquam Sal-
viæ cum paucis Vini: R. conservæ Majoranæ, Melissæ, Be-
tonicæ, fl. Rosmarini an. ʒ. j. fl. Pæoniæ ʒ. j. β. Calami arom.
Zingib.

*Zingib. cort. Citri conditi an. ʒ. ʒ. pulv. sem. & rad. Paonia
& Visci quer. ana. ʒ. j. ras. Eboris ʒ. ʒ. Cranii hominis sub-
til. pulveri. ʒ. j. ʒ. Cinam. ʒ. ij. Nucis mosc. ʒ. j. sp. Pliris ar-
cot. ʒ. ʒ. cum syrup. confer. cort. Citri fiat electuarium:
Capiat alternis diebus ʒ. j.*

*Balsamoleo sequenti pro inunctione spinæ quoque
utebatur, sic parato: R. gummi Galbani, Bdellii, diss. in
Aqua vitæ ana ʒ. ʒ. Benzoini ʒ. j. Styracis liquid. ʒ. j. sol.
Ruta, Chamapityos, fl. Stæchados, Lavandula ana ʒ. ij.
rad. Costi ʒ. ʒ. Castorei ʒ. j. infundantur incisa & pulve-
risata in Aqua vitæ, stent in maceratione in calore per
dies aliquot, ante usum. Eoque fricet spinam.*

*Fulepi sequentis capiat ʒ. j. sumpto electuario supra-
dicto: R. aquæ Salviæ, Melissæ, ana ʒ. ij. Vini albi ʒ. j.
Sacchari ros. tab. ʒ. ij. misce.*

Cordis palpitatio in Melancholiâ.

Vide in Mentis alienatione. Lib. I. Melancholiâ
hypochondriaca, Cordis palpitatio, &c.

Iterum ibidem. Melancholia ex terrore, &c.

Cordis & arteriarum pulsatio in febre lenta.

Vide in Febribus. Lib. II. Febriſ lenta Cachexia.

~~~~~

## IN APPETITUS DEFECTU

### OBSERVATIONES.

### *Apositia seu omnimoda Potus ab- stinentia.*

**M**ARCHIO quidam legatus, à Rege Gallo-  
rum, in Italiam missus, nihil penitus bibe-  
bat,

bat, idq; à teneris sibi consuetum fuisse, ipsemet & qui cum eo erant Basileæ, fatebantur.

Helveticum quendam nobilem, à *potu* abstinere solitum, aliquoties audiui.

*Fastidium ciborum aliàs consuetorum,  
in quibusdam naturis.*

Sunt quidam, aliqua *esculenta* & *potulenta* plerisque grata alioquin, adeò aversantes, ut ea non tantum nauseam illis pariant, sed illorum naturæ penitus sint contraria, & abominabilia.

*Caseum* multi aversantur, nec illius odorem vel usum ferre possunt.

Senator quidam è nostratibus, *Lardo* non vescebatur, obque id etiam quæcunque *lardo* confixa aut infarcta erant, non attingebat.

Antonius Postellus Gallus, puer, convictor parentis mei, nihil quod *coctum*, sive *elixum*, *assum* aut *frixum* esset, comedebat, contentus solo *panē*, *fructibus* & *lacte*. *Panē* autem non *puro*, sed *fursuraceo*, quali ego canem meum alere solebam, tantum vescebatur, ex *pura farina pistum* fastidiebat. *Fructibus* æstatis tempore, & hyemis iisdem *siccatis*, *pomis*, *pyris*, *cerasis*, *nucibus*, &c. utebatur. *Lacte* quoque frigido tantum vescebatur, nihil enim quod calefactum erat, attingebat. Bene habitus interim, coloreque vivido. Hancque consuetudinem vivendi, aliquot annos, cum parente meo degens, ut & postea, sicuti mihi relatum fuit, continuavit.

Nepotes mei ex fratre Thoma Platero, medico, Felix & Thomas, *fructuum omnium recentium horarium esum*, ab ineunte ætate, ad octavum ille, hic septimum

num ætatis annum usque, planè fastidiunt: veluti pomorum, pyrorum, persicorum, cerasorum, prunorum, fragorum, uvarum & cæterorum; quibus alioquin infantes mirè delectantur. Interim cibos, qui adultis & senioribus magis consueti sunt & competunt, avidè comedunt, excepto caseo, à quo uterque abhorret.

*Abstemii.*

**H**I Vinum naturâ non bibunt, sicuti bruta pleraque animalia, illud quoque fastidiunt. Vidi tamen inter eos, qui dulcia, ut *Malvaticum*, vel recens adhuc, dum mustum dulce est, bibebant, & tunc primum, cum effervescendo vinosum saporem acquirit, id fastidientes.

~~~~~

IN APPETITU DEPRAVATO

OBSERVATIONES.

Appetitus depravatus, seu Pica in gravida.

FŒMINA quædam gravida, libras aliquot Zingiberis, maximâ voluptate, sine ullo incommodo, una vice devoravit, nec, quod mirum erat, ardorem in faucibus ullum, se sentire, mihi fassa est, multò minùs in ventriculo.

Appetentia rerum aliàs nauseam afferentium.

CVM juvenis Monspeffuli pharmacopæo, Laurentino Catalano cohabitarem, rebusque dulcibus, quod juvenibus consuetum, mirè delectarer, herusq;

herusq; meus *ollas amplissimas, Theriacâ*, quam præparare maximâ copiâ solebat, plenas, in cubiculo ubi cubabam asservaret, dulcedine illius allectus, intemperantiùs quam decebat, frequenter *cochlearia aliquot, unâ vice* devoravi, idq; *sapè in die*, cubiculum aliquoties transiens, nec memini me mutationē aliquam, multò minùs damnum aliquod inde sensisse.

Alia appetentia rei abominabilis.

AD maturationem bubonis pestiferi, cùm *cæpam sub cineribus assam, Theriacâ insartam*, illi imponeret chirurgus; indiesque novam apponeret, priore abjectâ; puellula, unam casu inveniēns, quam chirurgus à bubonē modo amoverat, clàm eam devoravit, nec quicquam mali inde passa est.

Oris amaritudo in Febre tertiana.

VIdè in Febribus. Lib. II. Tertianæ intermittens duplex, Obstructio hepatis, &c.

Oris amaritudo in cærdialgia.

VIdè in cordis dolore. Lib. II. Cordis dolor seu cærdialgia, Ventriculi rosio, &c.

~~~~~

IN HÆMORRHAGIÆ NATURALIS DEFECTU OBSERVATIONES.

*Mensium suppressio, Cachexia, Dolor capitis, in muliere.*

**M**ULIER juvencula nobilis, primis annis nuptiarum, mensium suppressione laboravit: pallida,



pallida, facie inflata, dolor perpetuus capitis, imbecillis, & cibum fastidiens: diu medicamentis usq., melius nonnihil habens, præsertim post *thermarum Cellensium* usum, rursus coepit graviter laborare: adducta huc 8. Novembr. Anno 1595.

Primum præscripsi pilulas: *Rx. pil. Aggreg. ʒ. j. Aurear. ʒ. ʒ. cum aq. Cinam. Sumpsit, & vehementer fuit purgata.*

11. Novembr. coepit uti hoc electuario: *Rx. conf. fl. Cichorii, Capill. ven. Beton. ana ʒ. iij. Pellic. intest. & ventric. gallina ʒ. ʒ. Diarb. abb. ʒ. j. cum Syrup. conf. cort. Citri fiat elect.*

Constipata erat, itaque 13. Novemb. præscripsi: *Rx. pil. de Hiera simp. Mastichin. ana ʒ. j. cum aq. Foenicul. fiant pil.*

Postea usuales præscripsi pilulas: *Rx. Aloës ʒ. ij. Agar. Rhab. ana ʒ. j. gummi Ammon. dissol. in suc. Ireos ʒ. ʒ. rad. Gent. ʒ. ʒ. Zingib. Spica ana ʒ. j. cum Syrup. de quinq. rad. fiat massula: Capiat ʒ. ʒ. tertio semper die.*

Utatur quoque unguento hoc in regione lientis & hepatis: *Rx. ol. Amygdal. am. de Cappar. ana ʒ. j. ʒ. suc. Apii, Aceti albi an. ʒ. j. coq. ad succorum consumpt. adde Gummi ammon. diss. in Aceto ʒ. ʒ. rad. Asari, Spica, sem. Vitis ana ʒ. ʒ. Cera q. s. fiat ung.*

Ægrè sumebat pilulas; idcirco cum paucas sumeret, & non operarentur, addidi ad ʒ. ʒ. hujus massa Aggreg. ʒ. ʒ. & defecit.

22. Novemb. quia fastidiebat pilulas, ordinavi tabulas: *Rx. troch. de Rhubarb. de Eupat. Rhab. ana ʒ. ʒ. Spica ʒ. ʒ. ʒ. Diatacca, Diarhod. ana ʒ. j. Sacch. dissol. in aquis Absinth. Gent. & Ros. ana ʒ. iij. fiant tab. ad ʒ. j. ʒ. Capiat, superbibendo aquas lequentes: Rx. aq. Absinth.*

℞. ij. Melissæ ℞. j. Centaur. Gent. ana ℞. j. β. misce : Capiat ℞. j. β. cum paucō Vīno.

24. Novemb. jussi sumere pilulas : ℞. pil. Aggreg. ℞. j. sumat sequenti diē. Continuabat postea tabulas.

28. Novemb. ℞. Chalyb. subtil. limati 3. β. rad. Rha-  
pont. 3. ij. sol. Absinth. Majoran. ana 3. ij. Spica 3. β. Ga-  
langa 3. j. fiat pulvis : ligetur in nodulo pro mens. j. Vini :  
Bibat manē alternis diebus.

Item : ℞. Ciner. pellic. ventric. & intest. gallina 3. β.  
Coralli 3. ij. ras. Eboris 3. j. β. sp. Arom. ros. Diagal. ana 3. j.  
cons. fl. Cichorii 3. j. cons. Ros. Major. ana 3. β. cum Syrup.  
de quinque rad. fiat elect. Utatur cū non utitur tabu-  
lis, eo manē.

1. Decembr. quia Vīnum chalybeatum admodū  
forte erat, & vomitum moverat, & orichalcum redo-  
lebat : jussi addito Vīno magis diluere. Postea bibit,  
& retinuit, atque incepit bene colorari, & cum appe-  
titu edere : remittebatque capitis dolor.

Jussi tabulis alternatim cum Vīno uti. Et 5. De-  
cembr. supervenerant menses, quibus antea toto an-  
ni spatio caruerat. Sed quia parcē fluebant, jussi  
sequenti die nihilominus pergere in usu Vini, & ta-  
bularum successivē.

Purgata fuit 9. Decembr. ℞. Syr. ros. sol. cum inf.  
Senna & Rhabarb. 3. j. & 3. ij. cum aq. Absinth. & Cina-  
mom. Bibat.

14. Decembr. quia Vīnum chalybeatum fastidire  
incipiebat, aliud dedi, ℞. rad. Aperit. cort. Tamaricis  
ana 3. β. herb. Absinth. Chamapit. Chamadr. Thymi ana  
3. j. β. Epith. flor. Cord. ana 3. j. sem. Anisi, Petros. Cuscuta  
ana 3. β. Senna mund. 3. j. β. Agarici 3. β. Zing. 3. j. Rhab-  
el. 3. ij. Myrob. citr. 3. ij. Cinamom. 3. j. conquass. pro  
nodulo

*nodulo in Vino, bulliant parùm in duplici vase: Capiat successive.*

21. Melius habuit *Vini* illius usu, & *tabularum*, nam prius, rursus recruduerat malum.

24. Decemb. cùm jam inciperet convallescere, & abitum pararet, loco *Vini* paravi sequentem *infusionem*: *R. rad. Asari, Ireos, ana 3. ij. Gentia. 3. j. Absinth. 3. ij. sumit. Centaur. fol. Major. ana 3. j. sem. Fœnic. 3. j. Petros. Cuscuta ana 3. B. Senna 3. j. Agar. Rhab. ana 3. ij. Turbith. 3. ij. Zingib. Spica ana 3. B. Cinam. 3. j. fiat pulvis tenuissimus. Infundat de illo, cochl. j. in cyatho Vini, stet per noctem, in loco calido, crastina die coletur, & bibat: idque ad minimum semel in septimana, plus minùsve pulveris sumendo, pro infusione, prout operatio fit: ne si simul infundantur, Vinum corrumpetur.*

13. & 19. Februar. cùm ad me scriberet, Vinum non satis operari, iussi totum pulverem sumere, & addere *Senna 3. j. Agarici 3. ij. cort. Sambuc. 3. B. Zingib. 3. j. Turbith. 3. ij. & simul infundere. Quo Vino diu usa, postea bene habuit. Interea alternis diebus sumpsit tabul. vel tertio die; interdum conservam, superbibendo semper, aq. Endiv. Centaur. Gent. ana 3. B. cum paulo Vino.*

Iussi pedes lavare decocto *Salv. Artemis. Sabina & st. Cham. & suffitum admittere, mensium tempore.*

*Venam saphenam ineunte vere aperuit, quod valdè profuit.*

Comedat carnes juniorum animalium, lucios. percas pisces, capita vervecum, pedes vituli. Ova sordilia, nisi postea eructent, tunc ab illis abstineat. Caveat à salis, arom. nimium. Vitet varietatem ciborum. Item lac, crudas herbas, caseum. *Rad. cich. coctas cum Aceto edat*

244 IN HÆMOR. NAT. DEFECTU  
item Cappares & fructus siccos, ut pruna poma, pyra. Ulvas  
pensiles. Caveat à saccharatis & mellitis. In fine mensæ  
sumat conf. Fœnicul. carnes Cydon. cond. Vinum bibat  
antiquum dilutum, vel vetus & novum invicem permixta.  
Somnus sit moderatus. Exercitium cibum præcedat.

Mentis Aprilis reversa sana, erat. Verum quia  
Cellenses therma illi aliàs profuerant, easque appetere-  
ret, illarum usum mentis Maio concessi. Sed mutato  
consilio, acidas aquas bibit; & vivit, & valet.

### *Mensium suppressio; Cachexia in puella:*

**P**allida puella, gibbosa, Anno 1596. de Cardial-  
gia tumore pedum, pulsū arteriarum, & defe-  
ctu mensium conquerebatur.

Pilulis sequentibus. per vices, meo consilio usa est:  
℞. Rhabarbari elect. Aloës ana 3. j. troch. de Eupat. Dia-  
lacca ana 3. ℞. gummi ammon. dissol. in Aceto 3. j. pulver.  
Lumbricorum listorum 3. j. Diagrydi. prepar. 3. ℞. cum suc.  
Ireos, fiat massa: Capiat 3. ℞. tertio die.

Tabulas quoque præscripti: ℞. conf. fl. Cich. Capill.  
ven. ana 3. ℞. Cineris pellic & intest. gallina, ras. Eboris  
ana 3. j. Coralli 3. ℞. spec. Aroni. ros. Diagal. troch. de Cap-  
par. ana 3. j. Sacch. diss. in aq. Absinth. & Cichor. fiant  
Tab. Capiat unam die sequenti post pil. usum, continuando.

Sensim appetitus colorque vivus redierunt, &  
menses fluxerunt.

### *Mensium suppressio cum cephalalgia; facie rubra.*

**V**ide in Discoloratione. Lib. III. Faciei rube-  
do & lividitas, &c.

*Mensium*

*Mensium Suppressio, Melancholia.*

**N**obilis virgo, quæ ante annum circa finem illius, peripneumonia, & melancholia laboravit, prævenire ejusmodi accidentia volens, maturè ante hyemem, hoc anno purgari cupivit, præsertim cum, quod nunquam sibi accidisse narrabat, menses consueti tempore fluxerint.

Sumpsit itaque mense Septembr. Anno 1598. pilulas, quas sine labore deglutire poterat, & sequenti die venam aperuit, brachii sinistri mediam, seu communem dictam.

Verum sequenti mense Octobris, cum nec tunc fluere menses, colorque vividus mutari inciperet, ipsaq; tristis & solitaria esset, à cognata admonitus, *Fulep* hunc 25. Octob. exhibui: R. *Syr. ros. sol.* 3. j. *syrup. de Cichor. cum Rhabarb.* 3. vj. *aqua Beton. & Bugloss. ana q. s.* fiat *Fulep.* *Arom.* 3. B. *Cinamom.* Dejecit hujus usu sæpius. Itaque seq. die, eum denuo sumere jussi, unde quoque purgata fuit,

Sed cum ulterius purgari cuperet 27. Octobris, hanc potionem duabus vicibus sumendam præscripseram; quæ R. *rad. Liquir.* 3. j. B. *rad. Cichor.* 3. j. *rad. Enula* 3. B. *herb. Capill. ven. Beton. Eupat. ana M. j. sem. Anisi,* 3. iij. *Fœnic.* 3. ij. *sem. Melonum* 3. ij. *Passul. enucl. par. x. sol. Senna* 3. j. & 3. ij. *fl. Cord. P. j.* fiat decoctio infunde *Rhab. el.* 3. j. B. fiat *Expr. Dissol. syr. Ros. sol.* 3. ij. *misc.* Bibit mediam partem, quâ vehementer purgata fuit, adeo ut reliquam portionem non sumpserit die sequenti.

Et cum jam tota Melancholica esset, gravesque haberet cogitationes, & terrores, hoc elect. eam uti

jussi: R. conf. Ros. Bugloss. Major. ana 3. ij. sp. Diamarg. frig. 3. B. conf. Alkermes 3. B. cum syr. conf. cort. Citri q. s. fiat Elect. Sumat manè continuus diebus.

Cœperunt mitigari accidentia, sed menses non fluebant, iam duobus mensibus, itaq; supputando ab eo tempore, quo ultimò delierant, cùm circa finem Novembr. denuo expectarentur, dedi *ostiduo prius*, de seq. pilul. R. Aloës 3. j. Rhabarb. 3. j. B. Diagryd. 3. j. Myrrha, rad. Asari ana 3. B. Spica 3. j. Croci 3. B. Cum syrup. de Artemisia fiat Massa.

Sumpsit 3. ij. parumque dejecit. Post tres dies eas repetens, copiosè dejecit, statimque menses supervenerunt, eo die, quo & avidè cibum quem prius fastidiebat, expetere comedereque cœpit, & Melancholicis illis phantasmatis angustia desuit.

Circa medium Decembr. redierunt Melancholica quædam symptorata, itaque pil. repetere jussi.

Item *latus sinistrum*, de quo admodum conquerebatur (quod indicium erat hypochondriacam esse melancholiam) inungere hoc unguento; quod R. ol. Anethini, de Cappar. Nardini ana 3. B. Aceti scill. 3. j. coq. ad consumpt. Aceti. Adde gummi Ammon. dissol. in Aceto 3. ij. rad. Asari 3. j. sem. Nigella 3. B. Croci 3. j. Cera q. s. fiat Linimentum.

Pulvere post pastum uti seq. R. sem. Anisi 3. iij. semin. Fœnic. 3. ij. semin. Carui, flor. Cord. ana 3. j. Major. 3. B. Sacch. Ros. tab. 3. ij. fiat pulvis,

*Menses suppressi, in hisce, quæ se gravidas, falsò putabant.*

**V**ide in Extuberantia. Lib. III. Ventris extuberantia, &c. Item in alia idem casus. Item in

in alia similis casus. Item idem casus in alia, &c.

*Menses suppressi in Viraginibus duabus.*

**B**Ene habita, formosa & sanguinea mulier, lithotomi cujusdam, nullis unquam menstruis laboravit: nec incommodum ullum, inde passa est. Sterilis tamen, in gemino matrimonio, ad dies vitæ, permansit.

Aliam novi, quæ cum virgo esset, menstruis decenter purgata fuit, nupta verò, jam multos annos, illis destituitur, bene habita interim & sana nihilominus.

*Menses suppressi in Lactantibus, aliàs minimè.*

**M**ulieres aliquæ, quæ aliquoties pepererant, mihi factæ sunt, se, cum puerum infantem lactassent, caruisse menstruis; si puellam, minimè. Nec prius illis, quæ masculum lactassent, donec de novo concepissent, menses apparuisse.



IN LACTATIONIS DEFECTU  
OBSERVATIONES.

*Lactis defectus, in puerpera pleuritica.*

**V**IDE in Pectoris dolore. Lib. II. Pleuritidis in puerpera, &c.

*Lactatio ob papillarum defectum, vel morbum, impedita.*

**L**actationem fieri non posse, propter papillarum defectum, vel morbum, in multis vide-

mus accidere, quem defectum mamillarum, per quas sugere debebant, nec possunt, alio *instrumento*, quod lac contineat, *mammæ instar*, & apicem habeat *papilla similem formatum*, per quem infans lac sugat, suppleant, & sic infantes, ad lac *caprinum* vel *vaccinum tepidum* sugendum assuescunt. Quod & ex cornu vacca alii fabricant, illiusque angustiori sedi pertusa, corium, ut sic infans commodius sugat, affigunt.

Qua ratione pater meus, Thomas Platerus, cum mater ipsius ob mamillas affectas, eum lactare minime posset, citra *maternum* aut *nutricum lac*, quod nunquam eum gustasse, sæpè ex ipso audivi, ab ortu primo, eousque donec citra suctionem bibere posset, fuit sustentatus; unde nihilo factus imbecillior aut invalidior, sed vegetus & vividus, ad 83. ætatis annum usque vixit. Uti & alii in eodem monte nati, lacte à teneris serè enutriti, ad longævam ætatem, quorum aliqui centesimum annum superarunt, uti in vitali motu explicavimus, vixerunt.

~~~~~

IN ACTUS VENEREI DEFECTU OBSERVATIONES.

Impotentia ob testes amissos.

EX eorum numero, qui uno tantum teste, per castrationem, vel alium illorum affectum, orbati essent, vix aliquos impotentes factos, & nihilo segniores, ad hunc actum obeundum, liberosque procreandos, nisi aliud accedat, vidi. Uti verò Eunuchos, quibus uterq; testis exectus, qui etsi hunc in se defectum celare velint, tamen in eo se produnt, quod

quod effœminati fiant, hocq; in ipsis ex voce, barbæ defectu, & quod cùm prius macilenti fuerint, postea pinguescant, cognoscatur.

Sed & Eunuchos quosdam, aliquid in actu hoc exercendo præstitisse, cognovi: Alios quoque uxores duxisse, de quibus illæ non fuerint conquestæ, fortè honestatis causâ, & ne per divortium, & præsertim vir dives, uxor pauper separarentur, hæc famelicere cogeretur.

Verùm & memorabile hoc accidisse vidi; Quod quidam Sacerdos, ne liberos procrearet, & muldaretur, studio, per castrationem spontaneam, sibi acquisivit impotentiam. Qui cum concubina, pluribus liberis procreatis, sæpe eo nomine pecuniâ muldatus, tandem etiam in carcerem coniectus, ne quid tale amplius committeret, & puniretur, accersito chirurgò, utrumque testem sibi exscindi curavit. Quo factò, in graviores incidit pœnam; nam sacerdotio privatus, desperabundus & in militiam profectus, in Ungaria occubuit.

Impotentia ob membrum virile nimis exile.

Membri virilis vitii, ab ortu contracti occasione, quod ineptum ad hunc actum obeundum erat, vidi quendam, qui adeò exilem penem habebat, ut minimi digiti crassitiem non adæquaret, quo tamen uxor ipsius ne matrimonium dirimeretur, cùm dives esset, illa verò vetula & pauper, se acquiescere contendebat.

In alio ob membri brevitatem.

In alio conjugè, penis adeò brevis erat, ut præter glandem cum præputio, nihil præterea è cor-

250 IN ACTUS VENER. DEFECTU
pore promineret, ad actum hunc penitus inutilis.

In alio ob nimiam crassitiem.

OB membri genitalis quorundam magnitudinem, quam, ipsis junctæ ferre non poterant, duo matrimonia divulsa vidi, de qua tamen, in sequenti matrimonio, secundæ uxores minimè sunt conquestæ, è quibus una jocando, convenientissimè hæc membra invicem aptari, narrabat. Ex quo apparet, fortè hujus actus venerei, in prioribus uxoribus impediti, causam ipsis uxoribus potius, quàm maritis, adscribendam fuisse.

*Impotentia ob membrum virile languidum,
à causa abscondita profectum.*

Multi ad me, Poliatri officio, jam annos quadraginta duos fungentem, à consistorio matrimoniali, tum hujus urbis, tum aliarum ditionum, uti & officiali Basiliensi, ablegati fuerunt, qui de impotentia accusati sunt, ut judices, antequam matrimonium dirimeretur, causam hujus, in actu venereo defectus, ex me prius cognoscerent, an fortè curabilis vel incurabilis hæc esset impotentia, quam nisi externa aliqua, in genitalibus prodant indicia, eò difficilius cognoscere licet, quòd eam ne se exponant ludibrio & risui, fateri nolint, variisque interrogatis & circumstantiis, hoc ab illis extorquere oporteat.

In plerisque autem, qui examini meo, impotentia causâ, subjecti fuerunt, præter eos in quibus membrum virile non rectè formatum, ut jam aliquos eorum descripsi, deprehendi, impotentiam
hanc

hanc inde proficisci, quòd penis non erigeretur, sed languidus maneret, & proin ad conjunctionem illam mutuam, ineptus & inutilis esset, causamq; in interioribus vasis, semini excipiendò, ducendoque, dicatis, potius quàm exterioribus membris latere, ægreq; qualis, cùm occulta sit, dijudicari posse, an organicum aliquod vitium in iis, qui ab ortu tales sunt, vel intemperies, vel obstructio: Nec posse nos tunc certi aliquid judicare, nisi ipsi languiditatem hanc virgæ, sponte fateantur, aut aliis artibus hoc ab illis, uti dictum, extorqueatur, ut tandem se prodant.

E' quorum numero, ut hanc ignominiam vitarent, nec ludibrio & risui se exponerent, ab uxoribus accusati, etsi se nihil præstare posse, scirent, tamen pertinaciter, præsertim ac si semen emitteret, multos perstitisse, donec juramento astricti, defectum hunc coacti faterentur, observavi. Item quòd aliqui, per divortium ab uxoribus separati, postea alias duxerunt, quæ imbecillitatem hanc ipsorum ferre, hacq; voluptate carere potius, quàm famem pati, aut tenuiter vivere, uti prius, antequam nuptæ essent, maluerunt, & proin nihil de maritis conquestæ sunt, sed potius, cùm interrogarentur, eos excusabant.

Inter hos rusticus quidam, à Judice matrimoniali, ad me examinis causâ missus, cùm suam impotentiam, à me rogatus, diu negasset, tandem, inconstantia verborum suorum victus, suam inhabilitatem fassus est. Verùm illi credere non tutum esse existimans, ut ab uxore, quam odio prosequabatur, liberaretur, eum hoc facere arbitratus, proposui ei periculum, quod inde secuturum esset, si falso se impotentem esse diceret. Primum quòd ludibrio
se omni-

se omnibus expositurus esset, deinde quod cogere-
tur, ab uxore separatus, jurejurando, sub pœna capi-
tis, sanctè polliceri, se totius vitæ reliquo spatio, u-
xorem aliam non ducturum. Quod cùm ille, se,
sine ulla dubitatione, facturum affirmaret, atque ex
illis, vera illum falsum colligens, judici ejus confes-
sionem indicavi, cujus sententiâ, factò divortio, in
cælibatu hætenus permanlit.

In alio similis languor.

Quidam civium nostratium, ex familia prima-
ria oriundus, adolescens 20. annorum, robu-
stus, uxorem virginem duxit, cui, cùm per anni spa-
tium cohabitasset, signifer factus, militatum cum
nostris, in Galliam abiit, & per annum ferè emansit.
Reversus domum, cum uxore aliquamdiu vixit, tan-
dem verò, quod dotem uxoris commessando pro-
funderet, litibus eo nomine inter parentes, ipsosque
conjuges ortis, rursus relictâ eâ, in Galliam disces-
sit, illicque magnos iterum fecit sumptus. Unde
inopiâ coactus, ad uxorem rediit, nihilo frugalior
factus paterfamiliâs. Ob quam causam, uxor ipsius,
quæ totum quinquennium, defectum mariti cela-
vit, aviæ suæ, impotentiam mariti detexit, seque ob
eam rem, non tantopere, quàm quod omnia dilapi-
daret, sollicitam esse, pudibunda confitebatur. Quod
parentes uxoris, ubi resciverunt, divortium ut inter
ipsos fieret, à consistorio matrimoniali petierunt:
quod antequam obtinuerunt, ad nos Medicos ma-
ritus missus est, ut quo pacto, se res haberet, explo-
raremus. Deprehendimus autem illum, quod ex-
teriora membra genitalia attinet, non fuisse castra-
tum,

tum, virgam quoque rectè formatam, sed exilem, qualis puerorum esse solet. E quibustamen, de impotentia nihil certi pronuntiare potuimus, cum & pollutionem aliquando se sentire affirmaret, donec ex aliis circumstantiis, colligere licuit, penem ejus minimè rigere posse, quod & fatebatur tandem, causamque fuisse, cur nunquam se cum illa commiscuerit. Cujus rei causa internum aliquod vitium, in vasis seminariis reconditum potius fuit, quàm veneficium, uti vulgò credebatur, cum per totam juvenilem ætatem, languidus ei fuerit. Quod judici matrimoniali, cum retulissemus, matrimonium hoc solum fuit. Cujus rei pudorem, ferre non potis, in Galliam profectus, & hinc inde in Academiis celebrioribus, uti & Monspessuli, consilio Medicorum usus, multa frustra expendit, tandemq; in Helvetiam rediens, Empirico se commisit, cum quo ad patrem reversus, se curatum affirmabat, testem hujus Empiricum faciens, qui ob curam, multum pecuniæ, à patre petebat, quo potius famam, de impotentia sparsam, delere, quàm quòd ita se res haberet, voluerunt. Verùm ad separatam suam conjugem, adhuc virginem, redire nolens, in Belgium profectus, & strenui capitanei officio aliquandiu functus, vitam ibi finiit.

In Alio idem casus.

Pellio quidam primo gradus senectutis, viduus, mortuâ primâ uxore, quam pestis Anno 1610. sustulerat, aliam viduam matronam duxit, quæ illum mox de impotentia accusabat, apud Consistorium matrimoniale, à quo, ad me fuit remissus. In

254 IN ACTUS VENER. DEFECTU
eo virga rectè formata, sed in dextro latere, juvenis
castratus fuit, quod etsi per se, alioquin impotentes
non reddat, tamen si non rectè administrata sit se-
ctio, aliquid quoque impotentiae addere potest. Ex
quibus tamen, cum nihil certi adhuc possem conji-
cere, præsertim semen sibi aliquando profluxisse
narranti, interrogando ipsum, de variis, tandem eò
redegi, ut convictus, ingenuè fateretur, penem sibi
nunquam eousque riguisse, ut aliquam devirginare
potuisset, prioremque suam uxorem, quæ Vinò
magis, quàm venere delectabatur, contentam fuisse,
si obiter tantum cum illa se commiscuisset, quod
tamen exactè fieri minimè potuerit: cum secunda
verò quam duxerat, nihil penitus potuisse unquam
efficere, aut illius claustra subire. Quæ cum Judex
intellexisset, factum divortium.

Post quòd, cum solitarius viveret, neminem ha-
bens qui domesticam rem illi gubernaret, & juven-
cula quædam, vicina, à marito, propter adulterium,
repudiata, illius ædes sæpe frequentaret, cum parenti
exosa, & neglecta, unde viveret non haberet, illi, ut se
sistentare posset, nuplit, quòd matrimonium, cum
vir se ob curam quandam potentem factum, testare-
tur, idq; juramento confirmaturum se offerret, tan-
dem concessum ei.

In Alio languiditas.

Quidam alius viduus, de quo in primo matri-
monio suspicio erat, illum esse impotentem,
fortè quòd uxor, hoc alicui secretò patefecerat, cum
aliàs ne maritum diffamaret, uti honesta erat, nihil
conquesta, ad mortem usque fuerit. Effeminata
tamen

tamen illius vox, aliaque quædam, quæ ebrius efflu-
tiebat verba, illum aliquo pacto suspectum redde-
bant, eoque magis, quod nullos procreasset liberos.
Verùm secundam uxorem ducens, quæ illegitimam
sobolem procrearat, mox cum ea litigare, eamque
pessimè tractare cœpit, quibus contumeliis illa irri-
tata, impotentiam ei exprobravit, hanc ipso semper
negante, ad consistorium matrimoniale tandem est
ventum, à quo ad me ablegatus, hoc tandem ab eo
extorſi, ut seriò fateretur, cum ea se congrèdi mini-
mè posse, existimans ab ea se fascinari: illa verò mi-
ras illius artes, quibus eam, ut libidinem expleret,
exercebat, narrabat. Unde factum, ut & hoc matri-
monium dissolutum fuerit.

*Impotentia ex imbecillitate vasorum semi-
narium, ob veneris nimium usum
contracta.*

QUerebatur quidam de hac, melancholicus a-
liquin, causamq; hujus, quòd cum junior es-
set, Venerem immoderatiùs exercuerit, esse existi-
mabat, & ob seminis illius cruditatem & aquositatē.

Ordinatâ prius victus ratione resiciente, ut semen
laudatum generaretur, inter cætera præscripti se-
quens remedium: R. de caudis Cancrorum fluviatilium,
& de coxis Ranarum carnem, coquatur in Lacte, postea
contundatur, adde Pinearum enucl. & Fisticorum ana
3. j. Amygd. mund. lb. β. Piperis 3. β. Sacchari q. s. fiant
panes, coquantur in clibano: Et frequenter illis utatur.

Ad stimulum addendum, primùm exterioribus il-
lud tentare volui, jubens perinai regionem, versus no-

tem;

Item, calide inungere, Oleo nucum, in quo Formica & Cantharides decocta fuerint.

Et ut quandoque, sederet sub noctem in balneo hoc :
 ℞. rad. Iridis ʒ. ij. herbarum Urtica, Eruca, Erysimi, Nasturtii, ana M. j. fl. Chamomill. Lavandula ana P. j. decoquantur, additâ Vini aliquâ quantitate.

Cùm hæc quidem irritarent, membrum tamen non exactè erigeretur, ut congredi posset, validiora exhibui.

Et primùm Trechiscos cum Pipere, Moscho & Saccharo paratos.

Dein ut noctu cubitum iturus, haustum Lactis caprini, in quo 6. gr. Piperis contusa essent, biberet.

In cæna Cancros bene piperatos comederet.

Postremò efficacissimum hoc & extremum docui remedium : ℞. seminis Eruca ʒ. j. β. semin. Sinapis, Nasturtii, rad. Pyrethri, Cinamom. Zingib. Piperis ana ʒ. β. Croci ʒ. β. Boracis ʒ. ij. Scincorum preparat. ʒ. β. Moschi gr. quatuor. fiat pulvis subtiliss. Capiat ʒ. β. si reliqua non juvent.

Scribebat post tempus aliquod elapsum, se quidem cum muliere, sed ægrè miscere posse, sed quia virginem ducere cupiebat, non adeò validum se esse putare, ut eam devirginaret, quamobrem, cùm multum in eo situm esset, ut matrimonium iniret, pulveri postremò, Cantharides tres, abscessus chelis & aliis, permiscui, unde primò usu scribebat, se præter stimulum, magnum conatum mingendi, & ardorem urinæ, sensisse.

Ab eo tempore, scriptis ad me literis saluteq; aliquoties per alios mihi nuntiata, intellexi eum in matrimonio contracto feliciter, & sine quærelâ vivere.

In alio,

In alio, impotentia similem ob causam.

UXOREM duxerat quidam, cum qua rem minimè habere potuit, licèt priùs luxuriosè admodum vixisset.

Pulverem præscripsi: *R. semin. Eruca 3. β. Piperis 3. j. Zingib. Cinamom. ana 3. β. Boracis 3. j. β. caudarum Scinci 3. β. Cantharidum ablatis aliis tenuioribus num. vj. fiat pulvis subtilissimus, addendo Sacchari 3. j. Capiat 3. j. β. cum Lacte, cubitum iturus.*

Hoc unguento utatur: *R. rad. Pyrethri, Piperis, Zingib. semin. Sinapis ana 3. j. Euphorbii 3. β. ol. Laurini 3. ij. ol. de Spica 3. j. Cera parum fiat unguentum: Inungat regionem inter anum & testes, illic enim penis corpora latent.*

Laudabat successum, & mihi, & cuidam alteri Principis magni Oratori, qui & ipse, ut placeret cuidam suæ amicæ, & se virum strenuum probaret, frequenti horum usu, venerem supra modum exercendo, ad sanguinis cum semine effluxum usque, in morbum incidit, in quo viribus penitus sublatis, extinctus est.

Veneris actus imperfectus putatus.

CONQUEREBATUR matrona quædam, ad conceptum, ob ætatem, non ampliùs idonea, de marito, qui virilem ætatem nondum superaverat, quòd congressu, eam supra modum, exerceret exercitaretque, citra spermatis tamen effusionem, nulloq; cum oblectamento, à matrimonio consistoriali, ut per divortium separarentur, obnixè petens.

R

Interrogatus à iudicibus super hac re, cum maritus constanter, quod uxor de eo querebatur, negaret, an hoc fieri posset, in hunc modum respondi.

Naturaliter accidere minimè posse, ut viris membrum virile attollatur, sine præcedente veneris stimulo, qui cum à semine, in vasis genitalibus pruriente, eaque ad excretionem incitante, excitetur, illos quoque si congregiantur, semen emittere.

Itaque cum ille nullum alium defectum, quò minus cum ea se commiscere possit, habeat, verisimile videri, ipsam hoc prætextu, ut ab eo separari queat, facilius, quod tunc optabat, cum eum angue peius odisset, hoc excogitasse, cum prius etiam de impotentia, quod eam non attigisset, fuerit conquesta, nunc verò eam minimè prætendens, sed nimium potius potentem, aliam causam, quàm se ab ipso extricaret, iudici proponeret. Quam causam illa tum hoc nomine, tum fortè quòd etiam vetula esset, fatiari tamen non potuerit, excogitavit.

Hiscè cōsideratis, matrimonium minimè diremptum, ipsaq; ob turpia hæc & indigna muliere verba, quibus se omnibus ludibrio exposuit, mulctata fuit. Et licet ut cohabitarent, ipsis injunctum fuisset, ille tamen pertæsus, consuetudinis cum illa, in Pomeraniam profectus, aliquot jam annos emanet.

Venerereus actus impeditus, ob cervicis uterini orificiū coalitum in muliere.

Nobilis quædam mulier, in primo anno matrimonii, gravida facta cum instaret partus tempus, & conatus pariendi sentiret, mox illis denuo cessantibus, post dies quatuordecim primùm, cum
magno

magno labore & difficultate, infantem maturum
 grandem masculum, sed mortuum, enixa est: & po-
 stea maximos cruciatus, circa orificium cervicis u-
 teri persensit, nec post puerperium, mariti congres-
 sum, forte amplius potuit, sed statim, si quid ille ten-
 tare vellet, sanguinem profundebat: nec menstrua
 amplius postea habuit, atque ab eo tempore, diversis
 accidentibus divexata fuit, totum biennium, licet
 nihilominus circumiret, cibum caperet, & bene co-
 lorata esset. Tandem verò doloribus evicta, corpo-
 reque admodum attenuata, Medicorum operam
 undique perquirebat. Symptomata hæc erant: sub
 vespèram, circa horam tertiam à meridie, aliàs pau-
 lò ferius, dolo- es intolerabiles ventris & lumborum
 sentiebat: venter rugitum edebat: uterus durus &
 tumens, tunc ex contactu, deprehendebatur: ipsa
 corpus mi-um in modum torquendo, & hinc inde
 jaciendo, spinam ventre sursum elevato curvando,
 & clamoribus, convulsionibus laborare visa est, quæ
 ad medium noctis usque, perseverabant: tandem
 obdormiens, maneque rursus excitata, cibum ca-
 piens, nihil mali, ad consuetam paroxysmi horam
 usque, sentiebat. Multis remediis frustra tentatis,
 accersitus Medicus, *cathetere immisso in vesicam*, an
 calculo laboraret, voluit explorare: sed cum nihil
 inveniret, eam reliquit. Tandem ad me Basileam,
 advecta est, & cum illa unice continuo peteret, se
 secari, non patere aditum ad uterum: idq; ego, quia
peffaria obstetrix intrudere non potuerat, suspicarem,
 carnositatem aliquam, fortè illic natam, cervicis
 uteri orificium inspiciens, observavi illic penitus
 coaluisse, cum omnibus locis pertentatis, nullibi

stylum intrudere potuerim. Causam itaque manifestamprehendens totius mali, eam mox exposui: nec mirum esse, retento sanguine & semine, tam salva accidentia supervenisse: nec sanationis ullam spem esse, nisi uteri hoc orificium, quod integrum erat, rursus aperiretur, docui. Et cum adhibito lithotomo & chirurgo, de sectione esset quaestio, illa eam nolebat admittere. Quamobrem *cauterio indolente meo* adhibito, escharam induxi: qua sublata, ductus aliquousque patebat: nondum tamen, in cervicem uteri, pertingebat. Itaque adhibitâ *turundâ*, ex *rad. Gentiana*, viam dilatare tentabamus. Verum dum hæc aguntur, illa cruciatibus consuetis continuo divexata, accedente febris gravi, exspiravit. Et cum eam aperirem, totum abdomen, aquâ cruentâ nigrâ foetidissimâ repletum, sanguinis corrupti instar, inveni: qui & intestinis adhærens, ac si cocto sanguine, certis locis ea obducta essent, apparebant. Cervix uteri spississima ac veluti cartilaginosa, quæ transversî digiti crassitie coaluerat. Uterus alioquin integer, sed maximus, totusque uti & cervix, sanguine putrido & foetido refertus. Hoc autem 22. Septemb. Anno 1594. contigit.

*Venus extincta, in quibusdam
mulieribus.*

Nobilis quidam, uxoris suæ hunc casum, mihi aliquando patefecit, quod cum eam puellam juvenem, jam ante multos annos duxisset, & cum ea, venerum actum decenter, toto matrimonii tempore peregisset, ab eo tempore, illam ad eum actum, ne tantillum quidem commoveri, faterique, se inde

se inde nihil penitus voluptatis, aut titillationis, unquam percepisse, nec magis sentire, quam alioquin ab externo cutis cōtactu, alibi sentire solet: & quod illum admittat, in ipsius saltem gratiam fieri. In eodem statu, adhuc eam permanere, licet frustra multa tentarit remedia, & sterilem esse, denuo mihi ipsius amica, retulit.

Eodem & simili penitus accidente, generosam Dominam quandam laborare, multos quoque jam annos, conquestus est mihi, ipsius Dominus & maritus. Quod à primo concubitus actu, ad hunc usque diem, ex congressu nihil penitus afficiatur, aut jucunditatem aliquam sentiat, cum tamen ipse viduus, non minus quam in primo matrimonio, ad eum hunc perfecte exerceat: ipsamq; fateri, quod cum virgo, ad quadragesimum usque annum permansisset (tunc enim primum illi nup. erat) nunquam ullum stimulum, aut per nocturnas imaginationes, aut alio modo, senserit, aut toto virginitatis tempore, appetitu aliquo fœmineo, affecta fuerit. Sed & mirum, utramque fœminam, si modo tales nominandæ sunt, maritum suum, supra modum diligere, & maritis quoque, in sedanda libidine aliquo modo, hoc concubitu imperfecto, satisfieri.

*Fœminas castrari posse, ex selectis testibus,
exemplo animantium quarundam
demonstratur.*

Testes in abdominis cavitate, utrinque peritonæo annexi, cum vas seminariis inde produ-

ais, in quibusdam bestiis, sectione factâ, in eo loco abdominis, ubi intrinsecus latent, eximi solent, & sic, ut pinguescant, nec stimulo Venereo ad congressum incitentur, castrantur. Quod in porcellis foeminis frequentissimum est, uti passim hoc fieri videmus. Sed & in comitatu Zollerensi, hoc idem in vitulis foeminis, hoc modo castratis indeque admodum pinguefactis, ac ideò *Donnen* / id est monialibus vocatis, fieri, ego ipse, cum in aula illius comitis essem, vidi, ubi plurimæ ejusmodi vaccæ, summè obesæ, illic oberrabant, mactabanturq; & earum caro, quam & comedi, in summis delitiis habebatur. Nec dubium mihi est, si illud in aliis foemininis sexus tentaretur animalibus, quin sic quoque castrari possent: Uti & in muliebri sexu, in alterutro latere, aperto abdomine, unus vel alter ipsarum testis extrahi atque amputari. Quod verò, cum nulla inde, vel illis vel aliis, nisi fortè ad quarundam salacitatem sic reprimendam, eveniret utilitas, & non sine aliquo vitæ periculo fieret, hæcenus nullibi tentatum fuisse, legimus.

In Avibus masculis præsertim, cum testes non propendeant, sed in ventre ipsarum sint inclusi, frequens est hæc castratio, testesque ipsarum aperto & secto ventre, qui inter podicem & sternum abdominis instar occurrit, extrahuntur, quod & in Galinaceo fit genere, & Capones postea dicuntur: Uti & in Pavone Indico, aliisque majoribus hoc fieri vidi, ut pinguior es fiant, caroque ipsarum, suavior reddatur.

IN SALACITATE
OBSERVATIONES.*Tentigo ob cathartici usum.*

CUm amicum quendam meum, virum multos annos viduum, & continentissimum pientissimumque, leviter purgare vellem, ac *pilulas leviores, ex Aromatibus* paratas, sicque dictas, exhibuissem, sequenti mane ad me venit, exostulans mecum, me se decipere voluisse, cum nullam ab illis senserit, per alvum evacuationem, sed pruritum & stimulum solum venereum, à quo rota nocte fuerit divexatus: vixque illum à sententia potui dimovere, etsi à *medicamentis purgantibus*, quandoque irritari, etiam ea loca, quæ ad seminis excretionem pertinent, ostenderem, ideoque non studio, sed casu hoc factum esse.

Memini idem alteri accidisse, cum *media nocte pilulas sumpisset*, mox vehementem tentiginem, antequam alvus dejecteret, sensisse, qui sibi persuadebat, errore pharmacopæi, quod illi *venerem stimulans pharmacum*, pro *purgante* exhibuisset, factum hoc esse, quam opinionem illi subsequens purgatio, tandem exemit.

In Alio.

Alius quidam, sumpto *cathartico*, cum illud adhuc operaretur, simulque eum ad Venereum stimularet, uxorem adstantem illique ministrantem, compressit, unde valde debilitatus, adeo ut Medi-

cum accersere, illique delictum confiteri, cogere-
tur, asserens, nunquam se adeò, ad venerem impul-
sum fuisse, atque eà ipsà horâ, quâ adhuc per alvum
dejiciebat, nec se continere ullo modo, potuisse.

Tentigo, Ventriculi ardor, Sitis.

PRuritu & stimulo venereo, quidam se admo-
dum nocte divexatum fuisse, narrabat, causam-
que illius, quòd insolitum sibi esset, quærebat, præ-
terea se ardorem ventriculi simul sensisse, & sitim
fuisse passum.

Cumque an *piperatis cibis* usus esset & *salsis*, die
noctem illam prægressâ quærerem, ita se rem habere
fatebatur, hoc modo se cœnasse mihi explicans.

Offam se comedis-
se ex *Pane, Butyro & Cœpis*, uti
nostri *Zwibelsupp* vocant, adjecto paucò *Porro sectili*
& *Petroselino*, instrato *osse Ovo* prius in *aqua cocto*,
cum *Sale*.

Pisces item dictos *Albùlas sale conditas*, quæ ad
nos *salsa* ex *Lacu Sempacensi* advehuntur, *coctas in*
vino, cum *Petroselino & semine Carui*, ut apud nos
in usu est.

Cinara (*Artischock* dictæ) *caput unum coctum in ju-*
re cum Butyro, Sale & Pipere conditum.

Cancros coctos cum Pipere.

Raphanos cum Aceto, Oleo, Sale & Pipere: quæ & in
prandio comederat.

Acres itaque & calidos cibos, hunc stimulum, ardo-
rem, & *salsos simul*, sitim illi peperisse judicavi:
quod in aliis itidem factum, sæpiùs
observavi.

IN CONCEPTUS DEFECTU
OBSERVATIONES.

Sterilitas, Menstruus fluxus cum labore & difficultate.

COMITISSA quædam, facie rubra, semel tantum primis annis peperit, & ab eo tempore, pessimè se habuit, præsertim mensibus fluere incipientibus, qui lentè & parcè fluebant, maleq; colorati erant, illaque doloribus, circa lumbos & ventrem, admodum tunc cruciabatur, ut aliquando animo delinqueret: Consilio meo, etsi jam multa frustra tentasset, cum sorori suæ, curam meam feliciter celsisse videret, uti voluit. Ad quam cum pervenissem, sequenti modo rem sum aggressus.

Initio mensis Junii, Anno 1569. postquam à mensibus purgata fuit, sumpsit hoc *minorativum*:
℞. *Catholici* ʒ. j. dissolvatur cum *jure Cicerum*: Et bibat.

Dein sic præparetur materia: ℞. *radic. Fœniculi, Eryngii ana* ʒ. j. *rad. Cicho. Rubiæ ana* ʒ. ʒ. *rad. Enuliæ, Galangæ, Cyperi, Asari ana* ʒ. ij. *rad. Liquirit.* ʒ. j. ʒ. *herb. Betonica. Melissa, Pulegii, Artemisia, Calaminth. Majorana ana* M. j. *sem. Anisi, Fœniculi an.* ʒ. ij. *sem. Seseleps, Ameos ana* ʒ. j. *Passul.* ʒ. j. fiat *decoctio* & in *col. q. s.* adde
- *Mellis ros. col. syrupi de quinq, Radicibus ana* ʒ. j. *arom.*
- *Maceris* ʒ. j. *ligni Aloës* ʒ. ʒ. Capiat *quinq, matutinis.*

Transactis hisce diebus, purgetur: ℞. *Rhabarbari infusi in aqua Cich.* ʒ. j. addendo *Spicæ* ʒ. ʒ. *Cinam.* ʒ. j. *Agari troch.* ʒ. j. ʒ. *infusi in aquis Betonica,* fiat *expressio.*

dissolve Diaphœnici ʒ.ij. Mellis ros. ʒ.β. misce. Bibit, & post horas aliquot, laxativum ex decocto Cicerum superbibit, & deiecit undecies.

Sequenti die sumpsit: R̄. Mithridatii ʒ.j. ras. Eboris ʒ.β. Mosch gr.ij. misce fiat bolus.

Premissâ hac purgatione corporis, generali, ad purgationem matricis, pessis hîscè usâ est. Primus ex Mercu-
riali contusa, factus fuit, sed cùm eum ferre non pos-
set, sequentibus tribus noctibus usâ est alius ex Mithridatio
& pulvere Mastiches factis.

Et quia vêtriculo erat imbecilliore, hoc unguen-
to manè illius regionem inunxit: R̄. ol. de Absinthio, Nar-
dini an. ʒ.β. pul. Caryoph. Maceris, Galangæ an. ʒ.j. Squi-
nanth. ʒ.β. Coralli ʒ.j. Cera parùm fiat unguentum.

Item capiat alternis diebus manè tab. j. Diamoschi
dulg.

Appropinquante ultimâ septimanâ, quâ menses expe-
ctabantur, iussi sex diebus ante cœnam sedere in hac
inseſsione: R̄. Absinthii, Matricaria, Origani, Nepeta an.
M.ij. Sulphuris contusi ʒ.ij.β. Aquæ extinctionis ferri men-
sur ij. Aquæ fluviatilis q. s. fiat decoctio: Pro inseſsione.

I' ostea parùm in lecto quiescat, & regionem matricis
inungat: R̄. ol. Lsior. ʒ. j. Moschelini ʒ.β. ol Spicæ ʒ.β.
axung. Anseris ʒ.β. Castorei gr. ij. Cera q. s. fiat Linim.

Hiscè factis, mox postea fluxerunt menses, nec ita
ampliùs doloribus, antequam prorumperent, exa-
gitata fuit: quibus absolutis, cùm admodùm, ut re-
media conceptioni promovenda adhiberem, rogaret, al-
tero mense Julio, Electuarium, hoc, ut eo uno die ma-
nè, altero cubitum itura, uteretur præscripti: R̄. con-
serva radic. Satyrionis, Eryngii, cortic. Citri conditi ana
ʒ. j.β. conserva Anthos, Zingib. conditi ana ʒ. j. Pinearum
mund.

mund. 3. B. sem. Fraxini 3. ij. seminum Seeleos 3. B. Galanga Nucis mosc. Cinamom. ana 3. B. sp. Diamoschi & Diagalanga ana 3. ij. ras. Eboris, cineris Priapi tauri vel cervi, Matricis leporis, Coaguli leporis an. 3. B. cum syrupo conf. cort. Citri fiat electuarium.

Ante mensium fluxum, repetat denuo Inseffionem, ut priori mense factum erat, per dies sex vel septem, & ex ea egressa, suffitum, in sella lequentem inferioribus corporis excipiat: Rj. Benzoini, Storacis ana 3. iij. Gallia mosc. 3. ij. Ladani, Mastiches ana 3. j. Nucis mosc. Macis Caryphyl. ana 3. B. Mosc. 3. B. Sacchar. 3. j. excipiantur infus. gummi tragacanth. facta in aqua Ros. fiant troch. magni: Pro fumo.

Repetat quoque in lecto inunctionem perineæ unguento prædicto.

Noctu cubitum itura, indat pessarium: Rj. Mastiches 3. iij. Nucis cupressi 3. ij. sol. Melissa 3. j. Caryophyl. 3. j. B. Spica nardi 3. B. ras. Eboris 3. j. Moschi vel Ambra 3. B. Styracis liquida 3. j. cum vitellis Ovarum crudorum, additâ paucâ Lariceâ, fiat pessarium: Utatur tribus vel quatuor noctibus.

Denuo fluxerunt menses sine labore, nullaque præcedente molestiâ.

Tertiò mense Augusto, eodem modo, quo mense Julio repetiit usum remediorum, sperans se, cum uterus jam se rectè haberet, concipere posse. Verùm, cum jam sterilis, annis ferè octodecim, ætatem quâ menses desinunt, pervenisset, voti compos minimè facta, alioquin tamen se restitua-

*tam esse sanitati, gaudebat, eoque
contenta deinceps
diu vixit.*

Sterili-

Sterilitas, Menstruorum difficultas, Fluxus albus muliebris.

Quia aliquoties cura sterilitatis, feliciter mihi successerat: Quidam Princeps, Anno 1570. senex, ultimus suæ familiæ & sine liberis, uxorem juvenculam, quam duxerat ante aliquot annos, quæ nunquam adhuc conceperat, consilii causâ ad me, in aulam Ducis cujusdam, ubi tunc versabar, adduxit. Quam cum de singulis interrogarem circumstantiis, fluori muliebri aqueo, pituitofo, obnoxiam, menses non decenter, sed cum difficultate aliqua fluere deprehendi. Quæ vicia à marito sene, & se abutenti adeptam existimabat: cum prius (uti aiebat) incolumis fuisset. Quare, etsi ego mariti causâ, conceptionem non fieri crederem: tamen in omnem eventum, hoc illi consilium dedi.

Ut primomense, corpus evacuaret: sumendo ab initio, quæ alvi prima obvia excrementa educerent: dein venam secaret, mox humoribus diebus aliquot preparatis, indeq; rursum expurgatis, sic corpore à recrementis mundo, remedia utero accommodata rectius operari possent.

Quibus peractis, ut electuario sequenti alternis diebus manè uteretur, jussi, quod; R. conf. Anthos, cort. Citri cond. ana ʒ. ij. Zingib. cond. conf. Majorana ana ʒ. j. Diasatyr. conf. rad. Eryng. ana ʒ. ʒ. pul. Diamb. Diamosc. an. ʒ. ʒ. ras. Ebor. ʒ. ʒ. Priapi cervi, Matricis lepor. Conguli lepor. Scincorum ana ʒ. j. sem. Eruc. Anisi, Cinam. Nuci. mosc. Thuris ana ʒ. ʒ. Spicanard. ʒ. j. Moschi gr. v. cum syrup. de Stœchade fiat electuarium. Capiat magnis. Nucis mosc.

Altero

Altero mense transactis mensibus, ut de Syrupo longo purgante, ad id parato, duo cochlearia sumeret, corpusque sic denuo purgaretur, suasi.

Quo semel facto, sequenti die post cœnam levem, horis exactis duabus, in balneo sequenti per semihora spatium, antequam noctu lectum intiat, sedeat: R. radic. Valer. Rubia Majorana ana ʒ. j. radic. Cyperi ʒ. ʒ. herbarum Calaminth. Puleg. Melissa, Nepet. Retonica, Majorana, Orig. an. M. j. Artemisia, Sabin. ana M. ʒ. semin. Dauci, Ruta, Sesel. ana ʒ. ij. Squinanth. ʒ. j. fiat decoctio in Aqua pluv. pro infusione.

Egressa e balneo, in sella perforata sedens, & pulvere super carbones ardentes injecto, fumum qui inde exsurgit, ad quadrantem horæ excipiat: R. Gallia, Alipt. mosc. Benzoin. ana ʒ. ij. Mastich. Storac. ana ʒ. j. Ligni aloës, Santali Citr. ana ʒ. ʒ. fiat pulvis. Utatur ʒ. ij. pro una vice.

Hoc peracto, ventris inferiora hoc unguento perungat: R. ol. Moschel. ʒ. j. ʒ. ol. Cheyrini ʒ. j. pulveris Diamosch. Diamb. ana ʒ. ʒ. Storacis liquida ʒ. j. Zibeta ʒ. ʒ. Cera alba parum, fiat unguentum: post cujus usum in lectum calefactum se, componat, & dormiat.

Hac ratione & infusione, suffitu & iniunctione, diebus adhuc tribus sequentibus utatur: postremis tamen duobus, hisce absolutis, postquam lectum ingressa erit, pessarium uteri sinui indat, totaq; nocte gestet. Quod sic parabitur: R. Storacis Calam. Mastich. ana ʒ. ij. Myrrha, Thuris, ana ʒ. j. Caryophyl. Cinamom. Nucis cupress. fol. Meliss. an. ʒ. ʒ. Ligni aloës ʒ. j. Coaguli lepor. & illius Matric. preparat. ana ʒ. ʒ. fiat pulvis: incorporetur Styrac. liquid. ʒ. ij. Zibeta ʒ. ʒ. Mithrid. q. s. pro pessariis formandis.

Hiscæ

Hiscē absolutis, quod reliquum temporis ad mensium semper usq; superest, quiescat, & mariti Torum repetat: sumendo tamen de electuario predicto tertia nocte cubitum itura, hucusq; quantitatem.

Quod si dein menstruus supervenientibus, ipsorum purgatio peracta sit, rursus tertio hoc mense, sicuti secundo factum, primum syrup magistralem sumendo, inde balnea, suffitus, inunctiones, pessaria adhibendo; curam eodem penitus modo, uti prius factum, repetat.

Idq; quoque quarto mense, si demum mensibus redeuntibus illam non concepisse certum sit, nihil in priori ordine immutando; nisi quod post syrupi longi usum, altero die, antequam ad balnei usum redeat, pessario ex Mercuriali contusa facto, & indito, eâ nocte uterum ab excrementis repurget, & dein tertio die, ad Topicorum remediorum, uti prius factitatum, usum accedat.

Quod si (Deo fortunante) mensibus subsistentibus, illam concepisse suspicio esset, tunc conceptus retineatur primis mensibus. emplastro de mastiche, supra uteri regionem noctu applicato. Quæ nisi juverint, penes maritum causam, quod non succedat, esse, ætas ipsius, inprimis verò quod & in priori matrimonio nullos procreavit liberos, & quod morbis atque epilepsiæ quoque obnoxius sit, comprobare videntur.

Sterilitas, Uterini dolores, Rejectum ex utero membraneum.

Comitissa quædam, primo matrimonii anno, filiam peperit; postea annis penè duodecim, sterilis permansit. Consilio præstantissimorum Medicorum, *maluq; remedia, & thermis usa, cum nihil profice-*

proficerent, curam deinceps omittere sibi proposuerat. Interea ego à Comite marito ipsius, filiae ægrotantis causâ accersitus, cùm inter alia colloquia, mihi conjugis hunc defectum, quòd non conciperet, & uterinis morbis divexaretur, nec menses decenter & ordine fluerent, exponeret: egoque pessarium aliorumq; ad hoc accommodatorum remedium, mentionem facerem, placeretque consilium, ut curam illius susciperem, rogavit, quam Anno 1568. sic aggressus sum.

Postquam itaque à mensibus repurgata fuit, primum facies hac ratione expurgatæ sunt: R. Cath. ʒ. j. dissol. in aquis Meliss. & Cichor. Capiat.

Altero die vena brachii aperta fuit, sanguineque moderatè detracto, mox Ovum sorbile bibit, prandiumque ad horam unam distulit.

Tertio, quarto, quinto & sexto, diebus continuis, præparante hoc syrupo usa fuit: R. radic. Aperit. temperat. in Vino albo ana ʒ. j. radic. Rubia ʒ. ʒ. Artemis. Matricar. Nepet. Pulegii utriusque, Fumar. summ. Lupul. ana M. j. Cicér. rubr. P. j. flor. Bugloss. utriusque, Anthos, Leucosii, ana P. j. semin. Sesel. Sileris mont. Fœnicul. ana ʒ. j. ʒ. Passul. ʒ. ij. fiat decoct. & in col. adde Sacchar. q. s. Arom. ʒ. ij. Cinam. & ʒ. j. Santali Citr. fiat apozem, pro quatuor vicibus.

Septimo, denuo purgata fuit: R. pil. Aggreg. ʒ. ij. Aurear. ʒ. ʒ. cum Vino Malvat. fiant pil. 9.

Octavo, ut vires recolligeret, sumpsit hunc bolum: R. conserv. Rosmar. ʒ. j. ras. Ebor. ʒ. j. & Mosci, gran. ij. misceatur.

Hiscè peractis, deinceps alternis diebus hoc electuario usa est, bolum illius sumendo: R. conf. Satyrion. conf. rad.

rad. Eryng. ana ʒ. j. Pistac. Pinear. mand. conf. flor. Rosm.
ana ʒ. j. cort. Citri cond Zingib. cond. ana ʒ. ʒ. seminum
Eruc. Bulbi ana ʒ. j. ʒ. ras. Ebor. ʒ. ij. coag. Lepor. ras. Cor-
nu caprae, Priapi tauri pulver. ana ʒ. j. pulv. Diamb. Dia-
mosc. ana ʒ. ʒ. Cinam. Caryophyl. Maceris, Nucis mosc.
ana ʒ. ij. cum syrup. conf. Zingib. fiat elect.

Interim Topica matricularia adhibuimus remedia,
Pessaria duo primum, quæ duabus noctibus in sinu uteri
retineret: R. spec. Tryphera magn. sine opio, spec. Bene-
dict. Agar. crasso modo triti ana ʒ. j. seminum Nigella,
Rom. ʒ. ij. cum suc. Mercur. fiat pasta: impleantur duo
sacculi. Et utatur.

Cum instaret septimana, quæ menses fluere debe-
bant, venam saphenam aperire iussi, & ut menses sic
expectaret.

Absolutâ purgatione menstrua, curam denuo aggressus
sum. Infectionem talem illi præscripsi: R. Althæe M. ij.
radic. Valer. Enul. Rubia major. ana M. j. herbar Major.
Artemis. Nepet. Chamædi. Chamæpit. sol. Laur. Vincæ
pervincæ, Puleg. Orig. ana M. j. flor. Chamomilla. Melissa,
Sambuci an. P. ij. sem. Lini. Fœnigraci ana ʒ. j. sem. Carui
ʒ. ʒ. bulliant in Aquâ, adde Lixiv. mensur. ij. Sedeat
in hoc balneo noctu cubitum iura, per horam unam,
ventremq; inferiorem ad umbilicum usque immergat
calidè.

Dein egressa, & abstersa pannis calidis, in sellam per-
foratam sedeat, in eaq; fumum sequentem per quartam
horæ partem imo ventre excipiat: R. trochis. Gallia &
Alipt. mosc. ana ʒ. ʒ. Styracis calamit. Ladân. Benz. ana
ʒ. ij. ligni Aloës, Santali Citr. ana ʒ. iiij gr. Paon. ʒ. ʒ.
Mosch. ambr. an. ʒ. ʒ. cum Laricea fiant troch. profumo,
pond. ʒ. ij. imponatur unus carbonibus.

Surgens

Surgens è sella, & in lectum decumbens, inungat regionem sub umbilico, sequenti unguento: R. ol. Nardin. Moschel. an. ʒ. iij. pingued. Gallinae, Anser. ana ʒ. j. Fol. Ligni Aloës, Zingib. Zedoar. ana ʒ. ij. Macer. Nucis mosc. Caryophyl. ana ʒ. iij. Rosar. Stæchad. Squinantb. ana ʒ. ʒ. Castor. ʒ. j. Moschi, Zibetti ana gr. vj. fiat unguent: Inungatur, & postea dormiat.

Hunc processum balnei, suffitus, & inunctionis, eo modo per dies septem continuet. Verùm duobus postremis diebus, postquam hisce usa erit, & in lectum se composuerit, pessarium in sinum uteri immittat, totaq; nocte retineat: R. Mastich. ʒ. j. ʒ. Syracis liquid. ʒ. iij. sol. Meliss. sicc. ʒ. ij. Nucis cupr. ʒ. ij. Spica nard. Caryophyl. ana ʒ. j. ʒ. Cicer. rubr. ʒ. ʒ. Vitell. ovorum crud. q. s. fiant duo pessaria.

Post usum postremi pessarii, eâ nocte corpus membraneum crassum, latum & fibrosum rejecit: quod, quia inde mirè levatam se sentiebat, multis annis gestasse, & pondus & gravamen inde sensisse, prædicabat. Jussi ab usu omnium medicamentorum abstinere, donec tempus mensium præteriret. Quod cum advenisset, nec menses fluere, statim se gravidam suspicabatur. Jussi emplastrum sequens in pectinis regione noctu gestare: R. massa emplastri pro Matric. ʒ. j. de Mastich. ʒ. ʒ. Hypocist. Acac. an. ʒ. j. Rosar. rubr. ʒ. ʒ. Santal. omnium an. ʒ. j. Syrac. calamit. Benz. troch. Gallie & Alipt. mosch. ana ʒ. j. malaxentur ol. Moschel. fiat emplastrum.

Ex nausea, vomitu, & mensium retentione, gravidam esse quoque opinatus sum. Nec me opinio fefellit, nam mox ventris & mamillarum intumescencia, ejus rei fuerunt indicium, filiaque post

nata, id confirmavit. Quæ cura, laudem non exigam, apud magnates, mihi peperit. Et ut in gravibus uterinis morbis, me Principum & Ducum conjuges, in loca etiam procul à nobis disita, vocarent, effecit.

Infœcunditas in aliis, & in aliis Fœcunditas, naturâ.

NON solum in Mulieribus, sed & in Viris accidit, quod nullo defectu vel morbo apparente, tamen ad conceptum inhabiles sint fœminæ, & ad procreationem Viri, cujus rei causas, in Praxi nostra, descripsimus.

Sed & contrarium, sæpè observamus accidere, ut naturâ fœcundiores, & fœminæ & viri, inventiantur; quarum illæ diutius, quàm aliàs solent, ad concipiendum sint dispositæ; hi ad longam ætatem usque, ad liberos procreandos, idonei.

Exempla utriusque pæssim occurrunt. Nam in fœmineo sexu, aliquæ etiam ultra terminum, ipsis à natura constitutum, qui quadragesimus quintus & sextus est ætatis annus, diutius etiam fœcundæ manent. Duas enim novi, quarum una Medici uxor, infantem jam quinquagenaria lactabat, altera quinquagesimo ætatis anno, infantem pepererat. Quod & matrem meam piæ memoriæ, Annam Dietrichiam Tigurinam, sæpè de se prædicantem audivi. se tribus ex parente meo susceptis filiabus, me postremo cum annos quinquaginta circiter attingisset, demùm enixam esse.

In Viris, quibus procreationis tempus, nullum, à natura definitum, licet pauci, post septuagesimum, ad pro-

ad procreandum ampliùs apti inveniantur, tamen ad provectiorem etiam & decrepitam usque senectam, aliquos fecundos permanisse, liberosque genuisse, experienciâ cognovimus.

Inter quos, ne alios recenseamus, sed quæ in familia nostra acciderunt, obiter attingamus, primus occurrit, patris mei avus maternus, quem, cum de Vividis in vitalis motus defectu, paulò ante, hoc Lib. I. ageremus, meminimus, post centesimum ætatis annum, filium procreasse, tum ex parente, aliisque fide dignis, illius loci incolis, pro certo intelleximus.

Sed &, quod in recenti adhuc est memoria, & de quo multis constat, referamus: Parens meus, pater memoriæ, Thomas Platerus, defunctâ primâ uxore, matre meâ, Anno 1572. & ætatis suæ 73. secundâ ductâ uxore, sex ex illa liberos, intra decennium procreavit, duos filios, & quatuor filias, quarum ultima, Anno ætatis illius 81. biennio ante obitum illius, nata fuit. Qui si hoc anno 1614. adhuc esset superstes, ætatis annum ageret 115. neptimque haberet ex filio, Thoma medico, unius anni, & quod memorabile est, inter duos ipsius filios, me Felicem Anno 1536. & Thomam Anno 1574. natum, intervallum intercurrit annorum 38. & tamen hic meus frater, cujus avus esse possem, capillos pluribus canis habens conspersos, fortè quod patre senex natus sit, me senior videtur esse.

LIBER SECUNDUS
Observationum

FELICIS PLATERI,
 In affectibus homini incommo-
 dantibus, FEBRIBUS & DOLORIBUS
 præcipuè animadversarum.

IN FEBRIBUS
 OBSERVATIONES.

Febris ephemera, Carfunkel Germ.
cum tumore glandularum colli.



UADAM balneo sicco usa, lotionè-
 que capitis, aëri frigido, capite adhuc
 madente, se exponens, horrore pri-
 mum correpta, mox adeò incaluit, ut
 decumbere cogeretur.

Pulsus citis febrilis erat: dolebat in lateribus
 colli, ubi glandulas nonnihil intumuisse deprehen-
 di. Alioquin nec sitiebat, nec alia, caloris vehemen-
 tioris, indicia aderant.

Prædixi itaq; febrem ephemeram esse; Carfun-
 culi consueto nomine, Carfunkel eam appellans:
 brevemq; eam fore, quæ mox sudore cessatura sit,
 si quæta & testâ in lecto maneret: quod & fecit.

Dedi, ut citius liberaretur, sudoresq; prodirent,

Rob.

Rob. de sambuco 3.ij. gratum enim magis est, si per se sumatur) & ut superbiberet *aq. Violatricol. & Fumar. an.* 3.j.ß. *Julep. ros.* 3.j. invicem permixta, jussi.

Collum, ne nudū esset, *panno Cannabino* prius usurpato (sic enim cū minus rigidum sit, quā quod modò lotum est, rectius se accommodat, minusque premit) involvere jussi. Quod prius *Mastliche & Succino*, prunis ardentibus injectus, suffumigatum esset.

Sudor mox erupit, & post horas circiter septem, febris evanuit. Tuncq; cibo refecta tenui & potu, quod reliquū erat noctis, somno quieto peregit.

Febris Synocha simplex, ex motu nimio, & ira oborta.

Juvenis quidam nobilis, bene habitus, rubicundus, sanguineus, mense Majo post meridiem, pilā palmariā ludens, seque vehementer exercens: adhuc cum antagonista contendens atque exardescens, adeo ut ad certamen deveniretur: post illis ab invicem separatis, hic domum reversus, cū à calore, quem conceperat, se, etsi quiesceret, minime liberari videret, citamque omnino respirationem duceret, viribusque insuper dejectis esset, caputque doleret, & sitiret, me vocavit.

Quem Febre synocha correptum, ex pulsu magno, pleno ac cito, jamque enarratis circumstantiis & causis, à quibus sanguinem ipsius, spiritusque accensa esse cognovi, statim dixi. Et facile in putridam, eam converti posse, cū intemperanter diu vixisset: vel hecticam, cū causæ tam multæ caloris concurrissent, eum præmonens, sic metum non nihil ei incutiendo, ut pareret, effeci.

Itaque Chirurgo accersito, vena brachii dextræ, circa cubiti plexum, in medio, præ cæteris turgens, hora pomeridianâ aperta, sanguinisq; uncie octo, detractæ fuerunt.

Statimq; ad sanguinis fervorem extinguendum, Julepum hunc propinavi: R. Syrup. de Ribes, de Agrest. ana ʒj. Julep. Viol. ʒ. j. β. suc. Limon. ʒj. aq. Endiv. & Acetos. an. ʒ. ij. misc. Capiat mediam partem statim à vena secta, alteram sub noctem.

In cœna jusculum hordei mundi, aceti Rosacei tantillo acidulum factum, exhibere jussi: & ut aquam fontis, quam summè expetebat, injecta tamen prius crustâ panis affatim biberet. concessi.

Nox inquieta fuit, turbulentaque insomnia, in quibus adhuc litigare sibi dormienti videbatur, orisque aderat ariditas: capitisque dolor, præ cæteris urgebat.

Ob quam causam oxyrhodinum capiti tale adhibui: R. aqu. Rosar. ʒ. iij. aq. Plantag. Viol. & Lact. ana ʒ. ij. Aceti Rosar. ʒ. j. album. Ov. num. j. ol. Ros. ʒ. j. agitentur. Et temporibus fronti q; applicentur, renoventurque aliquoties.

Pulsi cùm nihilo remissior esset, circa horam octavam, sanguis ex sinistro brachio, è vena magis apparente denuo, per phlebotomiam bona quantitate extractus fuit.

Jusculo ex hordeo, hesternâ die exhibito, additâ Lactucâ coctâ, & foliis Borraginis tenacioribus, post venam sectam refectus fuit.

Dein Julepum sequentem cum Aqua fontis loco potus ea die bibere jussi: R. Syrup. de Ribes, de Ceras. do. west. acid. an. ʒ. iij. Vini granat. acid. ʒ. j. β. Aceti ros. ʒ. j. Aq. ros.

Aq. ros. 3. iiij. misc. permisceat 3. j. vel plus pocula uni aqua fontis: Et bibat tempore sitis.

Epiubema sequens hepatis regioni admotum fuit: R. aquarum Endiv. 3. iiij. aqu. Acetos. Lactuc. ana 3. ij. suc. Pomor. acid. redol. 3. j. β. Aceti rosar. 3. j. troch. de Camp. 3. j. Santali rub. 3. ij. misc. Et cum syndone rubra intincta applicetur.

Sub vesp̄eram, quia alv̄us non respondebat, & ut calor magis restingeretur, qui hactenus in eodem perseverare videbatur, Synochusq; esse Homotonos; Clysm̄a, quod vix admisisset, nisi periculo gravioris febris, quæ sequi posset, illi persuasissem, injectum fuit tale: *R. herb. Malva, Violaria, Acetos. Lactuc. Endiv. rec. an. M. j. flor. Viol. Nymph. an. p. j. sem. Cucurb. conq. 3. β. sem. Psyl. 3. ij. fiat decoct. & in s. q. col. dissol. Sacch. rubri 3. j. Cassia ex. 3. β. suc. Lactuc. 3. β. ol. Viol. 3. ij. Salis parum fiat clyster. Hujus usu bis, sed communia tantum excrementa, sicca & dura, ejecit.*

Post mediam noctem, facies & pectus madere coeperunt, indeque somnus subsequi, moxq; inter dormiendum egregie ludare.

Quod cum manẽ audirem pulsūq; remittere in magnitudine & celeritate explorasẽ, etsi urina valde adhuc accensa esset: febrem declinare, & sub vesp̄eram, vel ad summũ quarto die cessaturam, prædixi.

Ut tamen reliquæ evaporationum, à sanguine accenso suscitatz, per sudores melius evacuantur, postquam manẽ jusculum sumpsisset; atq; aquam bibisset, hora secũda post meridiem dormituri, sequentem aquam exhibere jussi: *R. aq. Fumar. Endiv. Card. ben. Scabiosa ana 3. j. β. aq. Ros. 3. j. Sacch. albißimi 3. j. β. coq. parum, colentur, fiat Julep. Bibat frigidum.*

Dein spinam dorsi ol. Viol. & Amygdal. dulc. inungat.
 Quibus factis, noctu denuo sudavit, febrisque cum
 matutino tempore dereliquit penitus.

*Febris continua putrida brevior, urinæ
 suppressio, Faucium ardor.*

STatim post celebratas nuptias, vir juvenis ad-
 huc admodum, hospes publicus, ob intempe-
 rantiam, dolorem vehementem circa vesicæ regio-
 nem, cum urinæ suppressione, passus est.

2. Julii, Anno 1592. hoc decoct. præscripti: R. rad.
 Liquir. ʒ. j. Passul. ʒ. j. ʒ. rad. Anonidis ʒ. ʒ. Cicer. rub. p. j.
 berb. Malva, Pariet. an. M. j. flor. Chamom. p. j. fiat decoct.
 dulcoretur addito Sacch. & Bibat.

Inseſione quoq; ex decocto Malva, Pariet. Chamem.
 tepide utatur.

His factis, urinā denuo reddidit, dolorq; quievit.

Verum 7. Jul. horrore correptus, in febrem con-
 tinuam incidit, vehementer calens & æstuans.

Venam brachii aperui.

Epithema hepatis applicui: R. aq. Endiv. Lactuc. ana
 ʒ. ij. aqu. Rosar. ʒ. j. Aceti rosar. ʒ. ʒ. suc. Limon. ʒ. ij. pal.
 Trionfant. ʒ. j. fiat epithema.

Altero die, febris in augmento erat. Ob colli ar-
 dorem, & linguæ siccitatem, gargarismo hoc usus est:
 R. Diamor. ʒ. j. Mellis viol. ʒ. j. ʒ. aq. Sotani, Plantag. an.
 ʒ. ij. suc. Cydonion. ʒ. j. misc. Gargarizet.

Julepum etiam exhibui: R. Julep. Viol. Ros. an. ʒ. ʒ.
 aq. Bugl. Viol. ana ʒ. j. Bibat uno haustu.

Tertio die, Elect. hoc per vices utatur: R. conf. flor.
 Cichor. Viol. Nenuph. Bugl. Ros. an. ʒ. ʒ. rob. de Ribes. ʒ. j.
 pul. Trionfant. ʒ. j. cum syrup. Viol. fiat elect.

Quarto,

Quarto, febris in vigore erat. Perrexit usu *epithematis* atque *electuarii*.

Quinto, *Julepum* ordinavi pro quatuor dosibus: *R. Oxyfaccb. simpl. syr. de Endiv. de Acetos. ana ℥. ij. aqua Endiv. Cichor. Bugl. an. ℥. iiij. aqua Ros. ℥. j. Aceti albi gust. vj. suc. Citr. ℥. j. fiat Julep. Capiat manè & vespèri, & sequenti quoque die bis.*

Sexto, cum adesset magna constipatio, de *clysmate* monui, sed recusabat: quâ de causâ *syrup. laxantem* exhibui: *R. syr. Ros. lax. simpl. ℥. ij. Diasereos ℥. β. syr. Viol. ℥. j. misc. cum Aqua colta: Bibat.*

Sequenti diè, qui septimus erat, dejecit ter: inquietus admodum noctu.

Octavo, manè sudavit, urina tincta, hypostasis laudata: ex quibus crisin ea nocte fuisse cognovimus. Jussi ut pergeret in usu *Electuarii* & *Julepi*.

Ab eo tempore, *syrupo de Bugl. & de Limon. cum Aqua colta* utebatur. De faucium tantum dolore conquerebatur: labia exulcerata quoque erant. *Gargarismate* colluebat os: & labia illinebat *muçilag. sem. Cydoni.*

Duodecimo febris diè, appetitus rediit. Et sic restitutus est; Duravitque hic febris processus, per dies duodecim.

Febris continua, putrida longa, Cephalalgia, Corporis consumptio, Pilorum defluxum, Auditus difficultas, Defluxio.

Cum anno Christi Salvatoris 1568. ætatis annum superassem trigessimum primum, præcosque Medicæ causâ, à pluribus hinc inde accersis-

tus, victu uterer inordinato & vario; tandem ultimo Martii, post cœnam oscitatio, & pandiculatio infortita me exercere, horrorque invadere cœpit, quem calor præternaturalis noctu, cum capitis dolore est subsequutus. Nam cum illo die, in castrum vicinum urbi nostræ equitans, frigore repentino irruente, ventoque frigido cum nive flante, egoque nihil tale suspicatus, leviter indutus essem, adhæc flumen equo transiens profundum admodum, pedes madefecissem & refrigerassem: toto die horrore concussus, frigoreque domum rediens, affectus fui.

Altero die, qui primus erat April. etsi toto corpore lassus, & membris veluti conquassatis essem, tamen ut ægros inviserem, domo egressus sum: verum mox à prandio febris, illiusque accidentia manifestè se exerebant, noxque secuta admodum inquieta fuit.

Tertio die, calor intensus, capitis sinistriq; lateris vehemens dolor, & in dorsi regione immentius, summaque inquietudo.

Clystma admisi, quod tale fuit: *R. herb. Emollientium, ana M j. Beton. M. β. Beta M. ij. fl. Cord. Cham. ana p. j. sem. Fœnic. ʒ. j. Furf. p. j. fiat decoct. diss. in lib. j. suc. Mercur. ʒ. j. Cassia cum sena ʒ. β. mellis Viol. ʒ. j. ol. Viol. ʒ. ij. Salis parum, fiat clyster.* Verum cum illum diutius retinere minimè possem, citra ferè excrementorum permissionem, denuo redditus fuit.

Quarto die, perseverante febre, de *vena sectione* consultabatur. Verum cum nunquam *venam* aperuissem, potius ut *clyster* repeteretur, consensi: unde dejectio per alvum mediocris subsequuta.

Quinto, febris augebatur, sub vesperam exacerbatio illius manifesta.

Sexto,

Sexto, nulla febris remissio. Accedebat summa debilitas, ita ut ex levi commotione, animus etiam deficere, inciperet.

Septimo, paroxysmus denuo febris se prodebat, præsertim in siti intolerabili, & calore adurente, à quo etiam cuticula findebatur, & in multis locis abscedebat. Mens quoque in quibusdam functionibus aberrabat.

Octavo, febris illiusq; accidentia in eodem persistebant.

Nono, ante lucem redibat paroxysmus, calore, inquietudine, doloreque dorsi admodum affligens. Quo peracto, febris nonnihil remisisse videbatur: dolores tamen capitis & dorsi non cessarant, illisque jam cardialgia, & frequens ex defluxione accedebat expunitio, & sub vesperam summa imbecillitas.

Decimo, manè somnus brevis: circa meridiem denuo paroxysmi indicia, quæ tamen circa horam tertiam pomeridianam mitigabantur; maculæ tamen, pulicum morsibus non absimiles, hinc inde erupisse conspiciebantur, & me astantesque Medicos terrebant. Injunctus *sub vesperam clyster* fuit supra scriptus, *in quo Bened. lax. ʒ. ʒ. cum cæteris dissoluta* fuit: post cujus operationem admodum vires prostratæ erant, sed somnus subsequutus placidus, ad nonam horam vespertinam usque duravit: post quem nox erat quietior.

Undecimo, manè inquietus, insomnis: urina intense rubra, & crasso sedimento. Sub noctem denuo febris aderat exacerbatio: sitisq; me supra modum affligebat.

Duodecimo, vires dejectæ: hora decima ante meridiem,

ridiem, sanguis è naribus fluebat: paroxysmus post meridiem revertebatur, cum summa inquietudine. *Nocte appropinquante, clyster denuo repetitus fuit, à quo frequens dejectio, noxque paulo moderatior.*

Decimotertio, somnus ad undecimam horam matutinam usque perseverans, sub vesperam rediit. Exacerbatio omnium gravissima, cui accessit delirium, cum prius mens ferè semper constaret: sed leve, in quo sinistrum latus, capitisque sinistra sedes, quæ toto morbi progressu solummodo dolebat, tantum affecta, eaque à sana amputari, sicque morbum sanari posse, mihi deliranti videbatur, illud à me referri audiebant astantes. Quæ animi abalienatio, cum inquietudine summa copulata, magnum terrorem astantibus incusserat: cum tamen paroxysmo remittente, quem criticum fuisse suspicor, quod reliquum erat noctis, quietè traduxerim.

Decimoquarto, dormivi ad decimam usque, omniaque hoc die accidentia meliora erant, urinæque concoctæ non nihil, admodumque copiosæ: etsi calor adhuc perseverans, imperfectam crisin fuisse demonstraret, qui sub vesperam quoque mitior erat. Cum flatus multi erumperent, venterque murmuraret, *suppositorium commune ex Melle & Sale intrusum* fuit, quod vehementer angebat, nihilque quàm scybalon durum promoverat: nox quietior, nec insomnis.

Decimoquinto, lassæ & conquassatæ erant membra, febrisque vix amplius graviora alia apparebant indicia. Sub vesperam *Enema* iterum injectum, Somnus mediocris ea nocte.

Decimosexto die, post somnum, matutino tempore,

porre, erupit sudor: diesq; & nox sequens, moderatè se habebant; uti & dies sequentes. Quibus ut alvus responderet, *clyster aliquoties repetitus* fuit, cum *suppositoria* ægrè ferrem: Remiserat quoq; capitis dolor, sed in gravedinem conversus erat, cum auditus difficultate, & tinnitu aurium. Corpusque admodum consumebatur, adeò ut etiam unguum radicibus exsiccatis, vestigia impressa, in unguibus postea crescentibus apparerent. Femoris quoque exterius latus stupebat, stuporque illius loci, postea nunquam planè desuit.

Vigesimo primo morbi die, alvus sponte soluta est, sudoresque frigidi post somnum, sed in sinistro tantum latere, quo loco etiam caput priùs semper doluerat, diebus aliquot erumpebant, unde magna sequebatur totius corporis imbecillitas. Quintoq; ab hoc die, è naribus sanguis fluxit, & sereatu foeda exspuebatur materia. Qua perseverante, *duobus diebus postea syr. Diaser. ʒ. j. cum syr. Ros. simpl. sol. ʒ. j. permixtos* assumpsi. Cujus usu primo scybalon durissimum, quod diu substitit, magnòq; conatu vix reddi potuit, dein alia multa, quatuor vicibus excrevi. Et *postquam diem unum* quievi, *rursum syr. Diaser. ad ʒ. j. s.* sumpsi: unde dura quoque excrementa ab initio, mox verò pituitosa etiam copiosè, undecies reddita fuerunt.

Sequenti die, qui trigessimus morbi erat, penultimusque Aprilis, appetitus cibi denuo rediit, adeòq; invaluìt, ut vix quater in die cibum sumendo, satiari possem. *Vinum*, quod paulò ante bibere tentabam, cum priùs *aquam coctam, lacq; amygdalinum* toto morbi decursu, tantum bibissem: & primum gustanti,

noti

non sapiebat, paulatim denuo placere incepit. Corpus, quod hactenus continuo lecto instratum eriginequibat, sensim attollere cœpi: dein &, sed primum adminiculo astantium suffultus, mox solus etiam, incedere, tandemque rursus ambulare: donec septimanis, in morbi hujus decursu, & declinatione, absumptis sex, circa Masi medium, denuo ad templum, primum Deo gratias acturus, quod anno 64. ævisima peste regnante me præservarit, & nunc ex gravissimo morbo liberarit, prodirem, & ad consueta munia laborésque Medicos redirem.

*Febris ardens seu Causus, Cephalalgia,
Delirium, Catarrhus, Tussis.*

Nobilis quidam, à teneris crapulæ deditus, ætate, Anno 1596. ex Alsatia in Thuringiam profectus, illicque aliquamdiu genio cum indulgisset, iterum discedens, cum suo comite alio Nobili, donum accepit à quodam, terram quandam, quam qui sumeret, tutum à veneno esse, is qui donum dederat, prædicabat. Domum ambo reversi, & vim terræ illius experiri volentes, quilibet potiunculam, sicuti edocti fuerant, certo liquore dilutam biberunt, ambobq; in febrem acutissimam inciderunt, quâ alter mox extinctus est, hic verò capitis dolore cum furore, & æstu, divexatus, & insomnis penitus, consilio meo, missâ urinâ & literis 19. Julii usus est.

Cum jam dies aliquot ægrotasset, *venam* non aperuit: sed *missi soporiferi* sumpsit mei D. j. dissoluti in *aqua Ros.* Ex cujus usu dormivit paululum quietior factus, sicuti postea scriptis, uxor semper de successu me commonefecit. *Item R. syr. de Cerasis domest. de*

Fragis

Fragis, de Ribes, meae compos. ana ℥. iij. aqu. Rosarum ℥. ij. Aceti pomorum ℥. β. misce: Utatur per se, & cum Aqua cocta loco vini, à quo illum abstinere iussi.

Misi quoq; *Saccharum ros. tab.* ut loco manus Christi, quam uxor petebat, uteretur.

Epithema sequens cordi & pulsibus ut applicaret, scripsi: *℞. aqua Ros. ℥. iij. Scabios. ℥. ij. Aceti ros. ℥. j. β. suc. Pomor. ℥. j. misce.*

Sexto die postea, 25. Julii, nihilò melius adhuc habebat, in enarratis symptomatibus: *urina tincta; crassa, alvus constipata.* Misi itaque: *℞. condit. Citri purgantis ℥. j. Sumat.* Et deiecit sine omni molestia. Item: *℞. syr. de Cerasis, de Ribes ana ℥. ij. Diacodii ℥. β. aq. Papav. ℥. j. β. misce: Capiat indies bis ad ℥. j.*

Unguento Populeonis noctu tempora inungat.

Quinto die postea, 30. Julii, iterum misi *Purgans citri* ut prius; cum illud tantopere, uxor commendasset.

Et quia primo *Julepo* destituebatur, iteravi: praefertim cum se eo delectari & refici diceret: *bonamq; illius quantitatem* misi.

Uti & saccharum Ros. tab. de novo ordinavi.

Tertio post die 2. Augusti, remittente nonnihil calore, *urinæque rubedine*, cum de siti conquereretur & Cardialgia, misi: *℞. Hydromel. acetosi ℥. iij. syr. de Cerasis ℥. j. per misce cochl. j. vel ij. cum Aqua cocta, & Bibat.*

Item: *℞. confect. ex Rosu rubris siccis, in morsellos redacta, & cum spiritu Vitreoli tincta, & aciditatem adeptæ.* Item *conditum cort. Citri*, ut illis frequenter uteretur.

Quinto deinde die, 7. Augusti, febris remiserat, sed

sed supervenit catarrhus & tussis vehementissima; sicuti hæc frequenter in declinationibus febrium, præsertim versus hyemem, in corporibus cacochymicis, in quibus non licuit, propter febrem acutam, corpus sufficienter purgare; supervenire solent: eratque omnino adhuc viribus prostratis.

Denuo itaq; confectioe de Citro eum purgavi.

Tab. Diatrag. frig. ut noctu cubitum iturus in ore contineret, misi. Item alias cum oleo Anisi paratas.

Et victus ratione reficiente illum restaurare jussi: præsertim jussulo ex *Vino & Ovis*. Vinum quoque concessi.

Duodecimo postea die, non remittente adhuc tussi, misi *Hydromel malvaticum*, ut aliquando de eo biberet, tum confortationis, tum excretionis causâ.

Jussiq; ut tempore somni *Diacodii compos. mei cochl. j.* sumeret: & si non cessaret tussis, nec dormiret, media nocte alterum sumeret. Quod, sicuti uxor postea multis laudibus prædicavit, primâ nocte tussim sustulit. Fuitque sic ex periculoso morbo, ad triginta quinque dies perseverante, integrè restitutus.

Febris Tertianâ intermittens brevis.

Alternis diebus, febrili paroxysmo, cortipiebatur Puella nobilis, jam nubilis.

Purgavi illam die quietis hoc pacto: *Rx. rad. Cichorea, Dentis leon. ana ʒ. j. rad. Rhapont. ʒ. ʒ. Absinth. Chamadr. Chamapit. ana ʒ. j. ʒ. fl. Cord. P. j. fol. Sene ʒ. j. sem. Anisi ʒ. j. infund. in Aqua & Vino, coq. parùm in duplici vase: colaturâ denuo infunde Rhab. ʒ. ʒ. Cinam. ʒ. j. exprimat: Bibat unam dosin, alteram tertia post die, qua apyretos est.*

Cùm

Cùm non remitteret, iussi in principio paroxysmi
tquam sequentem bibere: ℞. aqu. Cichorii, Centaur.
min. Gentiane ana ℥. j. misc.

Die febris elapso, repetii potum aquæ hujus.

Et pulsibus applicare iussi in utroque carpo sequens:
℞. cort. inter. Nucis arboris, maceretur in Aceto forti,
& ligetur supra pulsus. Unde nigra macula, & postea
cutis excoariatio secuta.

Paroxysmus post mitior fuit. Iussi tertio aquam
bibere, & pulsibus sequens apponere: ℞. sol. Thlaspi,
Bursa past. Plantag. contundantur cum Sale & Aceto: Et
applicentur.

Vix bis hoc facto, febris cessavit, ipsaq; sana facta
est.

Tertianæ aliæ similes.

CUIdam senatori febricitanti, Anno 1611. cùm
post venam sectam & purgationem, non cessaret
febris, propinavi in initio paroxysmi sequentem hau-
stum. ℞. Aquæ sol. Citri & Tabaci ana ℥. j. aquæ Nar-
cot. 3. j. misce. Superdormivit & sudavit circa finem
paroxysmi admodum. Cùm denuo instaret paroxysmus,
iterum bibit, dormivit, sudavit, & à febre liberatus
est integrè.

Fabrum ferrarium, in eadẽ platea, idem reme-
dium, quod alter illi laudarat, petentem, simili ra-
tione, eodem tempore, sanavi.

Febris Tertianæ intermittens longior.

VIr quidam, nondum quadragesimum ætatis
annum agens, qui ante triennium quoque fe-
bre tertiana laboravit, nunc iterum hoc mense Ju-
lio, eadem febre correptus est: quæ tunc in summo

æstu plures invadebat, & vehemens satis erat, non tamen diuturna.

Quarto itaq; Julii, An. 1597. sub vesperam frigus sensit, & lassitudinem: noctu inquietè dormiens: post mediam noctem excitatus, calore præternaturali calebat, qui tamen matutino tempore remisit.

Altero die meliùs se habuit, prodiit domo, nec febrem ampliùs metuebat.

Tertio die, sub medium noctis, paroxysmus non nihil anticipans, rediit, cum horrore aliquo, & subsequente calore, illiusque accidentibus: eoq; timor sudavit.

Quarto, vocatus, cum liber à paroxysmo esset, *Mannæ ʒ. j. ʒ. in jusculo Pisorum exhibui: octiesque deiecit.*

Quinto, paroxysmi anticipantis horis quatuor, initia, horâ decimâ vespertinâ incepterunt.

Sexto die, *venam brachii aperuit: sanguis, qui primò effluerat, inæqualis & impurus.*

Septimo, *preparativum Fulepum* hunc sumpsit: *R. syrup. de Cichorea simpl. de Endiv. simp. de Absinthiana ʒ. ʒ. aq: Cichoreæ, Buglos. Plantag. ana ʒ. ʒ. fiat Fulep arom. pulvere Trionsantal.* Vesperî horâ quintâ paroxysmus incepit, cum horrore vehementiore & calore: ob quam causâ multum bibit, & durante toto paroxysmo, horis circiter septē, eo absoluto sudavit.

Octavo, denuo *Fulepum* pro secunda vice assumpsit.

Nono die, *clyster summo manè ante paroxysmi adventum injectus fuit: R. rad. Alth. ʒ. j. ʒ. herb. Malva, Beta, Violaria, Endiv. Lactuc. ana M. j. Hord. P. j. semin. Fœnic. ʒ. j. fiat decoct. diss. in col. lib. j. Mellis viol. Castre*
cui

cum Melle ana ℥. j. ol. Viol. ℥. ij. Salis parùm, fiat clyster. Bis deiecit. Cibus sumpsit. Horâ primâ pomeridianâ quintus supervenit paroxysmus, qui paulò minor fuit: eoque finito sudavit.

Decimo, purgatione hac usus est: R. Cass. rec. extr. 3. vj. syr. Ros. sol. cum infus. rhab. ℥. j. aq. Endiv. & Bugl. q. s. fiat potio. Copiosè excrementa tubnigra, liquida, multis vicibus ejecit.

Undecimo paroxysmus manè expectabatur: verùm nec horror, nec calor aut sitis supervenerunt; alteratus tamen nonnihił, & magis prostratis erat viribus.

Duodecimo, urina minùs tincta: meliùsq; se habebat, noxq; quieta magis fuit. Bibit Vinum album aquâ dilutum, sicuti & priùs semper in die quietis: in paroxysmo verò Aquam coctam, circa adjectionem aliquam.

Decimotertio, quia denuo alterationem levem sentiebat, Clyster reiteratus fuit: cujus usu tamen parùm deiecit.

Decimoquarto, quietè dormiverat. Ne alvus constiparetur, iussi illum horis tribus ante cœnam ℥. j. B. syr. Ros. sol. simpl. recentis, cum Aqua cocta dissolutam bibere.

Decimoquinto, alvus semel responderat; appetitus rediit: bene dormivit. Quia tamen urina adhuc tincta erat: R. rad. Cichoreæ ℥. j. rad. Fœnic. 3. B. herb. absint. 3. ij Chamædr. fl. Bugl. Borræg. ana 3. ij. sem. Anis. Fœnic. ana 3. j. summit. Centaur. 3. j. Senæ 3. j. Agar. 3. ij. Zing. 3. j. conq. infundantur in vino, stent per noctem sine decoctione: Bibat sequenti manè. Quia sudores leviter tantùm prodibant, iussi, si hoc die provenirent, bibere aquam Endiv. & Fumariæ.

Decimosexto, bibit vini illius haustum, & bene purgatus fuit, torminaque aliqua sensit.

A' decimosextimo ad vigesimum usque, semel denuo vinum bibit, sudavit: lassus tamen nondum domo prodire potuit, & die præcedenti ante co. nã, paroxysmi denuo accidentia quædam in calore sensit. Ob quam causam vigesimo die iterum vinum sumpsit, cui ʒ. j. syr. Cich. cum rhab. permixta erat. Excrevit biliosam materiam, & sub noctem calore denuo præternaturali, leviter tamen, correptus. Reperiit tertio ab hoc die, eandem potionem, & ter iterum dejecit.

Verùm cum nondum perfectè sanus, de capitis dolore & lassitudine conqueretur, urinæq; biliosæ cerneantur: ad præparationem materiæ obstructionisq; solvendas, Julepum hunc duabus matutinis bibit: R. syr. de Duabus rad. de Endiv. simpl. de Cich. cum rhab. an ʒ. j. aq. Centaur. Endiv. Bugl. ana ʒ. ij. Bibat duabus vicibus. Dicebat hujus usu calorem & sitim, quibus adhuc nonnihil molestabatur, cessasse.

Ut purgaretur, post præparationem sumpsit sequentem potionem: R. Rhab. ʒ. iiij. Spica ʒ. ʒ. infund. in Vini prius præscripto purgante & in expressionis ʒ. iiij. diss. El. de suc. ros. ʒ. j. misce. Bibat. Dejecit ante prandium coxies, & sub vespere bis, & sequenti die natura denuo aliqua corporis commotione, & veluti cum paroxysmo febrili, uti sæpe fieri vidi, ternas sedes valde inquinatas excrevit. Postea cum adhuc caloris præternaturalis vestigia aliqua hærent, jussi conditum rad. Cichoreæ m. e. luvnere. Et ventriculi essensi causâ vinum Absinthites interdum cum floribus Buglossi bibere. Sicque paulatim restitutus, tertio postea die, ē. i publico se commisit.

alia

Alia Tertiana intermittens longa, perseverans, & post recidivam rediens.

Nobilis adolescens, febre correptus, An. 1609. Martio men. duobus diebus continuis paroxysmum habuit, postea alternis diebus paroxysmos aliquot, qui horis nunc tribus, nunc quatuor anticipabant.

Purgatus fuit, postea vena secta, iterumq₃ Purgatus, idque die quietis.

Cæterùm cùm non cessaret febris, eumq₃ misere affligeret, dedi illi *ante paroxysmi adventum* sequentem *Julepum*: R₂. *Syrupi de Papav. 3. iij. aquæ Plantag. ʒ. ij. ʒ. Bibat, & pulsibus applicet in carpo & temporibus, unguentum Populeonis subactum cum telis aranearum.* Superveniente paroxysmo statim sudor erupit, calorque longè mitior subsecutus.

Postea denuo *instante paroxysmo, hæc duo remedia* repetii, addendo ad *Julepum aquam Nicotianæ.* Sudavit iterum mox ab initio, & vix frigus persensit, calor mediocris fuit.

Inde appetitus, qui priùs prostratus erat, rediit, atque postea exigua saltem vestigia aliqua febris in die paroxysmi apparuerunt.

Cùm avidè & multùm comederet, recidivam esse passus, quapropter *denuo illum* purgavi, dein *Julepum uti priùs, semel adhuc invadente paroxysmo* bibit, *unguentumq₃ Populeonis applicuit, febrisque illum deseruit.*

Febris tertiana intermittens diuturna, æstivumnalis, triginta paroxysmus antequam integrè solveretur, infesta.

ANnum ætatis cùm penè attigissem quinquagesimum, An. Christi 1586. quo febres passim grassabantur, etsi ex spontanea lassitudine, & ad dormiendum interdum intempestiva quadam inclinatione, multis excreationibus, ardore ventriculi, quibus per æstatem intestabar, illuviem aliquam in corpore redundare cognoscerem: quia tamen, nimium tribuebam naturæ meæ robori, adeoque in aliis sanandis occupatus eram, ut propriam sanationem negligerem; accidit mense Augusto, ut in sævam & diuturnam febrem inciderem: quæ hoc patet inceptit; meq; diu exercuit, penèq; confecit.

Augusti die duodecimo, cùm ad generosum quendam egrum proficiscerer eques, in itinere piscibus comestis, cœnum redolentibus, nauseam inde contraxi, ructusque illius cœnosi odoris frequentes edidi. Æstu quoq; bidui illius, quod eò proficiscens confeci, vehementer incalui: ita ut deinceps per dies octo, quibus generoso ægrotanti adfui, malè habuerim, appetitusque & cibi & vini deficeret, mihiq; cardialgia alviq; profluvium, per quod cibus semicoctus, excrementaque subcinericia copiosè reddebantur, molesta essent. Febrem itaque, ne me apud externos invaderet, & detineret, metuens, domum festinanter in ipso calore meridiano properavi: unde siti contractâ, aquam frigidam in pago affatim bibi, sequentiq; die domum reversus, calens adhuc & lassus,

lassus, in labrum aquæ tepidæ, ut nonnihil reficerer, sedi: unde ventriculum ampliùs affici, méque debilitari sensi. Quæ tamen per somnum nocturnum nonnihil levata sunt.

Verùm sequenti die, qui Augusti erat 21. sub vespere, cum in horto arantias arbores inocularem, denuóque ex illo opere incalescerem, ne calor labori meo obstaret, thoracem exui: ex qua repentina caloris repressiōe, præsertim flante vento frigidiusculo, dolor in dorsi regione subortus, adeò molestare cœpit, ut à cœna surgere, & in lectum decumbere cogerer. Ubi statim horror me corripuit, sequente calore febrili, qui per totam noctem, capitis & dorsi dolore, & siti inprimis me afflixit. Donec diluculo appropinquante, paroxysmus, qui primus erat, iterum cessaret: remanente tamen totius corporis lassitudine, dolore capitis & sinistri lateris, qui dies aliquot duravit: sequentiq̃ue nocte, quæ nonnihil quoque inquieta fuit, sudor paucus & tenax, cum molestia potiùs, quàm levamine prodit.

Secundus paroxysmus, tertia nocte, à prima, quâ primus paroxysmus me invasit, rediit, & cum oscitatione & pandiculatione, sine manifesto horrore incepit: sed calore hujusq̃ue accidentibus, graviùs adhuc quàm prior me affecit. Sequentiq̃ue primùm die, horis duabus ante meridiem, cessavit, sudorq̃ue mox erupit, sinistri præsertim lateris (qua parte & caput tantùm dolebat, & coxa sinistra stupebat: sicuti priùs, cum febre continua ante decem & octo annos laborassem, idem mihi in sinistra parte accidisse, in illo casu describendo ostendi) qui & sequen-

ti die adhuc, perseveravit, copiosiusque inter dormiendum, profluebat.

Tertius paroxysmus, quinto die, noctu, denuo reversus est, immitisque admodum fuit, & ad sequentis sexti diei, horam octavam matutinam usque, duravit. Quo finito, sudor emanabat adeò copiosè, ut decies & octies, indusium madens detractum mutatumque sit. Cujus copiam, *potus Aquæ coctæ* in paroxysmo, *mensuram unam* excedens, sine dubio quoque promoverat.

Quartus paroxysmus, die septimo, nocte media invalit, cæterosque præcedentes sævitiâ superavit, & ad octavi diei, horam septimam matutinam usque, perseveravit, quo finito, post somnum, sudor tanta copiâ hoc die, & sequente nono, profluxit, ut vigesies, linteamina indusiâque, renovata sint. Nec mirum, cum ad firmitatem pellendam, *duæ aquæ mensuræ* in paroxysmo, ut & postea aliquoties, exhaustæ fuerint. Licet autem sudor, vix inducias daret, *clyster* tamen injectus fuit: qui duas dejectiones, admodum biliosas, promovit. Ab eoque tempore cephalalgia, quæ à principio morbi, ad hunc usque diem, non solum in paroxysmo, sed & extra hunc, adeò punctationibus sævis, infensa erat, ut caput (quod levamen aliquod adferre videbatur) arctè fasciâ continuo, vinciendum esset, tunc evanuit, nec reliquo morbi tempore, dolore aliquo insigni, me amplius vexavit: neque in sudoribus diuturnis, in quibus, ne impedirentur, caput benè tectum & obvolutum esse oportuit, aliter quàm pulsu arteriarum, in auribus & temporibus sonante, citra doloris sensum tamen, molestiam aliquam præbuit.

Quintus

Quintus paroxysmus, die nono, in principio noctis horâ nonâ, cum rigore jam aperte corpus concutiente, uti & deinceps, præcedente semper oscitatione & pandiculatione, incepit, & ad quintam horam matutinam, diei sequentis usque, qui decimus erat, permansit; eumque sudor, more solito, totum corpus madefaciens, excepit: qui & tunc, uti & prius, & postmodum aliquot paroxysmorum vicibus, terè ad id tempus, quo paroxysmus denuo appropinquabat, perdurare solebat: & cum eum facile perferrem, nullam offensam parere, Licet adeò prostratis essem viribus, ut nec in die quietis diutius erectus sedere, aut stare aliquo modo possem, sed tunc quoque, lecto prostratus, jacerem.

Sextus paroxysmus, die undecimo horâ quartâ pomeridianâ incepit, priorem horis quinque anticipans, & ad horas septem perseveravit, mediâque nocte desinit: cui quies & sudor postea successerunt. Die sequenti duodecimo morbi, qui primus erat Septembris, *purgans* hoc pacto sumpsi: *R. Rhabarb. infusi in aq. Endiv. & exp. 3. j. syrup. Ros. sol. simp. 3. j. B. misc. fiat potio:* cujus usu, septies, biliosas, lentâ pituitâ permixtas, egestioncs, reddidi.

Septimus paroxysmus, die decimotertio, horis quinque denuo anticipans, circa meridiem supervenit, & ad septimam horam vespertinam usque sævit: sequente mox somno, sudoribusque conluetis.

Octavus, decimoquinto die, nonâ horâ matutinâ principium sumens, jam quatuor horis tantum præcurrebat, & septem quoque horis, circuitum perficiens, quintâ horâ pomeridianâ finem habuit: tempusque quietis somno, sudoribusque, ut & prius,

consumebarur. Quo tempore pituitæ copia à capite defluens, sreatu multo rejiciebatur, & sicuti priùs, victus tenuis, cum appetentia prostrata esset, exhibebatur, *potusq; loco nunc Aqua, nunc Lac amygdalinum* propinabatur. Decimosexto die, undecim dejectiones, per alvum sponte subsequuntæ, plus allevant, quàm debilitant.

Nona accessio, decimoséptimo die, sextâ matutinâ horâ, invadens, tribusq; solùm horis anticipans horasque non plenè septem adimplens, circa meridiem soluta est, sudoresque sequuti sunt. Decimooctavo die, ob biliosi humoris copiam, ex prægella alui spontanea solutione excreta, conjiciens, plus illius iuperesse, denuo sic me purgavi: *℞. rad. Cichoreæ ʒ. j. Absinth. ʒ. ij. flor. Cord. ana ʒ. j. sol. Senæ ʒ. j. Rhabarb. el. ʒ. ij.* infund. in *Vino albo tenui*. Cujus infusû cum portionem tantùm aliquam sumpsissem, sexies, biliosam, lentam & viscosam, excrevi materiam.

Decima accessio, decimonono die, horâ tertiâ matutinâ, tribus horis, uti & prior, anticipans, iupervenit septemque horis, remissiore quidem calore, siti tamen non minore quàm priùs, cursum suum perfecit, horaq; decimâ ante meridiem desiit. Vires hoc die, ob morbi diuturnitatem, admodùm dejectæ erant, donec sudore, die sequenti copiosè emanante, se parùm iterum recolligerent.

Undecimus paroxysmus, vigésimo primo die, circa medium noctis reversus horâ primâ, tribusq; iterùm horis præcurrens, septem peractis horis, septimâ horâ matutinâ desiit. Calore & hic mitiùs, etsi sitis minimè remitteret, se habuit. Post meridiem denuo *infusi prioris haustum* sumpsi, térque dejeci.

Duodecimi

Duodecimi paroxysmi principium, non inter-
tium diem, uti hactenus factum, sed sequentis alte-
rius diei vigesimi secundi finem, horam scilicet noctis
undecimam, incidit: tot anticipationibus eoque
progressâ febre, ut jam in fine alterius diei, paro-
xysmus inciperet, antequam principium tertii diei
attingeret: in quo tamē, horis quinque peractis, desinit.
Quo circuitu febris in idem tempus, quo ab initio
inceperat redeunte, mutationem quoque illius in ca-
lorem mitiorem factam quàm prius, patuit.

Et deinceps quoque, licet paroxysmorum aliqua
indicia, præter paroxysmos duodecim jam enarra-
tos, decies & novies adhuc, ad diem morbi usque
sexagesimum, quo febris integrè desinit, tertio ferè,
interdum, sed bis dumtaxat, mox altero die, se pro-
derent: imperfecti tamen levésque hi erant, qui nul-
lo rigore caloréve eum excipiente insigni, nec siti
magna, quæ in prioribus omnibus paroxysmis, in-
tensissima erat: sed solâ oscitatione, pandiculatio-
ne, frigore extremitatum, subsequente leviori in-
terdum calore, accidentibus hisce in principio ma-
gis conspicuis, tandem vix apparentibus, sensimque
remittentibus & cessantibus, se manifestabāt. Quos
tamen leniores paroxysmos, sudores, ad extremam
usque febris solutionem perseverantes, semper se-
quebantur. Adhæc, nec febris hæ reliquiæ, horam
aliquam certam ampliùs in invasione, vel anticipan-
do, vel cunctando, vel eandem horam attingendo,
uti priùs dum perfectæ essent accessiones, servabant.
Quod ut in hac mea febre diligenter, sic & in alio-
rum innumeris febribus, tertianis & quartanis, ple-
runque accidere observavi, febrium paroxysmis ma-
nifestis

nifestis cessantibus ejusmodi febrium motus leniores aliquoties redire: interdum & diu, sicuti & mihi accidit, qui paroxysmos integros mutilatosque, antequam febris hæc autumnalis tertiana, quam periculosam & longam Hipp. quoq; esse testatur, cessaret, triginta & unum sustinui, durare: & quo minus æger, licet non amplius decumbat, integrè ad te redeat, impedire: nonnunquam & ut recidivam patiatur, vel aliis morbis tentetur, efficere.

Quod & mihi ex parte hoc tempore, quo febris reliquæ supererant, accidit, ut licet tunc è lecto surgere, & sedere aliquamdiu, mox etiam in conclavi deambulare, tandem legendo, scribendo, munia aliqua obire possem: cibum quoque, quem prius respuebam, nunc admitterem, etsi quæ solidiora erant, ab initio magna difficultate deglutirem: mox verò avidissimè, fame insatiabili laborans, expeterem assumeremque: tamen defluxione à capite in fauces delabente, sreatumque excretionemque pituitæ continuò movente, ventriculique dolore semel atque iterum infestabar, orisque sæpè accedebat siccitas, & gustus ingratus; membræque, & imprimis pedes, non solum lassæ & conquassatæ erant, sed & dolebant, totumque corpus in marcore contabescebat. Quibus, sicuti & cæteris febris reliquiis, ut obviam irem, etsi natura per sudores continuos, ad extremum usq; morbi, suum egregiè faceret officium, alvûsque sponte plerunq; responderet: tamen ut naturæ suppetias, ad illuviem quæ in venis meseraicis restabat tollendam, ferrem, post paroxysmum decimumquartum, *infusum vini, quod post nonam & undecimam accessionem biberam, tertio nunc repeti*

repetii: unde quater ea die, & sequēte bis, bilioſam acremq; , quæ & podicē adurebat, dejeci materiam. Quæ & ſponte, duabus vicibus poſt paroxyſmum decimumſextum, ſequentiq; die iterum bis egeſta fuit. Cumq; poſt decimum ſeptimum paroxyſmum alvus aſtriſta eſſet, *Syrup. roſ. ſol. ℥.ij. Aqua dilut.* bibi, alvusq; bis excrementa, tamen minùs tunc bile diluta, ſed lutum referencia, reddidit. Et cùm deinceps quoq; *purgatione* opus eſſe viderem, poſt vigefimum paroxyſmum, *hauſtum* ſequentem ſumpſi: *℞. ſyrup. roſ. ſol. cum infuſ. rhab. agar. & ſena ℥.j. ſyrup. roſ. ſol. Simp. ℥.j.* diluantur *Aqua*. Sedes ſequutæ copioſæ ſeptem, quæ & plurimùm profuerunt, naturaq; ſic excitatâ die paroxyſmum vigefimum ſequentē, quatuor ſpontaneas, & poſt vigefimum ſecundum, tres alias movit dejectiones. Quæ & poſtmodum per ſe, nullius medicamenti ope, alternis diebus naturaliter procedebant, in fine tamen morbi difficiliùs, ob excrementorum duritem, quę conualeſcentibus talia fieri ſolent, reddebantur.

Sed & cùm poſt trigefimum unum, eumq; poſtreum, & qui vix cognoſcebatur, paroxyſmum, nullius ſequentis nota ſequeretur, nec quidquam reſidui ampliùs deprehenderetur, corpùsque priùs emaciatum, jam denuò ad priſtinam integritatem rediret, habitùsque fieret: tamen diſtentiò ventris, pedum tumor, laſſitudo vehemens, domi adhuc me continebant. Donec corpore priùs ruruſum *purgato*, ſudoribùsque non ſolùm ſpontaneis, ſed etiam aſſumptione *rob. de Sam. & ſtophis bis repetitis* coactis excrementis tenuioribus ex habitu corporis elicitis abiumptisq; , penitus ſanitati reſtituerer: quod

circa principiū Decembris primū, cū à 12. Augusti febris correptus, decem septimanarum spatio ægrotassem, bono regimine, & diligenti nec nimis operosâ curâ, Dei optimi gratiâ, me regente tandemque liberante, accidit.

Febris quartana, post sextum paroxysmum cessans, in adolescente.

A Dolecens, annos 24. natus, mense Augusto, horrore febrili correptus, sentiebat circa hypochondria tensiones, urinæ crudæ erant.

Vocatus, iussi inungere *regionem sub utroq; hypochondrio*, atq; *universum ventrem*, ol. Nardino & Chamom. Finito paroxylmo urinæ nigricabant. Suspicabar mox itaque Quartanam esse febrem.

Dein sequenti die constipatio aderat, rugitus sub hypochondriis. & distentiones. Dedi itaq; sequentem *portionem*: R. Cath. 3. iiij. Diaphæn. 3. ij. confect. Hamech. 3. j. syrup. de Cich. cum Rhab. 3. j. syr. Ros. sol. 3. j. cum aq. Bugl. & Absinth. fiat *potio*: Bibit tantum mediam partem, me inscio: quare nihil dejecit.

Tertio die, cū *venam* incidere vellem, impeditus fui: cū enim à prima *portionem* non dejecisset, jam alterâ *sumptâ* nihil quoq; promovit. Cū autem torminibus angeretur, sub noctem *suppositorum* indere iussi, cujus usu bis dejecit.

Quarto die febrilis paroxysmus rediit. Itaque quartanam esse jam certò pronuntiavi, diuturnitatem morbi, nisi obtemperaret, prædicens: quæ nisi ante solstitium hyemale tolleretur, ad Veris tempus usque durare solet.

Finito paroxysmo, sequenti die *clysterem* ordinavi.

navi: R̄. *Malvæ cum toto*, *Violaria*, *Mercurial. ana* M. j. β. *sem. Lini.* ʒ. j. *sem. Anisi* ʒ. iiij. *flor. Chamom.* p. j. *Hord. Cicer. rubr. ana* p. β. fiat decoct. & in lib. j. dissol. Mellis viol. ʒ. j. *Bened. lax.* ʒ. β. ol. *Chamom.* ʒ. iiij. *Salis.* ʒ. ij. fiat clyster: Detur summo manè.

Et mox totus venter ol. *Chamomill.* & *Nardino* inungatur.

Cùm diutiùs clyster moram traheret ad horas aliquot, antequam redderetur, suppositorio exhibito, illius excretionem promovi.

Quo facto, venam lienarem dictam aperuit, bonâq; sanguinis portio educta fuit.

Altero die hoc modo eum restauravi: R̄. *cons. Bugl. utriusq.* ana ʒ. j. Capiat.

Adventante tertia accessione, quæ anticipabat, & gravior cæteris, uti solet, erat, dedi initio paroxysmi: R̄. *aq. fl. Centaur. & rad. Gentia. an.* ʒ. j. *Julep. ros.* ʒ. j. β. misc. Bibit, & finito paroxysmo plurimū sudavit.

Cæperunt altero die hæmorrhoides intumescere; quod ille suppositorio indito acceptum ferebat. Et quia constipatus erat, & causam mali in meseraicis esse (prout ego eam illic latere docui) scirem, clysteribus potissimū utendum censens, denuo talem præscripsi: R̄. *Malvæ*, *Violaria cum toto*, ana M. ij. *Mercurial. Beta ana* M. j. *sem. Lini.* ʒ. j. *flor. Chamom.* p. j. *sem. Anisi* ʒ. iiij. *Furf. macri* p. j. *Hord. integri* p. β. fiat decoct. in col. lib. j. dissol. *suc. Mercurial.* ʒ. ij. *Bened. lax.* ʒ. vj. Mellis viol. ʒ. j. Ol. communis ʒ. ij. Salis ʒ. iiij. misc. fiat clyster. Hujus usu maximam scybalorū copiam deiecit, miræque fuit allevatus.

Cùm dies paroxysmi quarti instaret, qui gravissimus aliàs solet esse, in illius initio rursum jussi *Julepum*

pum priorem bibere, & spinam dorsi oleo Chamom. & Aneth. inungere. Fuitq; ille paroxysmus mitissimus, ut vix dum se febricitare cognosceret: circa finem tamen vehementer sudavit.

Sequenti die hoc exhibui Purgans: R. Cathol. ℥.β. conf. Hamech. ℥.iij. dissol. cum jure Cicer. addendo piperis gr. iij. Bibat. Purgatus optimè fuit, multaque flava & foetida deiecit excrementa.

Die paroxysmum precedente, sedit me jubente in Balneo aquæ dulcis tepidæ, & benè postea dormivit: donec post mediam noctem rudimenta saltem aliqua paroxysmi sese manifestarent.

Altero post die quievit. Sequenti verò, qui paroxysmum anteibat, clysterem denuo sumpsit prius ordinatum, deiecitque purulentam & sanguinolentam materiam. Postea pulsibus applicui unguentum Populeonis cum telis Aranearum. Et si fortè paroxysmus superveniret, ut denuo Julepum biberet, injunxeram. Verùm cum non venisset, non eo opus fuit. Neque postea amplius, febre penitus sublata, eum repetiit.

Jussi tamen, ut aliquando conf. Ros. & Bugl. uteretur. Sicque præter spem, sex tantum accessiones habens, à quartana liberatus est.

Febris quartanæ initium.

VENIT huic 27. Augusti, Anno 1613. nobilis quidam, quem ante annum, febre laborantem, sanaram. Conquerebatur de calore præternaturali, quem & urina tincta, & pulsus celer, testabantur: de rosione cordis, & comprimente illius dolore, oris amaritudine & nausea, capitisque dolore metuens febrem quartanam, cujus indicia
ex hor-

ex horrore & calore subsequente, se diebus aliquot sentire narrabat.

Venam aperire volebat, verum prohibui, & purgatione eum magis egere ostendi. Dedi itaq; sequenti die 28. August. Diacydon. purgantis spissioris ʒ. ij. post cuius assumptionem, intra horam. magnam copiam biliosæ & pituitosæ materiæ, evomuit, subsequutæq; sunt ea die 17. dejectiones, ejusdem illuviei, & copiosæ. Nox fuit inquieta, calor vehemens, sitis magna, denuoque vomuit.

Manè dedi ad refocillationem, & sitim pellendam: R. syr. Cydoniorum ex solo succo cocti, ʒ. j. B. syr. de Berberis eodem modo parati ʒ. ij. syr. Viol. ʒ. j. misce: Capiat cochlearia duo. Reliquum diluat cum Aqua cocta, Bibat loco Vini. Eo die rursus aliquoties dejecit: Nox paulò levior.

30. Hujus, cum adhuc caleret, & sitiret, ordinavi *Fulepum: R. syr. Cydon. simp. ʒ. j. B. syr. Viol. ʒ. j. de Ribes ʒ. vj. aqua sol. Limonum, ad duplum. Bibat mediam partem manè, aliam ante cœnam. Quia admodum sitiebat, concessi ut Lac amygdalinum, quo delectabatur, biberet. Et quandoque Vinum, sed dilutum aqua sol. Limonum vel Citri. Ea nocte parùm dormivit, quietiorque fuit.*

31. Exhibui illi *bolum ex conf. Ros. & fl. Cichoreæ, cum rob. de Ribes. In prandio comedit aliquid, noctu quievit.*

Sequenti die 1. Septemb. Urinæ naturales, & jam sitis cessarat, appetitus rediit, meliusque habebat.

Verum 2. Septembr. sub vesp̄eram horâ terciâ, horror levis illum invasit, subsequente calore, ita ut jam certò constaret quartanam esse, nox non admo-

admodū inquieta, remittente prius febre antequam noctesceret.

3. Septemb. quia constipatus erat, dedi hunc *Julepum*: R. *syrup. Ros. sol.* ℥. j. B. *Mellis violacēi* 3. vj. cum *aqua Fontis q. s.* Bibat frigidam potionem jejunus. A. quaredecies deiecit.

Et 4. Septembr. sine febre fuit, benè se habens & deambulans.

Sed quinto, sub vespere duabus horis tardiùs quàm prior paroxysmus rediit. In cujus principio bibit statim *haustum aqua Tabaci*, levisque admodum fuit accessio hæc: Ita ut eam non curaret, & proindomum discederet. Sumptâ secum *aquâ Tabaci*, ut si fortè paroxysmus rediret, eam uti prius biberet.

Febris quartana, in puellula, quæ per biennium in ea duravit, & postea iterum eam invasit, cum tumore ventris & sinistri lateris, postq̃ intra mensis spatium sanata.

Puellula quinque annorum, Regii Oratoris, totum biennium febre quartanâ laboraverat, quæ illam postea dereliquit. Verùm cùm è Galliis, ingruente hyeme, cum parentibus in Helvetiam deduceretur, rursus febris quartana eam invasit, in itinere. Cùm ad nos pervenisset, & aliquandiu subsisteret, deprehendi in ea paroxysmos non adeò vehementes, nec enim frigore magno, in principio concutiebatur, calor sequebatur mitis, sitis pauca, in declinatione sudor erumpebat. Pejùs habebat, quando constipata erat, meliùs cùm alvus respondebat.

Quam

Quam Cassia sumptâ primum, & postea Clysmate infuso apertam iervavi.

Cùm fastidiret medicamentosa, Julepum & Aquas præscripti, ut separatim ve. commista simul ad ℥j.℞. pro vice sumeret, indies bis, & aquam solam paulò ante invasionem paroxysmi.

Julepus talis erat: ℞. Julep. Viol. Ros. ana ℥j. syr. de Cicho. de quinq. Radicibus ana ℥j.℞. Misce.

Aqua erant Endivie, Portulacæ, Plantaginis, Fumaria ana ℥j.℞.

Interpolatis vicibus ut alvus responderet, ordinavi pruna purgantia: ℞. Prunor. Damasc. numero 15. coquantur in decocto sol. Senna ℥j. in Vini & Aquæ equali portione cum Saccharo; Item Clyster interdum illi infusus fuit, ex decocto Malvæ, Violarie, facto in brodio Carnis, addendo ol. Amygd. dul. ℥j. Mellis cochl. j. vitellum Ovi num. j.

Quia venter illius erat inflatus & tensus, & nonnihil, in latere sinistro durus, hoc emplastrum applicui: ℞. emplastr. de Meliloto, Diachylonis ireati. ana ℥℞. malaxentur ol. Liliorum: Et supra corium extensum admoveatur.

Inunxit detracto emplastro latus hoc linimento: ℞. ol. de Capparibus, Irini, Amygd. amar. ana ℥j. Gummi ammo. dissoluti in Aceto ℥ij. Axung. anseris ℥℞. Cera parum, fiat linimentum.

Intra mensis spatium, tumor subsedit, febrèq; liberata, cum parentibus discessit.

Febris quartana cum Lue Venerea.

Vide in Defœdatione. Lib. III. Lues Venerea cum febre, &c.

*Tertiana intermittens duplex, Obstructio
hepatis, Cardialgia, Oris amaritudo,
Dyspnœa.*

INvadebat mulierem, quæ tempus, quo mēstruâ fluere solent, jam prætergressa erat, Anno 1596. sub vesperam compressio quædam, circa ventriculi regionem, cum frigore extrēmitatum, subsequente calore, & dyspnœa, quâ valde, horarū duarum aut trium spatio,angebatur; ita ut erecta sedere cogeretur. Urina tincta, crassa; Pulsus intercidens, qui ad sex aut septem ictus, aliquamdiu subsistebat. Hepar obstructum, & pulmones à defluxione infarctos judicavi: adesseque febrem, quæ sub vesperam indies invadebat: duplicem prointertianam, quarum una longè mitior alterâ fuit, & brevior.

Empirici consilio *venam* aperuit, & *purgans* sumpsit: à quibus tamen nihil allevata fuit. Et cum in pejus omnia vergerent, appetitu prostrato & viribus: vocatus tertiâ demum morbi septimanâ, sequenti modo curam institui.

Venam aperiens, 13. Novembr. *incidens & purgans*, bibere incepit: R. *radic. Cichor. Fœnic. Lapathi major. rotundifolii*, ana ʒ. β. *cort. Tamaric.* 3. ij. *herb. Absinth. Chamadr.* ana 3. ij. *summ. Centauri. min.* 3 j. *fl. Bugl.* 3. j. β. *femin. Fœnic. Petrosel.* ana 3. j. *sol. Sennæ* ʒ. j. β. *Agarici* 3. v. *Zing.* 3. ij. *Turbit.* 3. ij. *conquass. pro mens.* j. *Vini*, bulliant parum in duplici vase.

Bibit per triduum manè, & sponte, bis quoque sub vesperam: & bene feliciterq; indies fuit purgata, biliosam & pituitosam egerens materiam.

15. Novembr. *ventriculi regionem* inungere iussi, cuius

cujus dolorem sentiebat: *R. ol. de Absinth. Nardin. ana ʒ.β. Inungat.*

Et quia de oris amaritudine & calore conquerebatur: *R. syr. de Cydon. de Ribes, ana ʒ. j.β. de Agresta ʒ. j. misce: Capiat frequenter cochl. j.*

19. Novemb. ut melius purgaretur: *R. Vini præpar. ut supra, dosin unam, quæ adhuc restabat, infund. Rhab. per noctem ʒ. j. Cinam. ʒ. j.β. Express. bibat cras manè.*

20. Novemb. vehemens erat paroxysmus, in quo de summa cardialgia & dyspnœa conquerebatur. Jussi itaq; fomentare *regionem ventriculi ante cœnam: R. Absinth. M.β. rad. Gal. Cypër. ana ʒ. iij. Major. Spica celt. ana M. j.β. Fœnic. ʒ. ij. sem. Coriand. ʒ. j.β. conquass. decoq. in Vino & Aqua: Pro solut.*

Quia stertor audiebatur in pulmonibus: *R. Oxymel. scillit. & simpl. ana ʒ. j. Capiat freq. cochl. j.*

21. Nov. jussi quoque *pectus* inungere: *R. ung. Resumpt. ol. Amygd. ana ʒ.β. misce.*

Quia jam alternis diebus, paroxysmus se tantum manifestabat, unam febrem cessasse, alteram remansisse colligens, ut de novo præpararetur, ordinavi. 22. Novem. hunc *Julepum: R. Oxymel. simpl. syrup. Capill. ven. ana ʒ. vj. aqu. Tussil. & Beton. ana ʒ. j. misc. Capiat manè & serò.*

23. Reiteretur *Julepus*. Incepit melius habere, urinæ in melius mutari. Paroxysmus febrilis anticipabat, jussi *maturè & parùm admodùm cibi ante noctem* sumere.

26. Nov. in principio paroxysmi bibit hanc *aqu. R. aq. Tussil. Centaur. min. ana ʒ. j. suc. Linon. ʒ.β.*

27. Nov. præparatâ materiâ, ut adhuc purgare-

tur: R. syr. Ros. sol. cum inf. Rhab. 3. vj. aq. Ros. 3. j. β. aq. Cinamom. 3. ij. aq. Fontis 3. j. Bibat uno haustu. Dejecit noctemq; quietam & sequentem diem habuit.

29. Urina ferè naturalis, mitior paroxysmus.

1. Dec. quia alternis diebus adhuc exacerbabatur malum: R. syr. Ros. sol. cum inf. Rhab. 3. vj. el. de suc. Ros. 3. j. β. aq. Cinam. Vini albi ana 3. β. aq. Ros. & Bugh ana 3. j. pro uno haustu. Dejecit aliquoties, & semel vomuit. Paroxysmus levior, nox quietior.

Atque ita sensim remittentibus omnibus convaluit.

Tertiana intermittens duplex, quæ duas septimanas duraverat, & tertiâ curata fuit.

Nobilis Gallus quidam, viginti quatuor annos natus, in Italiam animi gratiâ peregrinatus, iam reditu Locarni, Anno 1608. mense Junio, febre correptus, quam se ab esu, coeparsim crudarum contraxisse putabat, indies circa meridiem, præcedente rigore, & subsequente calore, ad vesperam usq; paroxysmo infestabatur, & nihilominus lecticâ vectus, ad me Basileam properabat, quò 2. die Julii, ad extremum usque imbecillis, febre jam per dies 14. indies, atque itineris labore, pluvioso præsertim tempore, & molestatus & defatigatus, nocte jâ ingruente, pervenit, de corporis & cordis dolore, de pectoris angustia, oris amaritudine, summopere conquestus.

Tertio Julii, manè statim illi exhibui hoc purgans ante vena sectionem: R. syr. Ros. sol. cum inf. Rhabarbari & Senna 3. j. syrup. Ros. sol. simpl. 3. j. β. aqua Endiv. q. s. fiat potio. Dejecit ante paroxysmi adventû, secutusq;

est

est paroxysmus, à quo sub vesperam adeò fuit debilitatus, ut animo ferè delinqueret. Jussi ut *jusculum* hauriret, sed cùm illud respueret, concessi, ut quod maximè exoptabat, *panem in Vino aquâ diluto, maceratum* sumeret, & *pauillum illius Vini* biberet, à quo refocillatus fuit. Et quia *restaurans* aliquod *Consonnè* *vicatum* expetebat, jussi ut in *crastinum* sumeret *tale paratum*: R. Caponem deplumatum & evisceratum, addendo *carni Vitulina quartam partem*, incidantur, aspersotantillo *Salis*, misc. sp. *Diamarg. frig.* ʒ. j. *Cinamom.* ʒ. ʒ. coquantur *bene obturata in vase duplici*, per horas *quinq.*, colatura stet donec congeletur, servetur ad usum.

Quarto Julii, cùm satis placidè dormivisset, horâ *matutinâ venâ brachii dextri mediâ apertâ*, sanguis effluxit ater, qui ubi refrixerat subcæruleus atque inæqualis apparuit; Supervenit circa meridiem, eadem horâ, quâ præcedenti die, febris, & cùm sitiret in paroxysmo, jussi illum *aquam coctam* bibere, cum eaque de hoc *syrupo* miscere: R. *syr. de Ribes*, *Acetos. simpl. de Endivia simpl. ana* ʒ. j. misc. Ad oris amaro-rem corrigendum, jussi ut manducaret *racemos Berberis, Sacchar. conditos*, cùm absoluta paroxysmo, valde esset conquassato corpore, denuo *panem cum Vino diluto* comedit & bibit. Conquerebatur de sinistri hypochondrii punctationibus, quando spiritum ducebat. Quare ordinavi *inunctionem* hanc: R. *ol. Anethini, Chamom. ana* ʒ. j. *de Capparibus* ʒ. ʒ. *ol. Anisi guttas* vj. misc. Sub noctem dedi illi *cordialem hanc potionem*: R. *syrupi de Papavere* ʒ. ij. *de acetos. Citri* ʒ. ʒ. *aqua Borrag. Bugloss. ana* ʒ. j. *aqu. Cinam.* ʒ. j. Bibit & dormivit placidè.

Quinto Julii, exhibui sequens *Catbarticum*: R.

Rhabarb. electi ℥. iij. *infusi in aqua Endivia*, & *express. syr. Ros. simpl. sol.* ℥. j. *℞. elect. de succo Ros.* 3. ij. *aquæ Cinamom.* 3. j. *misce fiat potio.* Quâ sumptâ, plûs quàm decies, copiosam dejecit materiam biliôsâ, & vomuit. Paroxysmus sequutus mitior, nec ita post eum, adeò viribus fuit prostratis, refocillavit se *pane & vino*, in cœna, & de pullo gallinaceo parùm edit, nox satis quieta.

Sexto Julii, manè cùm jam melius haberet, & è lecto surgere posset, beneque speraret, rogaretque, ut operam darem, quo itineri se rursum committere posset, nam tanto comitatu, quem secum haberet, sumptus fieri magnos, egoque difficultatem curæ, illi proponerem, bonam spem nihilominus eum jubens concipere, dedi ante adventum paroxysmi hanc aquam bibendam: *℞. Aquarum Plantag.* 3. ij. *Centaurii* 3. j. *Endivia* 3. ℞. *Rosar.* 3. ij. *Misce.* Febris secuta mitis fuit. Jussi noctu eandem potionem repetere. Nox paulò inquietior, fortè ob æstum qui tunc urisit.

Septimo Julii, applicuit pulsibus in uno brachio sequens: *℞. unguenti Populeonis* 3. j. *Telas aranearum multas*, *Nucis arboris* parùm *misce*: Bibit denuo aquam, Febrisque adeò obscura fuit, ut vix cognosceretur.

Octavo Julii, & applicationem & aquam denuo repetiit. Febris priore nonnihil vehementior, sed brevis.

Nono Julii, dedi hunc *Julepum*: *℞. syr. Ros. sol. simpl.* 3. j. *dissolvatur cum Aquâ coctâ*: Bibat manè horâ septimâ: Et licèt illi indicarem, cordialem hanc esse potionem, tamen inde sexies aut septies dejecit, jussi applicationem repetere, eaque die febris ferè nulla indicia, nisi levis calor circa horam tertiam, quem

quem aëri potius quam feбри ascribebat. Cœnavit parum, beneq; ea nocte quievit.

Decimo Julii, deambulavit in publicum, & undecimo, Febrisq; cum penitus reliquit, cibiq; appetitus rediit.

Duodecimo Julii, Argentinam versus profectus, abiit.

Semitertiana seu Hemitritæus, ex continua & duplici tertiana composita febris, Singultus vehemens, Tumor in sinistro hypochondrio.

A Dolefcens quidam nobilis Gallus, febre continuâ correptus est; non tamen adeò violentâ, & indies novo horrore superveniente, febris sentiebat exacerbationes. Unde duplicem intermittentem febre, continuæ copulatam esse, in hac hemitritæi specie, judicavi. Præsertim verò dolor circa præcordia illum vehementer angebat, & singultus perpetuus molestabat, appetitu prostrato, & viribus dejectis.

Quorum causam circa præcordia, in venis meseraicis & venæ cavæ ramis hære, unde febris atq; enarrata symptomata prodirent, ostendebam.

Dedi 20. Maji, Anno 1592. *tabulam unam elect. Diarhod. purgantis meæ comp.* Unde bis deiecit.

Sequenti die 21. Maji, cum singultus non cessaret: R. ol. Amyg. d. ʒ. j. β. Bibat cum jusculo. Postea clyster hic injiciatur: R. Malva, Atrip. Violariæ, Mercur. ana M. j. Furf. p. j. sem. Lini ʒ. β. fl. Cord. p. j. fiat decoct. in col. lib. j. diss. Cath. ʒ. β. Mellis ʒ. j. ol. Viol. ʒ. ij. Salis parum: fiat clyster.

Tertio die, 22. Maji, cū singultus perseveraret & cardialgia, dedi *potiunculam purgantem*: R. *syrup. Ros. sol. cum inf. Rhabarb. ʒ. j. ʒ. el. de Suc. ros. ʒ. ij. cum aq. Ros. & Bugl. & paucā aqua Cinam. fiat potio.*

Nec post purgationem remittebat singultus: dedi itaque *sub vesperam vomitorium*: R. *radic. Raph. ʒ. ij. sem. Atrip. Aneth. ana ʒ. j. fiat decoct. & in ʒ. iiij. diss. syrup. Acetos. simpl. ol. Olivar. ʒ. j. Bibat & fauces irriter digito vel pennā. Vomuit: nec dum singultus remisit.*

Jussi *ventriculi regionem fomentare, decoctione Absinth. in Vino, addito pulv. Caryophyl. Item Crustam panis madefacere in Vino, & aspergere pulv. Caryophyl. & ventriculo apponere.*

23. Maji, longioribus jam intervallis singultiebat. Dedi iterum tale *vomitorium*: R. *ol. Amyg. d. ʒ. j. ʒ. ol. Aneth. ʒ. ij. aq. Nucum virid. ʒ. iiij. mis. Bibit, & denuo vomitio sequuta est.*

Postea *ventriculum inunxit ol. Nuci mosc. Et sumpsit conf. Rosarum.*

24. Maji, accessio febris satis valida: ventriculus adhuc inquietus. Dedi *cubitus itura* ad ventriculi sensum nonnihil retundendum, & quia vigiliis vexabatur: R. *syr. de Papav. ʒ. iiij. julep. Viol. Ros. ana ʒ. ʒ. aq. Bugloss. ʒ. ʒ. fiat potio; Bibat. Dormivit, & cessavit tandem singultus.*

25. Maji, rursus adfuit singultus, & accessio denuo supervenit febrilis. Repetii *clysterem.*

Et 29. iterum dedi *potionem purgantem*, quam 22. Maji sumpserat. Bibit. A qua purgatus, melius habuit, cessante singultu; & febris accessio remissior erat.

Cæterum 29. Maji, febrilis paroxysmus denuo super-

supervenit, in cuius principio ut sudores moverem, exhibui *Julepum*: *Rx. aq. Fumar, & Bugl. ana ʒ. ij. adda parum Sacch. ros. tab. Bibat.* In declinatione febris sudavit, beneque se habuit.

Verum 2. Junii, non reversa est febrilis accessio, & pulsus remissior, continuam quoque cessasse demonstrabat, sed singultus iterum supervenit, atque immensus tumor in sinistro hypochondrio apparuit: quem ex inflatione ventriculi profectum dixi, & ut inungeret iulsi: *Rx. ol. Mastich, & Menth. ana ʒ. ʒ. ol. Nucis mosch. per express. ʒ. j. ol. sem. Fœnicul. per destill. ʒ. ʒ. Inung. locus tumens bis aut ter in die.*

Mediocriter cum jam haberent se omnia, nisi quod tumor persistebat, & interdum adhuc singultiebat, 8. Junii pilulas dedi: *Rx. pil. Aggreg. ʒ. ʒ. Coch. ʒ. ʒ. cum aq. Cinam. fiant pil.* Quæ egregiè profuerant, ita ut non fuero vocatus deinceps.

Ad 17. usque de tumore illo conquestus, qui non cedebat, & durus erat. Ordinavi itaque hoc cataplasma: *Rx. rad. Alth. ʒ. ij. rad. Lil. ʒ. iij. Absinth. Menth. cort. Citri sicci, ana ʒ. j. Major. M. j. ʒ. Chamom. Melil. Ros. rubr. ana p. j. sem. Carui ʒ. ij. decoq. in Vino, & pistentur addendo far. Siligin. ʒ. ij. ol. de Absinth. Nard. ana ʒ. j. ʒ. fiat catapl. tepidum, Appl. tumori, & iteretur bis in die.*

Vinum hoc quoque bibat: *Rx. rad. Enul. ʒ. ij. Absinth. ʒ. j. ʒ. Major. ʒ. j. sem. Coriand. ʒ. ij. Fœnic. ʒ. ij. conquass. pro mens. Vini: Bibat manè cum iusculum sumit.*

21. Junii, quia singultus denuo infestabat, iterum eum purgavi: nam quoties purgabatur, remittebat: *Rx. pil. Aggreg. & de Rhab. an. ʒ. ʒ. cum Vino albo fiant pil.*

Et sic postea convaleuit.

Febriu

*Febris continua, maligna, epidemia,
Hauptwehe/ ter Basileæ, in
robustos potissimum,
grassans.*

INter morbos populariter grassantes, & in plures eodem tempore sevientes, non solum Basilea nostra, annis elapsis, quibus vixi, septuaginta septem, peste septies infestata fuit: sed & insuper ter, diversis annis, dum Medicinam facio, (prius enim si quis fuit, non amplius memini) morbus, quem vulgus Cephalalgiam, Hauptwehe/ à præcipuo in omnibus occurrente symptomate, sic denominatus, quamplurimos, & viros præsertim, atque inter eos robustiores quosdam, potissimum, crapulæ & ebrietati dedigos, rarius mulieres, vix dum juniores aut infantes, quibus tamen pestis magis insidiatur, invadens, magnam eladem, sublati fortissimis viris, urbi nostræ intulit. Præsertim anno septuagesimo secundo, triginta eodem ferè tempore, & plerique ex illis post publicum quoddam epulum, eadem nocte, hac lue correpti, è medio sublati sunt.

Qui morbus, omnia febris continuæ putridæ licèt secum adferret symptomata, sicuti in praxi mea expositum fuit, ab ea tamen virium subitanea prostratione, & quod uti dictum, plures simul corripiebat, & plerosque interficiebat, & quod maculæ in multis ante mortem erumpentes, perniciem morbi prodebant, & per contagium in vicinos, sed tamen dispositos tantum, serpebat, distinguebatur. Uti & à pestifera febre, quod gravius, quàm illa caloris accidenti-

cidentibus affligeret, nullus bubo vel anthrax in hac febre appareret, nec sicuti dictum, adeò uti pestis in quovis, sed intemperanter tantùm viventes, sæviret.

Qui hac lue peribant, secundâ plerunque septimanâ, die morbi frequentius decimo, undecimo, duodecimo; vix decimumquartum attingentes, exstinguebantur. Qui evadébant, sex septimanarum spatio, antequam integrè sanarentur, opus habebant: in cujus medio ferè tempore, febris solvebatur, reliquum medium, in supervenientibus aliis accidentibus occupabatur, & ad recolligendas vires requirebatur.

Qui sibi ab hac lue metuebant, hi meo consilio, præcavebantur purgationibus levioribus, sæpè repetitis: adhæc sanguinis detractionibus ritè administratis: atque exhibitis illis, quæ putredinem arcent, & malignitati humoris resistunt. Quorum exempla passim in libro Febrium inveniuntur. Adhibitâ simul vivendi ratione decenti, & in primis cibo potuq; moderato, temperato, nec vario.

Modum curationis, etsi in libro Febrium quoq; exposuerim, exemplum tamen unum curæ perfectæ, in hoc quoque casu adjiciam.

*Febris continua maligna epidemia in viro,
cum Cephalalgia; Delirio, aliisque
accidentibus.*

Vir quidam nostrâs primarius quadragenarius, grassante hac febre epidemiâ, anno octuagesimo octavo, mense Junio, horrore correptus me-
dia

dia nocte; cum vehementer mox accenderetur, cepiteque doleret, summo manè me vocavit.

Anteaquam ipsius vitam considerans, & quod febres tunc ejusmodi regnarent, quodque adeò dejectis esset subito viribus; Epidemium hunc morbum esse, periculosum ob id, astantibus amicis prædixi, & de delirio subsequuturo præmonui; illisque ægrum, si dies decem superare possit, victurum, sed tamen ante sex septimanas; vix citius ad pristinam sanitatem rediturum, exposui.

Cum urgeret dolor capitis, ipseque ea nocte *placentam Rosaceam*, qualis post extractionem aquæ Rosarum in fundo alembici remanere solet, capiti apposuisset, jussi eam *Oxyrrhodino* prius madefactam expressamque applicare.

Vomitu infestante & nauseâ; jasculum bibere; quod uxor ad manum habebat, jussi, & digito immisso rursum illud paulo post evomere: quod & factum est.

Volui *Clysterem* injicere; verum cum illum renueret, ne purgante exhibito *vena sectionem*, quæ maturanda videbatur, cum plethoricus esset, retardarem, *suppositorio communi* alvum sollicitare jussi: unde dura excrementa reddita sunt.

Nonâ horâ matutinâ, *vena brachii sinistri*, quia eo latere caput dolebat, aperta fuit, & insignis sanguinis quantitas extracta. Postea jasculum *Hordæi* sumpsit, *Aquamque coctam* loco potus bibit.

Sub vespertam, *preparare materiam*, & *malitiam humoris retundere*, cœpi, cum in ejusmodi morbis, quibus cor læcesitur, non diu expectandum sit, hoc modo: R. syr. de Acetof. citri ʒ. ij. suc. Limon. ʒ. j. aquæ Scabios. ʒ. i. ʒ. sp. Diamarg. fr. ʒ. ʒ. colentur in tēve, fiat

Julepis.

Julepus, Bibat. Nox inquieta fuit, dolor capitis summus, in fronte & temporibus punctiones.

Altero die manè, urina tineta, foetida, parum confusa, ut hypostasis non dijudicari posset. Pulsus citus, magnus. Calor corporis acris urens. Repetiit *Julepum* manè, eundemq; tertio sub vesperam.

Cephalalgiz causâ Frontale tale adhibui: *℞. fl. Ros. Viol. Nenuph. ana P. j. fl. Lavand. P. β. pul. sem. Myrti, Lactuc. an. 3. j. Papav. albi. 3. β. farin. Fabar. 3. j. coq. in Lacte, & contund. adde ol. Ros. & Chamom. ana 3. j. Applicetur, ter in die renovando.*

Supra pulsus in utroque carpo applicabatur *Theriaca*, addito pauco *Croco*, *Caryophyllis*, & granis *Juniperi* confusis, & cum *Aceto rosaceo* subactis. Ea nox gravis quodque erat, augebaturque morbus adhuc in dies.

Tertio die sic purgatus fuit: *℞. rad. Acetos. Cichor. ana 3. β. Scordii M. j. flor. Cord. quatuor, & Scabios. ana P. j. sol. Sena 3. iij. Epith. 3. ij. sem. Anis. 3. j. fiat decoct. infunde in col. Rhab. el. 3. j. Spica D. β. fiat expressio, diss. Tryphera persica 3. β. syr. de flor. Persic. 3. vj. fiat potio. Qua operante, ut facilius perferret, iusculo refocillatus fuit: deiecitq; sine labore successivè quinquies. Licet quotiescunq; è lecto surgeret, animo ferè deficeret. Nocte sequenti, vigilans, multa præter rationem loquebatur, corpusq; hinc inde volutabat.*

Quarto die manifestè delirare cœpit, cum furore aliquo, ut etiam astantibus minaretur, quos tamen noverat, uti & me; quem ac si armatus accessissem, accusabat, è lecto continuo surgere, seq; induere conabatur: & nisi impediretur, impetu quodam assurgens, per fenestram vociferabatur.

Venam sub lingua aperuissemus: sed illud minimè patie-

patiebatur; atque *Oxyrrhodinum capiti frequenter admotum*, detrahebat continuo, & abjiciebat.

Nihil quoq; præsertim *medicamentosi*, admittere volebat amplius, sed *vinum* omnibus modis efflagitabat, ut propinaremus. Itaque ut eum falleremus, in *aqua radix Acetosa decocta* fuit: quæ præter qualitatem convenientem, *subrubro colore eam* tinxit, ex quo *vinum* esse credidit. Verum falsus colore, etsi pro *vinò* biberet, mox tamen *vinum* minimè esse apprehendit, nec amplius bibere voluit, donec permissione *vini Granatorum, & syrupo Ribes. vinositatem aliquam aqua, coloremq; magis rubrum acquirens*, ei placeret, eamque pro *vinò* sumeret.

Juscula, & quæ illi offerebantur, nunc subito devorabat, nunc effundebat, vel partem illorum abjiciebat.

Hac paraphrenitide quinto, sexto & septimo agitatus, hisce diebus nihil aliud assumere voluit, aut ut illi applicaretur, permisit. Ob quam causam, cum dies noctesque vigilaret, & inquietus esset, *sexto die circa mediam noctem, ipsius aquæ*, eo qui diximus modo *preparata, syr. de Papav. 3. β. permisceri jussi*, & tunc sitienti exhiberi. Unde cum manè sequenti dormiret, *Cucurbita interim magna, cum multa flamma cervicis regioni* fuit adhibita; quam tamen mox excitatus, excussit.

Septimo die; cum *syrupum* hunc repetere juberem, & *nocte media 3. vj. sitibundo cum aqua* propinarent, manè sequenti diei octavi, somno altiori obruto, *pullum Gallinaceum per medium sectum, cruentum & tepentem adhuc, placidè vertici capitis apposui- mus: quem aliquamdiu anteaquam excitaretur, retinuit,*

tinuit, moxque excitatus, cum terrore magnoque clamore, eum arripiens, cum manus cruore commaculatas cerneret, abjecit: qui veluti tostus erat, ab eoque vapor, uti & à capite, manifestus exhalabat. Quæ applicatio ita profuit, ut sub vesperam jam ad se redire, & rationi consentanea loqui, obtemperareque monitis, Medicorum animæ & corporis, coeperit.

Sed quia supra modum debilis erat, atque ita dejectis viribus, ut vix moveri posset, quin animus deficeret, febrisque nihil adhuc remitteret: *Julepum* frequenter illi propinandum hunc præscripsi: *R. aq. Scabios. Acetos. Bugloss. ana ℥.j.β. aq. Cinamom. elicta cum aqua, non cum vino, ℥.β. julep. Ros. & Viol. ana ℥.j. manus Christi perlatis ℥.β. misc. Capiat frequenter cochl. iij. vel iiij. per se, vel cum Aqua cocta.*

Quia jussula & cibos respuebat, *Lac amygdalinum* ut biberet, interdum concessi.

Hac eadem nono die repetita fuerunt, quâ fœdam materiam sponte excrevit in lectum, ita ut diarrhoeam, ne superveniret, quæ plerumque in hoc morbo, ob malitiam humoris eò delati, dysenteriam lethalem inducere solet, metuerem.

Epithema hoc cordis regioni admotum fuit, & pulsibus: R. aq. Ros. ℥. v. aq. Acetos. Scabios. Bugloss. ana ℥.ij. Aceti fl. Caryoph. hortens. ℥.j. suc. Citri ℥.ij. pul. Diamarg. frig. ℥.j. Caryoph. ℥.β. Croci ℥.j. misc. Applicetur cum panno rubro chermesino.

Plantæ pedum Aceto & Sale frequenter fricabantur, atque universa crura, Panno aspero.

Decimo die, ut natura vel per urinas, vel sudores, criticam excretionem moliretur, *manè sequens*

propinavi: R. syr. de Byzant. Capill. veneris, de Bugloss. ana ꝑ. j. aquæ Polytrichi, Cardui bened. ana ꝑ. ij. misce.

Sub vesperam sanguis è naribus fluxit, ipseque summè inquietus & imbecillis, uti & tota nocte: in qua excitatus, cum illum adirem, crîsim adesse dixi, quam Hippo. testimonio, nox gravis solet præcedere. Et licet plerique mortem appropinquare crederent, egoque de eventu crîsis essem dubius, cum pulicares rubræ maculæ hinc inde dispersæ, sed latæ apparerent.

Versus diluculum tamen undecimi diei, cum jam eum animam agere putarent, placido somno obrutus, obdormivit, sudorque, etsi detecto corpore nudus ferè jaceret, ex universo corpore promanavit, foetido & hircoso odore: uti & urina, quæ crassam copiosamque in fundo vasis deponebat hypostasî, sæpeque fuit reddita. Sudore aliquandiu manante, *contusis jussulis*, quibus jam non invitutabatur, reficiebatur. Ad hæc *congelata varia*, *aliaq; restaurantia* exhibita fuerunt, sequentibus quoque diebus, quibus sudores continuo ferè perseverabant, febrisque illiusq; accidentia à die duodecimo remiserant.

Septimanæ tamen adhuc tres, antequam integrè restitueretur, viresque pristinas reciperet, absumptæ fuerunt: quibus, etiam in aliis accidentibus, de novo supervenientibus, ut defluxionibus, tussi, alvi constipatione, emendandis, occupati fuimus.

Febrîum

*Februum pestilentialium, septies intra annos
septuaginta apud nos grassatarum,
descriptio.*

BAfilea inclyta civitas, in qua ante annos septuaginta septem natus sum, & Medicinam annos quinquaginta sex exerceo, Archiatriq; & Professoris Medici munus, annos quadraginta duos ob eo, etsi cum ob situm, tum structuram, tum munditiam, aëre puro & salubri fruatur, septies tamen peste aliquandiu grassatâ, & singulis ferè decenniis, reversâ, eam miserè infestatam memini. Cujus causam, præter peccata, quæ Deus sic certo tempore, quando hæc, cum securè viventibus nobis invalescunt, punire solet, etiam necessitatem hanc naturalem esse, possemus dicere, quòd cum ferè duplò plures, quotannis nascantur, quàm aliis morbis e medio collantur, uti jam diu à me observatum fuit, intra decennium, hominum numerus adeò increascit, ut hac veluti repurgatione, nonnunquâ, cum nimium homines aucti sunt, nec aliter bello, fame, aliâve clade imminuuntur, opus sit, & hanc ob causam pestis, quò diutiùs emanet, cum redit, majoremq; hominum deprehendit copiam, eò majorem etiam edit stragem, uti in septem hisce pestilentiis, aliis citiùs, tardiùs aliis redeuntibus, ostendemus. Præterea & quòd toties nos invadat pestis, non minimam causam esse existimo, quòd cum alibi, in vicinia præsertim, pestis bacchatur, in nostram hanc urbem, quæ nemini hospitium denegat, infecti transfugere soleant, per quorum contagium, sicuti animadverti, hospitia ubi diverterunt, inficiuntur.

Prima pestis Anno 1539. 1540.

1541. grassata.

PRima Anno Domini post millesimum quingentesimum, trigesimo nono, urbem nostram invalit, quò ego tres annos natus, cùm parens in vicinum oppidum Liechstaldum, ex urbe, cum suis convictoribus secederet, eò quoque fui transportatus. Postea peste nonnihil remittente, domum reversi, Anno sequente quadragesimo, cujus æstas ardentissima erat, & ob æstum maximum der heisse Sommer dicta fuit, quâ copiosissimus fuit vini generosissimi proventus, cujus & ego recordor, pestis iterum increbescens, eo anno & sequenti quadragesimo primo duravit, nunc vehementiùs nunc mitiùs sæviens, ita ut nihilominus eo anno quadragesimo primo, balistarum ludus socialis, ad quem plurimi Helvetii, atque vicini populi invitati venerant, in campo Martio Petrino æctus fuerit, in quo artifex balistarius, arcum tendens, sub brachio dolore correptus, à bubone pestifero ibi exorto, domum æger reversus, mox mortuus est.

Hoc pestifero tempore, multi peste prehensi occubuerunt, inter quos & prudentissimus consul Jacobus Mejerus, atque viri hi clarissimi, Rector Academiæ, Simon Grynæus Græcus professor, qui ex sacro fonte me suscepit. Item D. Andreas Carolstadius de Bodendstein Theologus, & ad divum Petrum parochus.

Memini autem tunc temporis, sororem meam alteram, Margaretham (nam prima ante annos aliquot Porrentruti peste grassante, in infantia obiit, illic-

illicque sepulta est) peste quoque sublatam fuisse, quo die pater me, cum altera sorore ex ædibus ablegarat, sed mox sequenti die domum reversi, incolumes per Dei gratiam mansimus, pestisque periculum evasimus.

Secunda pestis Anno 1550. 1551.

1552. 1553. grassata.

EXorta hæc pestis decennio post primam, circa finem anni quinquagesimi, in vere Anni 1551. admodum sævire cœpit, non in urbe solum, sed etiam in locis vicinis, cujus contagio tandem ædibus paternis quoque infectis, unus ex suis convictoribus, mense Aprili è medio fuit sublatus. Cujus rei causâ, pater cæteros ablegans, me cum filio D. Petri Gebwileri Rœtelam in castrum vicinum, Marchionis Badensis, cui præerat, transmisit, ipseque cum reliqua domestica familia, in prædium suum suburbanum Gundeldingense commigravit, ubi soror mea tertia Ursula, jam nubilis, pia beneque educata, peste aliquot annis ante, uti dictum, duabus sororibus eadem extinctis, correpta, Junio mense mortua est. Quam paulò post, patre rursum in urbem reverso, puer quidam & puella, ex parentis consanguineis, quos è Valesia evocatos educabat, & in villa patris, villici filius, sunt sequuti. Quo tempore ad finem Augusti usque, pestis quam plurimos absumpsit, & tunc primum nonnihil cœpit remittere, quæ de causa, pater me Rœtelâ domum revocavit, & ut studio Medico incumberem, licet annorum tantum essem quindecim, voluit. Per eam hyemem, uti & sequentis Anni 1552. ver & æstatem, etsi pestis hinc

inde adhuc serperet, non ita multis tamen eâ morientibus, non adeò, nisi ab illis, quorum ædes invaserat, curabatur. Verùm Autumni tempore, illa rursus sævire, multorum cum internecone, tam in majore quàm minore urbe cœpit, & denuo viciniam nostram invasit, ita ut 10. Octobris, ex patria discedens, Monspeffulum studii Medici causâ, plures eâ septimanâ sint mortui, multos etiam adhuc ægrotantes relinquerem, illiusque diei nocte, quo discessi, ancilla patris mei peste, à qua tamen evasit, corripereetur, quod & Thomæ Schepfii comitis mei, Ludimagistri tunc apud Divum Petrum, postea Medici Bernensium facti, familiæ accidit, quam ea ipsa nocte, pestis invaserat: Ac si Deus, nobis parcere volens, antequam hæc ædes nostras inficeret, nos periculo subtractos, in tutum locum ablegaturus esset. Duravitque hæc pestis, multos perimens, totam illam hyemem, & sequentis Anni 1553. initio, quo duo villici parentis mei, peste etiam interierunt: Verisque tempore, sensim cœpit remittere, tandemque cessare.

Numerus defunctorum, cum non fuerit annotatus, incertus, certum tamen, magnum eum, cum tam diu pestis duraverit, fuisse, eaque hyeme solùm, circiter mille homines obiisse, nec minorem quàm præcedenti anno editam esse eladem. Quo & insignis Hebrææ linguæ professor, Sebastianus Munsterus, mense Maio peste sublati fuit. Atque inter alios, aliis morbis extinctos, Oswaldus Myconius, summi templi pastor primarius, mense Novembri, apoplexiâ jam senex, ex hoc mundo sublati est.

Tertia pestis Anno 1563. 1564. vehementer sevens, Magna Pestis appellata.

HÆc pestis, secundam annis duodecim subsequuta, An. 1563. quo jam septem annos Medicam artem exercueram, eaq; durante, aliquot centenis operâ meâ inservieram, ab inferioribus Germaniæ locis, ad nos suo contagio serpens, hyemis tempore primùm erupit, & mox Anno sequenti 1564. æstatis & autumnî præsertim tempore, ita invaluit; ut brevi hoc spatio, quo ad finem anni illius duravit, maximam cladem intulerit, nomenq; Magnæ pestis inde sortita sit, quæ postea anno sequenti ulterius progressa, alibi quoque damnum maximum dedit.

Sæviebat autem hæc lues, passim per urbem, atque infinitos afficiebat, & plerosq; trucidabat. Moriebantur infantes quamplurimi, & adulti famuli & famulæ, e quibus, qui æstate huc recens, ut servirent, appulerant, pauci evaserunt. Civium magnus numerus, mercatorum, artificum, operariorum cùm uxoribus, tollebatur. Atque gravidis mulieribus infensa imprimis, plerasq; quæ uterum gestabant, invasit, & vel foetu nōdum excluso, vel per abortum priùs rejecto, enecavit. E' Senatu multos abstulit, uti & ex Academicis. Nec senibus & decrepitis pepercit. Sepelebantur quandoq; simul, in una fossa, supra viginti. Ex hospitali indies funera exportabantur, quæ in amplam fossam reposita, non priùs terrâ obruebantur, donec ad vigenarium, & ampliùs excrevissent numerum. Tempia, plateæ, veluti deserta apparebant.

Magnusq; totius urbis luctus, & quam nemo exterorum accedebat.

Sed & multi ex illis quos pestis corripuit, Divinâ gratiâ, tum sponte, tum Medicorum cura restituti sunt. Inter quos domi nostræ, pater & mater provectæ ætatis, peste sævâ prehenfi, ille anthrace & bubone, hæc sex bubonibus simul, qui in abscessum abierunt, miserè afflicti, incolumes evaserunt, uti & binæ nostræ ancillæ, cum puero & famulo. Me quoque cum illis habitantem, & passim ægros invisentem, Divina protexit gratia, nec tum quid malum passus, quàm quòd carbunculi pustula, dum pulsum morientis, qui frigido mortali sudore, manum meam madefecerat, tangerem, juxta pollicem erupit, quæ & sine alia noxa, ea nocte evanuit. Quod & focero meo chirurgo, ægris operam danti, in pede accidit, ubi duæ ejusmodi pustulæ pestilentiales exortæ, nulla subsequuta febre, sponte subsederunt.

Numerus eorum, quos pestis sustulit, etsi magnus fuerit, quousque tamen processerit, cum tunc temporis, non uti in postremis duabus, annotarentur extincti, admodum incertus vulgò spargebatur, plerisque ad septem, aliis ad decem millia, eum extendentibus. Ego tamen, in medio ipsorum ad finem usque versatus, & quantum fieri poterat, præcipuis annotatis, atque cum ministris, qui eos visitare solebant, ea de re colloquutus, vix quatuor millium numerum excessisse, arbitror: quod sanè in urbe nostra, ampla quidem, non tamen adeò populosâ, & tunc temporis, ab illis, qui cedere potuerunt, desertâ, multum est. Maxime verò, me in supputatione hæc mortuorum, non adeò aberrasse, ex numero eorum,

tum, qui in postrema septima ordine peste occubuerunt, & annotati fuerunt, qui quatuor uti illic den. ōstrabatur attingebant millia, colligere potui, cum eodem ferè modo hæc pestis, uti illa, sicuti diligenter eas invicem contuli, grassata fuerit, sepulcrorumque per plures dies, idem extiterit numerus: & quòd in hac peste, ducenti in hospitali inscripti sint, qui numerus, cum eorum, qui in septima peste ibidem extincti sunt, convenit: atque insuper tot matrimonia divulgata aut penitus extincta, sicuti quam plurima ex illis notaram, ut & alia, quæ amissa fuere. Quod & ex nuptiis, quæ sequenti anno celebrabantur indefinenter, conicere licuit.

In defunctorum catalogo fuerunt, ex Senatoribus, tredecim: Ex Academicis, Rector, D. Marcus Hopperus Jureconsultus, D. Martinus Borrhaus Theologus, D. Uldaricus Iselius, D. Martinus Huoberus, Jureconsulti, D. Joan. Jacobus Huggelius, D. Jo. Acronius Frisius, Medici: Ministri verbi Dei quinque, Studiosi multi, Typographi duo, Nicolaus Episcopus & Hieronymus Curio, &c.

In hac calamitate, admodum Medicorum opem expetebant agri. Qui plerumque tunc, uti & ego, *aquas theriacales*, ad iudores movendos, illis propinabamus, quibus & Oswaldus Berus, octogenarius Medicus & Promotor meus, multa eximia præstabat, *quas ex theriaca sua, cui loco trochiscorum de viperis, alios ex carne serpentum cæcorum, vulgarium nostrorum, Wsindenschlich dictorum, paratos inferebat*, parabat. &

Cumque ego in variis *antidotis* experiundis, quid efficere possent, communicato quoque consilio cum magno Celsnero (qui anno sequenti peste extinctus

est) sicuti ex epistolis ipsius, ad me scriptis, patet, multa tentarem, *antidotusq; magna illa Matthioli, à me quoque ritè, ex selectissimis simplicibus undiq; conquisitis,* parata fuisset, eâ potissimum ad curationem multorum felici successu utebar, *illiusq; præsertim infusio-* nem, *ex antidoto ista, cum aqua Vitæ & syrupo Citri pa-* ratam, uti in Praxi mea descripta fuit, *uncia unius* quantitate, *in prima mox invasione,* exhibere, *sequen-* tiq; die iterum repetere, solebam: sicuti multis exem-
plis & historiis curationum, à me factarum, si eas re-
servassem, demonstrare possem: quod tamen ferè
supervacaneum esset, cum & *hæc & alia remedia,* qui-
bus in hac sequentibusq; pesti-entis cum successu u-
sus sum, in Praxi mea, sufficienter fuerint proposita.

Quarta pestis Anno 1576. 1577.

1578. grassata.

POst annos duodecim, à tertia, Anno nimirum
1576. Augusto, hæc pestilentia à tabellario quo-
dam, ex loco pestifero, ubi peregrè abfuerat, reduce,
in ædes proprias illata fuit, illumque primùm cum
uxore, postea alios ex ejus familia confecit, mox ab
iis & alios, indeque sensim per urbem dispersa, & se-
quenti Ann. 1577. toto, & 78. initio durans, nunc
potentiùs nunc mitiùs sæviendo, quamplurimos
abstulit.

Quot autem homines, hæc pestis sustulerit, non
fuit observatum, nec certò colligi potest, hoc tamen
constat, et si non tam magnam, uti prior, non tamen
exiguam stragem, diversis in locis edidisse & in fa-
milias aliquas, quibus prior pestis pepercerat, irru-
pisse. Obiit ea strage D. Casparus Herwagius Ju-
recon-

reconsultus, M. Oesius Diaconus Leonardinus, cuius filius eadem lue, in 7. peste, diaconus Petrinus factus, extinctus.

Memorabile hoc evenit, quod D. Adamus à Bodenstein, Paracelsicæ sectæ coryphæus, cum libello edico, se pestem præcavere & curare posse, *suâ theriacâ*, quam ex chymicis concinnabat, divulgaret, peste correptus, nemine tunc in ea platea ægrotante, & peste penitus ferè in urbe cessante, interierit.

*Quinta pestilentia, An. 1582. 1583.
regnans.*

HÆc paucorum, post priorem, annorum intervallo An. 1582. sub mensis Julii medium irrepens, hunc saltem semiannum, & sequentis 83. menses tres durans, brevi hoc tempore, etsi prior vix sexennio antegressa, urbem nostram admodum repurgasset, valde tamen sæviens, majorem adhuc intulit cladem, pluresque sustulit,

Quorum numerum, cum plurimos annotarim, partim pronuntiare certò possum, partim ex certis circumstantiis colligere, ad 1198. se extendisse. E quibus, apud Divum Petrum 186. In Hospitali 103. sepulti & inscripti fuerunt.

Inter hos & D. Simon Grynæus Medicus, Ethices professor fuit, & Thomas Phrygius, itidem professor. D. Petrus Perna Typographus, alijque multi, omnis ætatis & sexus. Sorores quoque ex patre tres, Anna, Ursula, Elisabetha, infantes adhuc, cum matre sua vidua tunc viventes, eo tempore, sunt mortuæ, fratribus duobus, cum sorore majore natu, inde ereptis.

Evaferunt

Evaferunt peste infecti quam plurimi, atque inter eos, in solo hospitali annotati 115.

In hac tempestate, me Deus, uti in prioribus quatuor, et si ægròs accedens, in magno versarer periculo, tutatus est, ædibusque meis pepercit, cum juniores familiæ meæ, maturè extra urbem rus urbi vicinum, quod possidebam, ablegassem.

Sexta pestilentia, Anno 1593.

1594. sevens.

HÆc decennio post antegressam quintam, sub finem An. 1593. incipiens, & 1594 totam urbem pervadens, circiter noningentos confecit, quod eò rectius sciri potuit, cum tunc mos primum quottannis numerum defunctorum, annotandi, atque Calendis Januarii publice promulgandi, inoleverit. Inter quos Dn. Bernhardus Brand, Jurium Licentiatu & Tribunus insuper plebis, nobis ereptus est.

Accidit tunc quoque hoc memoriâ dignū, quod impostor quidam, Pseudo-medicus circūforaneus, globo quodam *ex sibi*, uti puto & ex operatione illius potui conjicere, composito, *vinoq, immerso*, *vinum illud exhibendo*, omnes se curare peste infectos, gloriatus, peste, primum uxore ejus correptâ, ipseque mox, eadem perierit, pœnasque audaciæ sic ambo dederint.

Evaferunt ex ægrotantibus, hac lue grassante, non pauci Dei gratiâ & Medicorum operâ, meq; etiam, cum mea familia, Divina protexit clementia.

Quod *curationem* illorum attinet, qui meo consilio uti sunt, *præcipuum tunc remedium* fuit, *Aqua the-riacalis*, quam in Praxi mea, ubi de peste egi, *tertiam* vocavi:

vocavi : quam tunc temporis , in pharmacopolia omnia , ut ad manum semper esset , præscripseram . Cujus successum in peste correptis , in hospitali cum experirer , postea in cæteris quoque sanandis , eâ plerunq; utebar . Quæ & ita innotuit , ut tunc vix aliud , in peste sananda , adhiberetur *remedium* .

Cui tamen & aliæ quoque *curandi methodica rationes* in ægris , qui me accersiverunt , aut meâ operâ usi sunt , adhibitæ fuerunt . Inter quas , unam saltem , exempli loco adjiciam :

Febris pestilens in virgine .

Puellam nubilem ; mense Septembri peste correptam , vigesimo nono die accessi : quæ cum horrore eam invaserat . Calebat admodum , pulsus febrilis , urina nihil mutata , prostratis tamen subito viribus erat .

Propinavi illico sequentem *portionem* : R \bar{x} . aquæ Theriacalis supradictæ ʒ. ij. el. de Ovo ʒ. j. misc. Bibit , nec eam vomuit : quod pro bono signo habetur , multumque postea sudavit .

Sudore peracto , jussi ut cochleare unum vel duo syrupi de Limonibus , cum aequali portione syrupi de Acetositate citri permixti , per se , vel cum aqua cocta diluti , biberet , sæpeq; ut reficeretur , repeteret : Fusculaq; efficacia , contusa & congelata sumeret : lacq; amygdalinum biberet .

Sequenti die , bubo in inguine apparebat , anthraxque paulò subtus in femore erupit . Denuò igitur expulsivam hanc *portionem* illi propinavi : R \bar{x} . aquæ Theriacalis prædictæ ʒ. vj. Julep. ros. ʒ. j. syr. de Limon. ʒ. ʒ. de Agresta ʒ. ij. (ad robur ventriculo addendum , & ut haustum faciliùs retineret) misc. Bibit , rursumq; sudavit ;

Sudore

*Sudore peracto, tab. Diamarg. frig. sumpsit, moxq̃
repetiit.*

*Epithema pulsuum & cordis regioni tale cum serico
Chermesino admotum fuit: R̃. aq. Ros. ʒ. ij. aq. Scabios.
Acetos. an. ʒ. j. aq. Meliss. Aceri ros. ana ʒ. ʒ. pulv. Diamarg.
frig. ʒ. ʒ. Suc. pomor. ʒ. ʒ. misc. Applic. sæpeq̃; iteretur.*

*Anthraci cataplasma hoc impositum fuit: R̃. sol.
Scabios. pulpæ ficuum ana ʒ. ʒ. contund. adde ol. Lil. ʒ. ʒ.
misc.*

*Tertio die, cataplasmati pro anthrace, qui dilatabatur,
Laricea & Vitellus ovi admista fuerunt.*

*Et quia de ardore colli conquerebatur, hoc garga-
rismate usa est: R̃. aquarum Plantag. Solani, Caprifol.
ana ʒ. ij. Vini granat. ʒ. j. ʒ. syr. Viol. Mellis ros. ana ʒ. j.
misc.*

*In usu cordialium propinatorum admotorumq̃; perre-
xit. Victuq̃; sæpe & parum exhibito restaurabatur.*

*Quarto, cum adhuc periclitaretur, potionem cordia-
lem, & quæ veneni vim infringeret, talem exhibui: R̃.
aque Theriacalis ut supra, aquarum Buglossi, Scabios. Ca-
lendula syr. de Agrest. ana ʒ. ʒ. pulv. Diamarg. frig. ʒ. ʒ.
misc.*

*Bubo, interea admodum increvit, accedente ru-
bore & mollitie: quem cum ad suppurationem tendere
viderem, cataplasma hoc; ut chirurgus applicaret,
præscripti: R̃. herb. Málva M. j. fl. Chamom. P. j. Fi-
cium ʒ. ij. coq. pistentur. adde pulv. rad. Alth. ʒ. ʒ. fa-
rin. sem. Lini & Fœnigr. ana ʒ. ij. Vitell. Ovorum nume-
ro ij. empl. Diachyl. dissoluti in ol. Lil. ʒ. j. Salis ʒ. ij. fiat
cataplasma.*

*Ab eo tempore melius habere cœpit. Perrexit
in usu prædictorum remediorum, & sequenti Julepo:*

R̃. Oxy-

R̄. Oxyſacch. ſimpl. ſyr. de Limo. ana ℥. j. ſyr. Acetoſ. ℥. β. julep. Roſ. ℥. j. β. aq. Cinam. ℥. β. ſpiritus Vitreoli gutt. iij. Camph. gr. iij. miſc. Utatur frequenter.

Septimo die, quia pulſus erat debilior, ruſum hauſtum hunc bibit: *R̄. aq. Theriac. ut ſupra, ℥. β. aq. Sca- bioſ. ℥. j. julep. Roſ. ℥. j. β. Bibat. Poſtea ſenſim cœpit conualeſcere.*

Cura Anthracis, qui amplius erat, lobumq; carnis nigræ continebat; & Bubonis, qui in abſceſſum, de- in in ulcus convertebatur, chirurgus commiſſa fuit.

Hæc ſufficiant exempli loco, in medium protu- liſſe: cùm diverſi curationū modi, in libro februm copioſè tractentur. Multos tamen; Deo per media operante, quatuor peſtilentiis graſſantibus, quibus quòd Medicus eſſem, interfui, ægrisque innumeris adfui, tutuſq; divino numine evaſi, liberatos medi- camentorum adminiculo fuiſſe, bonâ conſcientiâ affirmare poſſum.

*Septima peſtis Anno 1609. 1610. non minùs
quàm tertia vehemens, Magna proin-
uti & illa dicta.*

Septimæ peſtiferæ luis, quæ urbem noſtram de- ſpopulata eſt, Anno milleſimo ſexcenteſimo & nono, primū ſemina fuerunt jacta. Atq; quinque annis tardiùs, quàm priores incipiens, brevi tempo- re, uti & tertia, immenſam ſtragem edidit, & ob id uti illa, Magna peſtis der groſß Sterbend appellata fuit.

Invaſit autem hæc lues, urbem noſtram, ſub fi- nem Octobris menſis; anni prædicti, cùm priùs pau-
latim

latim per Rheni tractum ascendens, sicq; ad nos perveniens, in vicino Marchionatu, per totam æstatem admodum sæviisset. Eam pistoris, in minori Basilea famulus, peste correptus, inde in urbem importavit, magistriq; sui, eadem illâ perempti, familiam infecit. Unde in defuncti pistoris consanguineos, vicinosque, & præsertim qui illis ministrarant, eosq; inviserant, serpens, aliquos quoque è medio sustulit, ita ut quindecim numero, sub principium sequentis anni, peste saltem extincti fuerint.

Anno 1610. sequenti, mox circa initium, lues, ex minori urbe, in majorem quoque sensim transmeavit, atque hinc inde aliquos prostravit, de quibus tamen, in aliquibus nec bubone nec anthrace apparente; an febris esset maligna solum, vel pestis vera dubitabatur, præsertim cum pauciores morerentur, donec mente Julio in æstate, certis illius jam patecibus indiciis plures extinguerentur, sensimque per autumnum ad 12. Octobr. usque illa invalesceret. Quo tempore, quam plurimi, ex urbe pestem fugientes secesserunt, & cum numerus defunctorum colligeretur, 1696. peste à Januario supputando, extincti inventi sunt. Inde pestis adeo sæviit, ut hebdomadam à 250. ad 280. vitam finirent, ad mensem Decembrem usque, quo nonnihil eâ remittente, numerus defunctorum, media ex parte, septimanatim minui cœpit, longeq; amplius, sequentis anni 1611. mensibus tribus, donec circa finem Martii, pestis penitus, per Dei gratiam, nos reliquit.

In hac extrema urbis nostræ calamitate & miseria, post diligentem inquisitionem. deprehendimus, in universum, brevi hoc tempore, peste correptos fuisse,

fuisse, sexies mille quadringentos & octo homines. E' quibus è vivis exceſſerunt mortuiq; ſunt, ter mille noningenti ſexaginta & octo. Sanitati verò reſtituti, bis mille, ducenti & quinquaginta.

In magno horum numero, qui hoc tempore obierunt, Senatores fuerunt ſexdecim, Academici, Doctores, Theologiæ unus, Jurium unus, Medicinæ quinque, Philoſophiæ decem & ſeprem. E' quibus & miniſtri vbi Dei, qui infectos ægros magno numero, cum vitæ periculo, ſubinde inviſebant, fuerunt quinque, quatuor aliis, denuo ſanitati reſtitutis: ex Ludimagiſtris quatuor, ex Studioſis ſexdecim, extincti fuerunt.

Matrimonia inſuper dirempta, alterutro conjuge mortuo, plurima: integra verò extincta, ambobus ſimul è medio ſublatis conjugibus, centum ſexaginta quinque. Inter quos & inſignis ille Theologus, D. Amandus Polanus à Polansdorf, cum conjuge ſublatus recenſetur. Et duo illi viri præſtantes, D. Jacobus Zwingerus Medicus, & M. Henricus Juſtus paſtor Eccleſiæ Petrinæ, cum uxoribus: quorum ille ut curaret corpus, hic animam, ægros ſedulo viſitando, vitam propriam expoſuerunt discrimini: uti & ex Academicis Medici duo, & Ludimagiſtri duo, cum conjugibus peſte interempti.

Inter cætera, memorabile hoc quoque tunc accidit, quòd in hoſpitali, ex magno numero illorum, qui peſte correpti eò deducti ſunt, atque ex illis qui in eo tunc habitaverunt, ducenti & novem tantum ſine mortui, evaſerint verò ex illis, qui hac lue ægri ibi decubuerunt quadringenti, ſeptuaginta & octo. Quorum multi nullis uſi ſunt remediis peſti ſananda

appropriatis. Plerique verò *Aquam illam theriacalem* biberunt, quam in priore sexta peste, pro hospitali, & aliis pauperioribus, uti illic docui, ordinaveram, eaque magno successu usi erant, quæ *Tertia* inter *aquas theriacales* in Praxi mea descripta, & rursus in fine, inter *remedia, communi Medicorum consensu, in hac peste annotata, ultimo loco posita fuit.*

In hac septima pestifera strage, Deus opt. max. me quoque, uti prius in sex prioribus, sanum conservavit, familiamque meam, puero mihi famulante saltem, hac lue mortuo, protexit clementer. Cui gloria & laus in æternum. In qua, cum diligenter singula observaverim, eamque cum reliquis contulerim, deprehendi, singulis decenniis, pestem nobis contagium minari, eamque, si diutius protrahatur, eò vehementiorem postea fieri, sicuti in tertia, & hac septima peste factum: qui in utrisque Medicus, omnibus, qui meo consilio uti voluerunt, consilio & operâ meâ, & præsens & absens, lubentissimè sum gratificatus: atque notavi, cum illa biennium, hæc quinquennium, supra decimum emanferit, moramque traxerit, vix intra sesquianni spatium, longè majorem stragem, quàm quæ singulo quoque decennio redeuntes, per tres annos protrahebantur, edidisse, atque in priore tertia, & septima hac regnante peste, æqualem ferè numerum, ad quatuor scilicet millia, è vivis sublata fuisse.

Quod *remedia* attinet, quæ eo tempore à Medicis plerumque ægris administrata fuerunt, præter jamdiu consueta, & prius in aliis pestilentiis quoque usurpari solita, in Praxi mea ad præsertionem & curationem copiosè descripta, communi consensu Medicorum,

eorum, sequentia præcipue, ut illis uterentur, præscripta & publicata fuerunt.

Ad præservationem sequentibus pilulis per vices utantur: R̄. Aloës, Rhabarbari, ana ʒ. ij. Agarici, Myrrha ana ʒ. j. rad. Gentiana, Zedoaria ana ʒ. j. Croci ʒ. ʒ. pulveriscentur, & cum syrupo Ros. sol. infusion. fol. Senæ fiat massa.

Antidota item sequentia, primum in forma tabularum vel electuarii: R̄. rad. Angelica, Imperat. Zedoaria, semin. Angelica, granorum Juniperi, sol. Ruta, Boli puri præpar. cum succo Citri, Cinamom. ana ʒ. ij. rad. Tormentillæ, Carlinæ, Vincetoxici, Morsus diaboli, Valeriana mai. Diclamni albi, seminum Acetosæ, Citri vel Limonum aut Arantiorum, Cardui bened. sol. Lauri, Cardui ben. Croci, Cornu cervi usti ana ʒ. j. Piperis longi, Maceris, Opii ana ʒ. ʒ. fiat pulvis, cui adde Nucum nucleorum, Ficum pulpa ana ʒ. ʒ. Sacchari ʒ. ij. Mellis despumati cum Vino ʒ. xij. fiat electuarium instar theriacæ.

Vel: R̄. pulveris prædicti Antidoti ʒ. ij. Sacchari cocti cum aqua Cardui ben. ʒ. iiij. fiant tabula.

Vinum præservativum: R̄. rad. Tormentillæ, Pimpinell. ana ʒ. j. rad. Imperat, Angelica, Valeriana ana ʒ. ij. fol. Verbenæ, Cardui ben. Absinthii ana ʒ. j. gr. Juniperi ʒ. j. cort. Citri ʒ. ʒ. infundantur in Vini albi mens. j. ʒ.

Aqua præservativa: R̄. rad. Angelica, Imper. Zedoar. gran. Juniperi, sol. Ruta ana ʒ. ij. rad. Angel. sylv. Pimpinella, Phu. mai. Asclepiadis, bacc. Lauri ana ʒ. j. Cinam. ʒ. iiij. Piperis longi ʒ. ʒ. Croci ʒ. ʒ. pulverizatis affunde Aquæ vitæ rectificatæ, ut in pulvem redigatur, stent in infusione in loco calido aliquandiu, postea eliciatur aqua: De qua capiant cochleare unum, per se, vel cum syrupo acetos. Citri.

Ad curationem aqua: R̄. rad. Angel. Imper. Zedoaria,

femin. Angelica, gran. Juniperi ana 3. ij. fol. Ruta, Calendula, Verbenæ, Scabiosæ, Salviæ ana 3. j. ß. rad. Enulæ, Lappæ mai. Tormentil. Pimpinell. Asclep. Phu. magni, Dictamni, Croci ana 3. j. incisa & pulverisatâ macerentur in Aqua vitæ, quæ tribus digitis superemineat, stent in infusione per dies octo, indies agitando, sensim postea à facibus separaretur. Detur 3. j. cum 3. j. Theriacis mīsta.

Alia aqua curativa, quæ in hac & priore tertia peste tantoperè profuit: R. rad. Tormentillæ, Lappæ mai. Pimpinell. Succisæ, Phu mai. ana 3. iiij. radic. Imper. Angel. Dictamni, Gentianæ, Serpentariæ an. 3. j. Cæparum mund. à cortice, Nucum viridium ana 3. vj. fol. Scabiosæ, Verbenæ, Calendulæ cum floribus Ruta, Acetosæ, Cardui ben. ana M. ij. Camphoræ 3. j. ß. Aqua vitæ 3. j. Vini albi gener. mens. j. ß. Aceti ros. 3. ij. Mithridatii 3. j. destillentur. Dosis hujus summa 3. ij. existit.

Febris Hæctica.

PUella generosa, annorum octodecim, febre continua putrida aliquandiu periculosè laborarat: quâ cessante, in declinatione morbi, etsi nulla febris ampliùs, uti priùs, apparerent indicia, ipsaq; cibos, jam non invita assumeret, & circumire posset, urinæque laudatæ essent, tamen non reficiebatur, sed lassâ & prostratis erat viribus, corpusque emaciatum febre acutâ, non in integrum restituebatur, sed potiùs consumebatur ampliùs, & cum scalam ascendens, vel alioquin se exercens, uti & post cibum sumptum, statim incalescebat, corque arteriæque circa jugulum, colli latera & hypochondria pulsabant: reliquo quoque tempore, pulsus concitior naturali, citus, sed parvus erat. Quibus indi-

ciis,

eiis, hæticam febrem adesse, cordis temperamento à priore febre, in calidius converso, deprehendi exposuique, & diurnitatem periculumque morbi, præsertim cùm tenella, priorique morbo attrita esset, prædixi.

Ab initio mox occurrendum, cùm si diutiùs perseveret, corpusq; absumat, incurabilis sit, docui.

Et quia multis priùs usa erat *medicamentis*, dum febre acuta laboraret, eaque proin fastidiret, *gravioribus & delicatioribus* uti coactus fui.

Victus rationem ab initio talem institui; ut *indies ter*, horâ scilicet *decimâ matutinâ*, *tertiâ & septimâ pomeridianâ*, *cibus* illi exhiberetur, *duorum saltem vel trium generum pro una mensa*: de quibus tantum *solùm*, quantum *ventriculus optimè ferre digerereq; posset*, assumeret.

Hæc autem erant quæ concedebantur. Caro caponis non antiqui, gallinæ junioris, vituli, hædi, agni, perca piscis & lucii junioris; ritè preparata, nunc elixa, nunc assa: Ova elixa tremula: *cancrorum fluviatilium caudæ coctæ*: Leviter omnia salita, & vixdum, vel tenuissimè saltem, aromatibus condita. Martius panis, amygdalæ, pineæ excorticatæ & in aqua rosarum infusæ. Passulæ, pro secunda mensa. Et poma, pyra, pruna matura siccata, priùs coctæ. Ex lacte amygdalino puls, cum butyro recenti parata. Panis ex farina tritici pura pistus, non salitus. Oryza in jure coctæ.

Fusculis ex capone, additis caudis cancrorum aliquibus, paratis, buglossum tenerum adhuc, & portulacæ folia incoquebantur.

Vinum in prandio & cœna bibebat tenue, album maturum, saccharo addito dulcoratum, & a-

quâ recenter destillatâ buglossa & portulaca dilutum.

Emulsionem seu lac ex Amygdalis dulcibus, additis Pineis, & seminibus aliquibus Cucurbita recentibus contusis, expressum ad ℥. iiij. dissol. in eo Sacchari ros. tab. 3. ij. alternis matutinis tepidum jejuna bibebat, in eoq; ad septimanas usque quatuor perseverabat. Neque enim lacte animalium ut uteretur, cum pulmo non affectus aliter esset, aut ipsa tantoperè consumpta, necessarium esse duxi.

Altero die, quo lac amygdalinum non bibebat, confectione sequenti utebatur: R. conf. fl. Violarum, Bugl. utr. Ros. Nenuph. Scabiosa ana ℥. j. caulium Lactuca, carnis Cucurb. & Citri saccharo conditarum, & siccant. ut solent, ana 3. vj. sp. Diatragacanth, Diamarg. frig. & Diapenid. ana 3. j. syr. de Portul. rectè præp. ex succo, 3. ij. misc. Capiat 3. ij. pro vice.

Superbibendo 3. ij. sequentis Julepi: R. syr. de Portul. & de Bugl. ana 3. j. B. julep. Viol. 3. ij. aq. Portul. Bugloss. & Limacum & Lumbricorum terrestrium, ana 3. ij. misc. Utatur.

Cordis regioni & pulsuum in utraque carpo, sequens ante somnum indies adhibitum fuit: R. suc. Portul. Bugl. Violaria, Lactuc. simul express. ana 3. j. suc. Scabios. 3. B. ol. Rosar. & Nenuph. ana 3. iiij. coq. ad succorum consumptionem, addendo in fine succi Citri vel Limon. 3. B. adde mucil. sem. Psyllii facta cum aq. Ros. 3. B. Cera alba parùm permiscendo: sp. el. de Gemmis, Diamarg. fr. ana 3. B. Coral. Crystalli subtiliss. pulv. an. 3. j. fiat unguentum, quo cordis regio. & pulsuum inungatur: vel fiat ceratum. Et sic applicetur.

Ne illuvies aliqua excrementorum congesta, novum morbum aut febrem efficeret, Manna 3. j. cum juscule

*jusculo Cicer. rubr. addito Sacch. cando dissolutam, septi-
manatim bibit.*

*Et diebus tribus postea clyster hic semper injectus fuit:
℞. juris Gallinae, in quo flores Cord. quatuor, & Portul.
recens decocta fuerint, ℥b. β. Lactis caprini quartarium. ℥.
diss. Manna ℥. j. Butyri rec. ℥. j. β. Vitel. ovi j. misc. fiat
clyster.*

*Peracto mensis spatio, cum non in deterius mor-
bus vergeret, nec consumeretur: jussi denuo per dies
quatuordecim curam continuare.*

*Quo tempore absoluto, cum vegeta esset, nec
fiti præternaturali premeretur, in sessione in balneo hu-
mido, eam mensis spatio, cum æstas tunc esset, uti, utile
futurum dixi. Quod sic parabatur: ℞. Aq. pluv. vel
fluv. si ea destitueretur, q. s. in qua decoq. Malvam, Bugl.
extr. Portul. Violariam, fl. item Chamom. Sedeat indies
ante cœnam horis duabus in eo tepidè.*

*Post balneum spina dorsi ol. Amygd. dul. & Violarum
inuncta fuit.*

*His peractis, cum benè haberet, recteq; colorata
& habita esset, discessit. Verùm Anno 1594. reversa
sub hyemem, nescio quomodo se absens governa-
rit, in febrem, quæ tunc grassabatur, perniciosam
incidit, mensèq; Novembri expiravit.*

*Febris Hæctica, cum Tertiana duplici,
& Atrophia.*

Vide in Consumptione. Lib. III. Atrophia, ten-
siones hypochondriorum, &c.

Hæcticae metus, post peripneumoniam.

Vide in Pectoris dolore. Lib. II. Peripneumo-
nia, melancholia, hæctica, &c.

*Febris Synochos, Catarrhus, Tussis,
Lateris dolor.*

Quidam variis & multis negotiis, jam senex involutus, diutius in aëre frigido, & ventoso moram trahens, 5. Martii, Anno 1597. horrore correptus & tussiculâ. nihilominus sequenti die prodiit: unde defatigatus & lassus, denuo horrore correptus, in febrem incidit, moxque de punctiōis dolore, in latere dextro conquerebatur: quem tamen tantum tussiens sentiebat, sed admodum gravem. Spumosa primùm excreabat, decubitus in latus sanum, vel dorsum, facilis illi, in ægrum verò latus molestus, & quem ferre doloribus & tussi tunc concitatis, non poterat: erectusq; sedere cogebatur.

Defluxionem à febre synocha commotam, à capite in thoracis inter-costales musculos decubuisse judicavi, falsamque esse pleuritidem. Verùm quia sequenti die, subflava nonnihil quædam exspuere, sed pauca atque admodum difficulter coepit, partem humoris in pulmones quoque decubuisse, & crudam, peripneumoniam adesse quoque dixi.

Altero die, cùm primùm incepisset catarrhus, & coryza quoque adesset, jussi noctu cucupham gestare, sic paratam: R. rad. Ireos 3. ℥. Angel. 3. ꝯ. Major. Ros. rubr. ana 3. j. sem. Coriand. 3. j. sem. Nigell. 3. ℥. Storac. cal. Benzoin. ana 3. j. misc. fiat pulvis. Pedes item noctu lavare decoctione Salvia & Chamom. in Lixiv. sacculum item ex Furfure, Milio & fl. Chamom. cum Vino lateri applicare.

Tertio manè illum invisens, pulsus febrilis, urina admodum tincta, ipseque valde debilis & prostratus,

rus, uti ex sua natura quoque, imbecilliore constitutione præditus : & quia rugitus aderat ventris, dedi *Manna* ℥. j. in juscule dissol. & semel, sed copiosè deiecit.

Jussi decoctum ex *Passul. majoribus enucl. loco potius* bibere, illique frequenter hunc *syrupum* permiscere : ℞. *syrup. de fujub. de Violis ana* ℥. j. *julep. Viol.* ℥. ij. *Oxym. simpl.* ℥. β. misc. *Venam*, quia sanguinem non spuebat, febrisq; non adeò magna fuit, non aperui.

Quarto, *latus dolens* hoc ung. inungebat : ℞. *ol. Chamom. Amygd. d. ana* ℥. β. *ol. Irini* ℥. ij. *ung. Resumpt.* ℥. β. misc. Et quia vehementer debilis erat, *julepum* hunc dedi : ℞. *julep. Viol.* ℥. ij. *Oxyfacc. simpl.* ℥. j. *aq. Cinamom.* ℥. β. *manus Christi* ℥. ij. misc. Item *pulsibus* hoc *epithema* applicatum fuit : ℞. *aqu. Rosar.* ℥. iij. *Bugl. Scabios. ana* ℥. j. *Aceti Rosar.* ℥. β. *suc. Limon.* ℥. ij. β. fiat *epith.*

Quinto, licèt rariùs, admodùm tamen difficulter & cum dolore tussiebat. Dedi illi : ℞. *Dactyl. num. v. fujub. Sebest. an. p. x. rad. Liquir.* ℥. j. β. *Capill. ven. M. j. Sacch. q. s. coq. ad aliquam spissitudinem & continuo utatur.* Comedat *hordeum mundum benè coctum*, additis guttis tantùm aliquot *aceti* ; & *pruna damasc.* Item *consummatum caponis* propinavi. *Tabulis* item usus *Diatra. & paratis ex succo Violarum.*

Sexto, remiserat febris : urinæ tamen vehementer tinctæ. Et quia dolores pectorii in thorace & humero per vices acerbi aderant, & venter admodùm rugitum ederet : dedi iterum *Manna* ℥. j. cum juscule : atq; oñies deiecit ante prandium, sed citra laborem, & non nihil allevatus, sumpsit *Oryzam cum brodio coctam.* Jussi pergere in usu *syrupi & inunctione pectoris.* Nox quietior.

10. Martii, sine febre, dolorq; remiserat punctorius, solaque restabat tussis. Continuabat *syrupum & tabulas*.

11. Tussis noctu molesta fuit: constipatio ade-rat. Dedi ʒ.j. *Mannæ, tertio cum jusculo. Eclegma* item hoc ordinavi: R. *pulv. Diatrag. ʒ. j. Sacch. candi ʒ. ij. syr. de Liquir. q. s. fiat lohoch.*

Sensim ad se rediit.

*Febris Synocha, Erysipelas cruris
œdematosum.*

ARthriticam hanc mulierem vetulam, de qua alibi, quæ totum biennium decubuit, horror invalit mense Decemb. An. 1596. subsequente calore febrili, cum delirio & virium prostratione.

Altero die, cruris dextri pars inferior, rubebat, & nonnihil tumebat. Quare erysipelas œdematosum, à febre synocha exortum, esse dixi. Jussi more solito, cum ægrè *remedia erysipelati* admoveri concedant, *veteri, linteo, intincto in Croco, in aqu. Ros. prius infuso, crus* involvere. Remisit mox & febris & tumor.

Post octiduum rediit febris, subsequente utriusq; cruris erysipelate, majori adhuc cum tumore, illis quoque sensim remittentibus.

Tertia vice denovo invasit febris, & crus sinistrum (quod cum arthritide laboraret, semper magis altero afficiebatur) tantum tunc erysipelate corripiebatur. Quod tamen mirum in modum totum, unâ cum pedis superficie, intumuit, & circa inferiora pedis, vehementer inflammatum erat, cum intenso ardoris & punctiōis dolore: Ita ut necessitate adacta, *topicorum usum* tandem sponte efflagitaret.

Jussi

Jussi itaque illinere locum rubentem hoc linimento:
R. suc. Solani, Plantag. ana ℥. j. ol. Viol. Ros. ana ℥. ij. Aceti ros. ℥. β. coqu. ad succor. consumpt. add. ung. Popul. & de. Cerus. ana ℥. β. Camph. ℥. j. Cerae alba parum, fiat Linim. - Illinat crus ubi rubet, & postea involvat corio Canino.

Mitigabatur dolor & rubedo: sed post biduum vehementer iterum recrudit malum. Itaque quia spiritus adhærebat prius unguentum, aliud præscripsi:
R. suc. Solani, Plantag. ana ℥. ij. Aceti ros. ℥. j. Laricea dis. in vitello ovi, q. s. Album. ovi num. j. ol. Ros. Viol. de Nenuph. ana ℥. j. agit. probè; Et illinat locum affectum.

Interea bibit Cerevisiam loco vini, atque interdum de hoc Julepo sumpsit: *R. julep. Viol. Rosar. ana ℥. j. β. suc. Limon. ℥. ij. misc.*

Quarto die, aperta sponte vena in imo cruris, ubi tumor maximè protuberabat, maxima copia sanguinis & saniei effluxit: idq; aliquot diebus sequentibus, etiam in aliis vicinis locis tanto fluore, ut ab universo corpore, materiam per hanc viam expurgari cernere esset. Pedis tumor sensim subsedit, & continuato unguento inflammatio cessavit.

Pruritus admodum illi molestus erat. Et cum ex frictione unguium, recidiva metueretur, nec tamen sibi temperare posset: ad eum mitigandum, jussi in Vino permiscere Camphoram, coctam donec dissolv. in pauca quantitate aquæ Vitæ, & parum Alum, & Litharg. permiscere, atque eo madefacere sæpè crus. Unde minui cœpit pruritus, & locus unguibus scalptus sicari.

Post aliquot dies, dolor ex frictione subortus est in illo cruce novus. Nam sentiebat in profundo,
 non

non ardentes in superficie dolores, sed lancinantes: sicuti prius, dum arthritide laborabat, senserat circa genu.

Et cum sponte jussisset illinere *crus totum postremo linimento*, statim ea nocte dolor, qui per biduum duraverat, remisit.

Febris Synocha, Ecchymata seu Morbilli.

Puer sexennis, regnante anno nonagesimo sexto, inter infantes febre synochâ malignâ, ecchymata protrudere solitâ 6. Februarii, horrore præeunte, calore præternaturali correptus, decumbebat. Accersitus, pulsum febrilem plenum & citum deprehendi: facies oculique rubebant, prostratus jacebat, nec de dolore aliquo conquerebatur.

Suspiciatus febrem eam, quæ tunc infantibus consueta erat, esse, eam prædixi. Moxque antequam ecchymata erumperent, ut purgaretur, sequens *medicamentum* propinavi: *R. syr. Rosar. sol. cum inf. Rhab. syr. de flor. Persic. ana ʒ.ß. Diagryd. gr. ij. bene permixta sumat per se, vel cum jusculo.* Unde aliquoties foeda excrementa dejecit.

In hypocaustum ubi decumbebat, ne aer frigidus intromitteretur, fenestras clausas retineri, & janua velamen rubrum obtendi, jussi. Cibum cum respueret, ne invito nimium juscula obtruderent, monui.

Altero die, cum jam hinc inde pustulas, sed paucas adhuc, & rubras, nec dum elevatas, in facie, pectore & brachiis apparere observare, illeque decoctum sumere, uti & dulcia, fastidiret; aquam hanc propinavi: *R. aq. Portul. & Fumar. an. ʒ. j. aq. Scab. ʒ.ß. Bibat & sub vesperam eundem potum repetat, additis suc. Lim. ʒ. ij.*

Tertio,

Tertio, quarto & quinto die, pustulæ magnâ frequentiâ prodibant, atque universum corpus replebant.

Jussi ut *Ficus*, *Passulas*, cum granis aliquot *Hordei* & *Lentium* in aqua decoquerent, hocque decoctum clarificatum potus loco continuo, ad sitim sedandam biberet frigidum. Verùm cum mox fastidiret, *syrupo de Ribes* addito, acetositatem illi conciliaui, & tunc magis placuit.

Sumpsit quoque de sequenti *syrupo cochl. j.* frequenter, & hoc & sequentibus diebus: *℞. Oxy-sacch. simpl. syr. Acetof. simpl. de Limon. ana ℥. j. B. misc.* Utatur.

Sexto die admodum erat debilis, eâthymataque lateſcentia adeo palpebras & nares oppleverant, ut oculos aperire minimè, nihilque penitus videre, nec aërem per nares attrahere posset, oreque aperto respirare cogeretur. Quo incommodo alios aliquos infantes excœcatos vidi; & puellæ cuidam nares, cum sanitati restitueretur, penitus coaluisse.

Cum alvus non responderet, *clyster* talis injectus fuit: *℞. Malvæ, Mercur. sol. Acetof. recent. ana M. j. fl. Cord. p. j. Lent. Hord. Cicer. rubr. ana P. j. fiat decoct. in jure gallinæ: diss. in col. q. s. Tryph. persic. ℥. B. Diasen. ℥. ij. Mellis viol. ℥. j. ol. Viol. Amygd. ana ℥. j. fiat clyster.* Dejecit subnigram & tenacem materiam.

Decoctum prius cum nollet amplius bibere, jussi *rasuram Cornu cervi* atque *Unicornu*, quod ipsi habebant, & cui multum tribuunt, in aqua decoquere, & sic ea uti.

Et quia convulsio metuebatur, *aq. Pæon. ℥. j.* potrexi, & *nucham* oleo *Amygd. dulc.* etſi & hæc pustulis occupata esset, inungere jussi.

Septi-

Septimo die, cum extremè prostratis esset viribus, cordiale hoc exhibui: *R. sp. Cordial. elect. de Gemmis ana ʒ. β. aq. Peon. Scabios. ana ʒ. j. colentur aliquoties: Bibat.*

Easdem species Cord. ad ʒ. j. cum sem. Citri & Acetof. ana ʒ. β. Coral. pulv. ʒ. ij. in nodulo ligata, jusculis incoquere mandavi.

Cordis regioni, etsi quoq; pustulis scateret; Theriac. ʒ. ij. cum pulv. rad. Peon. & sp. Diam. an. ʒ. j. permixtam; addito succo Citri, adhibui.

Sub vesperam, cum eum jam animam agere existimarent, & ad preces confluerent; pulsus tamen, quem ægrè propter copiam pustularum explorare poteram, responderet: bono animo esse jussi, nihil adesse periculi. Quod & eventus, cum statim ad se rediret, meliusque postea haberet, sensimque se recolligeret, comprobavit.

Nam postea sponte biliosa & nigra, pessimeque olentia, octavo die per alvum reddidit excrementa.

Nec solum juscula, verum & cibum solidiorem sensim admisit, atque etiam expetivit: quibus, & egregiè reficientibus successivè usus est.

Cœperuntque pustulæ, partim spontè suppuratæ; partim quia illas unguibus prurientes seindebat, apertæ fluere, crustâque nigrâ obduci. Unde tam horrendus totius ipsius corporis erat aspectus, ut nullâ scabie, nec leprâ ipsâ infectos, miseriore & turpiore viderim, quàm hunc puerum; qui prius pulcherrimus erat; aliamque nobilem puellulam; & fœminam quandam juvenem, eo ipso anno simili modo laborantes, defœdatasque.

Convaleuit tamen mox, relictis solis in facie parvis,

parvis, certis duntaxat in locis foveis, variolarum vestigiis.

Febris Tertianæ intermittens, Icterus.

Mulier, quæ jam secundo pepererat, postquam ablactasset infantem Anno 1567. febriles paroxysmos tertianæ passâ leves, illis cessantibus, sensim flavescere, in oculis primùm, mox & in facie, collo, reliquoq; corpore cœpit, urina penitus crocea. Nec alioquin decumbebat, & saltem de vehementi alvi constipatione querebatur: cùm per plures sæpè dies, nihil dejiceret. Compressiones tamen, circa præcordia quoque aliquas, sentiebat.

Bilis ad intestina, naturalem, per porum cholidochum, expurgationem impeditam esse, facile conjicere potui: proin nec intestinis irritatis alvum moveri, sed eam serò dilutam, per venas, unâ cum sanguine, in universum corpus diffundi: illiusque causam, obstructions circa viscera, horumq; vias, existere.

Quas ut solverem, cùm suspicio esset, illam concepisse, *levioribus* id primùm tentare aggressus sum. *Vino*, quod sic parabatur: *R. rad. Aperit. ana 3.ij. Cichor. 3. β. Absinth. 3. iij. sol. Senna 3. j. sem. Anis. Fœnic. ana 3. j. conquass. pro Vini infusione: Utatur per tri-duum* loco præparationis. Verùm illius usu, alvus minimè mota fuit.

Quarto die hoc exhibui *purgans: R. Rhabarb. el. 3. j. Agar. 3. β. Spica 3. j. infund. in Vino Absinth. Expressionem bibat.* Nec hoc medicamento alvus respondit.

Ut *clysterem* sumeret suadebam. Verùm cùm illa *omnino*

omnino recusaret, videremque jam diu illam nihil deieciſſe, nec facile moveri, præſertim cùm adhuc de conceptu dubitaret, ſortius hoc exhibui medicamentum: R̃. rad. Cichor. ʒ. j. B. Fœnic. ʒ. j. cort. Samb. ʒ. vj. ſol. Sennæ ʒ. B. ſemin. Anif. ʒ. ij. ſemin. Petroſel. ʒ. j. Cuſc. ʒ. B. fiat decoct. infund. Rhab. el. ʒ. iiij. Agar. troch. ʒ. j. fiat expreſſ. diſſol. el. de Suc. roſ. ʒ. j. B. fiat potio. Hac ſumptâ deiecit, ſed parùm.

Et quia tunc, quod alvus reſponderat, contenta erat, per dies aliquot, non iterum ad me miſit; licet ab eo tempore, nunquam deieciſſet.

Quo caſu tandem impulſa, conſilio meo pilul. Aggregat. ʒ. j. ſumpſit: quæ alvum quoque ſolverunt, nulla tamen inſigni factâ evacuatione.

Et quia non gravius afficiebatur, uſum remediorum negligens, in febrẽ incidit. Dedi itaque: R̃. ſyr. de Endivia, ſem. de Cichorea, duplic. Rhabarb. ana ʒ. j. B. de quinque radicibus ʒ. j. aq. Endiv. Cichorii, Bugl. ana ʒ. iiij. fiat Julep. Bibat tribus vicibus.

Ceſſavit febris: ſed tota erat icterica, alvusque penitus conſtipata. Perſuaſi itaque ut Vino ſequenti alternis uteretur diebus: R̃. radic. Aperit. ana ʒ. B. cort. rad. Samb. ʒ. vj. rad. Afari ʒ. ij. Abſint. ʒ. iiij. ſum. Centaur. ʒ. ij. fl. Cord. ana ʒ. j. ſemin. Fœnicul. Petroſel. Cuſc. ana ʒ. j. ſol. Sennæ ʒ. iiij. Turpet. ʒ. iiij. Agar. ʒ. B. Zing. ʒ. B. Tartari Vini albi, limat. Chalybis in nodulo ligatæ ana ʒ. B. infund. in Vino: coq. in duplici vaſe parùm. Et utatur. Deiecit egregiè hujus Vini uſu: in quo aliquamdiu permanſit, ſenſimque flavities minui cœpit, urinæque ad naturalem colorem redire, alvusque reſpondere.

Poſtea quoque, ut viſcera ſimul roborarentur, obſtru-

obstructionesque solverentur, elect. hoc præscripsi:
*R. conf. fl. Cichor. fl. Bugloss. Capill. vener. ana ʒ. j. pulv.
 Pellic. stom. & intest. gallin. ʒ. j. Troch. de Eupat. ʒ. j. limat.
 Chalyb. præpar. ʒ. ij. cum syr. de Bugl. fiat elect. Capiat al-
 ternis diebus, superbibendo parum Vini diluti aqua Endiv.*

Sic restituta fuit. Et licet gravida tandem esse de-
 prehenderetur, nihil horum usu mali passa est, sed
 filium mox sanum & bene habitum peperit.

*Febris Tertiana, Colicus & Nephri-
 ticus dolor.*

POST febrem tertianam, juvenis quidam vigesi-
 mum annum superans, in colicum morbum,
 non sine suspitione ilei morbi, incidit, adeoque do-
 loribus torquebatur, ut hinc inde per lectum se vo-
 lutaret, & sursum deorsumque ferretur, nec loco ali-
 quo diutius posset quiescere. Alvus obstructa omni-
 no erat, è qua neque flatus prodibat. Biliosam co-
 licam esse, quæ adeo frequens est in nostris regionibus,
 à paucis descripta, tum ex oculis ictericis, tum
 urinâ tinctâ, tum imprimis ex prægressâ febre tertia-
 na, quæ aliquamdiu illum afflixerat, & cujus indicia
 adhuc, altero die se aliqua, manifestabant, cognovi-
 mus. Cùm in febribus hoc sæpe eveniat, ut febrilis
 causa, in venis mesaraicis contenta, nec dum per pa-
 roxysmos febriles penitus absumpta, ad intestino-
 rum fibras derivata, tales casus producat; febrisque
 tunc cesset, aut mitior evadat. Sicuti & in synochis
 febribus, sanguine inflammato è venis excusso, pla-
 cidiorum quidem febrem fieri, sed graviores mor-
 bum, inflammationem scilicet, subsequi, alibi osten-
 dimus. Verùm & dolorem nephriticum aliquem,

colico cōiunctum esse, dolor fixus in lumbis, arenularum mictus, torsiones ventris, innuere videbantur.

Vigesimo sexto itaq; Junii, Anno 1596. dolore urgente summo, statim sequens bibit: *Rx. ol. Amygd. dulc. rec. ʒ. ij. & syr. de Papav. Vini malvat. ana ʒ. ʒ. misce.*

Inde clyster injectus fuit: *Rx. Lactis t̄b. j. diss. suc. Betae, Mercurial. Mellis ana ʒ. j. & Laricea diss. in vitellis Ovorum. duobus, ʒ. ij. ol. Aneth. Chamom. an. ʒ. j. fiat Clyster.*

Fotus abdominis regioni fuit adhibitus: *Rx. rad. Alth. Lil. Petrosel. an. ʒ. j. & herb. Pariet. Malva, Beton. Puleg. ana M. j. fl. Chamom. Melil. Samb. ana P. j. sem. Lini, Fennigr. ana ʒ. j. sem. Carui ʒ. iij. coq. in Aqua & Vino, infund. in vesicam bubulam, eaq; semiplena calens loco dolenti applicetur.*

Meliùs post horum usum habebat. Sed dolores mox, cùm à somentatione cessaretur, redibant. Ob quam causam clyster sequenti die repetitus: qui, uti & prior, copiosam materiam biliosam educebat. Sub noctem narcoticum consuetum meum illi cùm bono successu exhibui.

Tertio die bibit *Laricea ʒ. iij. diss. cum Vitello ovi, Melle & Vino, adjecta syr. Ros. simp. ʒ. j. Post duas horas superbibit iusculum, moxque magnam in abdomine pulsationem sensit, de qua admodum conquerebatur. Cœpit & animo nonnihil deficere, ita ut oculi illi obtenebrarentur, nec astantes ampliùs, nisi ex voce, posset discernere. Donec tandem subiectus clyster, assumpto pharmaco, commotisq; excrementis, & circa angustias hærentibus, viam patefaceret: unde copiosissima bilis sequuta est excretio. A qua meliùs sensim habere cœpit, adeò ut solum, ne intestina nimium incalescerent, relinqueret.*

Non-

Nondum tamen penitus cessante malo, sequenti die, qui quartus erat, *clyster* talis injectus fuit: *R. rad. Alth. Lil. ana ʒ.ij. rad. Apii ʒ.j. herb. Malva, Viol. Atrip. Parietar. Beton. ana M.j. fl. Chamom. Melil. Samb.an. P.j. sem. Lini, Fœnigr. ana ʒ.j. Carui ʒ.ij. fol. Senæ ʒ.ij. Furf. P.j. fiat decoct. in Lacte, & in tb. j. diss. Mellis ʒ. ij. suc. Betæ ʒ. j. β. Bened. lax. ʒ. β. ol. Chamom. Viol. ana ʒ. j. Salis parum, fiat Clyst.*

Semicupium quoque paratum fuit, si dolores non cessarent, ut in eo federet. Verum cum remitterent, illud neglectum fuit, *Clysterq;* quinto die iterum repetitus.

Sexto die, qui primus erat Julii, etsi jam sublatis essent dolores colici & nephritici; tamen adeo circa articularum regionem & membra totius corporis, dolebat, ac si fustibus confractus esset, uti & in abdominis exterioribus: ita ut contactum vix ferre posset. Ob quam causam, & quia conyulsio metuebatur, quæ sæpe hosce colicos dolores sequi solet, *spina dorsi oleo Chamom. & Amyg. dul. & Nardino inuncta* fuit.

Et ut alvus responderet, quæ per se semper astricta erat, *suppositoria* cautam fuit.

Hacq; ratione sensim ad pristinam sanitatem rediit: nec dum postea aliud quid mali passus est, nisi quod febris quædam reliquæ, alternis diebus adhuc pullulabant. Quæ tamen *alterantibus evacuantibusq;* *levibus adhibitis* mox sublata sunt.

Febris Lenta, Cachexia, Cordis & Arteriarum pulsatio.

PUella famula, annos viginti superans, cachecti-

ea jam longo tempore, de cardialgia, cordis & articularum palpitatione, & lassitudine omnium membrorum, conquerebatur; adeò ut jam servire amplius minimè posset, sed domi cum parentibus manere cogeretur. A quibus rogatus, cum pulsus ipsius tangerem, febrilem esse deprehendi, citissimum nimirum, sed parvum: et si urina cruda esset, & non alioquin caleret, nisi ex levi exercitio, aut post cibum sumptum. Sicuti in obstructionibus viscerum, ejusmodi lentæ febres, eas nonnunquam diu comitari solent, & cū cachexia, uti in libro febrium dictum est, copulari.

Itaq; obstructionibus potiùs solvendis intentus, quàm febrì; sic eam restitui. Sumpsit 9. Aprilis *pil. Aggreg. 3. ℞. cum suc. Ireos formatas*. Quarum usu deiecit, sed admodum commota fuit, ut torsiones & lassitudines vehementer sentiret.

Postea *Julepum* hunc duobus matutinis exhibui: *℞. syr. de Duabus rad. de Endiv. an. 3. j. ℞. syr. Capill. ven. 3. j. aqu. Cichor. & Absint. ana 3. ij. ℞. misce pro duabus vicibus*.

Quarto die rursum *pil. Aggreg. 3. j. cum suc. Ireos formatas* deglutivit: meliusq; purgata fuit.

Post biduum vino aperiente & purgante uti cœpit, sic parato: *℞. rad. Aperit. an. 3. iij. rad. Cichor. 3. ℞. sol. Absint. 3. iij. summ. Centaur. 3. ij. sem. Anisi 3. j. ℞. sem. Petros. 3. j. Limat. Chalyb. præp. instar nucis mosc. fol. Sene 3. j. ℞. Agar. 3. ℞. Zing. 3. j. conquass. pro infus. in vino sacra, coquendo parùm in duplici vase. Quod bibit aliquot vicibus, beneque purgata fuit, & melius habere cœpit.*

Menses, duodecimo die postea, leniter fluxerunt, sed per diem unum tantum, quos priùs totum an-

nium

num non viderat. Unde valde recreata, de salute, de qua prius diffidebat, sperare coepit.

Ut, si fieri posset, amplius fluerent, iussi *statim altero die* exhibere ad naturam movendam *pilulas*: R. *Myrrha* ℥.ss. *pil. Aggreg.* ℥.ij. *cum aqua Artemis.* fiant *pil.* sumat. Dejecit, sed menses non amplius fluxerunt.

Urinam ad me denuo misit, Maji, an ne præterea aliquibus uti deberet quærens: rectè enim se nunc valere dicebat. Quod intelligens, & urinam laudatam, quæ prius aquea penitus cernebatur, videns; iussi eam tempus mensium expectare, atque interea *vinum in mense principio, in quo Absinth. & Melissa macerata essent, aliquando bibere*: & si instante mensium tempore, menses minùs decenter fluerent, *pilulas postremas* denuo sumere, *venamq; in pede aperire*. Sicq; restituta, ex longo morbo, denuo ad familiam, cui famulata fuerat, reversa est.

Febris cum Cardialgia.

Vide in Cordis dolore. Lib. II. Cardialgia febris ex esu, &c.

Febris, Convulsio, Ischiadicus dolor, Urina suppressa, & Varices, in puerpera.

Puerpera quædam, quæ sæpius prius pepererat, octavo post puerperium die, qui 26. erat Decembris, An. 1592. circa meridiem, horrore correpta, in convulsiones incidit. Ubi ad eam vocatus, accessi, jam ad se redierat, attonita tamen adhuc, nec dum satis res cognoscens, interea febrilis calor summus, ex pulsu,prehendebatur.

Præscripsi ei: R. *sem. Paonia* 3.j. contund. & cum

Julepi Rosacei & aqua Peonia an. ʒ. j. fiat emulsio: quam statim bibat.

Dein: *R. Julepi Rosacei ʒ. j. ʒ. aqua Peonia ʒ. j. aqua Cinamomi cum Aqua destill. ʒ. ʒ. misce: Capiat duabus vicibus manè.*

Tertio die, eadem ferè horâ ut priùs paroxysmus rediit, & convulsiones statim quoque supervenerunt, quibus cessantibus, & calore aucto, jussi cum *Aqua cocta* miscere *syrupum Violac. & de Limonibus*, sicque loco potius bibere.

Et ut uteretur hoc electuario: *R. conf. florum Paonia, Bugloss. Violar. Majoran. Rosarum ana ʒ. ʒ. seminis Paonia excort. ʒ. j. rob. de Ribes ʒ. ij. cum syrupo Violac. fiat instar electuarii. Capiat manè superbibendo Julepum cum aqua Peonia.*

Iterum tertio die, qui primus erat Januar. eodem tempore diei, rediit paroxysmus, cum convulsionibus, cum magna virium prostratione & vitæ periculo; Reiterati fuerunt *Julepi: spina & cervix inuncta oleo Amygd. dul.*

Cùm dubium, an quârtana esset febris, quia duobus diebus quiescebat, ipsaque melancholicis cogitationibus mirè divexaretur, expectavimus quid tertio die subsequiturum esset. Verùm magna facta est mutatio, febrisq; calore aliquo, levia tantùm indicia ejus præbebat, sed dolor immensus circa coxam, in inguine dextro obortus est, cujus causâ sub vespèram dedi hunc *Julepum: R. syrupi Violac. julepi Rosacei ana ʒ. ʒ. syrupi de Papav. ʒ. ij. aqua Buglossi ʒ. j. ʒ. aqua Cinamomi ʒ. j. misce.*

Quiete dormivit, parùm sudavit, verùm sub vespèram dolor rediit, urinæque penitus fuit suppressa.

Itaque

Itaque iussi locum affectum inungere aqua Vita ℥. ij. in qua dissoluta fuerit per coctionem Camphora ℥. j. unde dolor mitigatus, sed pruriebat & calebat pars uncta.

Dein ad mictionem provocandam quæ mirè angebat, bibit jusculum, quod: ℞. Cicerum P. j. radic. Asparagi, Petroselin. ana ℥. j. seminis Melonum ℥. β. coquantur, addito butyro: Bibat. Sub vesperam minxit copiosè urinam, in qua copiosa, fœculenta, alba, tenax, purulenta, inerat materia.

Sequenti die 8. Januarii, dedi illi Manna ℥. j. β. cum jure dissol. unde copiosè deiecit & minxit. Sed dolor circa coxam recrudeicebat, metusq; erat convulsionum, itaque haustum hunc dedi, qui ℞. syrupi de Limon. ℥. β. de Papav. ℥. ij. aq. Rosarum, aq. Pœonia an. ℥. β. aq. Cinamom. ℥. j. misce. Item extrinsecus applicet, ℞. aq. Salvia ℥. ij. aq. Vita ℥. j. β. Camphor. ℥. β. Opii ℥. β. Pro applicatione cum pannis ad locum affectum.

Dolor jam à coxa ad crus universum extendebatur, vaticesq; erumpebant, in femoris crassiore sede externa, qui adeò dolebant, ut ne contactum quidem vel levem ferre possent, unde materiam sanguineā, melancholicam, & tetram, quæ prius febrem, convulsionem & melancholiam illi pepererat, doloremque circa majores venas, in inguinibus, eousq; subsedisse, conjiciebam.

Et quia ex dolore cardialgiam tantam sentiebat, ut ferè animo deficeret, mortemque sibi imminere putaret, cum consumeretur, lacque pro infantis nutritione deficeret, iussi ventriculi regionem oleo Nucis mosch. inungere. Item: ℞. Fulepi Ros. ℥. j. β. cum aq. Cinam. ℥. β. misce & frequenter exhibeatur, & simul juscula efficacia offerantur, cætera omnia ferè respuebat.

non ardentes in superficie dolores, sed lancinantes: sicuti prius, dum arthritide laborabat, senserat circa genu.

Et cum sponte jussisset illinere *crus totum postremo linimento*, statim ea nocte dolor, qui per biduum duraverat, remisit.

Febris Synocha, Ecthymata seu Morbilli.

Puer sexennis, regnante anno nonagesimo sexto, inter infantes febre synochâ malignâ, ecthymata protrudere solitâ 6. Februarii, horrore præeunte, calore præternaturali correptus, decumbebat. Accersitus, pulsum febrilem plenum & citum deprehendi: facies oculique rubebant, prostratus jacebat, nec de dolore aliquo conquerebatur.

Suspiciatus febrem eam, quæ tunc infantibus consueta erat, esse, eam prædixi. Moxque antequam ecthymata erumperent, *ut purgaretur*, sequens *medicamentum* propinavi: R. syr. Rosar. sol. cum inf. Rhab. syr. de flor. Persic. ana ℥.β. Diagryd. gr. ij. bene permixta sumat per se, vel cum jusculo. Unde aliquoties foeda excrementa deiecit.

In hypocaustum ubi decumbebat, ne aër frigidus intromitteretur, fenestras clausas retineri, & janua velamen rubrum obtendi, jussi. Cibum cum respueret, ne invito nimium juscula obtruderent, monui.

Altero die, cum jam hinc inde pustulas, sed paucas adhuc, & rubras, nec dum elevatas, in facie, pectore & brachiis apparere observare, illeq; decoctam sumere, uti & dulcia, fastidiret; aquam hanc propinavi: R. aq. Portul. & Fumar. an. ℥.j. aq. Scab. ℥.β. Bibat & sub vesperam eundem potum repetat, additis suc. Lim. ℥.ij.

Tertio,

Tertio, quarto & quinto die, pustulæ magnâ frequentiâ prodibant, atque universum corpus replebant.

Jussi ut *Ficus*, *Passulas*, cum granis aliquot *Hordei & Lentium* in aqua decoquerent, hocque decoctum clarificatum potus loco continuo, ad sitim sedandam biberet frigidum. Verùm cum mox fastidiret, *syrupo de Ribes* addito, acetositatem illi conciliavi, & tunc magis placuit.

Sumpsit quoque de sequenti *syrupo cochl. j. frequenter*, & hoc & sequentibus diebus: *R. Oxy-sacch. simpl. syr. Acetof. simpl. de Limon. ana ʒ. j. B. misc. Utatur.*

Sexto die admodum erat debilis, e&thymataque lateſcentia adeo palpebras & nares oppleverant, ut oculos aperire minimè, nihilque penitus videre, nec aërem per nares attrahere posset, oreque aperto respirare cogeretur. Quo incommodo alios aliquos infantes excœcatos vidi; & puellæ cuidam nares, cum sanitati restitueretur, penitus coaluisse.

Cum alvus non responderet, *clyster* talis injectus fuit: *R. Malva, Mercur. sol. Acetof. recent. ana M. j. fl. Cord. p. j. Lent. Hord. Cicer. rubr. ana P. j. fiat decoct. in jure gallinæ: diss. in col. q. s. Tryph. persic. ʒ. B. Diasen. ʒ. ij. Mellis viol. ʒ. j. ol. Viol. Amygd. ana ʒ. j. fiat clyster.* Dejecit subnigram & tenacem materiam.

Decoctum prius cum nollet amplius bibere, jussi *rasuram Cornu cervi atque Unicornu*, quod ipsi habebant, & cui multum tribuunt, in aqua decoquere, & sic ea uti.

Et quia convulsio metuebatur, *aq. Pæon. ʒ. j. potrexi*, & *nucham oleo Amygd. dulc. et si & hæc pustulis occupata esset, inungere jussi.* Septi-

Septimo die, cùm extremè prostratis esset viribus, *cordiale* hoc exhibui: R. *sp. Cordial. elect. de Gemmis ana 3. β. aq. Paon. Scabios. ana 3. j.* colentur aliquoties: Bibat.

Easdem species Cord. ad 3. j. cum sem. Citri & Acetof. ana 3. β. Coral. pulv. 3. ij. in nodulo ligata, iusculis incoquere mandavi.

Cordis regioni, etsi quoq; pustulis scateret; Theriac. 3. ij. cum pulv. rad. Paon. & sp. Diam. an. 3. j. permixtam, addito succo Citri, adhibui.

Sub vesperam, cùm eum jam animam agere existimarent, & ad preces confluerent; pulsus tamen, quem ægrè propter copiam pustularum explorare poteram, responderet: bono animo esse iussi, nihil adesse periculi. Quod & eventus, cùm statim ad se rediret, meliusque postea haberet, sensimque se recolligeret, comprobavit.

Nam postea sponte biliosa & nigra, pessimeque olentia, octavo die per alvum reddidit excrementa.

Nec solùm iuscula, verùm & cibum solidiorem sensim admisit, atque etiam expetivit: quibus, & egregiè reficientibus successivè usus est.

Cœperuntque pustulæ, partim spontè suppurræ; partim quia illas unguibus prurientes seindebat, apertæ fluere, crustâque nigrâ obduci. Unde tam horrendus totius ipsius corporis erat aspectus, ut nullâ scabie, nec leprâ ipsâ infectos, miseriore & turpiores viderim; quàm hunc puerum; qui prius pulcherrimus erat; aliamque nobilem puellulam; & fœminam quandam juvenem, eo ipso anno simili modo laborantes, defœdatasque.

Convaluit tamen mox, relictis solis in facie parvis,

parvis, certis duntaxat in locis foveis, variolarum vestigiis.

Febris Tertianæ intermittens, Icterus.

Mulier, quæ jam secundo pepererat, postquam ablactasset infantem Anno 1567. febriles paroxysmos tertianæ passa levis, illis cessantibus, sensim flavescere, in oculis primùm, mox & in facie, collo, reliquoq; corpore coepit, urina penitus crocea. Nec alioquin decumbebat, & saltem de vehementi alvi constipatione querebatur: cùm per plures sæpè dies, nihil dejiceret. Compressiones tamen, circa præcordia quoque aliquas, sentiebat.

Bilis ad intestina, naturalem, per porum cholidochum, expurgationem impeditam esse, facile conicere potui: proin nec intestinis irritatis alvum moveri, sed eam serò dilutam, per venas, unà cum sanguine, in universum corpus diffundi: illiusque causam, obstructions circa viscera, horumq; vias, existere.

Quas ut solverem, cùm suspicio esset, illam concepisse, *levioribus* id primùm tentare aggressus sum. *Vino*, quod sic parabatur: *R. rad. Aperit. ana 3.ij. Cichor. 3. β. Absinth. 3. iij. sol. Senna 3. j. sem. Anis. Fenic. ana 3. j. conquass. pro Vini infusione:* Utatur per tri-duum loco præparationis. Verùm illius usu, alvus minimè mota fuit.

Quarto die hoc exhibui *purgans*: *R. Rhabarb. el. 3. j. Agar. 3. β. Spica 3. j. infund. in Vino Absinth. Expressionem bibat.* Nec hoc medicamento alvus respondit.

Ut *clysterem* sumeret suadebami. Verùm cùm illa omnino

omnino recusaret, videremque jam diu illam nihil dejecisse, nec facile moveri, præsertim cum adhuc de conceptu dubitaret, *fortius* hoc exhibui *medicamentum*: R \bar{z} . rad. Cichor. \mathfrak{z} . j. β . Fœnic. \mathfrak{z} . j. corr. Samb. \mathfrak{z} . vj. sol. Sennæ \mathfrak{z} . β . semin. Anis. \mathfrak{z} . ij. semin. Petrosel. \mathfrak{z} . j. Cusc. \mathfrak{z} . β . fiat decoct. infund. Rhab. el. \mathfrak{z} . iiij. Agar. troch. \mathfrak{z} . j. fiat express. dissol. el. de Suc. ros. \mathfrak{z} . j. β . fiat potio. Hac sumptâ dejecit, sed parùm.

Et quia tunc, quod alvus responderat, contenta erat, per dies aliquot, non iterum ad me misit; licet ab eo tempore, nunquam dejecisset.

Quo casu tandem impulsâ, consilio meo *pilul. Aggregat.* \mathfrak{z} . j. sumpsit: quæ alvum quoque solverunt, nulla tamen insigni factâ evacuatione.

Et quia non gravius afficiebatur, usum *remediorum* negligens, in febrim incidit. Dedi itaque: R \bar{z} . syr. de Endivia, sem. de Cichorea, duplic. Rhabarb. ana \mathfrak{z} . j. β . de quinque radicibus \mathfrak{z} . j. aq. Endiv. Cichorii, Bugl. ana \mathfrak{z} . iiij. fiat *Julep*. Bibat tribus vicibus.

Cessavit febris: sed tota erat icterica, alvusque penitus constipata. Persuasi itaque ut *Vino* sequenti alternis uteretur diebus: R \bar{z} . radic. Aperit. ana \mathfrak{z} . β . corr. rad. Samb. \mathfrak{z} . vj. rad. Asari \mathfrak{z} . ij. Absint. \mathfrak{z} . iiij. sum. Centaur. \mathfrak{z} . ij. fl. Cord. ana \mathfrak{z} . j. semin. Fœnicul. Petrosel. Cusc. ana \mathfrak{z} . j. sol. Sennæ \mathfrak{z} . iiij. Turpet. \mathfrak{z} . iiij. Agar. \mathfrak{z} . β . Zing. \mathfrak{z} . β . Tartari Vini albi, limat. Chalybis in nodulo ligatæ ana \mathfrak{z} . β . infund. in *Vino*: coq. in duplici vase parùm. Et utatur. Dejecit egregiè hujus Vini usu: in quo aliquamdiu permansit, sensimque flavitiès minui cœpit, urinæque ad naturalem colorem redire, alvusque respondere.

Postea quoque, ut viscera simul roborarentur, obstru-

obstructionesque solverentur, elect. hoc præscripti.
*Rx. conf. fl. Cichor. fl. Buglos. Capill. vener. ana ʒ. j. pulv.
 Pellic. stom. & intest. gallin. ʒ. j. Troch. de Eupat. ʒ. j. limat.
 Chalyb. præpar. ʒ. ij. cum syr. de Bugl. fiat elect. Capiat al-
 ternis diebus, superbibendo parum Vini diluti aqua Endiv.*

Sic restituta fuit. Et licet gravida tandem esse de-
 prehenderetur, nihil horum usu mali passa est, sed
 filium mox sanum & benè habitum peperit.

*Febris Tertiana, Colicus & Nephri-
 ticus dolor.*

POst febrem tertianam, juvenis quidam vigesi-
 mum annum superans, in colicum morbum,
 non sine suspitione ilei morbi, incidit, adeoque do-
 loribus torquebatur, ut hinc inde per lectum se vo-
 lutaret, & sursum deorsumque ferretur, nec loco ali-
 quo diutius posset quiescere. Alvus obstructa omni-
 no erat, è qua neque flatus prodibat. Biliosam co-
 licam esse, quæ adeò frequens est in nostris regionibus,
 à paucis descripta, tum ex oculis ictericis, tum
 urinâ tinctâ, tum imprimis ex prægressa febre tertiana,
 quæ aliquamdiu illum affligerat, & cujus indicia
 adhuc, altero die se aliqua, manifestabant, cognovi-
 mus. Cum in febribus hoc sæpe eveniat, ut febrilis
 causa, in venis mesaraicis contenta, nec dum per pa-
 roxysmos febriles penitus absumpta, ad intestino-
 rum fibras derivata, tales casus producat; febrisque
 tunc cesset, aut mitior evadat. Sicuti & in synochis
 febribus, sanguine inflammato è venis excusso, pla-
 cidiorum quidem febrem fieri, sed graviores mor-
 bum, inflammationem scilicet, subsequi, alibi osten-
 dimus. Verum & dolorem nephriticum aliquem,

colico cōiunctum esse, dolor fixus in lumbis, aretularum mictus, torsiones ventris, innuere videbantur.

Vigesimo sexto itaq; Junii, Anno 1596. dolore uragente summo, statim sequens bibit: R². ol. Amygd. dulc. rec. ʒ. ij. & syr. de Papav. Vini malvat. ana ʒ. ʒ. misce.

Inde clyster injectus fuit: R². Lactis T^b. j. diss. suc. Betae, Mercurial. Mellis ana ʒ. j. ʒ. Laricea diss. in vitellis Ovorum. duobus, ʒ. ij. ol. Aneth. Chamom. an. ʒ. j. fiat Clyster.

Fotus abdominis regioni fuit adhibitus: R². rad. Alth. Lil. Petrosel. an. ʒ. j. ʒ. herb. Pariet. Malva, Beton. Puleg. ana M. j. fl. Chamom. Melil. Samb. ana P. j. sem. Lini, Fennigr. ana ʒ. j. sem. Carui ʒ. ij. coq. in Aqua & Vino, infund. in vesicam bubulam, eaq; semiplena calens loco dolenti applicetur.

Meliùs post horum usum habebat. Sed dolores mox, cùm à somentatione cessaretur, redibant. Ob quam causam clyster sequenti die repetitus: qui, uti & prior, copiosam materiam biliosam educebat. Sub noctem narcoticum consuetum meum illi cùm bono successu exhibui.

Tertio die bibit Laricea ʒ. iij. diss. cum Vitello ovi, Melle & Vino, adjecta syr. Ros. simp. ʒ. j. Post duas horas superbibit iusculum, moxque magnam in abdomine pulsationem sensit, de qua admodum conquerebatur. Cœpit & animo nonnihil deficere, ita ut oculi illi obtenebrarentur, nec astantes ampliùs, nisi ex voce, posset discernere. Donec tandem subiectus clyster, assumpto pharmaco, commotisq; excrementis, & circa angustias hærentibus, viam patefaceret: unde copiosissima bilis sequuta est excretio. A qua meliùs sensim habere cœpit, adeò ut solum, ne intestina nimium incalescerent, relinqueret.

Non-

Nondum tamen penitus cessante malo, sequenti die, qui quartus erat, *clyster* talis injectus fuit: *R. rad. Alth. Lil. ana ℥.ij. rad. Apii ℥.j. herb. Malva, Viol. Atrip. Parietar. Beton. ana M.j. fl. Chamom. Melil. Samb.an. P.j. sem. Lini, Fœnigr. ana ℥.j. Carui ℥.iij. sol. Sena ℥.ij. Furf. P.j. fiat decoct. in Lacte, & in tb. j. diss. Mellis ℥.ij. suc. Beta ℥.j. β. Bened. lax. ℥.β. ol. Chamom. Viol. ana ℥.j. Salis parum, fiat Clyst.*

Semicupium quoque paratum fuit, si dolores non cessarent, ut in eo federet. Verum cum remitterent, illud neglectum fuit, *Clysterq;* quinto die iterum repetitus.

Sexto die, qui primus erat Julii, etsi jam sublati essent dolores colici & nephritici; tamen adeo circa articularum regionem & membra totius corporis, dolebat, ac si fustibus contractus esset, uti & in abdominis exterioribus: ita ut contactum vix ferre posset. Ob quam causam, & quia consilio metuebatur, quæ sæpe hosce colicos dolores sequi solet, *spina dorsi oleo Chamom. & Amyg. dul. & Nardino inuncta* fuit.

Et ut alvus responderet, quæ per se semper astricta erat, *suppositoris* cautam fuit.

Hæc; ratione sensim ad pristinam sanitatem rediit: nec dum postea aliud quid mali passus est, nisi quod febris quædam reliquæ, alternis diebus adhuc pullulabant. Quæ tamen *alterantibus evacuantibusq;* levibus adhibitis mox sublata sunt.

Febris Lenta, Cachexia, Cordis & Arteriarum pulsatio.

PUella famula, annos viginti superans, cachecti-

ca jam longo tempore, de cardialgia, cordis & articularum palpitazione, & lassitudine omnium membrorum, conquerebatur; adeo ut jam servire amplius minimè posset, sed domi cum parentibus manere cogeretur. A quibus rogatus, cum pulsum ipsius tangerem, febrilem esse deprehendi, citissimum nimirum, sed parvum: etsi urina cruda esset, & non alioquin caleret, nisi ex levi exercitio, aut post cibum sumptum. Sicuti in obstructionibus viscerum, ejusmodi lentæ febres, eas nonnunquam diu comitari solent, & cū cachexia, uti in libro febrium dictum est, copulari.

Itaq; obstructionibus potiùs solvendis intentus, quàm febrì, sic eam restitui. Sumpsit 9. Aprilis *pil. Aggreg. 3. β. cum suc. Ireos formatas*. Quarum usu dejecit, sed admodum commota fuit, ut torsiones & lassitudines vehementer sentiret.

Postea *Julepum* hunc duobus matutinis exhibui: *R. syr. de Duabus rad. de Endiv. an. 3. j. β. syr. Capill. ven. 3. j. aqu. Cichor. & Absint. ana 3. ij. β. misce pro duabus vicibus*.

Quarto die rursus *pil. Aggreg. 3. j. cum suc. Ireos formatas* deglutivit: meliusq; purgata fuit.

Post biduum vino aperiente & purgante uti cœpit, sic parato: *R. rad. Aperit. an. 3. iij. rad. Cichor. 3. β. sol. Absint. 3. iij. summ. Centaur. 3. ij. sem. Anisi 3. j. β. sem. Petros. 3. j. Limat. Chalyb. præp. instar nucis mosc. sol. Senæ 3. j. β. Agar. 3. β. Zing. 3. j. conquass. pro infus. in vino facta, coquendo parùm in duplici vase*. Quod bibit aliquot vicibus, beneque purgata fuit, & meliùs habere cœpit.

Menses, duodecimo die postea, leniter fluxerunt, sed per diem unum tantum, quos priùs totum annum

nisi

num non viderat. Unde valde recreata, de salute, de qua prius diffidebat, sperare coepit.

Ut, si fieri posset, amplius fluere, jussi *statim altero die* exhibere ad naturam movendam *pilulas*: R. *Myrrha* ℥. β. *pil. Aggreg.* ℥. ij. *cum aqua Artemis.* fiant *pil.* sumat. Dejecit, sed menses non amplius fluxerunt.

Urinam ad me denuo misit, Maji, an ne praeterea aliquibus uti deberet quaerens: recte enim se nunc valere dicebat. Quod intelligens, & urinam laudatam, quae prius aquea penitus cernebatur, videns; jussi eam tempus mensium expectare, atque interea *vinum in mense principio, in quo Absinth. & Melissa macerata essent, aliquando bibere*: & si instante mensium tempore, menses minus decenter fluere, *pilulas postremas* denuo sumere, *venamq; in pede aperire*. Sicq; restituta, ex longo morbo, denuo ad familiam, cui famulata fuerat, reversa est.

Febris cum Cardialgia.

Vide in Cordis dolore. Lib. II. Cardialgia febris ex esu, &c.

Febris, Convulsio, Ischiadicus dolor, Urina suppressa, & Varices, in puerpera.

Puerpera quaedam, quae saepius prius pepererat, octavo post puerperium die, qui 26. erat Decembris, An. 1592. circa meridiem, horrore correpta, in convulsiones incidit. Ubi ad eam vocatus, accessi, jam ad se redierat, attonita tamen adhuc, nec dum satis res cognoscens, interea febrilis calor summus, ex pulsu, deprehendebatur.

Præscripsi ei: R. *sem. Paonia* 3. j. contund. & *cum*

Julepi Rosacei & aqua Peonia an. ʒ. j. fiat emulſio: quam ſtatim bibat.

Dein: *Rʒ. Julepi Rosacei ʒ. j. ʒ. aqua Peonia ʒ. j. aqua Cinamoni cum Aqua deſtill. ʒ. ʒ. miſce: Capiat duabus p̄cibus manè.*

Tertio die, eadem ferè horâ ut priùs paroxyſmus rediit, & convulſiones ſtatim quoque ſupervenerunt, quibus ceſſantibus, & calore aucto, juſſi cum *Aqua cocta miſcere ſyrupum Violac. & de Limonibus, ſicque loco potûs bibere.*

Et ut uteretur hoc electuario: *Rʒ. conſ. ſtorum Peonia, Bugloſſ. Violar. Majoran. Roſarum ana ʒ. ʒ. ſeminia Peonia excort. ʒ. j. rob. de Ribes ʒ. ij. cum ſyrupo Violac. fiat inſtar electuarii. Capiat manè ſuperbibendo Julepum cum aqua Peonia.*

Iterum tertio die, qui primus erat Januar. eodem tempore diei, rediit paroxyſmus, cum convulſionibus, cum magna virium proſtratione & vitæ periculo; Reiterati fuerunt *Julepi: ſpina & cervix inuncta oleo Amygd. dul.*

Cùm dubium, an quârtana eſſet febris, quia duobus diebus quieſcebat, ipſaque melancholicis cogitationibus mirè divexaretur, expectavimus quid tertio die ſubſequuturum eſſet. Verùm magna facta eſt mutatio, febrisq; calore aliquo, levia tantùm indicia ejus præbebat, ſed dolor immenſus circa coxam, in inguine dextro obortus eſt, cujus cauſâ ſub vesp̄ram dedi hunc *Julepum: Rʒ. ſyrupi Violac. julepi Rosacei ana ʒ. ʒ. ſyrupi de Papav. ʒ. ij. aqua Bugloſſi ʒ. j. ʒ. aqua Cinamomi ʒ. j. miſce.*

Quieto dormivit, parùm ſudavit, verùm ſub vesp̄ram dolor rediit, urinaque penitùs fuit ſuppreſſa.

Itaque

Itaque iussi locum affectum inungere aque Vita ʒ. ij. in qua dissoluta fuerit per coctionem Camphora ʒ. j. unde dolor mitigatus, sed pruriebat & calebat pars uncta.

Dein ad mictionem provocandam quæ mirè angebat, bibit jusculum, quod: R. Cicerum P. j. radic. Asparagi, Petroselin. ana ʒ. j. seminis Melonum ʒ. ʒ. coquantur, addito butyro: Bibat. Sub vesperam minxit copiosè urinam, in qua copiosa, fœculenta, alba, tenax, purulenta, inerat materia.

Sequenti die 8. Januarii, dedi illi Manna ʒ. j. ʒ. cum jure dissol. unde copiosè deiecit & minxit. Sed dolor circa coxam recrudeſcebat, metusq; erat convulsionum, itaque haustum hunc dedi, qui R. syrupi de Limon. ʒ. ʒ. de Papav. ʒ. ij. aq. Rosarum, aq. Pœoniae an. ʒ. ʒ. aq. Cinamom. ʒ. j. misce. Item extrinsecus applicet, R. aq. Salvia ʒ. ij. aq. Vita ʒ. j. ʒ. Camphor. ʒ. ʒ. Opii ʒ. ʒ. Pro applicatione cum pannis ad locum affectum.

Dolor jam à coxa ad crus universum extendebatur, varicesq; erumpebant, in femoris crassiore sede externa, qui adeò dolebant, ut ne contactum quidem vel levem ferre possent, unde materiam sanguineâ, melancholicam & tetram, quæ priùs febrem, convulsionem & melancholiam illi pepererat, doloremq; circa majores venas, in inguinibus, eousq; subsedisse, conjiciebam.

Et quia ex dolore cardialgiam tantam sentiebat, ut ferè animo deficeret, mortemq; sibi imminere putaret, cùm consumeretur, lacque pro infantis nutritione deficeret, iussi ventriculi regionem oleo Nucis mosch. inungere. Item: R. Julepi Ros. ʒ. j. ʒ. cum aq. Cinam. ʒ. ʒ. misce & frequenter exhibeatur, & simul juscula efficacia offerantur, cætera omnia ferè respuebat.

Varicibus appositum fuit, hoc *ceratum*: R \bar{r} . *unguenti papuleon.* 3. ij. *mucilag. sem. Psyllii, Lini, Fœnigr. ana* 3. j. 3. ol. *Chamom. farin. Fabarum ana* 3. ij. *Cera q. s.* fiat *Ceratum*. Verum cum contactum ægriè ferret, non diu retinuit.

Volui itaque derivationis causâ, ut *venam in pede affecto* aperiret, sed renuebat, ut erat morosa & delicata. Itaque iussi *Cucurbitulas ternas suris cum flamma* adhibere, postquam *pedes in decocto florum Chamom. Salvia in Lixivio & Vino facto aliquandiu* retinuisset. Quo pacto magnum levamen sensit. Ob quam causam crastino die, item tertio repetitum fuit, unde dolor tandem ita remisit, ut sensim sedere, mox stare, tandem & ambulare, diu tamen claudicans, posset.

Accedebat, hisce malis adhuc urgentibus, alterum, quod eam penè pessundaret, *Urinæ suppressio omnimoda*, ad dies usque quatuor. Dedi ab initio *has pilulas*: R \bar{r} . *Tereb.* 3. j. incorporetur pulv. *Liquirit. & saccharo Cando*, addendo *semin. Alkekengi* 3. 3. *Diagrydii gr.* 4. Dejecit copiosè adeò, ut debilitaretur, sed semel tantum minxit, urinæ media pars in fundum subsidens, purulenta, tenax, videbatur.

Iterum cessante mictione, dedi hanc *portionem*: R \bar{r} . *semin. Nasturtii* 3. 3. *aq. Parietar.* 3. j. *julep. Viol.* 3. 3. Bibat. Et repetat *decoctum Cicerum*, quibus factis, immensam denuo copiam urinæ crassæ, uti prius, minxit, nec postea aliquid detrimenti, urinam reddendo, sensit. Atque ita per mensis spatium, producto morbo, sensim ad se rediit, sanataque est.

IN CAPITIS DOLORE
OBSERVATIONES.

Cephalalgia.

MATRONA quædam quadragenaria, quotannis ferè Synocha febre, erysipelas in facie protrudente (Erysipelas dicto) infestabatur. Mense Februario, Anno 1598. capitis dolorem immensum patiebatur, in vertice & juxta occiput, ad cervicem usq; desinentem, qui contactu minimè exacerbabatur, sed motu tantum capitis: ob quam causam, lecto prostrata, immoto capite jacebat, punctionesque intolerabiles sentiebat, quæ tamen nonnunquam remittebant, aliquando ita invalescebant, ut etiam ob dolorem, animo delinqueret.

Tertio à prima invasione vocatus, 22. Febr. die, præter jam dicta accidentia, in pulsu celeritatem, & in urinis rubedinem, deprehendi, non tamen sitiebat. Quia verò calebat admodum, & interdum post somnum, quædam præter rationem loquebatur, delirium veritus, *venam brachii* aperire jussi: sanguinem postea inspiciens, admodum impurum animadverti. *Vinum* prohibui, *illiusq; loco Aquam colicam* præscripsi. *Extrema* fricare jussi.

Quarto die *manè potiunculam* hanc exhibui: R. *Mannæ* ʒ. j. *syr. Ros. sol. cum Rhabarb.* ʒ. ʒ. Cum *juscula* sumat, Circa meridiem, deliquium animi passa, postea bis dejecit.

Quinto die *Cucurbitulas* applicuit *vitreas quatuor, scapulis utrinque, manè, repetiitque vespèri*: quo tem-

pore melius habebat, sed sub noctem recrudit dolor, inquietaque nox est secuta. Et quia dolor circa nucham magis urgebat, materiam eò descendisse suspicans, præsertim cum tumerent glandulæ sub aure sinistra, iussi *Lanam succidam ql. Liliorum inunctam, cum panno Cannabino collo obvolvere.*

Sexto die non remittente dolore, *Cucurbitulas* repetere iussi, *adhibitâ simul scarificatione.* Circa meridiem pessimè habebat, animo delinquebat, parùm delirabat, quòd eclipsi, quæ tunc erat, acceptum ferebant: sub noctem, cum dolor non remitteret capitis, nec unquam adeò eam molestasset, iussi ut *pedes in decocto Salvia, Chamomil. facto in Lixivio & Vino*, immergeret, unde mox, se allevatam nonnihil, referebat.

Dein tempore somni hanc potionem dedi: *R. aquarum Lactuc. ʒ. j. aq. Beton. ʒ. ʒ. syr. de Papav. ʒ. iij. syr. de acetos. Citri ʒ. ʒ. Collo applicui sacculum; R. Fursur. P. ij. semin. Papav. alb. ʒ. j. ʒ. Ros. rub. ʒ. j. Mastiches ʒ. iij. rad. Galang. ʒ. j. conquassentur, vinoq. irrorentur & applicentur. Placidè dormivit, dolorque mitigatus est.*

Septimo die 26. melius habuit. Admodùm tamen prostratis erat viribus. Dedi igitur *conservam Ros. & Majorana.* Continuavit pedum lotionem bis in die, uti & octavo die. Et quia capitis punctiõibus cessantibus, adhuc gravedo ei erat molesta, *Cucupham ex prædicto pulvere pro sacculo, sumere iussi, illiq. seminis Coriandri, & rad. Ireos ana ʒ. ij. pulv. permiscere, sicque gestare.*

Decimo, defluxio decubuerat in scapulas, axillas, pectus, citra tamen magnum dolorem, sed molestiam

lestiam inde, circa has partes, sentiebat. Iterum præscripsi: R. *Manna syr. Ros. sol. cum Rhabarb. ana ʒ. j.* Bibat cum jusculo: Sic convaluit.

Cephalalgia cum faciei rubore.

Vide in Discoloratione. Lib. III. Faciei rubedo & lividitas, &c.

Cephalalgia in Febris.

IN Continua. Vide in Febris. Lib. II. Febris continua putrida.

In Ardente ibidem. Febris ardens seu caufus.

In Maligna ibidem. Febris continua maligna.

Capitis dolor, cum Menstruo fluxu immodico.

Vide in Sanguinea excretionem. Lib. III. Menstruus fluxus immodicus & dolor, &c.

Capitis dolor cum Lumbricis.

Vide in Animalium excretionem. Lib. III. Lumbricorum dejectio, & capitis dolor.

Capitis gravedo & fluctuatio in eo, metusq; Apoplexia.

NObilis quidam strenuus & robustus, lautè vivens & intemperanter, de Capitis gravedine conquerebatur, Apoplexiamque ne superveniret, admodum metuebat; utque eam præveniret, huc consilii causâ, Anno 1597. venit. Narrabat jam diu se, in capite pondus aliquod sentire, & veluti fluctuationem, sentiumq; aliquem, atque si caput magnum,

& c.

& cavum esset, & se nonnunquam aperiret, rursusque marsupii alicujus instar, constringeret. Remittere interdum malum, aliàs exacerbari: per cætera bene se habere, nisi quod totus esset melancholicus, & ad omnia munia obeunda, segnis & tardus.

A pituitæ & serosi humoris copia, intra calvariam collecta, hæc provenire, de multis circumstantiis interrogans, deprehendi & judicavi. Unde ejusmodi fluctuationes, quas vertigines nominant, quoque provenire, sicuti in praxi mea descripsi, docui.

Jussi autem bene illum sperare, nec apoplexiam timere: cum eâ sit adhuc ætate, quâ curari possit.

Cum itaq; se in omnibus obtemperaturum pollicitus esset, statim curam aggressi sumus, & 1. Martii hoc Minorativum propinavimus: R. Diaphæn. 3. ij. Diacathol. 3. β. syr. Ros. sol. 3. j. aq. Cinamom. parum, fiat potio. Dejecit aliquoties.

Sequenti die Vena aperta fuit brachii: erat enim corpore quadrato, & plethoricus.

Diebus sequentibus hoc Apozemate usus est: R. rad. Fœnic. 3. j. Ireos 3. β. Acori veri, Cyperi, Enulæ ana 3. ij. Glycyrrhizæ 3. vj. herb. Fœnic. Verbena, Euphrasia, Betonica, Fumariæ ana M. j. Thymi, Hyssopi ana M. j. β. fl. Stæch. Anthos, Borrag. an. P. j. seminum Fœnic. 3. ij. semin. Carui, Anisi, Seseleos, Sileris mont. Ruta ana 3. j. Passul. p. a. x. Sena 3. ij. Polypod. sem. Carthami ana 3. j. fiat decoctio, & in Colat. infunde Agar. troch. 3. β. Turbith. 3. ij. Rhab. 3. j. β. Cinam. 3. ij. Spica 3. j. fiat express. adde Sacch. q. s. arom. Cinam. fiat Apozema. Bibit quatuor vicibus, & singulis admodum dejecit.

Interea & Cucurbitulas in utroque latere ternas, in collo & scapulis, cum flamma, matutino tempore apposuit,

fuit, tribus vicibus, & quartâ scarificationem simul adhibuit, ut hæ naturam quoque, unâ cum purgantibus, ad revulsionem materiei, à capite, sollicitarent & adjuvarent.

Absolutis hîsce sic purgatus fuit: *R̃. rad. Ireos ʒ.ß. rad. Glycyrrhizæ ʒ. j. herb. Salviæ, Majoranæ an. M. j. flor. Lavand. Anthos an. P. j. Passul. enucl. ʒ. j. Senæ ʒ.ß. sem. Anisi ʒ. j. sem. Carth. ʒ. ij. fiat decoctio, dissol. in colatura tab. Diacarth. ʒ. j. syr. Rosar. sol. ʒ. j. fiat potio, adde parâ aquæ Cinamomi; Egregiè rursùm purgatus fuit, atque levamen in capite sentire incepit.*

Errhinum deinceps aliquandiu in manibus naribus attraxit: *R̃. succorum Majoranæ, rad. Betæ, sol. Anagallidis an. ʒ.ß. pul. rad. Pyrethri ʒ. j. Vini albi ʒ. ij. misce.*

● *Tabulas de nuce Moschata ʒ. j.ß. quantitate maturinâ aliquibus sumpsit: & aquas Majoranæ & Mentha, Vinò permixtas, superbibit.*

Prandio finito pulvere hoc quoque usus: *R̃. semin. saccharo semi coopertorum, Coriandri ʒ. j. Anisi ʒ.ß. Fœnicul. ʒ. ij. Carui, Cubeb. condit. an. ʒ. j. sol. Majoranæ, flor. Rosar. rub. an. ʒ. j.ß. Cinamom. ʒ. ij. Maceris ʒ.ß. sp. Diacydon. sine speciebus ʒ. j. Sacchari ad pondus omnium, fia pulvis, post pastum usurpandus.*

Cucupham noctû capiti imposuit sequentem: R̃. rad. Ireos, Angelicæ an. ʒ. ij. Acori veri, Cyperi an. ʒ. j. sol. Majoran. Rosmar. flor. Ros. Lavandulæ, an. ʒ.ß. Nucis mosc. Caryophyl. an. ʒ. j. sem. Coriand. præp. ʒ. j.ß. semin. Nigellæ ʒ.ß. fiat pulvis. Pro Cucupha.

Meliùs horum usu se habuit. Verùm cùm adhuc gravedo hæc interdum se manifestaret, denuo corpus purgandum censui: quod sequenti modo factum est: *R̃. rad. Ireos ʒ.ß. Liquiritiæ ʒ. j. Salviæ, Majoran. an. M. j. flor.*

flor. Lavand. Anthos, ana P.j. Passul. enucl. ℥.j. sol. Sena
 3.vj. sem. Anisi 3.j. Carthami 3.ij. fiat decoctio dissol. in
 col. el. de succo Ros. Diaphæn. an. 3.j.℞. syr. Rosar. sol. 3.j.
 fiat potio non valdè spissa, addendo parùm aq. Cinam.

Et ut meliùs excuteretur illuvies illa è cerebro,
 sternutamentum hoc naribus inditum: ℞. Pyrethri 3.j.
 Major. 3.℞. fiat pulvis: Insuffletur in nares.

Cùm jam omnia salva essent, discedenti, ut ele-
 ctuario hoc alternis diebus manè uteretur cõsuluimus:
 ℞. conservarum Majorana, flor. Stoechados an. 3.j.℞. flor.
 Betonica 3.℞. Rosar. 3.j. Anthos 3.vj. cort. Citri conditi.
 Zingib. conditi an. 3.℞. pulv. Ros. novella, Pliris arcot. ana
 3.℞. Cinam. 3.ij. cum syr. de Beton. fiat elect.

Ut per vices purgaretur, aliud sic præscriptum fuit:
 ℞. Cathol. 3.j. Diaphæn. el. de succo Rosar. an. 3.℞. pulpa
 Tamarind. 3.vj. syrup. Ros. sol. cum infus. Rhabarb. 3.j.℞.
 adde Diagrydii cum syrupo dilig. permixti 3.j. fiat in-
 star elect.

Interea ut laudatâ victus ratione uteretur, decenter
 se exerceret, imperatum. Et ut in balneo sicco hebdoma-
 datim jejunis sumpto Rob de sambuco priùs, sudaret. At-
 que in balneo caput lixivio hoc ablueret: ℞. rad. Ireos
 3.j.℞. Cyperi, Agarici an. 3.℞. herbar. Majorana, Salvia,
 Spica celt. ana M. j. flor. Rosmarini P.j. sem. Nigella 3.ij.
 Coriand. 3.ij. rad. Caryophyllata 3.j. rad. Ang. Asari ana
 3.ij. conquassentur: Pro lixivio.

•Cephalæa, cum crustis in capite erumpenti-
 bus, & Alvi constipatione.

Mulierì cuidam, multorum liberorum matri,
 hoc jam à multis annis fuit consuetum, ut
 nunquam per alvum excrementa redderet, nisi me-
 dicamento

dicamento uteretur purgante, ex *foliis Senae* vel aliis parato, quæ & facillè ferebat.

Tandem illi, post capitis dolores, quos aliquândiu perpessa est, in capitis pilosâ sede superiore, ichor subflavus exsudare cœpit, qui cutem illic depascebatur, & crustas subluteas, post se relinquebat.

Hoc autem cùm deforme esset, ipsa integro anno & diutiùs occultaverat, multis *lixiviis siccantibus* usa, tandem sanavit, sed ita, ut postea diuturno & gravi capitis perseverante dolore, vexaretur, atque uti aiebat, enecaretur.

Postea Anno 1592. affectu mihi aperto, suasi ut *fluxus hujus materiei, in capite rursus* revocaretur.

Tentavi illud primum, *Rubificante remedio* hoc modo; *R. semin. Sinapis par. ij. Fimi columbi. part. ß. flor. Rosmar. sol. Major. ana 3. j. misceantur.* Applicentur capiti, instar emplastri, non deasis capillis, quia nolebat concedere.

Verùm etsi ruberet caput, & arderet, tamen non fluebat materia, & cùm dolor ingravesceret, *Vesicatorium ex Flammula contusa, in medio capitis apposui,* quod vesicam latam fecit, è qua rupta, apertaque *Butyro cum sol. Brassica* retenta, maxima humoris effluxit copia, subitoque capitis dolor inde cessavit, nec de eo ad hunc usq; diem, conquesta est amplius, quod sciam.

*Cephalæa seu Capitis dolor in veteratus,
cum Uterino dolore.*

CONquerebatur, de uterinis & capitis doloribus, matrona quædam, cui tempus menstrui fluxus jam præterierat, sentire se dicens, circa imam
ventris.

ventris & lumborum regionem, dolores certo tempore, cum imbecillitate totius corporis, accedebat periodicus capitis dolor, circa occiput potissimum. Cephalæa nimirum antiqua.

Post multorum remediorum usum, consului etiam, ut externis adhibitis emplastris, quæ continuò gestaret, uteretur, an fortè in morbo hoc diuturno & pertinaci, emendationem aliquam experiretur, quod & illi maximè placebat, nam defatigata erat, tot remediorum usu.

Cæterum ut corpus prius purgaretur, Vinum ejusmodi diebus quatuor, vel quinque ut biberet, imperavi: R. rad. Fœnicul. Iræos, Acori veri seu Calami aromat. ana ℥.ß. cori Tamaric. 3.vj. herb. Artem. Matric. Beton. Pulegii ana M. j. fl Bugloss. Borræg. Hyperì, Genistæ ana P. j. baccar. Lauri 3.ij. sem. Cartham. ℥.ij. sol. Senæ 3.j.ß. Agari, trochisc. 3.ß. Mechoac. 3.ij. Rhabarb. elect. 3.ij. Spitz 3.j. infundantur in lb.vj. Vini albi, & post macerentur, in duplici vase. Utatur.

Dein Tabulas seq. præscripti: R. sp. Diamarg. calid. 3.j. sp. Aro. ros. & Diagalangæ an. 3.ß. Coralli 3.ij. sp. Cordialium 3.j. sacchari dissol. in aq. Matricariæ 3. vj. fiant Tabule; Capiat unam pond. 3.j. alternis diebus.

Postremò ut Emplastrum sequens aliquot noctibus in pubis regione, aliquot dein, in lumborum regione, gestaret: R. emplastri pro Matrice, q. s. malaxetur oleo Nardii, extendatur supra alutam: gestetur.

Pro Cephalæa illa antiqua, emplastrum seq. rasò capiti Pileoli instar, in verticis regione tota, & occipiti appositum, continuò gestabat, parabatur illud ex una parte emplastri de Ranis (quod mirè efficax, in cephalæa sananda) & media parte emplastri de Betonica, & de Alabastro.

Præter

Præter hæc *Lixivio* leq. ad discussionem materiei caput aliquoties lavit, moxq; iterum pannis *Thure*, *Succino*, *Benzoino*, suffumigatis absterfit. R. *Lixivii ex cineribus quercus & ossibus combusti* lb. quatuor, aq. *Fabrorum extinction.* ferri ℥. iiij. decoq. sol. *Beton.* *Salvia*, *Spica celtica* ana M. j. fl. *Ros. rub.* *Rosm.* *Chamom.* ana P. j. *Agarici* ℥. β. sem. *Nigella* ℥. j. Pro *Lixivio*.

Postea fumus ex *Mastiche*, *Thure*, *Succino*, *Benzoino* æquis partibus, fiat.

Sicque melius habuit, vivitque adhuc, uti puto hodierna die.

Cephalea in lue Venerea.

Vide in Defœdatione. Lib. III. *Pustulæ & Cephalea*, &c.

Hemicrania.

Quidam mediæ ætatis, pilis nigris, naturâ melancholicus, Anno 1584. appropinquante hyeme, nonnunquam secundâ vel tertiâ noctis, interdum quintâ vel sextâ matutinâ horâ, capitis dolorem, in latere præsertim dextro, patiebatur, qui eum à somno excitans, per horas tres aut quatuor exercebat: perseverante hoc dolore, & sic per intervalla, ad septimanas quinque usque, redeunte. Qui tamen postquam purgationibus usus fuisset (non interim sectâ venâ) sensim tunc remisit. Verùm sequenti Anno 1585. versus hyemem, eodem modo affligi cœpit, duravitque hic capitis dextri dolor, donec à me, uti & præcedenti anno, curaretur.

Anno verò 1586. circa initium Novemb. denuo *Hemicrania* hæc, dextri lateris eum invasit, longeque quàm prius gravius, cui etiam *Dentiam*, affecti la-

teris, accessit dolor: quibus duobus doloribus concurrentibus, miserè afflictus, etsi *varia* adhiberet *remedia*, minimè tamen dolor minuebatur, sed augebatur. Consilio Medicorum, cum *pilulis* usus esset *capitalibus*, adeò invaluit malum, ut penè ad insaniam redigeretur, imprimisque dolor à vertice capitis ad tempora vergens, tantus erat, ut eum qui in dentibus sentiebatur, (etsi & ille immensus esset) obscuraret. Diversionis causâ, *pedum* usus est *lotionibus*, *capiti* multa applicata fuere *anodyna*; *elektuaria varia* & *pulveres* ad capitis roborationem sumpsit: & cum vigiliis molestaretur, usus est *potione somnifera*, item ob imbecillitatem *vires restaurantibus*. Verùm perseverante nihilominus, etsi quandoque nonnihil remitteret, malo, cum latus capitis dextrum, semper illi frigere existimaret, eoque nomine *si stupham* ingrederetur, hoc modo capite incalescente, egregieque sudante, optimè secum actum iri existimans, hoc Medicis proposuit, quibus consentientibus, *balneo sicco*, per *triduum* usus, admodumque in eo sudans, melius habere cœpit, dolorque sensim remittere, adeò ut in publicum denuo prodiret.

Verùm mox recidivam passus, dolorè nunquam adeò violentum, se passum fuisse conquestus fuit, illisque præsertim capitis dextri lateris sedibus, ubi ossa nuda excarniaque prominebant, veluti in verticis sede, franci uti ajebat numismatis amplitudine, in frontis ossis angulo, in osse jugali, à mala ad aurem usque in maxilla inferiore, præcipuè illic ubi juxta collum prominet, quibus locis adeò excruciabatur, ut difficulter, nec sine labore loqui, nec sine aliqua molestia aliis loquentes audire posset, & miserè se excrucias,

inquit

inquietus erat, ac quocunque caput inclinaret, requiem nullam inveniebat, totoq; corpore tremebat, sæpeque lachrymabatur, adeo ut etiam astantibus, lachrymas commiseratione excuteret.

Tandem consilii causâ ad me ventum est; accedens eum, iussi *Lixivium* more consueto per cineres aquam transfundendo, parari, in eoq; *Salviam*, *Rosmarinum*, *Majoranâ*, *Rutâ*, *Melissâ*, flores *Chamomilla Sambuci*, *Rosarum rub.* baccas *Lauri* & semen *Anethi* decoqui, *Viniq;* cyathum ad mensuram illius addere, spongiâq; in eo madefactâ, parumq; expressa, quam calidè perferre posset, capitis dextri sedem fovere, spongiâq; sensim à superioribus deorsum ducere, quod cum indies bis antequam cibum sumeret fecisset, coepit summus ille cruciatus nonnihil mitescere.

Verùm cum dolor non penitus remitteret, interdumq; recrudesceret, suasi ut *emplastrum de Vigo corio rubro extensum*, & agglutinatum, universi sedi dolenti dextra capitis, à vertice rasâ prius, ad maxillam usque inferiorem apponeret, agglutinatumq; retineret, quod cum horis duabus ante cœnam factitatum esset, sedenti in cœnâ, in capite sensus talis obortus est, ac si ex vase aliquo plures aquæ guttæ, in subiecta vasa plura stillatim caderent, sonum edentes, quem non solum ipse percipiebat, sed & propius astantes audiebant. Qui strepitus in capite per noctes binas, diemque unum perseverans, unâ nocte cum obdormiret, adeo invaluit, & cum fragore intonuit, ut è somno excitatus, perterritusque, domum concidisse, tabulatumque in eum decidisse, exclamaret, seq; sub lectum abderet. Quo strepitu denuo cessante, in malæ ossæ jugali, sub oculo ad aures usque dolor,

ac si vermes hanc sedem exederent, corroderentque, subortus est, qui & ad dies aliquot noctesque perseveravit.

Ob quam causam, *fotu priori* denuo uti cœpit, *detracto prius Emplastro*, quod ubi cuti adhæserat, semper madidum ferè, ac veluti aquæ guttis conspersum, inventum fuit: *rursumq;* post *fotū illud* adhibebat, *diesq;* & *noctes* gestabat, donec indies remittente dolore, tandem ille penitus evanuit, pristinaque valetudini æger restitutus est, quā adhuc integrā fruitur, nisi quòd gelu ingruente doloris indicia quædam sentit; uti & si studiis curisq; caput nimium fatiget.

Hemicrania sinistri lateris, 15. annos durans, cum Strepitu, circa tempora & aurem sinistram.

Mulier quædam, civis urbis S. Dietoldi in Lotharingia, octavâ à partu nocte, cœpit intensissimum sentire dolorem, in capitis sinistra parte, à fronte versus aurem sinistram, vermi illic repenti, & omnia perforanti, similem: nonnunquam etiam in aurem ipsam, strepitus hic, quem & adstantes (ut retulit) percipiebant, sese ingerebat. Imaginabatur sibi, à venefica vermem inter dormiendum, in aurem sinistram fuisse immissum, maximè, cū nulum unquam, ex *cujusvis generis remedium legitimum* usu, fructum percepisset: & licet, pars Calvariæ, ubi maximè dolebat, *trepano* aperta fuisset, nihilominus tamen, postmodum paulò altius, similis dolor eam infestabat. Ideò *cauterio potenti*, *cute ablata*, ob *future ossis petrosi, carnē novaculâ remotâ, secūdâ vice* fuit *calvaria perforata*, remanente semper pertinacissimo illo


illo dolore, qui illam adeò continuò, quindecim annos, excruciauit (quãvis interim bis peperisset) ut nec dormire, nec nisi coactè comedere quicquã valeret, ac totũ tempus lachrymas profundendo, & se ipsam miseris cogitationibus affligendo, ut & pro semifatua haberetur, consumeret: sicuti & ipse illã miserã omnia sic narrantem, S. Dietoldi, à Cardinali Lotharingico Basileam rediens, Anno 1601. mens. April. vidi, & ei remedia præscripsi. Tandem Majo An. 1604. enixa fœtum masculum, statim ab omni illa molestia, sine ullo medicamento fuit liberata, sicuti maritus Basileæ 14. Julii 1604. testatus est.

Hemicrania cum Dentium dolore.

Vide in Dentium dolore Lib. II. Dentium dolor. Hemicrania.

Hemicrania cum Ophthalmia.

Vide in Oculorum dolore Lib. II. Oculi dolor & Palpebrarum inflammatio cũ Pupillæ, &c.



IN OCULORUM DOLORE

OBSERVATIONES

*Oculi dolor & Palpebrarum inflammatio,
cum Pupillæ obfuscatione &
Hemicrania.*

CAPITANEUS quidam Solodori, ex largo potu vini, ut existimabat, in semilatore capitis dextro, vehementer dolere cœpit, qui dolor circa meridiem exacerbatur, sub noctem mitior erat, ali-

quando penitus remittebat. Accessit oculi dextræ intensius quoque dolor, rubedo totum oculi album occupans, turgidis venis, ac si rubrâ carnosâ pelliculâ intectum esset, sicuti & palpebra utraque intus forisque, pupillaque obfuscata, adeo ut licet splendorem videret, tamen res discernere nequiret, duraverat jam, affectus hic, per sex septimanas.

Vocatus ad ipsum 9. mensis Septembris, Anno 1597. primum *Cydoniati mei purgantis* 3. j. exhibui, bisque deiecit.

Cauterium nuchæ imposui, verum cum ob vetustatem, nihil operaretur, sub vespere *Vesicatorium ex Flammula contusa* adhibui, unde vesicæ, subortæ, manè sequenti apertæ, serum citrinum effundebant, imposuique *folium Brassicæ cum Butyro*, sepiusq; reiterare iussi.

Oculo, collyrium ex corticibus Granatorum, hoc modo applicavi: *Imponebatur Gutta una aut altera in oculi canthum majorem capite inclinato, clausisq; postea palpebris, spongiolâ in hujus collyrii modico admixtâ mucilagine, seminis Fœnigraci, madesactâ parumq; expressâ, Bisq; vel ter in die fuit renovatum.*

Emplastrum pro Ruptura in dextro temporum adglutinatum gestabat.

Sequenti die elect. *Diapomorum meo* denuo purgatus fuit.

Discedens, eum sic pergere iussi, & post quinque dies, ut hypochyma discuteretur, *carnem Vitulinam, vel pulmonis agni partem oculo imponere, & ex Penna noviter nata columba, sanguinis guttas in oculum imprimere.*

Electuario cerebrum corroborante hoc est usus: R.

cond.

cond. Acori, conser. Major. Anthos, Lavandula, Rosarum, fl. Salvia, an. aq. partes. Utatur.

Post aliquot dies, cum nondum penitus cessaret, rubedo, hoc collyrio usus est: *Rz. troch. alborum Rhamfis 3. ij. aq. Rosar. 3. viij. aqu. Fragorum cum lacte caprin. thure & camphora destillata 3. j. aq. Fœnic. 3. 8. misc.*

Cauterium Chirurgo, ut illius *nucha* apponeret, tum visionis recuperandæ in illo oculo, tum defluxionis arcendæ causâ, dedi: quod & benè successit, illudq; diu apertum retinuit. Oculo à tumore & rubore liberato, cum tamen de visionis obscuritate, ob maculam albam in pupilla natam, conquereretur, splendoremq; tamen aliquem cerneret, res verò minimè dijudicare posset, *Aquam ex Fœlibus, Terebinthina, Melle, Sulphure, Vino destillatam, ut oculo inderet, jussi.* Sicque omnia in melius cesserunt.

Oculorum ardor, rubor, tumor Palpebrarum, & Lachrymæ.

MOnachus quidam, æstate illa fervida Anno 1612. cœpit laborare oculi tam dextri quàm finistri dolore, rubebant admodum & tumebant palpebræ nonnihil, aderat quin etiam pruritus, ardor, atque lachrymarum calidarum continuus effluxus. Cum negligeret, & *levioribus* saltem, ex vulgi consilio, uteretur, accessit visionis defectus aliquis, non absimilis fumo, oculis objecto, qui prohibebat, quo minùs res rectè discernere posset: tuncque consilii causâ ad me venit, circa finem Julii, admodum tunc fervente caniculâ.

Exposui illi affectum, esse Ophthalmiam falsam, monuiq; statim, ne se amplius *Solis fervori* exponeret,

aut iter faceret, à Vino sibi temperaret, cui alioquin erat deditus, ceteraq; quæ obesse possent, exposui.

Præscripsi sequens decoctum, pro utriusq; oculi fotu :
Rx. cort. Granat. contus. ʒ. ʒ. decoquatur in aqua calycum Rosarum, & coletur, adde Chalcanthi albi, Rungstein/ tantum quantum oculi ferre possent, citra morsum (nigrescit inde decoctum, atramenti instar, sed valde fit efficax) De hoc decocto sumat aliquantum, adde ovi Albumen bene conquassatum, & parum Lactis, madefiant petiæ panni lintei non asperi, applicentur noctu, clausis palpebris oculis si q; donec exsiccentur, dum dormit, sinat, inde rursus madefaciat, apponatque, & interdum in altero oculo gestet, apertumq; quo ad visionem utitur, sæpè madefaciat hoc liquore.

Cucurbitulas per biduum applicare iussi collo, scapulis, tertioq; die simul scarificationem adhibere.

Emplastrum pro ruptura ad defluxionem cohibendam, temporibus quadrantis thaleri Imperialis magnitudine, ut adglutinaret, suasi.

Quibus cum per octiduum fuisset usus, alter oculus sanatus est, alter verò adhuc rubebat. Sequenti postea hoc usus collyrio : *Rx. aq. Rosar. Pesculi Ros. Plantag. an. q s. lap. Hamat. part. j. conteratur, & cum aqua dicta succus inde attritione illi mistus affundatur. Hacq; utatur aqua pro fotu cum Album. ovi, agitata.*

Vesicatorium ex Flammula contrusa nucha apposuit, unde vesicæ natæ disruptæ, plurimum humoris reddiderunt, sicq; convaluit.

Oculorum dolor, rubedo, & Lachrymæ.

PHarmacopœi cuiusdam famulus, in utroque oculo, vehementem rubedinem passus est, cum dolore,

dolore, & fluxu copioso, calidarum lachrymarum: quæ cum diu durassent, ipseq; jam pilulas sumpsisset, & scarificatione usus esset,

Emplastrum pro temporibus ordinavi: R. boli Arm. 3.ij. Mastiches 3.ß. sanguinis draconis 3.j. pulv. Gallarum 3.ß. excipiantur ovi album. & Aceto: Applicetur utringq; temporibus.

Collyrio hoc utatur: R. cort. Granat. 3.ß. coquatur in aqua Peculi rosar. & Plantag. in colatur. 3.iiij. dissol. lap. Hamat. 3.ij. tamdiu, donec succus reddatur, abjecta residua, adde Vitrioli albi 3.j. Camphoræ 3.ß. misce cum inf. gummi Tragacanth. facta in aqua Rosar. Applicetur supra oculum.

Curatus fuit, sed post tempus denuo recidivam passus, hoc Collyrio sanatus iterum fuit: R. mucilag. sem. Lini, Fœnigr. an. 3.ß. aq. Plantag. Solani ana 3.iiij. Myrrha 3.ß. Sarcocollæ nutritæ in Lacte 3.ß. Cerusæ, Tutia ana 3.j. Amyli 3.j. pulveriscentur, ut alcohol, misceantur; Pro collyrio.

Oculorum tumor, rubedo, Pupilla obscura, & Lachrymæ.

A Urifaber quidam An. 1596. fluxum lachrymarum ex oculo sinistro diu perseverantem, cum rubore oculi illius globi, & tumore ac obscuritate pupillæ, patiebatur. Aliquando hæc cessabant, mox iterum revertebantur, eratque antiquus & confirmatus affectus. Tandem accersitus, ord. Pilulas, quas sumpsit 3. Decembr. R. Pilul. Aurear. Cochiar. an. 3.ß. cum aq. Fœnicul. fiant pilul. Dejecit admodum, atque ea ipsa die, lachrymæ cessarunt & oculum aperire potuit.

Vesicatorium nuchæ 4. Septembr. apposui, ex *Flammula contusa*; Vesicam latam fecit, apposui sol. *Brassica cum Butyro*; fluxit humor eâ apertâ.

Supra oculum affectum, iussi in *temporum uno emplastrum pro Ruptura*, ad inhibendum influxum, continuo gestare: Quod cum fecisset ad 27. Decembr. usque, ab omni rubore & lachrymis liber fuit.

Verum cum sanata esset vesica, illeque minuta quædam sculpens, in officina frigida, moram traheret, oculus denuo rubere cœpit. Ad arcendam itaque defluxionem *sequens* ordinavi: *R. cort. Granator. ʒ. j. boli Arm. pinguis ʒ. ij. decoquantur in aqua Plantaginis & peculi Ros. & in ʒ. iiij. colatura dissol. lap. Hematita ʒ. ij. diu agitando, ut penitus dissolvatur, adde Vitrioli albi ʒ. j. Camphora ʒ. ʒ. misceantur diligenter, fiat collyrium*; In quo parvam spongiolam madesfaciat, & exprimat, atque oculo clauso applicet: sæpe repetendo.

Cum aliquoties usus esset, ut melius operaretur, addidi: *R. aqua Plantag. Solani ana ʒ. iiij. Tut. ʒ. ij. Mucilag. sem. Psyllii facta cum aqua Rosar. misce cum priori collyrio*: Et utatur.

Iterum sanatus, cum metalla ad ignem funderet, calore & fumo in officina clausa, igneque carbonum calefactâ, in qua hyemis tempore laborabat, recidiyam passus, de cauterio monui, quod cum non recusaret, illudque in nucha potentiala illi adhibuisssem, ab eo tempore, nihil amplius

mali sensit, oculusque illæsus ad hoc

usque tempus permansit.

Oculi

Oculi purulenti & Lachrymantes.

CUM consilium à me, Anno 1569. vir præstans peteret, sic illi respondi. Quod casum Domini hujus attinet, video illius oculos, purulentam quandam materiam, continuò exsudare, lachrymasq; faciliè ex illis profluere, unde pruritus in palpebris, & rubedo, sordesq; in ciliis apparent.

E' quibus, caput ipsius multis aqueis, serosisque excrementis, redundare, colligo, quæ non per vias decentes, uti oportebat, expurgantur, sed palpebras oculorum infestant, hancque viam sibi familiarem fecerunt, cum potius circa oculorum radices, humores hi ad fauces, descendere deberet. Oculi alioquin globus illæsus, neque affectus apparet.

Huic malo ut occurratur, neque lippientes oculi continuò maneant, omnibus modis à sede illa, defluxio erit avertenda.

Fiet hoc *bonâ victus ratione moderatâ, nec varia, abstinendo ab iis, quibus oculi irritantur, ut raphano, sinapi, cæpis. A splendore & luce magna, fumo, capitis inclinatione & similibus, capite erecto dormiat.*

Postea *singulis hebdomadis 3.j. pilularum Sine quibus appellatarum sumat, media nocte, ex quibus aquâ Euphrasie subactis, vii. formet pilulas.*

Cucurbitulas siccas citra scarificationem, singulis mensibus semel applicet, sex numero, minores tres in uno latere, tres in altero, unam in collo, alteram in summo humero, tertiam in scapula.

Vesicatorium ex Ranunculo contuso, & supra nucham seu cervicem collocato, adhibeat, indeque vesicam genitam aperiat, Butyroq; aliquandiu inungat, & cum sanare

sanare eam iterum vult, unguento de Cerusa inungat.

Noctu cubitum iturus utrinq; temporibus hoc emplastrum applicet, quod: *R. boli Arm. 3.ij. Mastiches 3.ß. Sanguinis Draconis 3.j. pul. Gallarum 3.ß. excipiantur ovi Albumine & Aceto, fiant duo emplastra.*

In Collyrio sequenti, duas spongiolas intingat, easq; noctu expressas, utriq; oculo applicet, ligando cum fascia, aut retinendo cum cucupha, donec exiccentur, tunc enim er si decidant, nihil obest, modò per duas horas, in oculis clausis priùs hæserint. Paratur autem hoc modo efficacissimum: *R. cort. Granat. 3.j. coquantur in aq. Rosar. Plantag. & Solani an. 3.iiij. coletur, dissol. Lap. Hemat. 3.ij. agitetur donec rubeat torum collyrium, abjecta deinde residentiâ, adde Myrrhæ 3.ß. Sarcocollæ nutritæ in lacte, 3.j. Cerusæ Tutie ana 3.j. Vitrioli albi, Amyli an. 3.j. pulverisentur omnia ut alcohol, misceantur cum collyrio. Item parentur mucilagines sem. Lini & Fœnigræci, & quando uti vult collyrio, parùm harum mucilaginum collyrio permisceat, vel in harum penuria; Ovi albumen.*

Palpebrarum rubedo, Lachrymæ, & Impressio in albo oculi juxta pupillam.

IN affectu nobilissimi Domini, oculos molestante illiusque palpebras, eoque diuturno, hoc consilium dedi. Cum jam purgatus sit, suaderem nihilominus, ut per vices corpus sæpè purgaret, remedio hoc facili, sed oculis admodum opportuno.

Sumendo Fumariam recentem, & Sennæ purgatæ ana 3.ß. decoquendo in sero Lactis, pro uno haustu sæpè repetendo. Quæ duo visioni appropriata sunt.

Pilula quoque Sine quibus dicta, idem possunt efficere,

ficere, si 3. j. autumnii & veris tempore, vel intermedio quoque tempore sumatur.

Scarificationes singulis trimestribus factæ, in humeris proderunt.

Cucurbitularum quoque sine scarificatione applicationes, singulis mensibus factæ.

Cauterium in cervicis posteriore regione inustum plurimum prodesset. Vel si illius loco vesicatoriū ex contuso Ranunculo vel Flammula huic loco applicatis, fieret.

Victus ratio conveniens moderata, & imprimis in Vino temperantia, plurimum conducet.

Per cætera utatur tabulis de Nuce moschata interdum manè, aliquando noctu cubitum iturus, cœnâ diu progressâ, alternis diebus.

Unguento illinat palpebras: Rj. Omphacii 3. ij. succi Fœniculi 3. j. misce:

Lavet nonnunquam, pedes decocto Salviæ, Chamomil. Fœniculi, decoctis in Lixivio.

Si unguento aliquandiu usus fuerit, & malit postea aquâ nti: poterit sequenti aquâ noctu cubitum iturus, & manè humectare oculos, cum panno vel spongiola, quæ valdè erit utilis.

Rj. aqua peculi Rosar. Plantag. an. 3. iij. aq. Euphrasiæ 3. ij. cort. Granat. 3. ij. Tutia 3. iij. lap. Hemat. 3. j. decoquantur parùm & colentur: Pro usu.

*Ægilops seu tuberculum in oculi angulo,
cum Inflammatione palpebra-
rum & faciei:*

VIdua quædam nobilis, cum diu purulentam & sanguineam materiam, è nare sinistra reddidisset,

didisset, quâ pannos multos commacularat, tandem suppresso fluxu, dolor supervenit capitis lateris sinistri, & tuberculum cum dolore in angulo oculi interiore apparuit, durum, ex contactu dolens. Neglexit per aliquot dies, etsi ego ulcus subiecuturum, prædicerem 14. Novembr. Anno 1595. inflammatio cum tumore, in palpebris & malis subiecuta, cum summo dolore & rubore.

Applicui hoc cataplasma: *℞. pulpâ Pomorâ dulc. ʒ. vi. decoquantur in Lacte & pauca aquâ Ros. addendo mucilaginis sem. Psyllii & Fœnigrac. ana ʒ. j. ol. Rosar. ʒ. ʒ. fiat Cataplasma.* Applicetur loco affecto. Oculus non apparebat, adeo omnia intumuerant. Ula fuit per biduum, sed dolor perseverabat, cum dolore capitis, tumor tamen parum subsederat.

16. Novembr. sumpsit pilulas: *℞. pilul. Sine quibus ʒ. ij. cum aqua Fœniculi fiant pilule: Capiat media nocte. Sine molestia deiecit aliquoties. Sub vespertam iussi sex Cucurbitulas adhibere, utring, tres collo, & scapulis, sine scarificatione.*

17. Novembr. Manè usa iterum cucurbitulis, sed cum scarificatione, & quia dolor magnus, aliud ordinavi Cataplasma: *℞. miccæ Panis ʒ. ij. farina Hordei, Fabarum ad discussionem ana ʒ. j. semin. Lini, Fœnigrac. ana ʒ. ʒ. decoquantur in aq. Rosar. Plantag. & Lacte, adde olei Rosacei Chamom. ana ʒ. ʒ. mucilag. sem. Psyllii & Fœnigrac. ana ʒ. j. ʒ. fiat Cataplasma.*

18. Novembr. Abscessu rupto in cantho majore, iussi ponere supra ulcus Terebinth. Vitelli ova ana ʒ. j. fiat emplastrum.

19. Nov. Ne oculus læderetur usu cataplasmatum continuo, & quia palpebræ detumuerant, iussi supra malam tantum cataplasma ponere.

20. No-

20. Novembr. Impolui *turundam in ulcus, pus ex oculo, quo etiam ferebatur, purgavi*, dolor omnis cessat, sed rubebat admodum oculus, ideo jussi *pannum intinctum* in sequenti *collyrio*, *supra oculum clausum* ponere, *noctu præsertim*: R. *aquarum Rosar. Fœniculi ana ʒ. j. β. Tutia præpar. ʒ. j. lap. Hamat. ʒ. β. macilag. sem. Fœnigrac. ʒ. j. cum album. Ovi misce*, diu usa est, dicebat esse boni odoris.

22. Tuberculum durum adhuc apparebat, illic ubi suppurabatur, quare applicui hoc *empla*: R. *Alœs hep. Mellis ana ʒ. j. Myrrha ʒ. β. gummi Arab. ʒ. j. Croci, Fellis ana ʒ. β. cum Terebinth. misce*, factum ad absterfionem simul ulceris.

25. Rubedo in oculo minuebatur, sed pupilla obscura erat, addidi *collyrio priori Sarcocolla nutrita in Lacte ʒ. j. aqua Euphrasie ʒ. j.* Jussi sequenti die *Cucurbitulis* uti.

Et quia aperto oculo, res inspiciens, Vertigine laborabat, ita ut cogeretur, illum mox tegere, conjiciens circa exortum nervi optici, etiam causam hærrere defluxionis, ad divertendam materiam varia tentavi. 27. primum dedi *Pilul. sine quibus ʒ. ij.*

28. Novembr. *Cauterium* applicui *in nucha*, & cum prima vice nō satis operaretur, reiteravi. Et quia pus non ampliùs ex ulcere fluebat, jussi tantum *collyrio pro oculo* uti.

Errbinum item hoc: R. *succi Anagall. & rad. Betæ an. ʒ. ij. troch. Albandal, Scammom. ana ʒ. j. Mellis ʒ. j. fiat instar Linimenti*: Utatur *cum penicillo in nares*.

30. Novembr. ad escharæ catum, applicui *Butyrum, & emplastrum ex Terebinth. & Vitello ovi* desuper *bis in die* reiterando.

i. Decembri

1. Decembr. de nubecula ante oculum conquerebatur, & quando res intuebatur, omnia circumagi putabat, sed tantum ægro oculo sinistro, & studebat mala illius loci, dicebat hoc jam diu sibi contigisse; in visione illius oculi, & parte illa faciei. Unde nervos affectos in ea regione cerebri judicavi. Lachrymæ admodum fluebant, & Catarrhus supervenerat.

6. Decembr. Ut per nares defluxionem derivarem, quæ omnino per majorem oculi canthum effluebat, jussi *fibras radic. Hellebori in nares trudere & multum promovit.*

8. Decembr. Purgavi: R. syr. Rosar. sol. cum infus. Sennæ & Agar. ʒ. j. Cathol. ʒ. ʒ. Diaphæ. ʒ. j. fiat potio.

9. Decembr. Ord. *Apozema pro v. vicibus tale, quale in vertigine pituitosa in praxi descripti: R. Fœniculi ʒ. j. &c.*

11. Decembr. *Escharam* difficulter cedentem, rescui, & *sorpice* extraxi, postea *pilul. radic. Gentianæ* imposui.

12. Decembr. Iterum intumuerat maxilla, *Abscessui sub oculo*, jussi iterum applicare *Cataplasma postremum*, cujus portio adhuc aderat.

13. Decembr. Abscessus ruptus sub oculo, & alius in angulo oculi, applicui *Cataplasma*, prius *supra ulcus* ponendo *emplastrum*, quod R. Mellis, &c.

23. Decembr. Tantum utebatur *emplastro sine cataplasmate supra ulcuscula*, quæ prius multum puris effuderant, nunc sanabantur. Ord. *pulverem tertium meum aromaticum, cap. de paralyti in mea praxi descriptum, ut manè per vices uteretur.*

35. Decembr. Omnia sanata erant. Sed quia oculus

ius rubebat, & adhuc purulenta materia cum lachrymis, continuo ex majori oculi angulo fluebat, & noctu palpebræ conglutinentur. Ord. R. cort. Granat. ʒ. vj. coquantur in aquis Peculi ros. & Plantag. & Rosar. & in colatura ʒ. iiij. dissol. lap. Hamat. ʒ. ij. Vitrioli albi ʒ. j. Camphor. ʒ. ʒ. fiat collyrium: cum eo uti vult permisceat, infus. sem. Psyllii factam cum aqua Rosar. quo collyrio in aliis uti soleo, sæpè magno cum successu. Hujus usu dixit se rectius etiam videre & oculum non adeò rubere, nullum dolorem sentiens toto tempore, statuit ita pergere.

Ægilops post inflammationem faciei.

Vide in superficie corporis dolore Lib. II.
Inflammatio faciei in abscessum, &c.

Fistula lachrymalis in oculi angulo, nec non Puris & Lachrymarum inde fluxus.

Virgo quædam nobilis, ex ægilope fistulam lachrymalem contraxit, in majori oculi angulo, osse illic vitiato, & purè continuo ex eo angulo fluente, cum multis lachrymis. Frustra per anni spatium à Judæo & Chirurgis afflicta & per diætam extenuata, tandem ad me deducta mens. Augusto, Anno 1593.

Purgavi eam primum pilulis capitalibus ex Cochis & Aggregat: Postea applicui sex Cucurbitulas collo utrinque sine sectione, per biduum, tertio die cum scarificatione, more à me fieri solito.

Injectione dein hac usus sum: R. Lixivii Tb. j. ʒ. Aceti rubr. ros. Balauft. an. ʒ. ʒ. Gallarum ʒ. j. fol. Ruta M. ʒ. decoq. pro ablutione & injectione, cum syringa, in fistulam oculi anguli.

Postquam aliquoties usa fuisset, semper portio illius in nares descendebat. Tandem portio ossis maxillæ superioris, in oculi angulo ad nares, cum magna parte carnis putridæ foetidissimæ per nasum in palatum erupit, quo facto, nullum pus nec lachrymæ ampliùs, ex oculi sede effluerunt, sed omnia per nasi amplitudinem, in palatum deciderunt.

Dein unguentum hoc immittebat in ulcus: R \bar{z} . Aloës, Thuris, Sarcocolla, Sanguinis draconis ana 3. j. Antimonii crudi, Plumbi usti & loti, Tutia, Lap. Hematita ana 3. ij. Balsam. Aristoloch. rot. ana 3. j. B. Alumin. 3. ij. Aeruginis aris 3. j. pulveris subtilissimè, excipiantur Melle & Terebinth. fiat unguentum.

Perfistebat in usu unguenti & lixivii, bisq $\bar{3}$ in die chirurgus meo jussu administrabat.

Post dies aliquot applicui cauterium meū in nucha, quod sine dolore operatur, atque escharâ exemptâ, apertum retinui.

Dedi quoque potionem hanc pro. v. diebus: R \bar{z} . fol. Tanaceti, caulium rubr. Agrimonie, Filicis mai. Filipendula, Pimpinella, Ceterach. an. M. j. fol. Myrthi M. B. rad. Liquiritiæ 3. j. Cicerum rubr. P. ij. fiat decoct. cape T \bar{b} . j. B. addendo Sacchari q. s. pro quinq $\bar{3}$ vicibus.

Purgavi denud pilulis.

Incipiebat sanari ulcus, sed intrinsecus tunicâ succinctum, metuens autem ne apertus maneret sinus, cauteri portiunculam intrusi, quod mirè urebat, sed illico remittebat.

Postea ad carnem generandam hoc sarcotico sum usus, quod R \bar{z} . Aristol. rot. radic. Ireos. cort. Thuris ana 3. j. B. Mastiches, Myrrha, Sarcocolla, Aloës, Lap. Calaminaris ana 3. j. Mellis q. s. fiat unguentum.

Integrè

Integrè sanata; ita ut tantùm parva fovea illic cì-
tra incommodum, aciculæ capitis instar remaneret,
formam tamen minimè defigurans. Anno 1612.
ad me scripsit, cùm esset Abbatissa facta & catarrho
laborasset, metuens ne recidivam pateretur, sed ni-
hil subsecutum.

*Oculo adhærens tumor, carneus, niger,
diuturnus.*

IN muliere vetula paupere, tumor in oculi fini-
stri latere, juxta pupillam, ante biennium exor-
tus, cùm immenso ardore & dolore oculi, adeò ac-
crevit, ut medium ferè occuparet oculum, promi-
nebatque ad avellanæ majoris magnitudinem, car-
nemq; ex rubro nigricantem repræsentans, hypo-
chymatis instar, adeò deformi colore, ut pavorem
inspicientibus incuteret, & plerique oculi amissio-
nem prædicarent; tandem verò suppuratione factâ,
per dies 14. ater ex eo effluxit sanguis, remanente
nihilominus carne illa ex atro rubente, & nunc vi-
rescente. Ad me consilii gratiâ veniens, jussi ut
Pomum putridum applicaret, exiguam spem sanatio-
nis habens.

Verùm cùm nihil proficeretur, vehementer sic-
cantibus & astringentibus, an quid effici posset, dixi
ut sumeret *cortices Granatorum*, pulverizaretque ad-
deretque *folia Plantaginis recentia*, eaq; simul in *aqua*
sabrorum Ferrata decoqueret, addendo *Albumen ovi*,
simulq; decoquendo, & sub finem pulverum *Chalcanthi*
albi, ea quantitate, quam oculus perferre posset, hocque
cataplasma noctu oculo imponeret, illiusque usum
continueret. Post duos menses reversa, vidi tumo-

rem mediâ ex parte absumptum, quapropter in *hujus applicationis* usu, pergendum esse, consului. Quod cum adhuc *mensibus duobus* fecisset, tumor omnis præter omnem spem evanuit, remanente tantum maculâ quadam, variegato colore, qualis in gemma Jaspide cernitur, sed quæ in albo tantum oculi erat, & pupillam attingebat, unde & visioni nullum adferebat detrimentum.

In oculo vesica casu nata.

IN horto meo, netrix mea deambulans, cum *fructum cucumeris asinini maturum* decerpisset, primo contactu, uti solent, dissiliente seu disrumpente, & humorem cum seminibus profundente, casu in oculum illius quoque profiliit. Ex quo ardorem sentiens, oculumque perfricans, vesica ampla phlyctenarum instar, totum oculi globum ambiens, nata est, pellucida, humoreque plena, quæ tamen per noctem rursum subsedit, & evanuit.

~~~~~

IN AURIUM DOLORE

OBSERVATIONES.

*Aurium ulcus cum Tinnitu, difficult. Auditione.*

**J**UVENIS quidam viginti annos excedens, conquerebatur se jam triennium laboravisse difficultate auditus, in utraq; aure, & è dextra, manè, auriscalpio crustam, quæ in auditus camera nascebatur, eximentis sibi pus effluere, & nonnunquam ulcere irritato, sanguinem. Foetere illud pus, adeo ut etiam



etiam ab aure exspiratio illa, astantibus esset molesta. Idem in sinistra factum fuisse, nunc verò ex ea nulum pus effluere, sed sibilum restare, auditum impediens, capitis gravedinem insuper se sentire, admodumque somnolentum esse, atque è naribus copiosam pituitam effluere.

Ulus erat multis purgationibus, per pilulas aliasq; formas; Item cucurbitulis, scarificationibus. Auribus semel tantum se indidisse succum caparum, sed nihil profuisse, agebat.

Pæscripsi consilium, ut *Aquam meam viridem* supra *ulcus* applicaret, cum *penicillo* vel *penna* vel *bombyce*, non tamen nimis profundè inderet, ne ad *tympanum* perveniret, idque *indies*, bis vel *ter* repeteret, si eroderet illa *aqua*, eam *Vino & Vitello ovi* temperaret.

Infundat in *aurem illam ulceratam*, *Serum Lactis cum Saccharo cando*, *Melle & Oxymel. squill. mistum*, sinatque iterum mox effluere.

Excipiat *fumum illâ aure*, ex *pulvere projecto supra carbones*, parato ex *Resina pura*, *Colophonia*, *Thure*, *Mastiche & Succino*.

In *sinistram aurem*, ubi *sibilus*, immittat *guttas aliquot aque alterius destillate ex Fellibus pisciû*, quæ recipit, ut in *Praxi mea* eam descripsi. Hanc eandem *ulcere curato in dextram aurem* instillet, si *gravis manserit auditio*, sed permittat mox iterum effluere.

Bibat interea *Vinum ex Capitalibus rad. herbis*, additis *purgantibus Sena an. ad v. mens. paratum*, alternis diebus, diu continuando.

*Electuarium capitale* sumat alternatim, uno die *electuar*; altero *Vinû*. Hæc *cerebrû purgant & roborât*.

Applicet Cucurbitulas in collo, sub auribus hebdomadam. Si deficeret aqua viridis utatur hoc unguento: R. unguenti Aegypt. 3. j. Pōmpholyg. 3. ʒ. Oxymel. squill. 3. ij. misce.

Naribus indat ad purgandum cerebrum, succum rad. Betae, & Anagallidis fl. caeruleo.

Item intrudat fibram Hellebori aliquoties, ad sternutationem movendam.

IN NARIUM DOLORE  
OBSERVATIONES.

*Nasi ulcus, illius apicem depascens.*

**V**IRGO quædam nobilis, annos excedens 30. ad me consilii causâ venit, cujus nasi extremitas cartilaginosa, in medio tota ferè ulcere depascente absumpta erat, remanentibus saltem utrinq; portionibus quibusdam, narium alarum, sed diductarum & ulceratarum, qualis etiam erat reliqua nasi extremitas, faciesque in ambitu nasi tumida, rubens patentibus narium foraminibus adeò, ut penitissimè quoque introspicere liceret.

Narrabat ante biennium, in summitate nasi, ad canthum oculi sinistri, pustulam erupisse, eaq; suppuratâ & apertâ, pus profudisse, & cum diu non coalesceret illud ulcus, ossiculum tandem è naso prodiisse, atque demum sanato ulcere, in ambitu narium, ulcus illud cœpisse, diuque frustra à multis chirurgis & empiricis tractatum, qui unguentis variis & emplastris erodentibus, usi fuerunt, & eousque, ut portio magna nasi absumpta fuerit, excrevisse.

Nec

Nec ab ullis aliquid commodi sensisse, nisi quando *pilulis mercurialibus*, & fumo ex trochiscis ex cinnabari naribus excepto, usa esset, tunc eam, cum os inflammatum esset, & multa exputio subsequeretur, penè curatam fuisse, sed omisâ curâ ulcus recruduisse.

Ex quibus suspicio nata, à lue venerea fortè hoc ulcus prodiisse, nisi cancer esset narium.

Curationem aggressi in initio Septembris, Anno 1600. corpore purgato obiter, cum illud sæpè jam evacuatum esset, & cauterio in nucha adhibito, licèt in brachio alterum jam adhibuisset, cum ulcus pure admodum sordidum esset, ad illius absterfionem, demum exsiccationem, varia adhibita fuerunt, primumque *unguento Apostolorum* usi sumus, sed cum invalidius videretur, & appositis *emplastris* mucus narium retentus, & collectus, novis sordibus locum exesum & sordidum inquinaret, *unguentum Aegyptiacum* adhibuitum fuit, *succo Tabaci* parum, ut vis acris illius nonnihil infringeretur, *contemperatum*, à quo, cum admodum repurgaretur, & mundum fieret ulcus, ad exsiccationem illius *decoctum* hoc adhibuitum fuit, in *scutella*, in qua nasi eminentiam *ulceratam* immergebat, sæpeque *hora spatio* & amplius continēbat, quod tale fuit: R. Agrimon. M. j. Ruta M. β. Gallarum ꝯ. j. Balaust. ꝯ. β. fiat decoctio in mensura β. Lixivii & Acetos. ros. cochl. iij. vel iiij.

Interea semper post solum, *unguentum* sequens quoq; fuit adhibuitum, bisq; in die renovatum: R. Cerusse ꝯ. j. Tutia, Litharg. ana ꝯ. β. Plumbi usti ꝯ. vj. Myrrha, Aristol. rot. ana ꝯ. ij. ol. Rosar. omphac. succi Plantag. an. ꝯ. ij. Agitentur.

Quæ duo remedia, & præsertim decoctum adeo

profuerunt, ut ulcus jam sanari videretur. Verùm cum in medio nasi, nigrum quid apparens, promineret, chirurgusque forpice arriperet, ossiculum oblongum, fungosum, narium prodiit, cuius rei causâ, cum suspicio esset, in interioribus fortè erosa esse ossa, præsertim cum facies, quæ prius usu *fotus*, penitus detumuerat, rursus tumescere & rubere inciperet, ut *fumum ex trochiscis, in quibus cinna-bar. erat, injectis carbonibus excitatum, per Infundibulum* admitteret, iussimus, quod cum semel atque iterum tantum fecisset, *pulverem admodum siccantem*, ut ulcus coalesceret, ante *unguenti* applicationem adhibuimus. Et ab usu *fotus* cessavimus. Quo facto ala dextra nasi, findi admodum cœpit, & ulcus de novo sordescere, ex quo multum adhuc putridæ carnis, adesse coniecimus, denuoque ad usum *fotus & unguenti Aegyptiaci* rediimus, sed cum illud ferre nollet, ob dolorem, faciesque nonnihil inflammaretur, *Sublimati pulverem aqua Rosar. dissolvimus, & madefactas eo liquore petiolas, ulceratis locis* apposuimus: quod cum ferre posset, in illius usu perreximus, unde valde mundificari cœpit ulcus, caroque sana, & rubens apparere.

Cum verò sordes continuo è naribus stillantes, & propter applicationes extrinsecus naso, illic hærentes, ulcus semper novis sordibus inquinarent. *Corpore iterum semel purgato, pilulam unam sumpsit Mercurialem*, ut ad os pituita derivaretur, & per spiritum expurgaretur, unde cum admodum purgata esset, os inflammari, lingua intumescere, eâ ipsâ die incepit multumq; magno cum dolore expuere, eam ob causam *gargarismat. utebatur*, donec per dies aliquot hæc omnia cessarent.

Inter-

Interea unguentum adhibitum fuit paratum ex *Minio* & *ol. Rosac.* additâ *portsuncul. Mastiches* & *Thuris*, quo panni lintei inuncti, & ulcerato loco applicati fuerunt, suppositusq; emplastro *Basilicone* retenti. Naribus interea, calamo penna immisso, apertis servatis: fuitque indies bis unguentum hoc renovatum, unde ulceratus locus hinc inde sanari incæpit,

Verùm cùm adhuc produceretur integra sanatio, & de lue venerea aliqua esset suspicio, ut meliùs purgaretur, iterum *pilulam* sumpsit, eademq; symptomata oris, sed paulò mitiora passa fuit: quibus sanatis, atque interea semper adhibito unguento de *Minio*, media pars nasi exulcerati cute obduci incæpit. Verùm quia in altera pinna, ulcusculum restabat, & sub ea cavum in labro superiori, *pulvis precipitatus ruber*, sicuti eum Chirurghi ex *Argent. vivo* in *aq. forti infuso*, & demum consumptâ in carbonibus aquâ remanente pulvere, parare solent, impositus aliquando fuit, unde integrè sanari cœpit, restitutaque fuit circa finem Decembris 22. die, sanaque à nobis discessit.

### *Cancer in Nasi interna sede.*

**I**N Viro quodam nauta, cancer in nasi interiore altera sede natus, ardore quodâm molestinus, adeò adauctus spatio temporis fuit, ut nares admodum distendendo, in uno latere pugni magnitudinem superarent, differens à polypo, quod non propenderet, sed omnino naribus undique adnatus esset,

& hic tandem in ulcus conversus, omnia re-  
spuens remedia, eum è medio  
iustulit.

*Cancer in Nare & Palato.*

**V**ide in Oris dolore. Lib. II. Cancer in Palato & Nare.

*Nasus frigore congelatus.*

**E**X summo frigore, nasi apicem mihi congelatum fuisse, dum iter facerem, ex eo deprehendi, quod cum nasum emungere, vellem, pars hæc insensibilis & rigida esset, quam cum flectere conarer, sanguis mox è naribus erupit: quod tamè cum non diu durarit, nullum incommodum mihi attulit.

~~~~~

IN ORIS DOLORE

OBSERVATIONES.

Oris ulcus juxta inferiorem maxillam.

IN foeminae ejusdam gingivas & maxillam inferiorem, sinistri lateris defluxione delapsâ, dolor vehemens, circa dentium regionem obortus est, intumuitque locus ille foris intusque, abscessuq; facto in ore, disruptoque, pus effluxit. Quo facto, dolor & tumor extrinsecus nihilominus persistebant, rubebatque pars, cum acuto tumore & molli, quique contactu exacerbabatur: abscessu quoque illic genito, quem, cum *sectione* aperiri noller, *cauterium meum potentiale* applicui; id licèt dolorem aliquem, per duas horas moverit, tamen adeò profuit, ut mox eo cessante, copiosissimè pus saniosum effluerit, idque per multos dies, donec penitus sanaretur.

Inflam-

*Inflammatio, Abscessus sub lingua, è
quo calculus prodiit.*

PRæfecto cuidam arcis Homburgensis, post inflammationem ac tumorem in faucibus & lingua, abscessus natus est, eoq; rupto calculus oblongus prodiit, quem mihi ostendit.

Alteri cuidam, tophaceus quoque calculus sub lingua crevit, quin punctorios illic adferebat dolores. Hunc chirurgus noster, levi sectione facta, exemit: Referebatq; forma colore & substantia, lapillum eum, qui in capite canceri nascitur, in oculorum radicibus, eoq; nomine oculus canceri appellatur, Magnus autem erat, sed inæqualis.

Cancer in Lingua.

Lingua, in quadam, undique in superficie, extuberabat inæqualiter, tuberculis duris, rubicundis, magnis, uvæ instar botrorum conglomeratis, quæ pustulas elephanticorum omnino referebant. Hæ in certis locis, jam in ulcera conversæ erant, quorum labia prætumida & inversa apparebant, cum dolore aliquo vel ardore, ex quibus cancerum esse, & hinc inde in carcinoma conversum, judicavi. Impedimentum hæc, & in loquela & deglutitione, adferebant, non leve.

Usum sum ad linguam sic affectam sanandam, *oris Collutionibus, validè siccantibus*, & postea præcepi ut illiniret, *aquâ Viridi ex arsenico & aris. arugine paratâ*, in oris dolore præceos mea descriptâ, unde minui cœpit. Sed postea non ampliùs est reversa.

Cancer

Cancer in Labiis.

IN utroque labio, tubercula similia admodum prominebant cuidam, atque alia ex illis ulcerata, inversa callosaque erant. Adhibui *Aquam viridem prædictam*, quâ jam diu usus est, indeque etsi aliqua subsideant, crustaq; obducantur, mox tamen repululant, quid futurum sit, exspecto.

Cancer in Palato & Nare.

Mercatori, cujus supra mentionem fecimus in Auditione gravi, cum faucium excoriatione & ulcere uvulam depascente, quibus laborarat, postquam aliquandiu surditas cessarat, uti illic expositum, annos aliquot sequentes, rursus difficultate auditus laborare cœpit, ut ferè penitus surdaster fieret. Præterea in palato ipsius, cœperunt pustulæ aliquæ extuberantes emergere, quibus tandem ruptis, subsecuta sunt ulcera sordida, lobis carneis inæqualia, per universum palatum dispersa, & in narium amplitudinem quoque pertinentia. In nare itidem sinistra tumor enatus, alam illius loci tumidam & duram reddebat, & in labii superioris mystace, similis tumor durus verrucosus se offerebat. Ex quibus cancrum & carcinoma hæc sedes occupasse, conicere licuit. Et licet & prius & nunc, in hoc casu superveniente, multis fuerit usus evacuationibus, atque sudoribus per decoctum Gajaci, per inunctiones ex Hydrargyro, suffumigationibus ex Cinnabari, aliisque remediis, tamen non cessavit hoc malum, donec diu postea è medio fuerit sublatus.

Cancer

Cancer Gingivarum, Durchseule.

ADolefcens quidam fcriba, cùm fenfiffet ante feptimanas ſexdecim, per dies aliquot, in maxilla inferiore, dentes quatuor, duos inciforios, & duos caninos vacillare, eos apprehenſos, ſine labore & dolore evulſit, remanentē dolore aliquo punctorio, eo in loco: Prodierunt quoq; squamæ aliquæ, alveolorum iſtorum, quibus dentes infixi erant. Atque labia inde oris, intrinſecusque gingivæ admodum exulcerari cœperunt, metuebamus ne cancer eſſet gingivarum, *Durchseule* ut appellant, unde sæpè tota maxilla ita inficitur, ut portionem ejus cum dentibus, eximi viderim. Verùm cùm non adeo eſſent virulenta ulcuſcula, uſus *collutionibus oris convenientibus*, & imprimis *aquâ illâ Viridi*, exactè ſanatus eſt, remanente cicatrice in labio inferiore, unde os nonnihil illius, curvum fuit redditum.



IN DENTIVM DOLORE

OBSERVATIONES.

*Dentium dolor, Hemicrania, Uteri
ſuffocatio & Cachexia.*

PUELLA quædam virgo, annos paulò minus viginti nata, pallidula jam diu, dentium dolore laborare cœpit, ex defluxione oborta, in utroque latere, dentibus molaribus aliquibus cavis.

Qui dolor, quando *dentibus* adhibebat *aquam actu calidam, compositam ex variis plantis calidis & aromaticis*

matibus infusis, in Vino & Aquavita, & destillatis, mitigabatur: Sed rursus redibat.

Purgavi illam primum, postea collutione oris ex Sandaracha ꝑ. β. in poculo uno Vini decocta, usa est. Et cum dolor in dextro latere magis urgeret, Allium contusum carpo dextro apposui, unde cuticula absceisit, dolorque in eo latere remisit.

Verum in sinistro latere, dolor non solum dentium regionem occupabat, sed & temporum, totaque mala illic dolorem patiebatur eum que intolubilem, punctionesque in aure sentiebantur. Itaque cucurbitulas binas scapulis utring, adhibui. Allium etiam sinistro carpo applicatum fuit. In aures aqua Rosar. cum Album.ovi & Lacte conquassata, additis guttis quatuor extracti Opii: immisit, temporibus Oxyrhodinū adhibitum, addito simul ol. Chamomelino. Lotiones item crurum ex decocto herbarum capitalium facta. Unde etsi dolor quandoque remitteret, redibat tamen, tunc præsertim, cum ex febricula quæ accesserat, corpus admodum incalesceret.

Repetii Cucurbitulas, rursumq, eam Purgavi, & postea etiam Scarificatione uti iussi.

Verum dolore perseverante, suosque paroxysmos sed inordinatos habente, & in dentium regione, & in mala & temporibus, nunc separatim, nunc simul urgente, adeo sæpè, ut in animi deliquium incidere, & de vita periclitaretur: quod illi semel, cum cardialgia gravi, & veluti uterj suffocatione, accidit, lotioni pedum ex decocto Salviæ, Violariæ, fl. Chamomil. diutius insidenti. Collutionem oris ex decocto rad. Pyrethri, Ireos, fol. Salviæ, Hyssopi. flo. Rosmar. Rosar. Sandaracha sucto, in Aqua, addito Aceto, præscripsi.

Totiq,

Totiq; mala sinistra, cataplasma hoc applicui: R. nucl. Persicorum P. iij. gr. Juniperi P. β. contundantur, adde Amyli, farina seminis Fœnigræc. Lini an. ℥. j. semin. Psyllii ℥. β. sem. Papav. 3. ij. affundatur Lac, & parum coquantur, addendo in fine ol. Anethini ℥. ij. ol. Chamamel. ℥. j. fiat cataplasma. Quod quoties gestabat, dolorem mitigabat, sed eo ablato, redibat.

Cucurbitam magnam scapulis cum flamma adhibui, idque sæpius diebus sequentibus iteravi.

Instantibus jam mensib. cum morbus septimanas penè quatuor, complevisset, cœperunt torsiones vêtis & cardialgiæ supervenire, quapropter frictiones crurum factæ. Supervenerunt postea menses, statò tempore, sed admodum fuit imbecillis, febreque perseverante, quæ exacerbato dolore, quoque augebatur, ut astantes, de vita ejus essent solliciti.

Applicui epithema pulsibus ex aqua Rosar. ℥. iiij. aq. Buglossi ℥. ij. Melissa, Aceti ros. an. ℥. j. aqua florum Arantiorum 3. ij. Quo repetito sæpè, calor secundo die mensium, remittere cœpit, & cum eo dolor capitis, ad biduum usque, sanguine interdum è naribus, sed parcè fluente.

Tertio die post somnum, dolor rediit, non tamen adeò violentus. Itaque, ut discuteretur materia, nec in abscessum abiret, inunximus totam malam, & tempora oleo Anethino primum, mox & addito Chamamelino. Sed cum odorem unctuosum ferre minimè posset, animoque inde deficeret, omittere deinceps necesse fuit, & cataplasma & inunctionem.

Oris collutionem aliam paravi: R. rad. Bistorta, Pyrethri ana ℥. j. rad. Ireos ℥. β. herbar. Hyssopi, Agrimonix, Salvia, Betonica, Majorana, an. M. j. flor. Anthos P. j. Sandaracha

daracha pulverisata 3. vj. *Piperis longi*, *Zingib. ana* 3. ij. bulliant in *Aqua*, addito *Aceto*, donec decoctum acescat. Utebatur eo tantum tempore, quando dolor urgebat, alio minimè, semperque profuit: sed dolor subinde, post mediam noctem præsertim, & mane rediit, sub noctem minuebatur, interdumq; cessans.

Temporibus hoc *epithema*, cum *stupa cannabina*, quoties dolor ingruerat, appositum fuit: R. *aq. Ros.* 3. iiij. *aquæ Lavandulæ* 3. j. *Lactis* 3. ij. *Albumovi* agit. nu. j. *pul. sem. Cymini* 3. ij. *extracti Opii liquidi guttas* iiij. Utatur hoc, quoties applicuit, levamen sentit.

Naribus succum Beta. sol. & Majorana cum *penna* indidit, unde sternutatio bis, sub noctem, secuta est.

Cum non continuaret remedia, iterum dolor medii capitis lateris, & in ore, nunc ardēs, nunc punctorius rediit, maculaque rubra, erysipelatis instar, in temporibus, juxta oculum sinistram, apparuit. *Purgavi* denuo illam, *extr. Cyd.* 3. j. unde septies dejecit, satisque quæta fuit.

Sed redeunte dolore, ipsaque debili existente, caloresq; frequētes sentiente, repetitæ sunt toto postea tempore, applicationes *epithematum in pulsibus*. *Fuscula & oryzam coctā*, sine fastidio edebat. *Aquam coctam & Lac amygd.* bibebat. *Cucurbitæ duæ majores scapulis* iterum adhibitæ.

Gargarismo hoc postquam usa est, multum expuere cœpit: R. *Guajaci* 3. j. *ß. gummi Sandaracha* 3. ij. coquantur in *Vino acidulo*, postea rad. *Pyrethri & Hyssopus* addita fuere. Et quia os erodi & astringi intus sentiebat, *Lac tepidum* post oris collutionem, in quo *Althææ & Consolidæ radix coctæ* erant, in ore continebat.

Ne abscessus aliquis generaretur, maxillamq; ut sæpè

sæpè fit, vitiaret, *temporum sinistio*, & *mala sequens* applicitum repetitumq; fuit: R^x. aq. Ros. ꝯ iij. aquæ Lavandulæ ꝯ j. aquæ Vitæ compos. 3.ij. aquæ Vitæ opiatæ 3 j. Lactis. 3.ij. ol. Anethini 3 ij Chamom. 3.j. agitentur: Applicetur, valdè profuit.

Iterum purgavi illam: R^x. Syrup. Ros. sol. sin pl ꝯ j B. Syrup ex Sena ꝯ B. cum aqua Buglos. & Melissæ fiat potio: Dejecit quinquies, sine molestia: beneque habuit, & dormivit plus quam priùs.

Sequenti die iterum dedi: R^x. Syrup. Ros. sol. sin pl. ꝯ j. B. cum aqua Bugloss. & fl. Sambuci (propter obstructions) Melissæ, fiat potio: Quater dejecit, & quietior inde facta.

Cum denuo rediret dolor, Cucurbitula quatuor cum scarificatione, in scapulis appositæ fuère, & cum ad fornacem sederet, animo defecit.

Sed sequentibus diebus, dolor adeò indutias dedit, ut jam se induerè, in hypocausto deambulare, noctuque in suum cubile ascendere, illicq; dormire posset. Sub noctem tamen suos paroxysmos, adhuc multis diebus passa est.

Et quia simul, ad cachexiam disposita erat, antequam hunc capitis dolorem pateretur, Purgavi illam Vino ex infusione rad. Cichorææ, Petrosel. Fœniculi, Ireos, Enulæ, herb. Absinth. Centaurii min. Chamæpit. Chamædryos; seminis Fœniculi, Petrosel. ana q.s. sol. Senæ ꝯ j. rad. Asari 3.j. Rhabarb. 3.ij. parato: Idque per tres dies, unde sine molestia cōpiosè dejecit.

Sed quartò recrudit malum, dolor capitis medii lateris summus, & in mala & gingivis. Applicui denuò Epithema prius sed sine oleis, quorum odorem non ferebat. Carpo brachii sinistri Allium contusum bis

apposui, & *portionem* illius in *aurem partis affectæ* immisit: quæ adjuvamentum aliquod adferebant.

Sed dolor tunc potissimum, in dente cavo posteriore, sævire coepit, idque postquam *Aquam compositam calidam* in ore retinisset. Imposui in eum *extrinsecum* *Opium cum pilula Bombacis*, coepitque statim mitigari, eaque nocte quiescere, multumque dormire, malaque nonnihil subtus ad maxillam intumescere.

Verum cum dentem cavum, huic defluxioni, indeque natae recidivæ, occasionem omnino præbere cognoscerem, jussi eum evellere, quo facto, postea ab ejusmodi doloribus, liberata fuit.

Dentium dolor, cum Tumore aquoso, sub lingua & in faucibus.

Illustris quidam Dominus, qui ante biennium *latheroma* sub mento passus erat, & à me curatus, obnoxius ejusmodi oris, faucium & colli afflicti-
 ctibus, quibus & jam sæpè, & ante hyemem anni præcedentis, quoque divexatus fuit, nunc denovo hoc Anno in canicularibus, eosdem affectus, per duos continuos menses, patiebatur, dolorem scilicet dentium molarium & maxillæ, ita ut os vix aperire posset: difficultatem item deglutiendi, tumorem in faucibus & dolorem, præsertim ex-
 creaturus, urgentem. Vesica etiam sub lingua suborta erat, sicuti prius quoque illi acciderat, & metuebatur tumor sub mento, ne denovo rediret. Multum autem pituitæ insipidæ exspuebat indefinenter, nunc tenuis, nunc viscidæ. Accedebat calor aliquis totius corporis præternaturalis, nondum tamen febris. Urinæ subcroceæ nonnihil, non tam
 horum

horum affectuum causâ, quàm quòd ad obstructio-
nes hepatis & icterum, cujus principia hoc vere pal-
lulabant, pronus erat.

Cùm hæc à Medico, qui illi ministrabat, ad me
transcripta essent, nec vocatus, comparere possem,
sequens consilium dedi.

Primùm, etsi corpus purgatum esset; cùm tam en-
leviora fuissent, ut denuo hoc modo purgaretur: *R. syr.*
de Hyssopo, de Beton. an. ʒ. j. syr. de Endivia hepatis causâ,
ʒ. vi aqu. Salviæ, Betonice an. ʒ. j. Cichorii ʒ. ʒ. misce.
arom. Sant. citrin. Capiat duabus vicibus.

Dein pilulâs sequentes sumat: *R. pilul. Sine qui-*
buis ʒ. j. cum Oxymel. scill. fiant pilulæ xj.

Postea etiam extracti mei Citronati ʒ. j. dedi, ut die-
bus aliquot postea sumeret: pulchreque inde fuit
purgatus.

Masticatorio sequenti manè utatur: *R. rad. Pyrethræ*
ʒ. ij. rad. Angelicæ ʒ. ʒ. sem. Staphisag. ʒ. j. Cubeb. ʒ. j. Nu-
cis mosc. ʒ. j. fiat pulvis adde Saccha. ʒ. ʒ. & cum infus.
gummi tragac. fiant rotulæ: Masticet exspuendo.

Postea gargarizet fauces, quod & interdum sæpè fa-
ciat: *R. rad. Althææ, Pentaphylli ana ʒ. ij. rad. Galangæ*
ʒ. ij. Liquirit. ʒ. j. ʒ. Salviæ, Beton. an. M. j. fl. Ros. Malvæ,
autum. an. P. j. fl. Anthos P. ʒ. Hordei P. j. Nucis mosc. ʒ. ij.
fiat decoctio in Aqua & Vino, & ʒ. iij. col. diss. Diamor.
ʒ. ij. Mellis anthos. ʒ. j. ʒ. Aceti scill. ʒ. j. fiat garg.

Adhæc interdum cochleare unum sequentis liquo-
ris calidè in ore contineat: *R. Balsami mei, seu aquæ*
destillatæ ex floribus & herb. cal. odoratis & aromat. ʒ. ij.
Oxymel. veri ex hydromel. Malvat. ʒ. j. Oxymel. squill.
ʒ. ʒ. misce. Utatur.

Cataplasma hoc sub mento in ambitu collocavit:

R. far. Fab. Hordei ana ℥.iiij. coq. in Aqua & Vino, addendo Mellis ℥.ij. pulv. Nidi hirund. 3.ij. ol. Cheyrini, Lilior. ana ℥.ij. fiat Cataplasma.

Victu tenui utebatur, & liquido, cum propter dolorem solidiorem nec masticare, nec deglutire posset.

Scripsit postea ad me, gratias agens pro consilio illudque valde profuisse prædicabat. Et ut quo pacto, sequenti anno, huic malo, obviam ire posset, u cogitarem, rogabat.

~~~~~

## IN FAUCIUM DOLORE

### OBSERVATIONES.

#### *Faucium tumor cum Dentium dolore.*

**V**IDE in Dentium dolore. Lib. II. Dentium, dolor cum tumore aquoso.

#### *Faucium ardor in febre continua.*

**V**IDE in Febribus. Lib. II. Febris continua, putrida, brevior, &c.

#### *Faucium ulcus Palatum exedens, Columnellamq. absumens.*

**C**UIDAM in palati tunica crassa posteriore, narium amplitudinem respiciente, juxta uvulam, ulcus oboitum, ex defluxione, uti agebat, spatii temporis adeò invaluit, ut magnâ illius portione absumptâ, uvula simul perderetur, unde vocem non-nihil raucam edebat, potusque quandoque in deglutitione, per narium amplitudinem ascendens, effundebatur.



Licet multa tentasset *remedia topica*, & *generales purgationes sæpè repetitas*, & *sudores usu decocti Guajaci*, nihilominus tamen exulceratio hæc persistens. ulcerius serpebat, duraveratque tunc cum ad me venit mens. April. 1613. per biennium.

Difficilem fore curationem prædicens, nec columellam amissam reparari posse, curam sic aggressus sum.

Ut *Potionem vulnerariam*, ex *Pyrolæ*, *Consolidæ*, *cæterarumq;* in *Praxi mea notatarum plantarum decoctarum in Vino paratam*, per mensis spatium biberet, edocui.

*Liquoreq;* sequenti, seu *aqua Viridi exulcerata loca in faucibus*, cum *penicillo in ea madesacto*, tangeret *semel indies*; cautione adhibita, ne quid deglutiret, & proin statim postea *Lacte caprino ustulato cum chalybe*, os collueret, expueretque. In cuius *Lactis* *poç. j. Mellis 3. j. Alum. usti 3. j.* mista essent.

*Aqua viridis* sic parabatur: *R. Aeruginis æris 3. j. Alum. 3. ʒ. Vitriol. Minii ana 3. j.* decoquantur in *Vini albi 3. iiii.* *Aquæ vitæ 3. ʒ.* reponatur ad usum.

Post illius per dies aliquot usum, colluat sæpè os *Vino in quo folia Ligustri cocta sunt.*

*Mastichen*, *Thus*, *Myrrham carbonibus ardentibus* inspergat, *sumumq;* interdum per *infundibulum* in os intromittat.

Reversus mense Julio, cum fauces inspicerem, exulceratio nulla amplius cōspiciebatur, sed omnia sana, præterquam quod portio palati, ut & uvula decrant, quæ reparari minimè poterant. Ipse-

que optimè contentus, à me  
discessit.

*Faucium excoariatio, & uvula amissio.*

**V**ide in Auditus læsione. Lib. I. Auditio gravis & penè surditas, &c.

*Ulcus exedens cavum in faucibus.*

**I**N faucibus, dolorem & ardorem, mulier quædam sentiebat, & præsertim inter deglutiendum, & cum bibebat copiosè, pars potus è naribus reddebatur, quod satis diu passa fuit.

Cum fauces inspicerem 20. Aprilis, Anno 1598. vidi amplo foramine, in latere sinistro juxta gurgulionem, palatum apertum, ulcusq; illic diuturnum exedens, ad narium amplitudinem pertingens, per quod, inter deglutiendum, pars potionis, contractis faucibus, rursus in nares propellebatur.

Ægrè coalefcere, sanari tamen ulcus posse prædixi, Gargarismate sequente jussi uti: R. aq. Plantag. & Ros. ana ʒ. iij. Aceti hydromel. ʒ. ij. Rob. mororum cocti sine Saccharo ʒ. iij. Alum. Vitriol. albi an. ʒ. ʒ. milceantur. Illiusq; port'onem sumat, eamq; cum Lacte ovillo, quo silices igniti extincti fuerint, permisceat. Et gargarizet fauces his in die.

Ut l' mberet frequenter sequens Eclegma monui, R. Mellis ros. rob. Mororum vt supra, ana ʒ. iij. Alumini ʒ. ij. misce.

Sæpè etiam Lacte ovillo tepido fauces colluebat.

Reversa 30. Aprilis, dicebat se ardorem non amplius sentire, sed adhuc potum interdum, per nares erumpere, respondit difficile esse, foramen carni implere, contentam esse debere, si sanetur ulcus.

Denuo itaque hujus rei causâ gargarismum, hunc præscribit

præscripti: R. aq. Fabrorum extincti. f. r. mens. B. aqu.  
Ros. ℥. iij. Aceti hydrom. Rob. mororum an. ℥. ij. Syrup. de  
Ceras. acidis ℥. B. Alum. Vitriol. albi an. ℥. B. utatur.

Et ut successivè lacte Ovillo, in quo Consolida cocta fuisset, etiam fauces ablueret, iussi.

Sicque ulceris labiis sanatis, in circumferentia, foramen apertum remansit, incommodum hoc tantum adferens, quod inter bibendum aliquando, uti dictum, portionem illius, è naribus effunderet, quod tamen obturando hoc foramen petiâ laneâ bibere volens, cavere potuit. Vox quoque rauca aliquo pacto, & cava, ut vocant, permansit.

Eadem hæc sutori cuidam accidisse, aliisq; multis, à luc præsertim Venereâ, sicque curatis, impedimenta hæc remansisse, observavi.

*Angina, cum tumore Faucium, extrinsecus  
apparente, difficili Respiratione,  
& Loquela.*

**C**UIdam quadragenario viro, crapulæ dedito, & à teneris multis morbis inde natis subiecto, (inter quos & paralyfin, cum puer adhuc esset, lateris dextri passus est) statim à secundis nuptiis, defluzio in humeros decidit, quâ ut diverteret, suo ipsius consilio, stupham ingressus, scarificatione usus est, moxq; ad crapulam reversus, die festo quodam, bene potus, noctu domum reversus, subito in suffocationis incidit periculum, adeò ut non nisi magno labore, & erectus spiritum duceret, deglutire nihî posset, nec vocem, nisi submissè, proferre.

Summo manè 27. Junii. Anno 1598. vocatu

anginam esse cognovi, sed quæ à defluxione potius à capite delapsâ, quam sanguinis influxu procederet: In faucibus nihil apparebat, collum affectum & veluti obstrictum esse, manu ostendebat; pulsus exiguus, nec febrilis. Et quia admodum angebatur, *Cucurbitulas utrinque tres, scapulis & humero apponere cum flamma iussi, & circa meridiem repetere.*

Præscripsi dein *Gargarismum* hūc: *R. aq. Plantag. Hyssopi, Prunella ana ℥.ij.℞. Mellis Rosar. ℥.j. Diamoron, Dianucum ana ℥.℞. misce: Pro gargarismate.*

Et ut lamberet hunc *syr. R. Diamoron, Dianucum, syr. de Hyssopo, de Liquiritia ana ℥.℞. misce.*

Sub vesperam vena aperta brachii, collumq; nunc im fuit seq. *Linimento: R. ol. Irini, Cheyrini an. ℥.℞. misce: Lana succida desuper applicata.*

Ea nox, valde inquieta fuit, & insomnis. 28. manè, cū verba melius proferret, dicebat se angustiam, in colli humiliore sede, & pectore sentire, quare & collum & pectus inungere iussi, hoc *unguento: R. unguenti Resumptivi, Dialthæa ana ℥.j. misce.*

Tumere latus dextrū colli cœpit, quod etsi astantes valde terreret, ego bonum esse signum pronuntiavi. Quando os aperiebatur illi, vel lingua depri-mebatur, statim vomitus urgebat, tenacemque puitam reddebat. Iussi itaq; ut hoc lamberet.

*R. Oxymel. s. ℥.ij. Oxym. squill. ℥.j. syrup. de Hyssopo ℥.j.℞. misce: & ut hoc gargarismate uteretur: R. aq. Hyssopi ℥.ij. aq. Prunellæ, Tussilag. Mell. ros. an. ℥.ij. Oxymel. scill. ℥.j. Dianucum ℥.℞. misce.*

Alvus omnino suppressa erat, ob quam causam *Suppositorium* indere iussi. Deglutire enim medica-  
mentum

mentum non poterat, vixque & non nisi maximo labore, interdum *cochl. j. lactis Amygdalini* sumebat, quod alioquin tamen revomebat, & ex deglutitione admodum postea eructabat. Adeo quoque spiritus illi erat interclusus, ut flatus ventris, ex conatu illo, vehementi propellerentur.

Sub noctem summè debilis erat, ita ut *epithema* hoc pro *pulsibus* præscriberem: *R. aq. Ros. ℥ iij. aqu. Bugl. Melissa ana ℥ j. sp. Diam. frig. 3. j. Aceti ros. ℥. β. succi Limonium 3. j. fiat epithema.*

Tertio die manè, pedes manusque frigebant, ita ut plerique illum animam agere putarent, pulsus tamen constabat: *urina rubra; nihil loquebatur. Tumor in collo auctus, cui hoc cataplas. appositum, totumq. collum eo obvolutum fuit: R. nidi Hirund. p. j. pulveril. coquatur, addendo farine sem. Lini quart. j. sem. Fœnigraci & Fabarum ana quart. β. Butyr. ℥. ij. ol. Cham. ℥. j. β. fiat cataplasma.*

Vix ea die aliquid aliud præter *linctum* admittere voluit. De salute exigua licèt esset apud astantes spes, tamen in vigore esse morbum dicens, *clysterem* volui injicere, sed adeo erat sub vesperam debilis, ut omisus fuerit.

*Gargarismum* hunc ordinavi: *R. Dactylorum num. vj. Ficum num. xij sem. Lini, Fœnigr. ana ℥. β. fl. Cham. p. j. decoq. & in ℥. x. colaturæ adde Cassiæ rec. ex. ℥. β. Mellis ros. ℥. ij. nidi Hirund. 3. j. colentur iterum; Aliquoties utatur.*

Tertio die manè, nonnihil se recolligebat, & tantum de difficultate deglutiendi conquerebatur, & dolore circa orificium ventriculi: *quod oleo Nucis mosc. inungere jussi.*

Clyster manè fuit injectus : *R. herb. Emoll. ana M. j. Beta, Mercur. an. M. β. Centaur. minor. P. j. rad. Lil. ʒ. ij. Fursur. fl. Chamom. Samb. an. P. j. sem. Carui ʒ. j. fiat decoct. dissolve in f. q. Hierapicra, Bened. lax. ana ʒ. vj. Mellis ros. ol. Chamom. Aneth. ana ʒ. j. β. Salis gemma parum, fiat clyster. Dejecit bis.*

Meliùs spirare cœpit, tantùm deglutitio magna cū molestia procedebat, ita ut ad *semicocbleare jusculi*, antequam deglutiret, admodùm laborare cogere-tur, & ad illius descensum, fragor veluti audiretur. Tumor in collo augebatur, *emplastro semper illic reli-cto*, conquerebatur de capitis quoque dolore & vigi-liis : *Tempore itaque somni, dedi parvam hanc potio-nem : R. syrup. de Papav. ʒ. ij. aq. Buglos. ʒ. β. misce.*

Quievit ea nocte aliquoties, excitatus inquietus fuit, manè de dolore capitis & gravedine admodùm conquerebatur, spiritum placidiùs ducebat, angus-tiam in deglutitione statim supra stomachum sen-tiebat & ardorem in ventriculo, quem à rupto ab-scessu fieri conjiciebam, cùm jam inter deglutien-dum, vehementem lancinationem sentiret.

Perrexit in usu *Eclegmatis & Gargarismatis*, Clyster denùo injectus fuit, *addito priùs succi. Mercurialis ʒ. j. & Melle anthosato*, propter caput.

Sub noctem cœpit vehementer inquietus esse, & de cardialgia conqueri, sudare, animo interdum de-linquere, in lecto agitari. *Epithem. reiterata; juscula, exhibita*, quæ ægrè, magno conatu & strepitu, de-glutiebat. Et cum gargarisando tenacem proferret materiam, unà cùm cæteris quæ lungebat, jussi hæc dare : *R. ol. Amygd. dulc. rec. Fulep. viol. an. ʒ. j. aq. Cinam. ʒ. ij. succ. rad. Ireos ʒ. j. misc. Capiat frequenter cocbleare.*

Rejecit

Rejecit cruenti quid, post illius usum, unde apostema ruptum conjeci.

Post mediam noctem dormire cœpit, adeò profundè, ut licèt astantes loquerentur, non excitaretur. Manè cùm adhuc dormiret, *pedes fricare* iussi, & quia ventriculus laborare, ex materia purulenta, eò descendente, videbatur, iussi *eum ungere ol. Absinth. & Mastich. & Cham. permixtis*, additâ Cera.

Et ut sumeret *frequentem pulvem Maji dictam ex Butyro, amylo & Sacch. paratam*, à qua plurimùm angustia mitigabatur, ipseque nonnihil alebatur. Pergebat interim in *ecleg. & gargarismatis* usu.

Dedi etiam *succi Hedera express. cum Saccharo permixt. cochl. j.* inde ardorem in gula sensit. Verùm à meridie meliùs habere cœpit, nox etiam paulò quietior.

Cùm matutino tempore in ventriculi regione, dolorem sentiret, & sæpè eructaret, licèt valdè prostratus adhuc viribus esset, existimans hoc à purulenta provenire materia, dedi illi *extracti Cydo: mei purgantis 3. j. ʒ.* cùm nihil posset aliud majori quantitate sumere, pauloque ante meridiem una sessione, octies copiosè dejecit, dein iterum bis foetida excrementa, veluti pulte alba permixta, cœpitque admodùm se recolligere, ita ut deglutitionis impedimentum, & capitis veluti stupor, tantum restare videretur.

Iussi illi *frequentem pulvem ex Vino & Ovis*, restorationis gratiâ, exhibere, cùm vix supra tria aut quatuor cochlearia pro una vice posset admittere.

Sequenti die qui octavus morbi erat, deglutiebat meliùs, dejecitque iterum sponte binas sedes. Ut  
ad

ad *cibos solidiores* transiret, *iusti & Vinum* dilutum bibere.

Quod nec stare nec incedere posset, mirabatur, & *clysteribus* acceptum ferebat, ut nostri solent, ego stultam ipsius opinionem reprehendens, ob ebrietatem, in hunc morbum eum incidisse dixi, luxurioseque statim, post nuptias vivendo, totoque otiduo nihil cibi solidioris admittendo, morbum hunc lethalem & membrorum debilitatem sibi attraxisse.

Cœpit inde sensim convalescere, purgato adhuc semel corpore, unde copiosissimas sedes habuit, etsi diebus aliquot postea adhuc impedimentum inter deglutiendum, sed indies levius, sentiret: nec dum avidè cibos appeteret, quod sibi familiare esse dicebat, nec mirum, cum ex consueta *Vini* continua ingurgitatione, naturam suam mutasset, unde & sanus cum adhuc esset, colorem non vividum habebat.

*Angina cum tumore in faucibus, & periculo suffocationis.*

**V**Ocatus ad quendam Anno 1596. Junio mens. cui gutturis regio, adeò intumuerat, ut ne verbum proloqui posset, & ferè suffocaretur, tumore in faucibus, manifestè apparente, cum adhærente tenacissima pituita & lentore.

*Statim cucurbitulas cum scarificatione scapulis adhibui.*

Gargarismum sequentem suasi: *R. syrup. Viol. Mellis viol. ana ℥.ß. Diamoron ℥.j. aquarum Solani, Plantag. an. ℥.iiij. Aceti, flor. Papav. rhœa. 3.ij. fiat Gargarismus.*

Applicuit collo sequens cataplasma, in illius ambitu sub mento: *R. farina Hordei, Fabarum ana ℥. iiij. nidi Hirundi*



*Hirundi ℥.ij. Stercoris canis sicci ℥.j.β. Mellis ℥.ij. ol. Ros.  
q. s. fiat Cataplasma.*

Hiscæ vix dum per diem usurpatis, meliùs habere cœpit, & è summo periculo evasit.

*In Gula dolor, ab ossiculo illic hærente.*

**S**Criba quidam, cùm in pastillo seu artocreate, pullos columbinos, contractis ut solent, priùs ipsorum ossibus, coctos comedens, ossiculum simul ex parte deglutivisset, illic ubi abruptum fuit, acutum, œsophago infixum hæsit, unde tantus dolor subortus, ut miserè cruciaretur, mox sequuta inflammatione, & tumore, qui etiam foris in collo apparebat.

Cùm variis instrumentis illud eximere chirurgus studeret, apprehenderetamen, cùm non esset conspicuum, minimè potuit, deorsum propellere longè minùs, cùm tunc dolor admodùm exacerbaretur. Vocatus, jussi eum *jusculis & lacte* nutrire, *crassiora* enim deglutire minimè poterat, *tumori extrinsecus*, cùm mollis esset, *cataplasma maturans* apposui, ex quo exactis diebus aliquot, maturari & in abscessum converti cœpit, quo aperto, unà cum pure, ossiculum quoque prodiit, atque exemptum est. Postea sanato ulcere, nihil mali ampliùs passus est. Accidit hoc circa Annum 1563.

*In Gula dolor, ob numisma deglutitum inhærens.*

**I**Nfans quem nutrix ulnis gestabat, cùm aureum florenum, quem manibus versatum, ori indidisset, cum mox, antequam nutrix rursum illum eripere posset,

posset, deglutivit, qui in œsophago subsistens, cum nulla ratione inde avelli aut propelli potuerit, cum magno cruciatu, eum tandem jugulavit.

~~~~~

IN PECTORIS DOLORE

OBSERVATIONES.

*In Latere sinistro molestia, cum Sono
quodam in pectore.*

QUIDAM mercator conquerebatur mihi, se jam diu spiritum ducentem, sonum aliquem intrinsecus in latere sinistro, levemque molestiam sentire, & quod mirum, affirmabat mihi, quando alium aliquem tussientem audiret, ex sono & strepitu illo, se in latere affecto, eo in loco, ubi molestiam sentiebat, sonum quoque & veluti fragorem percipere, simili ferè consensu, quo & chordarum æqualiter tensarum, pullatâ unâ, etiam alteram moveri, observamus.

*Lateris sub papilla dextra, dolor lancinans, per vices, malum diu-
urnum.*

QUIDAM ante triennium, per arduam & salebrosam viam iter faciens, cecidit, & post illum casum hætenus, dolorem lancinantem cum ardore aliquo, sub papilla dextra, toto hoc tempore passus est. Metuens ille, etsi aliud nihil pateretur, ne interna viscera fortè læsa essent, multorum consilio, & pro cujusque judicio, *diversis usus est
remedia,*

remediis, tam *evacuantibus* quàm *alterantibus*, & *acidis aquis*, omnino interea diuque à *Vino* abstinuit: ple-
ritque à defluxione hoc proficisci autumantibus.
Tandem ad me consilii causâ venit An. 1598. cum-
que omnibus circumstantiis consideratis, in pecto-
ris regione enarratâ, hoc illum tantum sentire de-
prehenderem, nullisque aliis, nec tussiendo, aut spi-
ritum ducendo, affici accidentibus, neque etiam ali-
quid foris apparere, aut ex contactu irritari malum,
nisi quando brachium agendo, illud validius move-
bat, statim sub mamillari dextro musculo, pectori
instrato, brachiumque attrahente, causam mali la-
tere judicavi, fuisseque hunc musculum in casu, ni-
xuque tunc brachii vehementi, adeò distractum, ut
aliqua sui parte, à subjectis musculis costisve, fuerit
avulsus. In quod spatium, flatibus irrumpentibus,
uti in aliis locis, dolores fieri solent, sic & hic: tunc-
que præsertim, cum per validum motum, musculus
hic attollitur, succedentibus tunc flatibus, eamque
causam esse. quòd dolore tam diu perseverante, per-
que vices desinente, redeunteque, nullus sequatur
abscessus, aut alicujus humoris collectio, cum mor-
bi à flatibus geniti, diurni, subitoque itruentes,
moxque iterum cessantes, dolores hosce, citra aliam
noxam proferre soleant. Quæ multis argumentis, ad
hujus rei confirmationem, illi demonstrare conatus
sum. Persuasi que ut *sequentibus* uteretur *remediis*.

Ad flatuum generationem impediendam, eo-
rumque discussionem, jussi eum *bona victus ratione*
uti & *moderatâ*, *singulisq; septimanis in stupha* jejunum
sudare. Dein ut *bis in mense* *sequentium pilularum*
3.ß. vel 3.ij. sumeret.

R. pilul.

R^x. pilul. Alephang. Assaieret. an. 3. j. β. ol. Anisi gut. iij.
Cum syrupo de Mentha, fiat Massula.

Post cibum, aliquot diebus continuis, postea alternis, ut
sumeret huius pulver. cochl. j. statim in fine mensæ.

R^x. sem. Coriand. præpar. 3. j. β. Fœnic. Anisi ana 3. ij.
Carui, Sileris mont. an. 3. j. sp. Diacyd sine speciebus 3. ij.
Majoran. bacc. Lauri ana 3. j. rad. Galang. 3. j. Cinamo-
mi 3. β. Sacchari Rosar. tab. iterum pulverisati 3. ij. fiat
Pulvis.

Ut pectorale, quod latus affectum comprehenderet, ex
pulvere sequenti, interbastato inter sindonem rubram,
cum bombace parari curaret, illudq; collo appensum,
pectoris mediæ sedi incumbens, sub thorace gestaret,
quod

R^x. baccarum Lauri 3. β. semin. Carui. Fœnicul. ana
3. ij. Major. Spica celtic. an. 3. j. Sileris mont. 3. j. Caryoph.
rad. Galang. an. 3. β. fl. Chamom. Lavand. Anthos an. 3. β.
fiat Pulvis; Pro pectorali.

Dein ut tertio die hoc Empl. in corio extensum simi-
liq; forma pectoralis, loco prioris gestaret, sindone rubrâ
substratâ, ne adhæreret tenacilis.

R^x. emplastri de Baccis Lauri recenter dispens. 3. iij. Dia-
chyloni. ireat. & de Melilot. ana 3. j. Malax. omnia ol. Irino
adde pulveris Caryoph. 3. ij.

Quod si horum usu, non mutationem aliquam
aut remissionem sentiret, ut aliquot dies manè jejunus,
hoc fotu pectoris regionem dolentem fovèret, antequam
emplastrum vel sacculum imponeret, eodemq; dum in
balneo esset, uteretur.

R^x. radic. Ireos, Bryoniæ an. 3. j. herb. Calamin. Spica celt.
Pulegii, Origani an. M. j. fl. Chamom. Melilot. Samb. ana
P. j. sem. Carui 3. j. baccar. Lauri, Juniperi an. P. β. Decoq.
in Vino & Aqua ad usum.

Lateris

*Lateris dolor punctorius, cum spirandi
difficultate, ex casu.*

PRæfectus cujusdam pagi, ebrius, ex via secundum Rhenum elatiore, in inferiorem illius ripam decedit, latus in palū, sepi vimineæ, illic ripam à Rheni vi coercentem, eo casu vehementer adegit: unde gravissimo in thoracis latere, dolore punctorio, & spirandi difficultate, laborare cœpit. Urina, quæ 16. Aprilis Anno 1597. adferebatur, tincta admodum erat. Qui sequentibus, meo consilio usus, hoc pacto fuit restitutus.

Venam primūm aperuit medianam in brachio lateris dolentis.

Julepum hunc duabus bibit vicibus, manè & vesp̄ri:
℞. aqua Plantag. Papav. rhœados ana ℥. j. ℞. syr. de Fijub. julep. Viol. an. ℥. j. misce.

Latus dolens unguento Resumptivo inunxit.

Postea cūm dolor increbresceret, chirurgum, ut diligenter, an costa aliqua fracta luxatave, aut contusio adesset, inspiceret, jussi: & cūm nihil horum appareret, dolorque ad inferiora quoque descenderet, potionem hanc exhibui: ℞. syr. rosarum sol. cum infus. Rhab. ℥. j. el. de succo Rosar. ℥. ij. Diaphœn. ℥. j. cum aqua Plantag. & Ceresol. fiat potio.

Cataplasmā sequens lateri dolenti continuò applicare jussi: ℞. rad. Althææ, Bryonia an. ℥. iij. Lil. rec. ℥. iij. Ficuum num. xv. Malva, Absinth. an. M. j. coq. in Vino & Aqua, pistentur, adde sar. sem. Lini, Fœnigr. an. ℥. j. sem. Carui ℥. ij. ol. Cham. Lil. an. ℥. j. ℞. misce fiat Catapl.

Horum usu mitigatus dolor, ita ut jam 24. April. è lecto surgere, parumque deambulare posset, cūm

tamen punctiones redirent, *Sacculum* hunc *lateri* adhibuit: *Rj. Fursuris scutellam unam, far. Fabarum ℥. j. Absinth. & flor. Chamom. pulv. an. ℥. β. coquantur in Aceto:* Et utatur *calidè*.

Cessarunt dolores, sed mox aëri frigido se illo exponente, redierunt, urinaque denuo colorabatur. Metuens itaque novum sanguinis in latus influxum; *venam prius sectam* rursum 28. aperire iulsi.

Et 29. sequentem potionem sumere: *Rj. syrup. Ros. lax. cum inf. Rhab. ℥. j. el. de succo Ros. ℥. j. cum aq. Plantag. & Ceresol. fiat potio:* Capiat statim.

Cum omnia remisissent; iulsi eum ad discutendum reliquias, in *balneo sicco jejuni* sudare, sicque convaluit.

Lateris dolor in Febre Synocha.

Vide in Febribus. Lib. 11. Febris synochos, Catarrhus, Tussis, &c.

Pleuritis in puerpera, Lactis defectus.

Puerpera, horrore correpta, & febre continuâ, sanguinem spuebat, punctoriosq; lateris dolores sentiebat, Pleuritidem esse dixi, quam facile lactantibus accidere, ob sanguinis ad thoracem affluxum, lactis generandi gratiâ, alibi quoque ostendi.

12. Maji, Anno 1592. *venam* aperuit, *brachii* è regione loci dolentis.

Loco *Vini decoctum* hoc bibere iulsi: *Rj. Hordei, flor. Bugloss. ana P. j. Passul. ℥. ij. in mensura Aquæ decoquantur.*

Diffolvat eum ea interdum *syrupum Violaceum & Capill. ven.*

Sumat

Sumat singulis matutinis, rasura dentis Apri 3. j. cum
precedenti decocto.

Quia lac penitus defecerat, 15. Maji, hoc decoctum
manè & vesperi ut biberet, jussi: R. Hordei P. j. semin.
Anisi 3. ij. Ficuum num. x. decoquantur in Jusculo car-
nium, Pro duabus vicibus.

Dolore adhuc punctorio urgente: R. Caricarum
quart. j. decoquantur in Lacte, contundantur, addito
ol. Chamom. Lateri dolenti applicentur.

17. Omnia in melius tendebant, & febre remit-
tente, sanata est.

*Pleuritis in gravida, ætate profe-
cta, lethalis.*

MEmini Anno 1558. mulierem penè quinquaginta annos natam, longo tempore sterilem, tandem quoq; gravidam factam, & quia illi mamillæ, ob lac, quod generabant, intumescabant, quæ jam ætate ferè emarcuerant, accidisse, ob sanguinis illum ad thoracem affluxum, ut pleurítica facta, hoc morbo, antequam foetum pareret, extingueretur.

Pleuritis cum Angina lethalis.

SEnex quidam potationibus assuetus, Jurecôn-
sultus, subrufus, mense Junio Anno 1592. cælo sereno, in pomærio, juxta arcem suam dormiens, capite nudo radiis solaribus exposito, expergefactus, horrore correptus, subsequente calore, de dolore punctorio lateris & ardore colli conquerebatur.

Sequenti die, missâ urinâ, cum ex ea & relatis febrem cognoscerem, & pleuritidis, & anginæ principium metuerem, jussi venam secare, quod ille tamè,

magno suo malo, quia veris tempore, prius jam aperuerat, omisit.

19. De dolore punctorio præsertim conquestus est, ord. *Julepum*: R. *Julep. Viol.* ʒ. j. B. *Rosacei, syr. Ros. simpl. an.* ʒ. j. *aquarum Bugl* ʒ. iij. *Cardui bened. Cerefolii ana* ʒ. B. Bibat duabus vicibus manè & vespèri.

Dein *sacculum ex Furfure, & Rosis, madesactum in Acetorof. lateri dolenti tepidè applicet.*

12. Junii vocatus, cognovi collum inflammatum intrinsecus vehementi ardore peruri, aliàq; angnæ indicia, & periculum mox significavi, atque *Gargarismum* præscripsi: R. *rad. Liquiritia fol. Lactuce ana* M. j. *fl. Malvæ autumnalis P. j.* fiat decoctio diss. *syrup. Viol.* ʒ. j. B. *syr. de Rosis rub. sic. Diamoron. an.* ʒ. B. misce, Gargarizet.

Item teneat in ore *Tab. Diatragac. frig.*

Unguent. resumptivo collum & thoracem inungat.

Cucurbitulas & scarificationem consului, sed renuit, & quia vires prostratæ, pulsus debilis, urina confusa, & principium delirii, mortem præsagiebant, urgere nolui, sed periculum prædixi.

Sequenti die cum vires deficerent: R. *aquam Bugloss.* ʒ. j. B. *aquæ Cinam.* ʒ. B. *Manus Christi* ʒ. ij. *julep. Viol.* ʒ. j. misce: Capiat frequenter.

Epithema cordiale applicetur: R. *aquæ Ros.* ʒ. ij. *aqu. Bugl. Melis. an.* ʒ. j. *Acetorof.* ʒ. B. *pul. Diamarg frig* ʒ. j. misce.

Sed mox agone mortis subsequente, 22. Junii die extinctus est.

Peripneumonia, & Defluxio in musculos thoraci instratos.

Quædam cum nupsisset, menses, totos novem

venni annos, caruit, ita ut ne ullum vestigium illorum appareret, sana interim, facie rubra, & crinibus rufa, existens. Postea supervenientibus mensibus, attamen parcè fluentibus, 27. Octobris, qui dies Mercurii erat, Anno 1602. quo tempore. defluxiones molestæ erant, sub meridiem horrore correpta, vix dum ad noctem usque, incalere potuit, succedente postea calore febreque continuâ: de pectoris regione dextra conquereretur, illic se angî, punctionesque sentire aiebat, nec in affectum latus, decumbere valebat. ex contactu quinetiam lateris, dolor augebatur, tussicula aderat levis, exspuebat spumosa, sed pauca.

Peripneumoniam hunc affectum, inflammatis in loco doloris pulmonibus esse judicavi, febremque copulatam synocham, ex vehementi calore, facie rubra, oculorum venis turgentibus, capitisque dolore, agnovi. Et simul defluxionem in eam lateris sedem procubuisse, ejusque musculos, præsertim intercostales, pectorisque instratos, occupasse, dixi.

Quia mensium tempus instabat, *venam in pede* aperire jussi, altero die, qui Jovis erat.

Et ut hoc *syrupo* uteretur suasi: *℞. syrupi de Fubis, Violis, Oxy mel. simplic. ana ʒ. j. misce; Capiat frequenter cochleare j.* Aliquando etiam tempore sitis, cum *Aqua cocta ex Vvis passis, Siliquis & rad. Liquirit.* usurpet.

Pectoris regionem unguento Resumptivo inunxit.

Die Veneris reiterassem *venæ sectionem*, ob faciem inflammata, sed quia alvus ab aliquot diebus erat suppressa, hanc *potionem* ei exhibui: *℞. syrupi Rosarum solut. simpl. ʒ. ij. elect. de succo Rosarum ʒ. ʒ. aqua*

Endivia, *Bugloss*. q. s. fiat *Potio*. Dejecit, & sub noctem menses supervenerunt, sed parè, sequentiq; die iterum cessarunt.

Quia de dorsi dolore admodum conquerebatur, iussi inungere oleo *Chamamelino* & *Violarum*.

Die Sabbathi ob summum æstum, sitim & inquietudinem, *Epithema* hoc pulsibus fuit applicatum: R. aqua Rosarum ʒ. ij. aqua Bugloss. *Borragin*. *Aceti Rosac.* ana ʒ. j. *Santali rubri* ʒ. j. β. *Camphora* ʒ. j. succi *Limonum* ʒ. ij. misce.

Pergebat interim in usu expectorantium, quando tussis urgebat.

Et cum dolor pectoris augeretur, dedi die Dominica olei *Amygdal. dulc. rec. express.* ʒ. j. β. cum rasura *Dentis apri in Fusculo*; & sub noctem denuo cum aqua *Cardui bened.*

Utebatur etiam tabulis *Diatragac. frigid.*

Die Lunę, quia febris intensa & indies augebatur, ordinavi hunc *Fulepum*: R. *Fulepi Violac. Rosacei an.* ʒ. j. β. succi *Limonum* ʒ. ij. *Oxymel. simpl.* ʒ. β. *Aceti rosac.* ʒ. j. aqua *Endivia* ʒ. j. β. misce: Utatur per vices.

Et cum leve delirium accederet, aliquotque jam deliquia animi passa esset, ita ut jam eam deplorarent amici, dixi crism imminere, sextumque esse diem, qui Tyrannus & dici & esse solet, septimum fore judicatorium.

Sub noctem ad refectiorem usa est hoc cordiali. R. *Manus Christi perlati* ʒ. ij. *Fulep. rosac. aqua Cinamomi ana* ʒ. j. aq. *Rosarum* ʒ. β. misce. Sudavit ea nocte parum, quæ tamen summe erat inquieta.

Martis die, qui septimus erat, cum pulsus tangerem, febrem penitus cessasse deprehendi: Et quia
de an-

de angustia adhuc conquerebatur, & tussi, ut quod in pectore restabat, & musculis intercostalibus, absumeretur, iussi *Ceratum* hoc pectori imponere: *Rj. Ficum quartar. j. rad. Althææ, Liliorum ana ʒ. j. β. seminis Lini ʒ. j.* Coquantur in *Aqua* & contundantur, addendo *olei Violac. Amygd. dulc. an. ʒ. j.* *Cera q. s.* fiat *Ceratum*, addendo ut hæreat, parùm *Terebinthine*.

Expectorans quinetiam hoc ei præscripti: *Rj. Syrupi de Liquiritia, Tussilag. Hyssopo, an. ʒ. β. tabul. Diarreos, Diamarg. frig. an. ʒ. j. Lohoch sani & experti ʒ. ij.* fiat *Lohoch*, Capiat lambendo cum baculo *Liquiritiæ*.

Sequenti die, qui octavus erat morbi, cum eam inviserem, cibum capiebat, & cum ita sensim se recolligeret, illi valedixi.

Peripneumonia, Melancholia, Helicæ metus.

Virgo nobilis, quæ ante annos aliquot, febre continua & gravi melancholia laborans, consilio meo usa, restituta fuit, mense Novembr. Anno 1597. quo catarrhi quam plurimos infestabant, eundem quoq; prius passa, 20. illius mensis die, è templo domum reversa, circa meridiem, frigore correpta, mox horrore percussa, copiosam evomens materiã, subseq. calore, febricitare toto hoc die, & sequenti cœpit, doloreque capitis premi: Postea tertio die tussire, spumosum cum cruore permixtum spatium excreare: accedente dolore punctorio lateris dextri, & compressione circa pectus, diarrhœâ quoque, non tamen vehementi subsequente.

Consilio amitæ, quæ catarrhum tantum esse putabat, non aliis usa fuit *remediis*, nisi quod caloris cau-

ſa, à vino ſibi temperavit, & propter alvi fluxum, *Lac amygdalinum* bibit, & propter punctiones *aquam Cardui benedicti*, ſemel atq; iterum ſumplit.

Verùm cum ſymptomata invaleſcerent, ægreque excrearet, idque ob punctiones, cum magno dolore, viresque collaberentur, vocatus quarto demum ab invaſione die, ſciſcitatus de omnibus, pulmonum inflammationem eſſe dixi, peripneumoniam ſcilicet idque compreſſione, quam inſignem ſentiebat pectoris permotus, accedente rubore maxillarum, cui capitis quoque jungebatur dolor, & quia materiam pulmonibus ineſſe, ex ſtertore deprehendebam: dextrum tamen pulmonem potiùs affectum cenſens, cum illic potiſſimùm & dolor & compreſſio infeſtarent, decubitusque in latus ſiniſtrum, moleſtiam pareret, & in dorſo continuò decumbere cogeretur. Quæ etſi in pleuritide quoque accidunt (quam à peripneumonia parùm differre, cum & in ea pulmones inflammantur, alibi oſtendimus) tamen ob cauſas dictas, peripneumoniam potiùs, nominare voluimus.

Venam aperire (quod ab initio admodùm conduxiſſet) cum jam quartus adeſſet, & non ampliùs cruenta expueret, nolui. Juſſi itaque hoc julepo tribus uti vicibus, ſtatim manè, poſtea iterum ſub veſperam, & circa medium noctis, hauſtum ſumendo: R. Julep. Violacei ℥. iij. ſyrup. de Fufubis ℥. j. aqu. Violarum ℥. β. Manus Chriſti ℥. β. miſce. Item unguentum Reſumptivum in panno linteo extenſum, lateri dolenti applicare.

Et ut decoctum Paſſul. major. enucleatarum priùs, loco ſitis biberet.

Quinto

Quinto die, calor intensus, pulsus celer, urinæ tinctæ, excretio nonnihil cocta, sublutea, erat, alium itaque *Fulepum* præscripsi: *Rx. Fulep. Violar. ʒ. ij. syr. de Fijubis, Oxymel. simp. syr. de Tussilag. an. ʒ. j. aq. Tussilag. Viol. an. ʒ. j. ʒ. misc.* Utatur frequenter.

Pulverem quoq; hunc exhibui: *Rx. oculorum Cancri ʒ. j. ʒ. Manus Christi perlati ʒ. ij. fiat pulvis subtilissimus.* Capiat mediam partem manè cum *Fulepo*, alteram sub vesperam. Unguento resumptivo manè & vesperi inunxit latus dolens.

Et quia tenax erat materia, quam expuebat, difficulterque procedebat, acidaque expetebat, præscripsi: *Rx. Oxymel. simpl. ʒ. j. oxym. Squil. ʒ. ʒ. misc.* Capiat frequenter lambendo.

Nox inquieta fuit, dolorque vehemens in axilla & lumbis de novo subortus est, qui tussiendo exacerbabatur, ex quo defluxionem accessisse conjeci. Itaq; sotu hoc eam uti jussi: *Rx. rad. Altheæ ʒ. j. Lilior. rec. ʒ. iij. fl. Chamom. Meliloti. Rosarum an. P. j. sem. Lini & Fœnigræc. an. ʒ. ʒ. sem. Carui ʒ. ij. fiat decoctio in Vino & Aqua, infundatur colatura in vesicam, quæ semi impleatur, & stricte ligata ne quid effluat, loco dolenti tepide, applicetur, Cujus usu mitigatum malum seq. die fuit, quo & continuavit solum.*

Sexto die, admodum imbecillis difficulterque & cum multa tussi, luteas portiones purulætas excreabat, postea se per horas aliquot recolligebat, denuoque redeunte tussi, quam stertor aliquis pulmonum præcedebat, aliquoties excrebat.

Ut promoveretur purulenta materia, & coqueretur, *Eclegma* hoc ordinavi: *Rx. tab. Diaireos, Diamarg. frig. ana ʒ. ʒ. Lohoch. sani & exper. ʒ. iij. Sacchari*

cand. 3.ij. syrup. de Liquiritia. q. s. fiat Lohoch: Capiat cum baculo Liquiritia lambendo. Item: R. olei Amygd. dulc. recent. expre. 3.ij. Sacchari candi. 3j Oxymel. scil. 3.ij. misce: Capiat aliquoties. Sub noctem citò spiritum ducebat, & quia jam per multas horas, nihil expuerat, eam tanquam morituram deslebant, ego bene sperare iussi.

Et pulsus Balsamo ex oleis destillatis parato inunxi, noctuq, repetere iussi.

Septimo die, summo manè vocatus, cùm inquieta admodum fuisset, nec multum excreasset, adhuc animo valdè angeretur, ob melancholiam, quā in morbis prioribus quoque divexari solebat, essetque summè debilis, in *expectorantibus* eam persistere iussi, quæ neglexerat aliquandiu, illorumque loco *transmissam, conservam Violarum & Syrupum aliquem* sumplerat; Itaq; *Lohoch* jam absumptum reiterare iussi.

Et quia acida expetebat summopere, *Hydromel malvaticum meum recens, permixtum pauca portione Aceti hydromelit. & minori adhuc aceti Squill. & pauxillo aquæ Rosar. ob gratiam, exhibui, quod & libenter continuo, uti & sequentibus diebus, bibit.*

Pectori cataplasma hoc ad concoctionem materiei, applicandum præscripsi: R. Caricarum incis. P. i. Mice panis P.j. decoquantur in Lacte, adde farina sem. Lini 3.ij. contusis, adde ol. Viol. Amygd. dulc. an. 3.j. Croci parum, misce: Illinatur eo pannus linteus tepidumq, applicetur, quod & sub vespere maneq, renovatum fuit.

Quando tussis urgebat, mox *Hydromelite* iterum usa, vel *Lohoch* multum excreabat, præsertim *jusculum* quoq; sumens, post cuius usum facilius pus reddebat, copiosiusque.

Jam

Jam de Melancholia potiùs quam alio conquerebatur.

Alvus indies fluebat, sed semel duntaxat, vel ad summum bis.

Octavo & nono, in eodem quo & in septimo die erat statu, multumque per vices, sineque magno labore spuebat, de melancholia quæ post meridiem reverti solebat, potissimum conquesta. In *Hydromel. Lohoch. aliorumque expectorantium*, & *Cataplas.* usu pergebat.

Decimo sub vesperam, adeò melancholia invaluit, ut varias tentationes pateretur, ploraret, corpus mirè torqueret, agitaretk; : consolationi tamen locum dabat, menteque nihilominus constabat.

Et cum biduo jam nihil dejecisset, & insomnis esset, ob hæc graves cogitationes, dedi seq. *R. conf. Alkermes ʒ. j. syr. de Papav. ʒ. ij. aq. Buglos. ʒ. j. aq. Cinnamon. ʒ. j. Fulep. ros. ʒ. ʒ. misce: Bibat mediam partem ineunte, alteram media nocte.*

Undecimo die summo manè accedens, dormientem reperi. Verùm excitata, iterum solitis suis phantasmatibus vexabatur, Deumque se negligere, nec exaudire velle, sibi in mentem venire, clam mihi revelebat. Excreabat sæpiùs usu *expectantium prædictorum.*

Sub noctem clyster ad melancholicas exhalationes divertendas injectus fuit: *R. rad. Althææ ʒ. j. herb. Malva, Buglosi, Brassicæ, Betæ an. M. j. radic. Polypodii ʒ. ʒ. Epithymi ʒ. ij. fl. Viol. Chamom. Anethi, Fursuris an. P. j. sem. Lini, Cucurb. an. ʒ. ʒ. fiat decoctio, dissol. in t̄b. j. Sacchari rub. ʒ. j. Mellis viol. ʒ. ʒ. olei Viol. Chamom. ana ʒ. j. Hieræ picræ ʒ. ij. Salis parùm fiat clyster. Retinuit aliquan-*

aliquandiu, postea involuntariè illum reddidit, letumque eo commaculavit. B s quoque ea nocte, quæ admodum inquieta fuit, deiecit.

Duodecimo cogitationes hæ sinistræ penitus cessaverunt, totoque die meliùs habuit, multum excreavit. *Hydromel superius descriptum & Lohob* repetita sunt. Nox quæ secuta, quieta, plusque dormivit, quàm priùs toto morbi tempore.

Sic quoque decimo tertio die se habuit, quietaq; fuit. Pulsus tamen adhuc febrilis, urinæ tinctæ, cum copioso sedimento, tussis aliquoties infestabat, & cum excretio, non tam promptè succederet, mutavi eclegma hoc pacto: *R̃. tab. Diatrag. frigid. Oxymel. squil. syrup. de Liquiritia, de Hyssopo, Penidiorum ana ʒ.ß. misce.*

Item teneat in ore Saccharum penidium,

Utatur ferculo Butyri cum Amylo & Saccharo Aquâq; rosacea, uti Germani parant.

Fusculus sustentabatur & pane Martio, quo delectabatur.

Decimoquarto & decimoquinto, *Clysterem repetii, quem prima vice injectum cum non retinisset, altero die denuo fuit repetitus*, illumque vix dum quartæ horis spatio continere potuit, ab utroque tamen fæces aliquas excreavit. Satis bene se habebat, & pro inexpectantibus uti perrexit.

Decimosexto, appetitus paululum redire cœpit: *Prunis & Pomis coctis* utebatur. *Vinum*, cum urina adhuc tincta esset, nondum volui concedere: *Potum Seri lactis* expetebat, quod & concessi.

Postea dies tres pulsus semper febrilis, urinæque tincta, cum copioso crasso sedimento apparuere, ipsaq;

ipsaq; membris admodum conquassatis fuit. Tussi tamen, excretionem, alvoq; constipata remanente.

Dedi itaque decimonono die *Mannæ* ℥.j. cum *Fusculo*, sex mox iterum vomuit.

Jussi sub vesperam hunc *clysterem* injicere: ℞. *rad. Althææ* ℥.j.β. *herb. Malvæ, Betæ an.* M.j.β. *fl. Buglos. Borrag. Chamom. Viol. Fursuris anā* P.j. *sem. Fœnic.* 3.ij. *Ficum numero v.* fiat decoctio in quartariis tribus dissol. *Sacchari rub.* ℥.j *Cassia cum Melle* ℥.β. *Hieræ picræ* 3.ij. *ol. Viol.* 3.ij. *salis parum*: injectus fuit, sed vix quartam horæ partem retinuit, posteaq; nonnihil tamen excrementis permixtum, dejecit.

Cum sequenti die nulla amplius sequeretur dejectionis, vigesimo primo, *extracti mei Diacyd.* 3.j.β. dedi, & tertia post hora tres habuit dejectiones copiosas, sine omni molestia, quæ valdè profuerunt, beneque postea dormivit.

Rursum verò constipata, cum biduo post, *idem exhiberem medicamentum*, nihil promovit, cujus causâ *Clysterem sub vesperam sequentem sine Sale*, ut retinere diutius posset, præscripsi: ℞. *Hordei integri, Fursuris anā* P.j. *Malvæ M.j. flor. Cord. P.j. semin. Carui* 3.j. fiat decoctio, in colatura non copiosa, dissolve *Cassie cum melle, Mellis viol. ol. Viol. anā* ℥.j. *succi Betæ* ℥.β. fiat *clyster*. Per tres horas illum retinuit, postea dejecit fœcibus permixtum, maneque seq. iterum sedem habuit.

Ab eo tempore, cum adhuc alvus subsisteret, pulsus citus semper permaneret, urinaque crassa & tincta, atque interea tamen multum dormiret, cibumque appeteret, de hætica metuere cœpi, *clysterem* iterum injiciendum, biduo post, diē morbi 26.

bi 26. curavi, *addito*, ut melius stimularet, *tantillo Salis*: Ex quo binas sedes excrementis permixtas habuit.

Sequenti die 27. *potiunculam purgantem* exhibui, si fortè biliosa, aut alia maligna adhuc subsistens materia, calorem hunc præternaturalem, in corpore suscitaret, præsertim cùm priùs, in excrementis, instar ovi vitelli putrescentis, foetida deprehensa esset materia: *℞. Rhabarbari ʒ. iij. infus. in aqua Endiviae & paucò Vini, fiat expressio, adde syrup Rosar. sol. cum infus. Sena ʒ. j. aqu. Cinamom. parum, Bibat.* Dejecit quater huius ulùs, commodumque inde sensit, paulatimque ad se redire cœpit. Verùm quia pulsus adhuc citus persistebat, hecticam metuens, iussi eam in cordis regione, hunc sacculum gestare: *℞. flor. Rosar. ʒ. ij. Viol. Buglos. Borrâg. Nenuph. ana ʒ. j. Santali rubri ʒ. ij. syrup. acetos. Citri ʒ. j. Coralli ʒ. j. ʒ. Caryophyl. ʒ. ʒ. fiat sacculus, interbastatus in sindone rubrà; Apponatur cordis regioni, irroratus interdum aq. Rosaceâ paucò Vini dilutâ*

Cùm jam deambulare inciperet, roburque corporis augeretur, de novo supervenit tussis, per quam multum pituitæ excreabat, quâ repurgatâ, à tussi postea eo die libera erat. Perseveravit hoc ad dies aliquot, citra aliud incommodum, cùm in reliquis omnibus, bene se haberet, & multum dormiret. Postremò & hæc cessavit, uti & pulsus ille citus, qui mihi semper suspectus erat, sicque exactè restituta fuit.

IN CORDIS DOLORE
OBSERVATIONES.

*Cordis dolor seu Cardialgia, Ventriculirofio,
Vomitibus biliosis, Oris amaritudo, Lipo-
thymia & Articulorum dolor.*

EX terrore, ob casum infantis, cum ancilla illum ulnis gestans, per scalas ceciderat, honesta quædam patriciæ familiæ matrona, eum adhuc latans, perculsa, articulorum dolores graves & cardialgias, cum rosione cordis, oris amaritudine vomituque bilioso, accedentibus lipothymiis, patiebatur. Accedens 24. Aprilis, Anno 1592. conieci bilem commotam fuisse, quam ex terrore æquè ac ira concitari solere, aliàs etiam observavi.

Ob quam causam, hanc cum expurgare cogitarem, illaque *Clystma* admittere, quam per os aliquid sumere mallet, quod prius mense Aprili dysenteria laborans, hujus usum valde sibi profuisse diceret, tale ord: *R. rad. Althææ ʒ. j. Malvæ, Betonicæ, Salvæ an. M. j. fl. Chamom. Meliloti, Sambuci an. P. j. sem. Carum ʒ. ij. sem. Fœniculi ʒ. iij. sem. Lini, Fœnigrac. an. ʒ. ʒ. fiat decoctio, dissol. Bened. lax. ʒ. iij. Mellis ʒ. j. ol. Chamom. Anethini an. ʒ. j. ʒ. Salis parum, fiat Clyster, Detur.*

Altero postea 26. Aprilis die, sequenti modo eam purgavi: *R. syr. Ros. sol. cum infus. sol. Senæ & Agar. ʒ. j. ʒ. dissolve cum aqua Cinam. ac Bugloss. Bibat.*

Sequentibus diebus, animo frequenter deficiebat, ut etiam mediâ nocte vocarer, exhibuique: *R.*

et aqua

aqua Cinam. ʒ. j. *succi Limonum* ʒ. ij. *sp. Cord.* ʒ. ʒ. misce;
Capiat tribus vel quatuor vicibus.

Quo absoluto, alium *Fulepum* præscripsi: *R.* *julep. Rosac.* ʒ. ij. *aqua Cinamom.* ʒ. ʒ. *Manus Christi* ʒ. ij. *syrupi de Limonibus* ʒ. ʒ. misce; Capiat frequenter *cochl. j.* vel *ij.*

Viribus nonnihil relictis; sed perseverantē rofione ventriculi à bile, 2. Maji, & conatu vomendi, vomitorium sequens propinavi: *R.* *sem. Atriplicis* ʒ. j. *rad. Asari* ʒ. ij. fiat decoctio, dissol. *ol. Amygd. dulc.* ʒ. j. *Oxymel. simpl.* ʒ. ʒ. misce, Bibit & faucibus irritatis vomuit.

Sed quia majori expurgatione opus erat, sequenti die, purgans dedi: *R.* *Absinthii* ʒ. j. *fl. Buglossi, Viol. ana* ʒ. ʒ. *Rhabarb.* ʒ. iiij. *Cinamom.* ʒ. ʒ. infundantur in *Vino albo*: Expressionem bibat: Unde purgata fuit placide, & benè se habuit.

Quinto Maji, quia de amaritudine oris conquerbatur, ordinavi: *R.* *syr. de Agresta, de Limonibus ana* ʒ. j. ʒ. *aqua Ros.* ʒ. j. *aqua Cinamom.* ʒ. ij. misce, Capiat potionem per vices.

Sexto Maji, non cessante amarore illo; priorem potionem purgantem denuo sumpsit. Profuit & hæc.

Octavo Maji, quia majore adhuc evacuatione videbatur opus habere, sic potionem ordinavi: *R.* *Absinth.* ʒ. j. *sol. Senæ* ʒ. iiij. *sem. Anisi, Fœniculi ana* ʒ. ʒ. *Rhabarbari* ʒ. iiij. *Cinamom.* ʒ. ij. fiat infusio in *Vino albo*, expressioni adde *syrupi Ros. sol.* ʒ. j. Capiat. Ex hac potione aliquoties dejecit.

Decimo Maji, quia adhuc perseverabat oris amaritudo, jussi bibere *Vinum absinthites, cum floribus Cordialibus*. Cujus usu sensim remisit morbus, meliusque habuit.

Decimo-

Decimotertio Maij novum supervenit accidēs, defluxione in thoracis musculos delapsâ, unde magna exorta fuit pectoris angustia.

Iussi itaque ut *extrema fr̄ carentur*, & *oleo Amygd. dulc. & Chamom. pectus* inungeretur. Dein sequenti die, quia calebat, & adhuc oris sentiebat amorem, *Julepum* hunc exhibui: *R̄. julep. Ros. Viol. ana ʒ. j. syrupi de Limonibus ʒ. ʒ. aquæ Ros. Buglos. ana ʒ. j. misce, Utatur.*

Quia de ventriculi imbecillitate conquerebatur, dedi 15. Maij, *syrupum Cydoniorum.*

Cœpitq; melius habere, sed quia *purgatione* adhuc opus habebat, præscripsi 17. Maij: *R̄. Absinth. ʒ. j. ʒ. fl. Cord. ʒ. j. Senæ ʒ. ij. sem. Fœnic. ʒ. j. Rhabarb. ʒ. iiij. Cinnamonom. ʒ. ʒ. infundantur in Vino, exprimantur, adde syrupi Diasereos ʒ. ʒ. misce: Sumat, deiecit egregiè.*

Atque ita integrè restituta convaluit.

Cordis dolor, seu Cardialgia, Tormina, Cachexia.

Virgo quædam nubilis, à multis jam annis, cardialgiâ seu compressionis circa ventriculi regionem dolore, vexabatur, ructus continuo edebat acidos, in hypochondriis murmura & rugitus audiebantur, tormina frequentia ventris, & dolor capitis eam infestabant, colore pallida, cachectica, mensesq; non decenter fluebât. Ab imbecillitate ventriculi & obstructionibus viscerum, hæc proficisci, exposui.

Multis etsi jam usa esset *remediis*, illisque fatigata, tamen bonâ spe auxiliî mei, mihi casum illi exponenti, & curandi modum proponenti, se parituram est pollicita.

Itaque An. 1558. *Pilulas usuales leves*, & quæ simul ventriculū roborarent, neq; enim fortia ullo modo ferre potuit *cathartica*, præscripsi: R̄. *pilul. de Hiera simp.* 3 j. B. *Alephang.* Assuget. *Agar. troch. ana* 3 j. *Rhab. el.* 3. B. *Cinam.* 3. B. *cum succo Apii* fiat *pilularum massa*; Capiat 3. B. *cum pomo cocto*, hebdomadati.

Electuario dein hoc usa est: R̄. *confect. Arom. ros. descrip. Gab.* 3. ij. *conf. Ros. antiquæ & flor. Cichorii, an.* 3. j. *conserva Scolopend. cort. Citri cond. ana* 3. B. *Cineris intestinorum & pellicularum ventriculi gallinæ* 3. j. B. *limatura Chalybis preparat. cum Aceto* 3. B. *Troch. de Rhabarb.* 3. iij. *de Eupatorio* 3. j. B. sp. *Trionsantaloni duplicato Rhabarb.* 3. j. *spec. de Gemmis* 3. j. *cum syrup. de Mentha & Byzantiis* fiat *electuarium*; Capiat, ad quantitatem nucis, manè horis duabus ante prandium, superbibendo Vinum generosum, dilutum aqua Absinth.

In fine mensæ mixturâ hac utebatur: R̄. *Carnium Cydon. saccharo cond.* 3. ij. *conf. Ros. antiquæ* 3. j. B. *cort. Citri cond.* 3. B. *Coralli rub. usti & loti, rasura Eboris & Cornu cervi ana* 3. j. sp. *Dia Cydon. sine speciebus* 3. j. *Cinamom.* 3. B. *Sacchari ad pondus omnium*, fiat *mixtura*: Capiat cochl. j. post pastus singulos.

In ventriculi seâ, scutum sequens stomachale gestet, & saltem cū cibum sumptura est, deponat, eoque sumpto reponat: R̄. *emplastri de Mastich. & pro Stomacho ana* 3. j. *pul. radic. Galangæ* 3. iij. *Caryophyl.* 3. B. *Ladani* 3. j. *Coralli rub.* 3. B. *cum ol. Absinth.* fiat *emplastrum extensum in corio, in forma scuti*.

Hepatis regionem semper manè inungat: R̄. *olei de Absinth. Nardini ana* 3. ij. *ol. Cydon.* 3. j. *Spicæ utriusque* 3. j. *rad. Cyperi, Asari, Santali rub. & albi ana* 3. B. *Cera q. s.* fiat *Linimentum*.

Horum

Horum usu ita restituta est, ut postea de hisce nihil amplius sit conquesta, vixitq; annos ab eo tempore exacto triginta octo, successum hunc in praxi meæ initio, prædicans.

*Ventriculi imbecillitas, Zingiberis
usu correctâ.*

Affinis quidam meus, vir doctissimus, ex febre quartanâ, quâ laboravit per triennium, imbecillitate ventriculi contractâ, jussus à D. Erasto, manè *Zingiber crudum* comedere, cum id majori etiâ copiâ assumpsisset, quàm fortasse edoctus erat, ab eo tempore ultra triginta annos, singulis matutinis, *duas radices magnas Zingiberis*, paululû saltém masti-
catas deglutivit, facitq; adhuc, necquicquam ab eo tempore mali, in ventriculo sensit. Imò alacrior inde ad omnia munia gnaviter obeunda reddi solitus. Quo tam multorum annorum *hujus aromatis* usu, hoc sibi adeò familiare fecit *medicamentum*, ut nec die uno, sine noxa, illo carere amplius possit.

Ventriculi refrigeratio.

Princeps quidam ecclesiasticus, cum *Aquam quandam*, in sua ditione scaturientem, cui plurimum in variis affectibus sanandis vulgus tribuebat, diu bibisset, atque ventriculum sic refrigerando, imbecillitatem inde contraxisset, ut eam emendaret, *Zingiber conditum sæpè assatim* comedit, sed invalescente morbo, cum moreretur, atq; corpus illius aperiretur, in ventriculo ejus, *Zingiberis libram unam* invenerunt Medici, qui hoc mihi narrarunt.

Ventriculi ardor, Sitis cum Tentigine.

Vide in Salacitate Lib.I. Tentigo, Ventriculâ ardor, Sitis.

Ventriculi ardor, ob maculam luteam in eo deprehensam.

Ventriculum à bile flava, ea sede, quâ vesiculâ bilis ventriculo substrata, illum attingit, tingi, maculâ latâ luteâ, ad interiora illius quoque penetrante, commaculari, aliquoties observavi: Illisque præsertim, quibus viventibus, perpetui ventriculi ardores, molesti erant, hoc accidisse notavi.

Idem in sectione generosæ cujusdam, quæ in partu obiit, invenimus.

Dein & in ea, quæ calculum renum gerebat, & multoties abortierat, uti in Hypochondriaco dolore mox ostendetur. Vide calculus immensus renum, &c.

Ventriculi macula nigra.

Maculam nigram quoque admodum, in ventriculo furis cujusdam capite truncati, tum in exteriorum tum interiorum ipsius superficie apparentem, similiter spectavi.

Ventriculus cum septo perforatus.

Ventriculum in puero quodâ phthifico, quem secui, tribus foraminibus exesum; septumque illius foramine amplo perforatum, à puris copia atque acrimonia, quod ex thoracè in abdomen defluens, has partes & mûsculos quoque abdominis,

nis ad superficiem cutis usque erolerat, ubi vesica sublivida, circa umbilicum, ea regione, quâ pus sibi viam, ad exitum facere nitebatur, apparebat, multis fide dignis testibus, deprehēdimus. Quam rem, admiratione dignam, magis stupendâ reddebat, quod puer ante obitum, non contabuerit, sed benè habitus adhuc existens, nulla alia affectuum indicia externa, quàm, quod ventre erat inflato & sublivido, in quo vesica subnigricans, circa umbilicum, ea regione, quâ pus sibi viam ad exitum facere nitebatur, eminebat, ostenderit. Quæ verò alia passus sit symptomata, sciscitari minimè licebat, cùm corpus infans parentibus, in villæ cujusdam cœmeterii sepulchro, media nocte solus, manibus scalpando, nec labore, nec terrore deterritus (tanto cognoscendi ardore tenebar) eruerim.

Ventriculo innatus callus.

IN sectione cujusdam supplicio affecti, deprehēdimus, callum durum ventriculo innatum, quem exulcere ejus, aut læsione alia, luxuriante, cum cicatrix induceretur carne, natum judicavimus. Atque ex eo, ulcera ventriculi quandoque sanari posse, aut vulnera, conjecimus. Quod ut crederem, sequens etiam historia, me impulit.

Cùm porcus mactaretur, sanus alioquin & benè saginatus, bacillum acutum, digiti crassitie, ventriculi ipsius substantiam penetrantem, atque intus forisque, callo in ambitu bacilli circumducto, adeò firmiter innatum, ut nonnisi sectione eximi posset, lanus mihi ostendit.

Ventriculi compressio, causa cardialgiæ.

HUjus compressionis causa est, vesiculæ bilis situs & angustia, quæ inter ventriculum & hepar, ea sede, quâ bilis illius cavæ sedi innascitur, occurrit. Quæ picrocholis iis, quibus ampla plenaque hæc vesicula est, plerunq; accidit, quod cum ventriculo pleno, & dum concoctio præsertim fit, scribentes vel aliud quid, hoc situ corporis agentes, incumbunt, bilisque vesiculam premunt, oris amaritudine & cordis rosione divexentur. Quod malum, peritiores, usu edocti, mensâ altiore, ita ut stando res peragentes, minus corpus inclinent, corrigere student, qui mos studendi, nunc eruditis consuetus esse solet.

Cardialgia, cum impedimento, velutî bolo, in faucibus.

CUIDAM scemina, de dolore stomachi, cum nausea ac difficultate aliqua deglutiendi, ac si buccella in faucibus hæreret, jam longo tempore conquerenti, cum sæpè varia atque inter reliqua etiam vomitoria exhibita, nihil effecissent, illaque unice vomere cuperet, & adhuc robusta esset, dedi *Aquam destillatam ex Nucibus viridibus, cum Raphano prius in Aceto maceratis*, quâ aliàs vomitum movere solitus eram, sed in illa nihil effecerat, itaque addidi, *Vini albi in cuius ℥ ij. Stibii vitreati pul. gr. iij. macerata per noctem fuerant, ℥. j. β.* ut biberet. Quo facto copiosissimam materiâ quinquies evomuit, & postea ab ejusmodi cardialgia, & impedimento in faucibus, penitus liberata est.

Cardialgia

Cardialgia in Febre Tertiana.

Vide in Febribus. Lib. II. *Tertiana intermittēs, duplex Obstructio hepatis.*

Ventriculi nimia distentio, à panis devorati copia.

Puer quidam famelicus, cum *panes albos*, qui denario venduntur, duodecim se una vice devorare posse, cum alio deponeret, & penè omnes devorasset, tanto distendente cordis dolore., angicœpit, simul in suffocationis periculo versatus, ut vix mortem instantem evaserit,

Ventriculi nimia repletio, à carne ingesta, causa mortis.

MAtrona quædam nobilis vetula, devota admodum, cum per totum quadragenarium jejunium, ab *esu carniū* abstinuisset, cum die Pasceatis, prandii horam expectare non posset, summo manè, in templo missâ auditâ, domum reversa, *carnem coctam* avidè comedit, uti & postea rursus in prandio, ea se adeò replevit, ut non solùm gravamen circa ventriculi regionem, sed & summam pectoris angustiam, difficilemq̃ue respirationem, inde passa sit. Vocatus ad eam, cum ob loci distantiam, quæ erat unius diei, tardiùs advenissem, inveni eam, hoc biduo adeò debilitatam, & ob retentum *cibum incoctum* obstructam, ut nec *clysteribus*, nec *exhibitis per os*, infra supraque excretio promoveri potuerit, & sic veluti suffocata extincta fuit.

Cardialgia & Febris, ex usu Sii Cratevæ.

IN febrem nobilis quidam incidit, media nocte, cum horrore vehementi, & subsequente calore magno. Anno 1598. Duravit ad meridiem usque. De ventriculi dolore admodum conquirebatur, ructus edebat, ardorem sentiebat. Cum quidnam cœnasset, quærerem *Sion Cratevacum Garo* magnâ copiâ se in cœnâ esitasse, dicebat: ex quo hæc illi nata symptomata fuisse, indicavi. Cum in aliis quoque viderim, picrocholis præsertim, qualis & ille erat, noxam ex illius usu, ventriculo iniustam, cum acris sit planta, quæ ventriculum vellicat, accendit, & quæ in bilem faciliè convertitur, sicuti & à *nasturtio* accidere solet, præsertim si non *Aceto oleoq;* copiosè additis, in acetariis vis illorum infringatur. Sine quibus cum & hic nobilis *Sion* illud cum solo *garo, piscium* comedisset, citius etiam ab eo læsionem ventriculi sensit. Quæ tamen purgante *cholagogo medicamento*, intra triduum iterum cessavit.

Cardialgia & Colicus dolor, post usum Hellebori.

Sacerdos inordinate vivens, se purgare volens, Scireumforanei consilio *helleborum* sumpsit, à cuius usu, vehementer, supra infraque purgatus, postea dolore & ardore ventriculi, & colico graviter afflatus, consilium petiit. Anno 1597.

Dedi illi statim, ad mitigandum sensum ventriculi, & quia convulsiones, quæ ex spasmo flatulento, quem jam sentiebat, metuebam, *Narcotici mei* 3.ß. & ut sequenti nocte repeteret, iussi.

Et

Et ut ventris totam regionem oleo Mastichino, Cydonio-
rum, Rosarum, & Chamamelino illiniret.

Triduo post, se meliùs habuisse, horum usu, me-
certiorem reddebat, verùm nunquam interea deje-
cisse, torminaque gravia ventris persensisse. Adhæc
urina tincta, ipseque ictero flavus; Itaq; Vinum hoc
præscripsi: R. rad. Cichoreæ ʒ. j. β. rad. Fœniculi, Petro-
sel. ana ʒ. j. Ireos ʒ. β. Enula ʒ. ij. herb. Absinth. Chamapit.
Chamadr. Majoran. ana M. j. fl. Cord. P. j. semin. Coriand.
ʒ. ij. Fœnicul. Carui ana ʒ. j. fol. Senna ʒ. j. β. rad. Bryo-
nia ʒ. β. Zing. ʒ. j. conquassentur pro Vino; Utatur al-
ternis diebus.

Item: R. hydrom. Malvat. ʒ. iiij. syr. Cydon. ʒ. j. β.
misce: Utatur cum crusta Panis & per se.

Dein: R. conserv. Rosarum, Majoranae an. ʒ. j. β. conf.
fl. Lavandula, Primula veris (ad convuls. vel paraly-
sin præcavendam) ana ʒ. j. syrupi de Papav. ʒ. j. misce
fiat electuarium: Capiat de eo alternis noctibus, cubitum
iturne.

Non potuit satis postea prædicare, quàm egre-
giè fuerit restitutus, cum diu priùs, malè esset dispo-
situs, & ob sumptum *belleborum* in magno fuisset
periculo.

*Cardialgia vehemens, Vomitus ex Aconiti
exhibitione, quâ quidam mortis pericu-
lum evasit, & simul à febre li-
beratus est.*

Fœmina quædam se prostituere solita, marito
infecta, eum febricitantem, è medio tollere co-
gitans, hanc occasionem nacta, ad me urinam detu-

lit, ut illi *remedium* quoddam præscriberem, quod & feci, atque *ex Rhabarbaro levem potionem* præscripsi, quam illa non parari curavit, sed pharmacopœum accedens, *radicem Lycostani Aconiti* ab eo petiit, ut eam *lixivio*, pro *ablutione capitis infantibus ad pediculos enecandos*, incoqueret. Quam cum illa in *jussulo* decoxisset, marito ægro, tanquam à me ordinatam *potionem* propinavit, astantibus indicans, me lethalem hunc morbum esse pronuntiasse, quod falsum erat. Ille sumpto hoc *toxico*, *cardialgia* gravi affectus, crebrâ & vehementi vomitione, à periculo mortis & febre simul fuit liberatus.

Cardialgia mortalis, ob arsenicum propinatum.

VInitor quidam civis hujus urbis, adulterio cum vicini uxore commisso, eam uti postea falsa est, imprægnavit, quæ filium inde genitum, marito adhuc vivente, & nihil suspicante, tanquam ab ipso procreatum, educavit. Verùm illa maritum suum fastidians, & adultero magis, adhærens, de eo è medio tollendo consilium cum adultero inivit, Qui *arsenicum* à pharmacopœo, prætextu murium eo interficiendorum, emens, mulieri ut marito propinaret, tradidit. Cujus *dimidium in Lacte calido*, cum marito jentanti, in sylvam vicinam ituro propinasset, mox id cum magno impetu revomuit, sicque liber tunc evasit. Cæterùm cum in *placenta panis* postea, denuo illi reliquum exhibuisset, dolore & angore correptus, intra triduum expiravit. Nec multis diebus interjectis, adultero nupsit, & cum eo rursum sobolem progeniit. Tandem *hydropica facta*,

facta, diu decumbens & miserè affl. & ante mortem confessa est aliquibus delictum, unum ex liberis quem existimarent, prioris mariti esse sobolem; adulteri esse, & proin in hæreditatem cum prioris mariti liberis, non admittendum, simul etiam quod *veneno* è medio eum sustulisset, falsa. Cùm autem eâ mortuâ, filium ex adulterio natum, excludere ab hæreditate vellent amici, quibus hoc innotuerat, & pater resisteret, lite inter illos, suspitione quæ apud alios vicinos, adulterii sæpius commissi, exortâ, à magistratu incarceratus, & torturæ subiectus, adulterium, & quod *venenum* emisset, atq; adulteræ dedisset, quodque pacto hoc illi exhibitum esset, confessus est, ob idq; delictum 10. Julii Anno 1613. capite plexus fuit.

Ventriculi offensa, ob lapides devoratos.

Circumibat hic ante ante annos aliquot, puer quidam mendicans, quæstum miserū & horrendum simul exercens, pro quatuor obolis, lapides quamplurimos, quos hinc inde colligebat, juglandis quoque nucis magnitudine, una vice quam citissimè deglutire solitus, adeoque ventriculum implens, ut ex collisione horum, dum premebatur, strepitus apertè audiretur. Hos deinde, sine labore excernens, ablutosque rursus, vel alios de novo collectos, devorabat. Quem post menses aliquot, eadem adhuc exercentem, denuo Frîburgi inveni & vidi. Quamdiu verò vixerit, aut quid tandem eo sit factum, intelligere non potui, non tamen dubito, tandem ita ventriculum debilitatum, ut diu vivere non potuerit.

Cardial-

*Cardialgia, Raucedo, ob deglutitum
scarabeum.*

PUellus quidam, nondum anno ætatis completo, à matre in vinetum deportatus, casu, non observante hoc matre, Scarabeum nigrum, oblongum vivum deglutivit Anno 1601. in Augusto. Cœpit inde ploratu, molestiam quam circa ventriculum sentiebat, testari, cibum respuere, raucus fieri. Quorum causam cùm parentes ignorarent, anxii cibum illi obtrudebant. Tandem elapso biduo, cùm aliquid intromisisset, admodumque torqueretur, vomitus supervenit, quo scarabeum unà cum cibo & pituita, sed mortuum evomuit. Ex quo parentes causam mali, & quòd cùm in vinea fuisset, hoc illi acciderit, cùm ab ea hora malè habere cœperit, colligere potuerunt.

Cardialgia & cruciatus maximus, ob devoratam anguillam.

IN urbe S. Gallensi Helvetiæ, Eques quidam stipendiarius, homo facetus & histrio, anguillam jam grandem, manibus versans, atque ac si eam deglutire vellet, ori adhibens, illa capite in os ipsius ingesto, per gulam cum impetu, in ventriculum descendit, & postmodum intestina pervadens, summos illi dolores, & lipothymias intulit, adeò ut de vita illius desperarent, idque donec elapsis multis horis, eam per alvum rursus, non ampliùs vivam, sed veluti excoriatam, excrevit.

Similis

Similis casus, ob deglutitum cochleare.

CApitaneus nobilis Valesianus, in die Cincrum, quo quævis licenter perpetrare solent, seque invicem commaculare, in rheda cum aliis per urbem bacchatus, *cochleari lac* comedens, aliisque infundens, eosque conspurcans, cum *cochleare ori* suo inditum dentibus mordicè teneret, manubrio tantum apparente, socius illi assidens, manu adeò ipsi in fauces impegit, ut cum evellere nequiret, illud deglutire coactus fuerit. Unde gravissimè cruciari cœpit, à meridie quo id factum, ad sequentis diei diluculum usque, quo tempore, illud rursus, sed valdè ægrè, & cum alvi lancinante summo dolore, in podice hærens, vix extraxit, moxq; surgens, commilitonibus suis, qui jentabant, & de illius doloribus loquebantur, clàm accedens, in *offam* sordidum, ut erat, projecit.

Cordis dolor, in Animi perturbationibus.

AB affectibus & ægreditudinibus animi, illiusq; perturbationibus, Tristitia & Mœrore præsertim, ob rem charam amissam, aut ob delictum grave commissum, aut aliis de causis, prius in Animi diversis perturbationibus expositis, dolor quidam in cordis, ut vocant, seu ventriculi potiùs regione tantus oboritur, qui rodendo & premendo adeò excruciat, ut minùs sæpè eum se ferre, quàm cardialgiam à ventriculi morbo procedentem, posse clament: Qui vix donec animus rursus quietus evadat, cessat, sæpèq; ad desperationem usque, dolore hoc oppressum, adigit.

Cordis

Cordis dolor, in luctu, ob mortem illorum, quos summè dileximus.

OB mortem liberorum, parentum, conjugis, vel etiam amicorum fidelissimorum, hoc modo plurimos, de summo cruciatu, & cordis dolore, quo mirè angebantur, conquestos, non solum audiui, sed & ipse eum expertus sum, ob quem uti in vera cardialgia ventriculi, etsi proprio morbo non teneatur, functiones nihilominus tamen labefactantur, appetentia prostermitur, concoctioque læditur. Gravis sanè & intolerabilis dolor, quem sæpè non nisi temporis longinquitas, aut mutat aut minuit, & qui hominem interdum conficit.

Cordis dolor, ob amissum processum judicalem, desperationem causans.

CIVIS cujusdam nostri uxor Burgunda, circa Annum 1554. cum hæreditatis potiundæ causâ, diu in foro litigasset, & in jure suo persequendo, majori parte substantiæ insumptâ, causâ tamen cecidisset, de hoc cordis dolore, diu conquesta, nec consolationem admittens, etsi pia esset mulier, tamen doloris hujus impatiens, summo manè cum surrexisset, indutis vestibus, relictâ zonâ, & huic appenso loculo, antè lucem domo egressa, in Rhenum se præcipitavit & submersa est.

Cordia

Cordis dolor, cujusdam fœminæ, quod decepta, à quodam maritum se ejus mentito, adulterium commisisset, ad desperationem impellens.

AD nundinas nostras Basilienses, quæ sub initium Novemb. habentur, circa Annum 1544. mercator quidam, mercium suarum divendendarum causâ, venire solitus, apud Pellionem quendam civem nostrum, divertere consueverat, illicque, publicis hospitiiis reliquis occupatis, noctu cubare. Hujus conjugem juvenculam adhuc, venustam, pudicam & probam, alteram Lucretiam; clàm deperire cœpit, & cùm spes, illâ potiundi, nulla esset, nec amorem illi detegere auderet, ut libidinem suam ab ipsa expleret, sic eam decepit. Cùm noctu maritus, ad agendum excubias, ordine ipsum deposcente, fuisset egressus, cubiculi que porta aperta mansisset, circa medium noctis, è suo conclavi, indusio tantum indutus, in cubiculum, ubi mulier dormiebat, clàm ingressus, ad eam cubans, simulansque se maritum illius, modò ab excubiis reversum, eâ somno adhuc nōnihil obrutam, compressit, quo facto, cùm mulier expergefacta, dolum agnosceret, exclamaretque, ille subito relicto vestitu, è domo aufugit, nec amplius huc reverti, metu supplicii, ausus fuit. Mulier interim, dolore, & animi & cordis intolerabili, ex hoc facinore concepto, pudore suffusa, nec tamen celare ausa, cùm maritus manè reversus, cur tantoperè se excruciaret, quidque illi accidisset, scire vellet, negotium uti actum erat, cum gemitu & mul-

tis lachrymis, ei patefecit, veniam ab eo petens, atque ab eo interfici, rogans, cum cordis dolore hoc afflicta, & ob vulnus tam grave conscientiae, supervivere amplius, minimè possit, nec velit. Deum interim testata, semidormientem se, ideoque insciam, nec consentientem, & moechum illum, maritum existimantem, deceptam fuisse. Ad ultionem huius deterrimi facti, maritum vehementer sollicitans. Quibus auditis, maritus eam pudicam semper fuisse cognoscens, & piam, illi factum hoc condonavit, atque insuper consolatus est. Sed cum eam paulisper solam reliquisset, illa leviter se vestiens, properanter ex ædibus, summo adhuc diluculo, in extremum suburbii Albani locum, Rheno proximum perrexit, atque illic, per foramen in muro, sordibus per illud in Rhenum effundendis pervium, se in flumen dejecit, suffocataque periit. Atque sic Lucretia hæc altera, vitæ, modò non æternæ etiam salutis dispendio, pudicitiam suam, testatam esse voluit. Quam historiam, non minùs ac Lucretiæ illius Romanæ, apertam vim à Tarquinio, uti hæc ab hoc mercatore, occultam passæ, sibi que mortem ob id inferentis, memoriâ dignam, minimè reticere volui, sed hic, in cordis doloris generibus explicandis, cum in Animi perturbatione, quò aliàs, uti & prior, atque quæ sequitur, pertinuit, omissa fuerit, ut quæ meo tempore acciderit, describere, oportunum esse censui.

Cordis dolor, alterius fœminæ, quæ simili modo decepta, adulterium commiserat.

Accidit ante annos circiter triginta, cum in pago quodam, Rustici commessabundi, ad noctem

etiam usque mediam, in hospitio manerent, inter quos & duo erant, sanguine nonnihil, non tamen arcte, juncti, atque una cum ipsis, uxor alterius diutius mansisset, tandem morae pertæsa, neglectis illis, domum suam dormitum se contulit, quod observans alter, cum maritum illius ebrium, somno obrutum, vidisset, eo relicto in hospitio, in aedes ejus, quas apertas uxor, uti & cubiculum, existimans maritum è vestigio subsequiturum, reliquerat, & cubiculum ingressus, detractis saltem caligis, ad eam somnolentam, & ex Vino nonnihil temulentam, collocans se in lectum, cum ea, ac si vir ipsius esset, rem habuit, & casu, relicta ex caligis ligulam, ab ea secessit. Paulò post maritus, postquam crapulam edormivisset, domum rediens, cum ea congressurus, ab ea, illum minime admittere volente, ipsiusque importunitatem accusante, repulsus fuit. Ex quo, aliisque circumstantiis, & quia ligulam, quam in lecto invenerat, sui compotatoris esse agnovit, suspicatus, eum hoc facinus commisisse, maneque eum adortus, convicit, ut fateri delictum cogeretur, veniamque deprecari, & ne se pròderet, rogare. Verùm uxor illud nesciens, adeò ægrè tulit, ut in animi deliquia, sæpe inciderit, & cordis ejusmodi cruciatus, diu passa, etsi illa, & à marito & Magistratu, veniam impetrasset, authorque hujus sceleris, capitis supplicio affectus esset, tandem tamen, in melancholiam gravem, etiam inciderit, à qua, non nisi per mortem, liberari potuit. omnibus, uti & mihi, qui eam, cum illic essem, in-
visi, conquesta, se ob commissum hoc scelus,
damnatam perditamque
fore.

IN VENTRIS DOLORE

OBSERVATIONES.

Colicus dolor ab ira.

IRATUS quidam lanius, robustus & cholericus, in colicum dolorem incidit, sævum admodum, cum constipatione alvi.

Dedi illi 25. Julii. *Extracti Diacydonitis* ʒ. j. β. & quater dejecit: allevatusque est.

Altero die, cum rediret dolor, *sub noctem* sumpsit. *Narcotici tabulati* ʒ. j. & *gran. vj.* totamque noctem quievit.

Tertio die melius habuit, sed constipatus erat denuo, nec à prima *purgatione* amplius dejecerat.

Ideo sequenti die, qui quartus erat, denuo repetii *Diacydonites purgans clarum, eadem quâ prius quantitate*, multumque dejecit & liberatus fuit.

Colicus dolor in alio.

IN colicum cruciatum, vir juvenis incidit, cui malo obnoxius erat, sumpserat jam *medicamentum purgans*, sed nihilo melius habebat.

Dedi itaque 15. Aprilis, An. 1592. *usitatum meum ad dolores colicos sedandos remedium*: R̄. ol. Amyg. dul. rec. expres. ʒ. j. β. Vini Malvatici ʒ. β. syrup. de Papav. ʒ. y. Pro uno haustu.

16. Quia constipatus erat, dedi *potionem*, nam *Clysterem* nolebat admittere: R̄. Absinthii ʒ. j. β. summit. Centaurii ʒ. β. rad. Liquirit. ʒ. β. sem. Anisi ʒ. y. fl. Cord. P. j. fiat decoctio in Vini & Aquæ aquis partibus, infundan-

fundantur in colatura fol. Sennæ ʒ. β. Rhab. ʒ. j. fiat expr. adde syrup. Ros. fol. simp. ʒ. j. Capiat. Dejecit quinque, copiosa excrementa biliosa.

Verum redibat dolor, persuasi tandem ut Clysterem sumeret 17. talem: R. rad. Althææ ʒ. j. Fursuris, P. j. cort. Fabarum P. β. Malvarum, Betonica ana M. j. Sennæ ʒ. β. fl. Cham. Melil. ana P. j. sem. Lini & Fœnigr. an. ʒ. β. Carui ʒ. ij. fiat decoctio, diss. in colat. Mellis viol. ʒ. j. Bened. lax. ʒ. β. ol. Chamom. Anethini, succi, Beta ana ʒ. j. fiat Clyster.

Cessavit dolor, sed postea iterum reversus est, cum murmure ventris 29. Apr. ideò hic Clyster injectus fuit, flatus potissimum discutiens: R. herb. Emollit. Origani, Serpil. an. M. β. fl. Chamom. P. j. sem. Carui, Cymini, Fœnicul. ana ʒ. ij. fiat decoctio, dissol. Ben. lax. ʒ. ij. Cathol. ʒ. β. ol. Chamom. ʒ. j. β. Salis parum fiat Clyster.

30. Aprilis purgatus fuit: R. el. Diaphœn. ʒ. ij. de succo Ros. ʒ. ij. syr. Ros. fol. ʒ. j. aquæ Absinth. q. s. fiat potio.

Quia multum dejecerat, iterum repetita fuit, sicq; convaluit, post annum verò recidivam est passus.

Colicus dolor cum Cardialgia.

Vide in Cordis dolore. Lib. II. Cardialgia & Colicus dolor, post usum, &c.

Colicus dolor, cum Cardialgia, in adolescente.

Adolescens quidam nobilis, ex inordinata victus ratione, & nimio potu Vini Muscati Narbonensis, Anno 1598. Cardialgiâ primùm, mox colico dolore laborans, postquam semel curatus, maturiùs

quàm par erat, aëri frigido, se credidisset, & quadrigis celeriter, per urbem veheretur, recidivam passus, sex septimanarum spatio, durante morbo, licet sæpiùs *Clysteribus* & *Narcoticis* usus esset, non tamen integrè sanari potuit, donec *Vomitorio* sequenti, usus fuerit: quod R. *Infusionis Stibii calcinati vitrei gr. iiij. in Vini ℥. iij. factæ, aquæ Nucum viridum cum Aceto destillatæ addito Raphano ℥. j. β. misce.* Bibat & quando vomere incipit, cardialgiasque sentire, sumat *Fusculum*.

Ab usu hujus, mox magnam copiam, æruginosæ bilis, aliquoties evomuit, uti & pituitæ, atque inde, urinæ quæ ex atro crocæ, diu permanserant, in naturalein colorem, permutari cœperunt, ipseque sensim, ad se redire, & in publicum prodire, equoque mox exspatiari, donèc à nobis, in Galliam est profectus.

Colicus dolor, Vomitus biliosus, & Ardor circa umbilicum.

QUæstor quidam cujusdam principis, multis negotiis implicitus, ad iram pronus, subrusus, cardialgiam aliquamdiu sentiens, *Vinum Absinthites purgans*, quo aliàs meo consilio fœliciter usus fuerat, nullo suadente bibit, seque eo, ne in colicum dolorem, cui obnoxius erat, incidèret, præservavit. Verùm postea in aulam profectus, atque temerè *venam aperiens*, domum ægrè, colicis que cruciatibus mirè divexatus, reversus est.

A'bile vitellina & æruginosa malum procedere vomitio meraciss. bilis ostendebat, & quòd ardores immensos circa umbilicum sentiret; doloresque ad inguin

inguina & in testes usque (uti sæpè fieri solet in colico dolore) descendentes, accedente alvi omnimodâ constipatione, urinâ rubrâ existente.

Ab eo vocatus, An. 1592. Majò mens. recusabat *Clysterem* ab initio, idcirco *portionem* hanc 15. Junii exhibui: *R. tab. Diacarthami 3. ij. syr. Ros. sol. cum inf. Rhab. 3. j. Vini absinthites q. s. Bibat.*

Sub *vesperam* jussi sumere, ad dolorem immensum sedandum: *R. ol. Amygd. dulc. 3. ij. syr. de Papav. 3. ij. Vini malv. 3. B.*

Et si remisisset dolor, crastina die 16. tamen rediit, quare dolore adaucto, *Clysterem* ordinavi: *R. rad. Althææ, Liliorum, Malvæ, Viol. Atriplicis, Mercur. ana M. j. Rutæ M. B. sem. Lini, Fœnigræc. ana 3. j. sem. Carui 3. ij. Sennæ 3. vj. fl. Chamom. Melil. ana P. j. Fursuris P. B. fiat decoct. in colat. T. j. B. diss. Mellis anthos. 3. j. Sacch. rub. Bened. lax. ana 3. B. ol. Cham. & Anethin. ana 3. j. B. Salis parum, fiat Clyster, detur manè.*

Residentia decocti pistetur, addendo *far. Fabarum 3. ij. ol. Chamom. 3. ij. fiat cataplas. pro ventre.*

Repetitus fuit *Clyster sub noctem*, qui retentus, dolorem mulcebat, verum cum diutius retinere non posset, dolor revertebatur.

Sequenti die 17. ad ipsum profectus, denuo *Clysterem* sumpsit manè, verum nec retinebat, nec aliud quàm *Clysterem* rejiciebat. *Suppositoriis* itaque alvum stimulandam judicavi, coximus ex Melle & Sale, quo supposito, magnam copiam biliosæ materiæ & *Clysmatum* adhuc portionem, ejecit, cessavit dolor, sed cum rediret, aliud intrudere jussi, quod quoque dejectionem movit. Postea & tertium, dolore remeante indidit.

Sub noctem Julepum dedi: R. syrupi de Papavere 3.℔. syr. de Bugloss. (quia debilis erat) aqua Bugloss. & parum Vini, Bibat.

18. Etsi melius haberet, jussi adhuc semel Clysterem injicere, & si constipatio rediret, aut dolores, suppositoriis continuò alvum sollicitare.

Sub noctem misi tab. j. ex meis Narcoticis.

29. Tam bene se habuit, ut non ad me miserit.

Biduo postea successum nuntians, sed recidivam metuens, ut reliquæ tollerentur, *potionem* exhibui purgantem: *R. Absinth. 3.℔. Major. 3.℔. sem. Coriandr. Anisi ana 3.℔. Sennæ 3.ij. Rhabarb. 3.iiij. Cinam. 3.ij. infundantur in Vino, bulliant, Colaturam bibat. Egre giè dejecit, fuitque restitutus. Monui ut bona victus ratione uteretur.*

Colicus dolor in Hernioso.

PRæfectus pagi cujusdam, dolore colico nostris regionibus consueto, accedente constipatione alvi, divexabatur.

Misi illi 18. Januarii Anno 1589. *Diacydo. purgantis 3.ij. quo sumpto, dejecit.*

Die sequenti, tempore somni, propinavi: *R. syrup. Papav. mei 3.ij. Cum Hydromel. malvat. & pauca aqu. Ros. misce: Bibit, dolorque cessavit.*

Recidivam passo 17. April. Dedi iterum *Diacydon. purgantis 3.ij.℔. Verùm adeò adstricta erat alvus, ut eam non solveret.*

Sub noctem dolore urgente, sumpsit Narcot. tab. mearum 3.℔. gr. vj. & dormivit.

Verùm cum alvus non responderet, dolorque intenderetur, jussi 20. Aprilis, ut hoc *Vino* uteretur:

R. sol.

R̃. sol. Sennæ ʒ.ij. rad. Bryoniæ ʒ.ʒ. radic. Cichoreæ, Fœniculi, Imper.an. ʒ.ʒ. Absinth. M.j. sum. Centaur. P.ʒ. flor. Rosmarin. P.j. sem. Fœniculi ʒ.iiij. Coriandr. ʒ.j. conquassentur, adde mensur. j. Vini. Bulliant in duplici vase. Bibat poculum pro una vice. Egregiè eo sumpto deiecit, iulsi alternis diebus continuare.

Item iunxit sub noctem syrup. de Papav. ʒ. ʒ. diluti ut supra. Cùm benè se haberet, ad corroborationem stomachi, uti petebat, dedi 22. April. syr. de Cydoniis cum hydromel. dilutum.

Item condituram Acori veri, ut manè bolum sumeret, superbibendo syrupum. Sic à colico dolore liber evasit. Verùm cùm herniolus esset, illius nomine, à Chirurgo, aliquot mensibus postea sectus, convulsionibus supervenientibus, exspiravit.

Convolutulus cum Tympanite.

Vide in Extuberantia. Lib. III. Tympanites quem Intestinalem vocamus, &c.

Colicus dolor, in sinistro potissimùm ventris latere, in puerpera.

IN primo puerperio, An. 1589. puerpera juvencula, de dolore ventris, in latere potissimùm sinistro, vehementer conquesta est, cum alvi constipatione & torminibus, aliisq; colico dolori consuetis symptomatibus.

Quartâ demùm septimanâ post puerperium, consilio meo usâ, cùm *Clysinata* renueret, sequentem *potionem* exhibui: *R̃. syr. Ros. sol. cum infus. Rhabarb. ʒ.j. el. de succo Rosar. ʒ.j. cum aq. Cinamom. & Bugloss. fiat Potio.* Quâ sumptâ, vix dum & tardè admodùm deiecit.

Sed cùm dolor nihilo mitior esset, *sub noctem* Ɖ. Ɔ. *extr. Narcot.* dedi, unde quieta fuit, doloreq; levata. Qui cum rediret, 19. Novemb. sub vesp̄eram, denuo repetii, & 20. Novemb. iterum, quo *& ol. Amygd. dulc.* bibit. Unde semper meliùs habebat.

Sed quia alvus non respondebat, recrudescbat malum, seriò itaque hortatus, & de convulsionibus, resolutionibus, quòd supervenire soleant, exemplo quorundam comminatus, tandem *Clysterem* talem 21. Novembr. admisit; *R̄. rad. Liliorum rec. ʒ. ij. rad. Althææ ʒ. j. herb. Malv. Viol. Betonic. ana M. j. Fursur. fl. Chamom. ana P. j. sem. Lini ʒ. ʃ. Bacc. laur. P. j. sem. Carui ʒ. ij. fiat decoctio, Dissol. in ʒ. j. Mellis ros. ʒ. j. Bened. lax. ʒ. ʃ. olei Chamom. ʒ. ij. succi Betæ ʒ. j. fiat Clyster.* Non diu retinuit, noctu iterum *extract. Narcot.* sumpsit, beneque habuit, per aliquot dies.

Verùm cùm consilio matronarum, ut alvus liberiorius flueret, *decoctum Senæ* sumpsisset, recidivâ passa, 26. Novemb. iterum *Narcoticum* petebat, sumpsitque.

Et quia jam *Clysmata* minimè renuebat, seq. 27. Nov. prius repetitum fuit. Et 28. cùm rediret dolor, *Narcot.* sumpsit. Quod & biduo post, cùm repeteret dolor, 1. Decembr. simili modo factum. Et quia latus admodum dolebat, *ol. Anethino & Chamom. deinceps continuò inunctum* fuit.

Iterum 3. Decembr. urgente dolore, *Narcot. extr. Ɖ. j. pondere* usa, quievit.

Ad alvum movendam, dedi 4. Decembr. *purgantis extr. ʒ. ij.* unde tardiùs, sed sine molestia, dura & perversa dejecit excrementa.

Denuo post biduum dolor recruduit, repetitus, itaque 6. Decembr. *Clyster. & Narcot. Ɖ. j.*

Cùm

Cum altera die 7. Decemb. alvus suppressa esset, Vinum purgans tale paratum; R^x. flor. Cord. 3.j.ß. sem. Anisi, Fœnicul. ana 3.j. fol. Sennæ mundat. 3.j. Absinth. 3.ij. Agric. 3.iiij. Zingib. 3.j. Infundantur in mensur. ß. Lini. Bibit haustum unum, sensitque tormina, tardiusque deiecit.

Sequenti die 8. Decembr. Infectione eam uti iussi, ex decocto Malv. Betonic. fl. Chamom. rad. Liliorum, Althææ cum toto, Baccar. lauri & sub noctem iterum Narcot. 3.j. exhibui.

Postea suppositoriis alvum apertam fervare iussi, sicque dolor non ampliùs eam urfit, appetitusque cibi, omnia salva esse, uti & urinæ non ampliùs tinctæ, indicabant, sicque curata fuit.

Colicus & Nephriticus dolor, cum Calculi suspitione, & Urinandi difficultate.

VEntris tensionibus, vir quidam primarius angebatur, gravissimè in ambitu umbilici, dolore in sinistro latere quoque se exerente, quem à splene proficisci putabat, ego verò nephriticum simul adesse cum colico, calculumque in renibus judicavi. Obstructionibus viscerum & lienis præsertim simul, illum laborare, ventriculi que imbecillitate, urina & compressio circa ventriculum ostendebant, caloremque horum viscerum, caloris indicia arguebant.

Clyster hic primùm injectus fuit; R^x. fol. Chamom. Melilot. Sambuci ana P.ij. sem. Lini 3.ij. Anisi, Fœnicul. ana 3.ß. fiat decoctio. In Tß.j. dissol. Bened. & Diaphæn.

ana ℥.β. Mellis viol. ℥.ij. ol.Chamom. ℥.iij. Misce fiat Clyster. R. Residentiam, ponatur in sacco, & applicetur calidè super regionem sinistri lateris, ubi quoq; dolebat.

Sequēti die hīc Clyster datus fuit; R. Vini albi ℥.β. ol.Nucum & Amygd. dulc.an. quart.j. Misce, Detur.

Dolore remittente, mox redeunte, tertius Clyster dabatur; R. ol. Chamom. Aneth. & Nard. ana ℥.iij. Misce. Cū diu retineret, suppositoio indito, eum promovi.

Dolore in latere nunc prævalente, balneo hoc usus est: R. Malv. cum rad. & Bis malv. ana M.iiij. sem. Lini & Fœnigræc. ana ℥.ij. flor. Chamom. & Melilot. Sambic. Anthos, ana P.ij. fiat decoctio in aqua & Vino pro Balneo, vel Cathisinate.

Bibit decoctum Hordei & Cicerum, rad. Liquir. adjectis ad mens. iij. Piperis granis tribus dissolvendo syrup. Capill. ven. ℥.vj.

Recidivam passus, doloreq; admodum excruciante, de pilulis sequentib. sumpsit duas: R. pul. Arom. ros. Diagalange ana ʒ. j. Opii dissolv. in Vino malv. gr. xij. Formentur pilul. vj. Capiat tempore somni.

Reiteratumq; Clystina & Suppositorium fuit.

Quia urina ægrè reddebatur, suspicioque erat, calculum in vesicam prolapsum, sequentibus usus est: R. Olei Scorpionum & Amygd. amar. an. ℥.iij. succi Apii, Petroselin. & Parietar. ana ℥.ij. Coq. ad succorum consumpt. cui adde Terebinth. parūm, fiat unguentum, addendo rad. Asari, sem. Petrosel. Apii, sp. Celtic. tenuiss. tritorum. Ungatur regio pubis & perinei.

Dein Clyster injectus fuit: R. Malvæ, Parietar. Mercurialis ana M. j. semin. Lini ℥. j. sem. Apii, Petrosel. Anih, Fœnicul. Ruta ana ℥.iij. flor. Chamom. Melilot. ana P. j. fiat

fiat decoctio in ℥b. β. Dissol. Cathol. & Diaphæn. ana ℥.β. Bened. ℥.j. olei Scorpion. ℥.iiij. misce fiat Clyster. Detur horâ secundâ.

R̃. fœces seu residentiam prædict. Clysteris, fomentetur vesicæ regio.

Dein Cataplasma hoc supra pubis regionem applicabitur: R̃. farinae Hordei quartar. j. flor. Chamom. Melilot. an. ℥.ij. sem. Apii ℥.iiij. Farin. sem. Lini ℥.j.β. ol. Amygd. dulc. & Scorpion. Lumbric. an. q.s. ad Incorporandum, & fiat Cataplasma.

Inungatur regio vesicæ hoc unguento: R̃. mucilag. semin. Lini ℥.iiij. ol. Amygd. dulc. Violac. & Chamom. ac Lilior. ana ℥.j. misce fiat unguentum, add. Tereb. Venet. ℥.j. fiat unguentum.

Pilulis Opiatis valde juvabatur, quare cùm omnibus effectus, reiteratæ fuerunt.

Cùm urina nondum procederet, dabatur sequens potio, quæ valde profuit: R̃. syrupi de Byzantiis & Capill. ven. an. ℥.j. Aq. graminis, Apii, Petrosf. an. ℥.j. Arom. cum ℥.j.β. Cinamom. & ℥.j. Carabe tenuiss. pulverisat. fiat Julep. pro una dosi.

Sequenti die hic Clyster injectus fuit: R̃. rad. Bis-malv. & Liliorum an. quart. j. Passul. Ficuum mundatarum ana num.xx. semin. Lini ℥.β. quatuor seminum frig. Maj. ana ℥.ij. Anisi, Fœniculi ana ℥.j. fiat decoctio in ℥b. j. dissolv. Catholic. ℥.β. mellis Rosat. ℥.j. succi Scillæ ℥.j. ol. Amygd. dulc. & Scorpion. ana ℥.ij. misce, fiat Clyster.

Rursum bibit Julepum, qui admodum urinam promovit.

Hiscæ dolor omnino abiit.

Colicus

*Colicus & Nephriticus dolor in Fe-
bre tertiana.*

Vide in Febribus Lib. II. Febris Tertiana, Co-
licus & Nephriticus, &c.

Uterinus dolor cum Menstruis albis.

CONquerebatur generosa quædam matrona, cum essem in Lotharingia, Anno 1601. Multo mens. de doloribus circa uteri regionem anteriorem & posteriorem juxta lumbos, qui certis temporibus eam molestant, præsertim instanti tempore menstruo, quibus adhuc purgabatur. Quæ etsi jam annum quadragesimum superasset, haberet quæ liberos adultos, formosa tamen erat mulier, ita ut primo intuitu, inter suas filias nobiles versantem eam potius illarum sororem, quàm matrem esse estimarem. Præter hæc molestias, accedebat Fluxus alborum menstruorum, per quem multa pituita & serosa excernebantur, cætera sana.

Ostendi interrogatus, non tam ab utero, quàm venis eum, cervicemque ambientibus, ex universo corpore, illuviem illam expurgari, doloresque in peritonæo, cui uterus adnexus hæret, potius quàm utero suboriri, & proin ad lumbos usque, quibus uterum ligamento hoc suspenditur, se extendere.

Ex consilio Medicorum statuerat, *Dietâ*, ut vocant, & *sudoribus decocto Guajaci commotis*, corpus expurgare, atque exhaurire. Verùm cum non tanta urgeret necessitas, & alioquin esset sana, dissuasi, & potius *vino sequenti*, quod sensim & moderatius per urinas & leves sudores pituitam & serositates evacuet.

evacuaret, utendum suasi, corpore prius bis terve purgato. Vinum sic parabatur.

R ξ . Zarsæ parillæ ℥.vj. cortic. Guajaci ℥.iiij. Sassafras ℥.ij. rad. China ℥.j. radic. Ireos 3.vj. Galangæ 3.ij. herb. Majoranæ, Betonica, Salviæ ana M. j. flor. Rosmarini, Lavandulæ ana P.j. sem. Anisi, Fœniculi ana 3.ij. radantur, incidantur & contundantur ea quæ oportet, addendo Vini optimi mens. to. quarum singulæ trium sint ℔b. mercatorum, Sacchari ℔b. ij. Cinamom. ℥.j. Maceris 3.ij. imponantur in dolio, obturentur, stent per triduum vel amplius, antequam utatur.

De hoc vino bibat duos haustus in prandio, totidem in cæna, continuando ad mensem. Si aliquando manè sudat, contineat se in loco occluso, alioquin cælo sereno egredi, circa meridiem maximè, ad vespèram usque poterit.

Postquam aliquandiu cura hac usæ est; vel etiam post eam singulis octo diebus, intret, antequam noctu lectum ingreditur, semicupium, in quò sit decoctum sequens, vel si malit, pedes immergat, & suffitum excipiat.

R ξ . Salviæ, Matricar, Artemisiæ, Betonica ana. M. ij. flor. Chamom. Sambuci, Lavandulæ, Stæch. ana P.j. sem. Fœniculi, ℥.j. Tartari vini ℥.iiij. Aluminis 3.ij. coquantur in Aqua, addito paucò Lixivio & Vino.

Gestet interdum Emplastrum pro matrice noctu sub umbilico.

Uterinus dolor, cum Menstruorum immoderato fluxu.

Vide in Sanguinea excretionè Lib. III. Menstruorum immoderatus fluxus, &c.

Uterini

464 IN HYPOCHONDRIACO DOLORE
losâ existente, reiteratus fuit Clyster sub vesperam.
Post cujus operationem, nonnihil levatus. Cum ve-
rò nox denuo gravis, *Narcotici mei pulveris gr. 18.* dedi,
dormivitq; sed turbulentis insomniis vexatus.

23. Cum dolor denuo exacerbaretur, ad renes
abstergendos, *Laricea sicca pulverisata cum Vino* de-
di 3. ij. sed cum dolor non cessaret, *In sessione* usus est
sub vesperam, ex decocto (cùm non aliæ præ manibus
essent herbæ) *Erast. cap. sol. & Raparum radice, cum*
foliis subalbidis, qualia sunt, cum per hyemem servan-
tur, Malva item & Parietaria siccis: Latus quoque
priùs iunctum fuit *ol. Scorpionum, Anethin. Chamom.*
Deditque *tab. ij. mearum pro Calculo.* Egressus è bal-
neo, calculum subrubrum semipisi magnitudine
eminxit, & à dolore omni liberatus est: Sensimque
urina ad pristinum colorem, appetitusque priùs de-
jectus, redierunt.

25. Pollicis articulus in dextro pede, dolere, ru-
bere, & tumere coepit, ita ut suspicio esset de poda-
gra, licet eam nunquam priùs sensisset, illeq; credere
nollet, sed quia scaphâ Argentinam veatus, pedes in
aqua, in navi congelata, nimium refrigerasset, inde-
que prodire existimarat, neglexit. Verùm noctu,
adeò dolor ille, in pede exacerbatus, ut manè, meo
consilio, *Cataplasma ex Pane, Farinâ sabaceâ, coctis in*
Lacte, addito *ol. Ros. & sem. Psyllii 3. ʒ. paratum,* ad-
hiberet: cujus usu sensim dolor mitigatus, sed per
postea, valdè intumuit, ad dies aliquot: verùm sine
dolore, ex quo œdema esse judicavi: & cùm noctu,
pede in lecto composito, subsideret, manè verò idē
sedenti, rursùm intumesceret, iussî illum *totum tri-*
duum, dies noctesq; pede elevato, in lecto quiescere, quo
facto,

facto, sensim ad sessionem & ambulationem reversus, tumor penitus evanuit: maximeque cum adhuc in *strophâ*, *sumptâ Theriacâ* prius, egregie sudasset.

Nephriticus dolor cum colico.

Vide in Ventris dolore. Lib. II. Colicus & nephriticus dolor, &c.

Nephriticus & Colicus dolor in Febre tertiana.

Vide in Febribus. Lib. II. Febris tertiana, Colicus & Nephriticus, &c.

Calculus renium.

Vir sexagenarius quidam, An. 1592. mens. Martio, dolore immenso, in lumborum dextra sedē, subito correptus est. Vomebat, urina cruda & aquea. Crus ex adverso loci affecti stupebat: Prædixi calculum renium, quem tamen prius nunquam senserat.

Peruasi ut *Clysterem* sumeret, quod, nisi doloris vehementia illum urisisset, nunquam fecisset: *R. rad. Althææ ʒ. ij. rad. Petrosel. Fœniculi ana ʒ. j. Malvarum. Violariæ, Parietariæ ana M. j. fl. Chamom. Melilot. Sambuci ana P. j. sem. Lini, Fœnigr. ana ʒ. j. sem. Carui ʒ. ʒ. fiat decoctio, & in colaturâ lb. j. dissol. Bened. lax. ʒ. ij. Cassiæ cum Sena ʒ. iij. ol. Chamom. ʒ. j. ʒ. ol. Scorpion. ʒ. ʒ. mellis Viol. ʒ. j. fiat Clyster. Detur. Hoc injecto melius habuit, eo verò rursus reddito, dolor circa inguina urgebat, è quo calculum descendisse iudicavi.*

Iussi illi regionem inguinum ol. Chamamel. inungere. In sessionem postea ordinavi; ex decocto Malvarum, Viol. Chamom. ex quo levamen sensit.

quàm par erat, aëri frigido, se credidisset, & quadrigis celeriter, per urbem veheretur, recidivam passus, sex septimanarum spatio, durante morbo, licet sæpiùs *Clysteribus & Narcoticis* usus esset, non tamen integrè sanari potuit, donec *Vomitorio* sequenti, usus fuerit: quod R^x. *Infusionis Stibii calcinati vitrei gr. iiij. in Vini ℥. iij. factæ, aquæ Nucum viridium cum Aceto destillatæ addito Raphano ℥. j. β. misce.* Bibat & quando vomere incipit, cardialgiasque sentire, sumat *Fusculum*.

Ab usu huius, mox magnam copiam, æruginosæ bilis, aliquoties evomuit, uti & pituitæ, atque inde, urinæ quæ ex atro crocææ, diu permanserant, in naturalem colorem, permutari cœperunt, ipseque sensim, ad se redire, & in publicum prodire, equoque mox exspatiari, donec à nobis, in Galliam est profectus.

Colicus dolor, Vomitus biliosus, & Ardor circa umbilicum.

QUæstor quidam cuiusdam principis, multis negotiis implicitus, ad iram pronus, subrufus, cardialgiam aliquamdiu sentiens, *Vinum Absinthites purgans*, quo aliàs meo consilio foeliciter usus fuerat, nullo suadente bibit, seque eo, ne in colicum dolorem, cui obnoxius erat, incideret, præservavit. Verùm postea in aulam profectus, atque temerè *venam aperiens*, domum ægrè, colicisque cruciatibus mirè divexatus, reversus est.

A' bile vitellina & æruginosa malum procedere, vomitio meracis. bilis ostendebat, & quòd ardores immensos circa umbilicum sentiret; doloresque ad
inguina

inguina & in testes usque (uti sæpè fieri solet in colico dolore) descendentes, accedente alvi omnimodâ constipatione, urinâ rubrâ existente.

Ab eo vocatus, An. 1592. Majô mens. recusabat *Clysterem* ab initio, idcirco *portionem* hanc 15. Junii exhibui: *R̃. tab. Diacarthami 3. ij. syr. Ros. sol. cum inf. Rhab. 3. j. Vini absinthites q. s. Bibat.*

Sub *vesperam* jussi lumere, ad dolorem immensum sedandum: *R̃. ol. Amygd. dulc. 3. ij. syr. de Papav. 3. ij. Vini malv. 3. ß.*

Etsi remisisset dolor, crastina die 16. tamen rediit, quare dolore adaucto, *Clysterem* ordinavi: *R̃. rad. Althææ, Liliorum, Malvæ, Viol. Atriplicis, Mercur. ana M. j. Rutæ M. ß. sem. Lini, Fœnigræc. ana 3. j. sem. Carui 3. ij. Sennæ 3. vj. fl. Chamom. Melil. ana P. j. Fursuris P. ß. fiat decoct. in colat. 16. j. ß. diss. Mellis anthos. 3. j. Sacch. rub. Bened. lax. ana 3. ß. ol. Cham. & Anethin. ana 3. j. ß. Salis parum, fiat *Clyster*, detur manè.*

Residentia decocti pistetur, addendo *far. Fabarum 3. ij. ol. Chamom. 3. ij. fiat cataplas. pro ventre.*

Repetitus fuit *Clyster* sub noctem, qui retentus, dolorem mulcebat, verùm cùm diutiùs retinere non posset, dolor revertebatur.

Sequenti die 17. ad ipsum profectus, denuo *Clysterem* sumpsit manè, verùm nec retinebat, nec aliud quàm *Clysterem* rejiciebat. *Suppositoriis* itaque alvum stimulandam judicavi, coximus ex Melle & Sale, quo supposito, magnam copiam biliosæ materiæ & *Clysmatum* adhuc portionem, ejecit, cessavit dolor, sed cùm rediret, aliud intrudere jussi, quod quoque dejectionem movit. Postea & tertium, dolore remeante indidit.

Sub noctem Julepum dedi: R. syrupi de Papavere 3.℔. syr. de Bugloss. (quia debilis erat) aquæ Bugloss. & parum Vini, Bibat.

18. Et si melius haberet, jussi adhuc semel Clysterem injicere, & si constipatio rediret, aut dolores, suppositoriis continuò alvum sollicitare.

Sub noctem misi tab. j. ex meis Narcoticis.

29. Tam bene se habuit, ut non ad me miserit.

Biduo postea successum nuntians, sed recidivam metuens, ut reliquæ tollerentur, *portionem exhibui purgantem: R. Absinth. 3.℔. Major. 3.℔. sem. Coriandr. Anisi ana 3.℔. Sennæ 3.℔. Rhabarb. 3.℔. Cinam. 3.℔. infundantur in Vino, bulliant, Colaturam bibat. Egrege dejecit, fuitque restitutus. Monui ut bona victus ratione uteretur.*

Colicus dolor in Hernioso.

PRæfectus pagi cujusdam, dolore colico nostris regionibus consueto, accedente constipatione alvi, diverabatur.

Misi illi 18. Januarii Anno 1589. *Diacydo. purgantis 3.℔. quo sumpto, dejecit.*

Die sequenti, tempore somni, propinavi: *R. syrup. Papav. mei 3.℔. Cum Hydromel. malvat. & pauca aqu. Ros. misce: Bibit, dolorque cessavit.*

Recidivam passo 17. April. Dedi iterum *Diacydon. purgantis 3.℔. Verum adeò adstricta erat alvus, ut eam non solveret.*

Sub noctem dolore urgente, sumpsit Narcot. tab. mearum 3.℔. gr. vj. & dormivit.

Verum cum alvus non responderet, dolorque intenderetur, jussi 20. Aprilis, ut hoc *Vino* uteretur:

R. sol.

R \dot{e} . sol. Sennæ ʒ.ij. rad. Bryoniæ ʒ.ʒ. radic. Cichoreæ. Fœniculi, Imper.an. ʒ.ʒ. Absinth. M.j. sum. Centaur. P.ʒ. flor. Rosmarin. P.j sem. Fœniculi ʒ.iiij. Coriandr. ʒ.j. conquassentur, adde mensur. j. Vini. Bulliant in duplici vase. Bibat poculum pro una vice. Egregiè eo sumpto deiecit, nisi alternis diebus continuare.

Item sumpsit sub noctem syrup. de Papav. ʒ. ʒ. diluti ut supra. Cùm benè se haberet, ad corroborationem stomachi, uti petebat, dedi 22. April. syr. de Cydoniis cum hydromel. dilutum.

Item condituram Acori veri, ut manè bolum sumeret, superbibendo syrupum. Sic à colico dolore liber evasit. Verùm cùm herniosus esset, illius nomine, à Chirurgo, aliquot mensibus postea secus, convulsionibus supervenientibus, exspiravit.

Convolutus cum Tympanite.

Vide in Extuberantia. Lib. III. Tympanites quem Intestinalem vocamus, &c.

Colicus dolor, in sinistro potissimum ventris latere, in puerpera.

IN primo puerperio, An. 1589. puerpera juvenicula, de dolore ventris, in latere potissimum sinistro, vehementer conquesta est, cum alvi constipatione & torminibus, aliisq; colico dolori consuetis symptomatibus.

Quartâ demum septimanâ post puerperium, consilio meo usa, cùm Clysmata renueret, sequentem potionem exhibui: R \dot{e} . syr. Ros. sol. cum infus. Rhabarb. ʒ.j. el. de succo Rosar. ʒ.j. cum aq. Cinamom. & Bugloss. fiat Potio. Quâ sumptâ, vix dum & tardè admodum deiecit.

Sed cùm dolor nihilo mitior esset, *sub noctem* 3. 3. *extr. Narcot.* dedi, unde quieta fuit, doloreq; levata. Qui cum rediret, 19. Novemb. *sub vesp̄eram*, denuo repetiit, & 20. Novemb. iterum, quo *& ol. Amygd. dulc.* bibit. Unde semper melius habebat.

Sed quia alvus non respondebat, recrudescere malum, serio itaque hortatus, & de convulsionibus, resolutionibus, quòd supervenire soleant, exemplo quorundam comminatus, tandem *Clysterem* talem 21. Novembr. admisit; *R̄. rad. Liliorum rec. 3. 1y. rad. Althae 3. j. herb. Malv. Viol. Betonic. ana M. j. Fursur. fl. Chamom. ana P. j. sem. Lini 3. 3. Bacc. laur. P. j. sem. Carui 3. ij. fiat decoctio*, Dissol. in *tb. j. Mellis ros. 3. j. Bened. lax. 3. 3. olei Chamom. 3. ij. succi Betæ 3. j. fiat Clyster.* Non diu retinuit, *noctu* iterum *extract. Narcot.* sumpsit, beneque habuit, per aliquot dies.

Verùm cùm consilio matronarum, ut alvus liberiorè flueret, *decoctum Senae* sumpsisset, recidivā passa, 26. Novemb. iterum *Narcoticum* petebat, sumpsitque.

Et quia jam *Clysmata* minimè renuebat, seq. 27. Nov. prius repetitum fuit. Et 28. cùm rediret dolor, *Narcot.* sumpsit. Quod & biduo post, cùm repeteret dolor, 1. Decembr. simili modo factum. Et quia latus admodum dolebat, *ol. Anethino & Chamom. deinceps continuò* inunctum fuit.

Iterum 3. Decemb. urgente dolore, *Narcot. extr. 3. j. pondere* usā, quievit.

Ad alvum movendam, dedi 4. Decemb. *purgantis extr. 3. ij.* unde tardius, sed sine molestia, dura & perversa dejecit excrementa.

Denuo post biduum dolor recruduit, repetitus, itaque 6. Decemb. *Clyster. & Narcot. 3. j.*

Cùm

Cùm altera die 7. Decemb. alvus suppressa esset, Vinum purgans tale paratum; R \bar{y} . flor. Cord. 3.j.ß. sem. Anisi, Fœnicul. ana 3.j. fol. Sennæ mundat. 3.j. Absinth. 3.ij. Agric. 3.iiij. Zingib. 3.j. Infundantur in mensur. 8. Vini. Bibit haustum unum, sensitque tormina, tardiusque deiecit.

Sequenti die 8. Decembr. Infectione eam uti iussi, ex decocto Malv. Betonic. fl. Chamom. rad. Liliorum, Althææ cum toto, Baccar. lauri & sub noctem iterum Narcot. 3.j. exhibui.

Postea suppositoriis alvum apertam servare iussi, sicque dolor non ampliùs eam urfit, appetitusque cibi, omnia salva esse, uti & urinæ non ampliùs tinctæ, indicabant, sicque curata fuit.

Colicus & Nephriticus dolor, cum Calculi suspitione, & Urinandi difficultate.

VENTRIS tensionibus, vir quidam primarius angebatur, gravissimè in ambitu umbilici, dolore in sinistro latere quoque se exerente, quem à splene proficisci putabat, ego verò nephriticum simul adesse cum colico, calculumque in renibus judicavi. Obstructionibus viscerum & lienis præsertim simul, illum laborare, ventriculi que imbecillitate, urinæ & compressio circa ventriculum ostendebant, caloremque horum viscerum, caloris indicia arguebant.

Clyster hic primùm injectus fuit; R \bar{y} . fol. Chamom. Melilot. Sambuci ana P.ij. sem. Lini 3.ij. Anisi, Fœnicul. ana 3.ß. fiat decoctio. In 15.j. dissol. Bened. & Diaphæn.

ana ℥.β. Mellis viol. ℥.ij. ol.Chamom. ℥.iij. Misce fiat Clyster. ℞. Residentiam, ponatur in sacco, & applicetur calidè super regionem sinistri lateris, ubi quoq; dolebat.

Sequēti die hic Clyster datus fuit; ℞. Vini albi ℔.ii. el.Nucum & Amygd. dulc.an. quart.j. Misce, Detur.

Dolore remittente, mox redeunte, tertius Clyster dabatur; ℞. ol. Chamom. Aneth. & Nard. ana ℥.iij. Misce. Cū diu retineret, suppositoio indito, eum promovi.

Dolore in latere nunc prævalente, balneo hoc ulus est: ℞. Malv. cum rad. & Bismalv. ana M.iiij. sem.Lini & Fœnigræc. ana ℥.ij. flor. Chamom. & Melilot. Sambuc. Anthos, ana P.ij. fiat decoctio in Aqua & Vino pro Balneo, vel Cathismate.

Bibit decoctum Hordei & Cicerum, rad. Liquir. adjectis ad mens. iij. Piperis granis tribus dissolvendo syrup. Capill. ven. ℥.vj.

Recidivam passus, doloreque admodum excruciante, de pilulis sequentib. sumpsit duas: ℞. pul. Arom. ros. Diagalange ana ℥. j. Opii dissolv. in Vino malvat. gr. xij. Formentur pilul. vj. Capiat tempore somni.

Reiteratumque Clyfina & Suppositorium fuit.

Quia urina ægrè reddebatur, suspicioque erat, calculum in vesicam prolapsum, sequentibus ulus est: ℞. Olei Scorpionum & Amygd. amar. an. ℥.iiij. succi Apii, Petroselin. & Parietar. ana ℥.ij. Coq. ad succorum consumpt. cui adde Terebinth. parū, fiat unguentum, addendo rad. Asari, sem. Petrosel. Apii, sp. Celtic. tenuitritorum. Ungatur regio pubis & perinaei.

Dein Clyster injectus fuit: ℞. Malvæ, Parietar. Mercurialis ana M. j. semin. Lini ℥. j. sem. Apii, Petrosel. Anisi, Fœnicul. Ruta ana ℥.iij. flor. Chamom. Melilot. ana P. j. fiat

fiat decoctio in ℥b. β. Dissol. Cathol. & Diaphæn. ana ℥.β. Bened. ℥.j. olei Scorpion. ℥.iiij. misce fiat Clyster. Detur horâ secundâ.

℞. fœces seu residentiam prædict. Clysteris, fomentetur vesicæ regio.

Dein Cataplasma hoc supra pubis regionem applicabitur: ℞. farinae Hordei quartar. j. flor. Chamom. Melilot. an. ℥.ij. sem. Apii ℥.iiij. Farin. sem. Lini ℥.j.β. ol. Amygd. dulc. & Scorpion. Lumbric. an. q.s. ad Incorporandum, & fiat Cataplasma.

Inungatur regio vesicæ hoc unguento: ℞. mucilag. semin. Lini ℥.iiij. ol. Amygd. dulc. Violac. & Chamom. ac Lilior. ana ℥.j. misce fiat unguentum, add. Tereb. Venet. ℥.j. fiat unguentum.

Pilulis Opiatis valde juvabatur, quare cùm omnibus esset usus, reiteratæ fuerunt.

Cùm urina nondum procederet, dabatur sequens potio, quæ valde profuit: ℞. syrupi de Byzantiis & Capill. ven. an. ℥.j. Aq. graminis, Apii, Petrosf. an. ℥.j. Arom. cum ℥.j.β. Cinamom. & ℥.j. Carabe tenuiss. pulverisat. fiat Julep. pro una dosi.

Sequenti die hic Clyster injectus fuit: ℞. rad. Bismalv. & Liliorum an. quart. j. Passul. Ficum mundatarum ana num. xx. semin. Lini ℥.β. quatuor seminum frig. Maj. ana ℥.ij. Anisi, Fœniculi ana ℥.j. fiat decoctio in ℥b. j. dissolv. Catholic. ℥.β. mellis Rosat. ℥.j. succi Scillæ ℥.j. ol. Amygd. dulc. & Scorpion. ana ℥.ij. misce, fiat Clyster.

Rursum bibit Julepum, qui admodum urinam promovit.

Hiscæ dolor omnino abiit.

Colicus

*Colicus & Nephriticus dolor in Fe-
bre tertiana.*

Vide in Febris Lib. II. Febris Tertiana, Co-
licus & Nephriticus, &c.

Uterinus dolor cum Menstruis albis.

Conqueretur generosa quædam matrona. Cum essem in Lotharingia, Anno 1601. Martio mens. de doloribus circa uteri regionem anteriorem & posteriorem juxta lumbos, qui certis temporibus eam molestant, præsertim instante tempore menstruo, quibus adhuc purgabatur. Quæ etsi jam annum quadragesimum superasset, haberet quæ liberos adultos, formosa tamen erat mulier, ita ut primo intuitu, inter suas filias nobiles versantem, eam potius illarum sororem, quam matrem esse existimarem. Præter hæc molestias, accedebat Fluxus alborum menstruorum, per quem multa pituitosa & serosa excernebantur, cætera sana.

Ostendi interrogatus, non tam ab utero, quam venis eum, cervicemque ambientibus, ex universo corpore, illuviem illam expurgari, doloresque in peritonæo, cui uterus adnexus hæret, potius quam utero suboriri, & proin ad lumbos usque, quibus uterum ligamento hoc suspenditur, se extendere.

Ex consilio Medicorum statuerat, *Dietâ*, ut vocant, & *sudoribus decocto Guajaci commotis*, corpus expurgare, atque exhaurire. Verum cum non tanta urgeret necessitas, & alioquin esset sana, dissuasi & potius *vino sequenti*, quod sensim & moderatiùs per urinas & leves sudores pituitam & serositates evacuaret,

evacuaret, utendum suasi, corpore priùs bis terve purgato. Vinum sic parabatur.

R̃. Zarse parillæ ʒ.vj. cortic. Guajaci ʒ.iiij. Sassafras ʒ.ij. rad. China ʒ.j. radic. Ireos ʒ.vj. Galangæ ʒ.ij. herb. Majoranæ, Betonica, Salviæ ana M. j. flor. Rosmarini, Lavandulæ ana P. j. sem. Anisi, Fœniculi ana ʒ.ij. radantur, incidantur & contundantur ea quæ oportet, addendo Vini optimi mens. iij. quarum singulæ trium sint lb. mercatorum, Sacchari lb. ij. Cinamom. ʒ.j. Maceris ʒ.ij. imponantur in dolio, obturentur, stent per triduum vel amplius, antequam utatur.

De hoc vino bibat duos haustus in prandio, totidem in cœna, continuando ad mensem. Si aliquando manè sudat, contineat se in loco occluso, alioquin cœlo sereno egredi, circa meridiem maximè, ad vesperam usque poterit.

Postquam aliquandiu cura hac usæ est; vel etiam post eam singulis octo diebus, intret, antequam noctu lectum ingreditur, semicupium, in quò sit decoctum sequens, vel si malit, pedes immergat, & suffitum excipiat.

R̃. Salviæ, Matricar, Artemisiæ, Betonica ana. M. ij. flor. Chamom. Sambuci, Lavandulæ, Stæch. ana P. j. sem. Fœniculi, ʒ.j. Tartari vini ʒ.iiij. Aluminis ʒ.ij. coquantur in Aqua, addito pauco Lixivio & Vino.

Gestet interdum Emplastrum pro matrice noctu sub umbilico.

Uterinus dolor, cum Menstruorum immoderato fluxu.

Vide in Sanguinea excretionē Lib. III. Menstruorum immoderatus fluxus, &c.

Uterini

Uterini dolores cum Sterilitate.

Vide in conceptus defectu Lib. I. Sterilitas, Uterini dolores, &c.

Uterinus dolor in Cephalæa.

Vide in Capitis dolore. Lib. II. Cephalæa seu capitis dolor inveteratus, &c.

~~~~~

IN HYPOCHONDRIACO  
DOLORE OBSERVATIONES.

*Nephriticus dolor, ob calculum renum,  
Podagra & Oedema.*

**Q**UINQUAGENARIUS quidam, ob dolorem lateris sinistri, quem nunquã prius senterat, & tensiones ventris, sponte suã *medicamentum purgans* iumpfit, à quo malũ irritatum pejùs habere cœpit.

Januarii 18. Anno 1601. vocatus, cùm Nephriticum dolorem potiùs quàm Colicum, sicuti ille narrabat esse, dicerem, ordinavi *Clysterem*: *R. rad. Althææ 3.j.ß. Malv. Pariet. ana M.j. flor. Chamom. Melilot. ana P.j. sem. Carui 3.ß. Furfuris P.j. sem. Lini, Fænigræc. ana 3.ß. fiat decoctio, Dissolv. in tb.j. Bened. lax. 3.ij. Mell. ros. 3.j. ol. Aneth. Chamom. an. 3.j.ß. Salis 3.j. fiat Clyster.* Hic *Clyster* licet aliquo pacto ab initio dolorem leniret, tamen cùm difficulter rejiceretur, tormina inde maxima sensit, donec *suppositorio* indito, exitum illius promoveret. Nec tamen dolor levabatur, quapropter *sub noctem residentiam Clysmatis lateri dolenti*

*lenti* applicare iulsi, & denuò *suppositorium* indere. A quo nox quieta fuit.

19. Manè cùm meliùs haberet, sed multos flatus sentiret, reiteratus fuit *Clyster*, addendo *decoctioni*, *Bacc.lauri* P.j. *sem.Cymini* ʒ ij. Dissol. *hieræ Colocynth.* *Bened.lax. ana* ʒ. ij. *ol.Aneih. Chamom. ana* ʒ.j.ß. *Salis gemmæ* ʒ. ij. *Mellis ros.* ʒ.ß. fiat *Clyster*, quem non diu retinuit, dejecitque, ac flatus reddidit, ita ut jam nihil ampliùs sentiens, se sanatum crederet, & levem fuisse colicam sibi persuaderet. Donec sub noctem, denuo dolor fixus, latus sinistrum occupasset, qui eâ nocte summè auctus, eam inquietam reddidit, ita ut *mediâ nocte Clysterem* sumere cogeretur, & *Narcotici mei gr.18.* à quo dormivi, dolorque mitigatus est.

20. Vocatus, urinas vidi crassas, rubras, cum ramentis & arenulis rubris, quæ cùm illi ostenderem, tandem nephriticum dolorem esse credidit, à compactis arenulis, è rene sinistro per ureterem exitum quærentibus, hunc dolorem nasci, ei ostendens, illisque remeantibus, eundem cessare. Et quia dolor in latere sinistro fixus, non adeò urgebat, hoc die nihil factum.

21. Recruduit malum, cruciatus in latere maximè, sumpsit *sub vesperam* hunc *Clysterem*: R. *Malvæ cum toto* M.j. *rad.Liliorum, Bryoniæ ana* ʒ.ij. *sol. Brassic.* M.j. *Furfur.* P.j. *Parietar.* M.j. *sol.Sennæ* ʒ.ß. *Agar. troch.* ʒ.iiij. *flor. Chamom. P.ij. semin. Cymini, Carui ana* ʒ.iiij. fiat *decoctio.* In ʒ.ß. Dissolv. *Mellis* ʒ.ij. *Bened. lax.* ʒ.ß. *succi Betæ* ʒ.j.ß. *ol. Communis* ʒ.iiij. *Butyri* ʒ.j. fiat *Clyster.* Hic post horam alvum bis commovit, unde nox paulò quietior.

22. Redeunte dolore in latere, urinâ rubrâ, sabu-  
losâ

464 IN HYPOCHONDRIACO DOLORE  
losâ existente, reiteratus fuit Clyster sub vesperam.  
Post cujus operationem, non nihil levatus. Cum ve-  
rò nox denuo gravis, *Narcotici mei pulveris gr. 18.* dedi,  
dormivitq; sed turbulentis insomniis vexatus.

23. Cum dolor denuo exacerbaretur, ad renes  
abstergēdos, *Lariceæ siccae pulverisatæ cum Vino* de-  
di 3. ij. sed cum dolor non cessaret, *Inseſſione* usus est  
*sub vesperam, ex decocto* (cūm non aliæ præ manibus  
essent herbæ) *Erasmic. cap. sol. & Raparum radice, cum*  
*foliis subalbidis, qualia sunt, cūm per hyemem servan-*  
*tur, Malvæ item & Parietariæ siccis:* Latus quoque  
prius iunctum fuit *ol. Scorpionum, Anethin. Chamom.*  
Dediq; *tab. ij. mearum pro Calculo.* Egressus è bal-  
neo, calculum subrubrum semipisi magnitudine  
eminxit, & à dolore omni liberatus est: Sensimq;ue  
urina ad pristinum colorem, appetitusq;ue prius de-  
jectus, redierunt.

25. Pollicis articulus in dextro pede, dolere, ru-  
bere, & tumere cœpit, ita ut suspicio esset de pōda-  
gra, licet eam nunquam prius sensisset, illeq; credere  
nollet, sed quia scaphâ Argentinam vectus, pedes in  
aqua, in navi congelata, nimium refrigerasset, inde-  
q;ue prodire existimarat, neglexit. Verūm noctu,  
adeo dolor ille, in pede exacerbatus, ut manē, meo  
consilio, *Cataplasma ex Pane, Farinâ fabaceâ, coctis in*  
*Lacte,* addito *ol. Ros. & sem. Psyllii 3. β. paratum,* ad-  
hiberet: cujus usu sensim dolor mitigatus, sed pes  
postea, valdè intumuit, ad dies aliquot: verūm sine  
dolore, ex quo œdema esse judicavi: & cūm noctu,  
pede in lecto composito, subsideret, manē verò idē  
sedenti, rursūm intumesceret, jussī illum *totum tri-*  
*duum, dies noctesq; pede elevato, in lecto quiescere,* quo  
facto,



facto, sentim ad sessionem & ambulationem reversus, tumor penitus evanuit: maximeque cum adhuc in *strophâ*, *sumptâ Theriacâ* prius, egregiè sudasset.

*Nephriticus dolor cum colico.*

Vide in Ventris dolore. Lib. II. Colicus & nephriticus dolor, &c.

*Nephriticus & Colicus dolor in Febre tertiana.*

Vide in Febribus. Lib. II. Febris tertiana, Colicus & Nephriticus, &c.

*Calculus renum.*

Vir sexagenarius quidam, An. 1592. mens. Martio, dolore immenso, in lumborū dextra sede, subito correptus est. Vomebat, urina cruda & aquea. Crus ex adverso loci affecti stupebat: Prædixi calculum renum, quem tamen prius nūquam senserat.

Persuasi ut *Clysterem* sumeret, quod, nisi doloris vehementia illum urisisset, nunquam fecisset: *℞. rad. Althææ ʒ. ij. rad. Petrosel. Fœniculi ana ʒ. j. Malvarum. Violarie, Parietarie ana M. j. fl. Chamom. Melilot. Sambuci ana P. j. sem. Lini, Fœnigr. ana ʒ. j. sem. Carui ʒ. β. fiat decoctio, & in colatura ℥b. j. dissol. Bened. lax. ʒ. ij. Cassiæ cum Sena ʒ. iij. ol. Chamom. ʒ. j. β. ol. Scorpion. ʒ. β. mellis Viol. ʒ. j. fiat Clyster. Detur. Hoc injecto melius habuit, eo verò rursus reddito, dolor circa inguina urgebat, è quo calculum descendisse judicavi.*

Jussi illi regionem inguinum ol. Chamamel. inungere. In sessionem postea ordinavi; ex decocto Malvarum, Viol. Chamom. ex quo levamen sensit.

*Versus noctem dedi Narcoticum, bene dormivit.*

Manè rediit dolor, jussi repetere *balneum*, post  
cujus usum calculum, cùm mingeret, ejecit, libera-  
tusque est.

Recidivam passus est 29. Julii, ord. sequens: R.  
*rad. Liquiritiæ ʒ. j. rad. Anonidis. Fœniculi ana ʒ. ʒ. Poly-*  
*pod. ʒ. vj. seminum Anisi ʒ. ij. Alkekengi. ʒ. j. Passul. nu. x.*  
*Prunorum vul. num. v. Senæ ʒ. ʒ. fiat decoctio, dissolve*  
*in ʒ. iij. Cassiæ rec. ex. syrup. Ros. sol. cùm infus. Rhabarb.*  
*ana ʒ. ʒ. misce: Bibat, dejecit.*

Cùm non remitteret dolor, 31. Julii, *Clyster supe-*  
*rius descriptus, iterum injectus fuit.*

Nec tum penitus cessante dolore, sequenti die,  
fuit repetitus.

*Inseffione quoq, denuo usus est, 2. Augusti.*

*Fulepum præscripsi 30. August. R. aquarum Pa-*  
*rietariæ ʒ. j. aq. Fœniculi, fl. Fabarum, Fulepi ros. an. ʒ. ʒ.*  
*Capiat una vice.*

Inde convaluit, imperavi postea, ut deinceps  
*decoctum Cicerum, rad. Petrosel. cort. Fabarum, & radic.*  
*Anonidis, in jusclo manè frequenter præservationis*  
*gratiâ, biberet.*

*Calculus renum, cum mictu sangui-*  
*nis, in tribus.*

**V**ide in Mictione. Lib. III. Mictio sanguino-  
lenta, &c.

Iterum Mictio cruenta bis.

*Calculus renum in alio.*

**N**obilis quidam Friburgi, Anno 1592. im-  
mensum in inguinum regione dolorem sen-  
tiebat,

tiebat, urina cruda erat, calculum in ureterum ingressu in vesicam, substitisse, dixi, sæpè enim illic descendens, à renibus ob obliquam illorù insertionem, hæreere solet.

Injeci primùm *Clysterem*, dedi postea *Narcoticum*.

Manè sequenti propinavi illi *aquam Parietariae & Lariceæ an. ʒ. j. ʒ.* ex quo calculus vesicam ingressus, indeq; rursum in cervicem egressus, in penis ductu substitit. *Balneum* ingressus, ubi aliquandiu in eo sedit, matulam petens, mingendo calculum ejecit.

### *Calculus renum in alio.*

**Q**uidam sequentium usu, An. 1596. Decemb. sæpius calculum mictione ejecit, eoq; ad præcautionem, ne subsisteret, doloremq; nephriticum induceret, utebatur.

*Pulverem* sequentem bis in septimana cochlearis unius quantitate sumebat: *R. rad. Liquiritiæ ʒ. ʒ. nucleorum Pers. sic. ʒ. j. sem. Anisi, Fœniculi ana ʒ. ij. sem. Alkekengi ʒ. j. semin. Milii solis ʒ. ʒ. Lapilli. Cancr. ʒ. ij. Sacchari candi ʒ. j. ʒ. fiat pulvis tenuissimus.*

Superbibat interdum decoctum Cicerum rub. Petros. cort. Fabarum, addito Batyro rec. & pauco Sale.

*Pilulas* sequentes deglutivit interdum: *R. resina Lariceæ vel Abietinæ limpida q. vol. subigatur pul. Liquiritiæ & Sacchari candi, fiat pasta, ex qua parva formetur pilula, Capiat ad ʒ. j. vel plus.*

*Calculus immensus renum, Ren absumptus, Macula ventriculi lutea, Abortus.*

**N**obilis quædam matrona, multos annos gra-

visissimis renum doloribus, sinistro præsertim in latere, ab initio divexabatur, & quatuordecies uterum gestans, toties octavo vel nono semper mense abortivit. Tandem unâ cum ætate, doloribus invalescentibus, de dextri præsertim lateris dolore, ita ut nec contactum aut decubitus, in illam partem ferre posset, conquerebatur, rejectis interim toto morbi tempore, multis calculis, & puris & sanguinis copiâ, per urinas: accedente insuper gravissimo stomachi & gutturis ardore. Eam tandem antè mortuam cum secarem, renem sinistram penitus consumptum, & marsupii instar cujusdam, membranosum, sinibus amplis, scirrhosis tuberculis refertum; ureteremque illius admodum dilatatum, intestini cujusdam instar, deprehendimus. Dextrum verò renem tumidum, in immensum increvisse, in quo per medium dissecto, calculus tantæ magnitudinis excreverat, ut sinum secundum omnino adimpleverit, illiusque ductus, ramis undique effarciens, & obturans, ureterum principium obstruxit, qui formâ suâ, cervinum caput cum cornibus & collo, appositè exprimebat, illisque locis, ubi substantiæ renum minimè adnatus erat, incrustatus splendebat, ex contactu bilis flavescens. E quibus facillè dolorum causam & abortus, utriusque renis calculos, quorum ille in sinistro rene, illius substantiam contriverat, atque confRACTUS comminutusque successivè, per mictionem redditus fuerat, hic verò in dextro rene substiterat, fuisse, colligere licebat. Sed & ardoris illius ventriculi, causa in bilis vesicula admodum bile refertâ, & ventriculo & duodeno intestino (quod & aliàs sæpè vidimus) deprehensa fuit. Hæreditarium

seditarium autem malum, hoc illi fuisse ostendit, quòd ex matre illius, iisdem affectibus mortuâ, calculus ex utroque rene, quoque exectus fuerit.

*Renum consumptio, & vesicæ corruptio.*

**N**obilis virgo quædam, diu circa renem alterius lateris, dolore, & simul mingendi ardore, miserè afflicta, *post varia tentata remedia*, aliquot annos, & cum suspicio esset de calculo vesicæ, *post actualem operationem, in lapidis extractione, in mulieribus fieri solitam*, quæ tamen irrita fuit, cum nihil profecissent, tandem in patriam Galliam reversa, mortua, sectæque, renes absumptos, & vesicam corruptam fuisse, deprehensum, mihi que literis significatum fuit.

*Hypochondrii sinistri tensio.*

**S**entiebat nobilis quidam Burgundus, à longo tempore, tensionem in sinistro hypochondrio, cum rugitu & murmure, maximè partem affectam premens, & quia corpus nonnihil macrum fiebat, faciesque decolor, graviora metuens, cum *post remedia multa*, quibus jam usus fuerat, non remitteret malum, meum expetivit Consilium huc veniens, Anno 1611. Majo mens.

Indicavi causam in venis meseraicis, lienem copiosè ambientibus potiùs, quàm ipso liene contineri, esseque illic illuviem, unde tetri vapores & flatus gignantur, cum obstructione horum ductuum, quibus emendandis hisce fuit usus.

*Syrupum sequentem præscripsi: R. rad. Cichorea, Fœniculi, Apii veri, Iridis, ana ʒ. j. Enule ʒ. vj. Asari*

3 ij. rad. Liquiritia 3 j. B. cort. Tamaricis, radic. Cappar. Sambuci, Ebuli ana 3 j. herb. Endivia, Chamæpit. Chamædryos, Eupatorii, Veronica, Capilli ven. Ceterach. Bugloſi utriusque, Fumaria, ſum. Lupul. turionum, Aſparag. ana M. j. ſorum Bugloſi utriusque, Geniſtæ, Tamaricis ana P. j. ſeminum Aniſi, Fœniculi, ana 3 ij. Carui, Petroſelini ana 3 j. Cicerum rubr. P. j. Paſſul. enucl. 3 j. B. Prunorum pa. v. fiat decoctio in aqua & tertia parte Vini, & in colatura circiter lb. viij. intunde ſol. Senæ mundt. quart. j. rad. Polypodii 3 ij. Turpeti 3 B. ſeminum Carthami conquaſ. 3 j. B. Myrobal. chebul. citrin. ana 3. iij. fiat iterum decoctio, addendo Rhabarbari in panno lig. 3 B. Spica, Schœnanthi ana 3 j. Cinamom. 3 j. poſt levem ebullitionem colentur, adde ſucci Pomorum odor. 3. iij. decoquantur ad conſiſt. ad uſum. Capiat 3 j. B. pro vice per ſe, vel cum juſculo Cicerum rubr. & radic. Petroſel. Vel aqua Abſinthii & Capill. ven. ſi non operetur ſufficienter, diſſolve in uno hauſtu, Diagrydii recte præpar. gr. iij. Continuet illius uſum, aliquot dies, poſtea hebdomadatim, dein menſtruatim.

Pilulæ ſequentibus utatur interdum loco ſyrupi :  
R. Aloës ſuccocitr. 3 ij. Rhabarb. Agarici ana 3 j. B. extracti Abſinthii 3 j. gummi Ammon. diſſol. in Oxymel. ſquill. 3 B. Maſtiche 3 j. rad. Gentianæ. ſum. Centaurii min. an. 3 j. rad. Aſari 3 B. Spica 3 B. Limatura chalybis præpar. 3 B. Diagrydii 3 j. cum reſina Laricea fiat maſſa pilul. Capiat 3 ij. vel 3 j.

Emplaſtrum hoc ſiniſtro hypochondrio applicet :  
R. Emplaſtri de baccis Lauri, de Meliloto ana aquas partes, malaxentur ol. de Capparibus, extendatur ſupra corium, ſubducatur ſindone rubrâ, ne nimium adhæreat.

Hac ratione se integrè fuisse sanatum per alios, quos ad me consilii causâ ablegavit, mihi significavit.

*Hypochondriorum tensiones, cum Atrophia & Febre.*

**V**ide in cōsumptione Lib. I II. Atrophia, Tensiones hypochondriorum, &c.

*In hypochondriis, lumbis, coxis, dolor acerbissimus, & tumor, à causa inaudita, sectione deprehensa.*

**S**COTUS quidam nobilis, juvenis robustus, annosagens 35. post labores militares, atque equitationes diuturnas, casusque aliquos ex equo, modò in spinam dorsi, modò supra abdomen, frigora etiam perpeffus, hîc apud nos Basileæ, Anno 1588. subsistens, diu & multum de valetudine conquestus, citra decubitus tamen, donec tandem doloribus victus, sese lectulo committere coactus, per sex menses miserè afflictus est. Doloris sedes erat in hypochondriis, lumbis & toto abdomine, postea etiam in coxis, cum totius corporis prostratione & lassitudine. Nausea perpetua, Vomitus, frequens flavæ bilis, postea etiam atræ, illarumque per alvum subinde dejectio, Febris quoque urgebata assidua; Pulsus durus, vibrans: Urinæ biliosæ; Sitis inexhausta; prostratus Appetitus; Vigiliæ assiduæ. Supervenit postmodum tumor circa nothas costas sinistri lateris, versus os xiphoides usque prominens. Quo paulatim & cū acerbissimo & punctorio dolore excrecente, tandem illa durities, longè lateque

ad totum stomachi fundum, fuit diffusa, atq; ita miserum exercuit, ut dorso semper supinus incumbere cogeretur, cum alioquin in neutrum latus posset corpus flectere. Sicque misere excarnificatus, & ad extremum usque marcorem redactus, tandem frequenter, syncope prehensus, fato concessit.

Dissecto autem cadavere, apertoque abdomine, primum se obtulit Hepatis lobus, orificio ventriculi posteriori ita affixus, uti & diaphragmati nothisque illic costis, ut non nisi frustulatum inde avelli secariq; potuerit, portio hæc illius nigricans, ex inflammatione forte, quæ præcesserat, cum reliquum hepatis parenchyma rectè & bene se habuerit.

Deinde cum pyloro induruerant, totum Pancreas & Mesenterium, in molemq; supra modum latam, longam & crassam excreverant, multum ponderantem, unde chyli transitus ad hepar, penitus erat interceptus, viaque hæc oclusa. Ex quo & credebamus factum, ut dissecto cadavere, nullus omnino sanguis, è venis effluerit, etiam majoribus, ne arteriosus quidem, & qui in illis adhuc continebatur, erat paucus, niger, torridus, & non nisi per grumos oblongos, veluti concretus, ita ut ab iisdem vasis, atq; etiam ex ipso corde, digitis extrahi potuerit.

In idem corpus scirrholum concreverat (quod penè fidem superat) Venæ cavæ truncus, nullâ ejus cavitæ conspicuâ, toto eo spatio, quo à sima jecoris parte, ad ejus divaricationem, circa os sacrum descendit. Uti quoque alii Adenes, & ipse Adeps, qui fulciendis magnis vasis substernuntur, à media regione thoracis, secundum spinam dorsî, in thophos induruerant, omnibus iis partibus, in unicum idemq;



idemq; corpus ita coagmentatis, ut unus scirrhus tumor concretus videretur. Durities autem erat ex albo flavescent, ex qua, cum contrectabatur, purulenta materia, nunc crassior uti ex steatomate, nunc tenuior, veluti ex meliceride, nunc ichoris instar profluebat, atque in hanc materiam, durities hæc, hinc inde convertebatur.

Præter has inevitabilis mortis causas, accedebat Pulmonum vitium, qui quaquaversum, multo purulento ichore, repleti & distenti erant, illisq; dissectis, inde copiosè effluebat, adeò ut tunc flaccida & collapsa reliqua esset pulmonum substantia.

Huic sectioni, clarissimi Medici Johan. Albosius Gallus, & Casparus Bauhinus, unà mecum interfuere.

*Hypochondrii sinistri tumor, in Febre semitertiana.*

Vide in Febribus. Lib. II. Semitertiana seu Hemitritæus, &c.

*Hypochondrii dextri dolor, à contusione illius lateris, & vasorum interiorum.*

Duo famuli joco digladiantes, & segmentis asserum longioribus, armorum loco usi, unus aromatarius, alteri pistori, in hypochondrii dextri lateris infimam sedem, coxendico proximā, segmen adeò violenter impegit, ut statim dolorem illic sentiret, qui adauctus indies, in crus dextrum, quod ob id agrè movebat, quoque descendebat, sicque afflictus, febricitans, aliisque symptomatibus accedenti-

474 IN HYPOCHONDR. DOLORE  
bus, de quibus mihi non constat, in hospitale delatus, illic 7. Maji, Anno 1599. extinctus est.

Judices criminales, more Basileæ solito, de causâ mortis, cadaveris in medio propositi, sententiam laturi, me cum chirurgis, ut corpus inspiceremus accersiverunt. In quo nullo signo lethali extrinsecus apparente, nec in latere affecto, nec capite, ubi quodque, sed levius percussus erat, interiora inspicienda esse, decrevimus. Itaque abdomine sectione aperto, thoracisque sede huic proximâ, ut rectius omnia in conspectum venirent, primo intuitu, intestina in latere laeso, maculis quibusdam lividis, & subflavis notata vidimus, omentumque intestinis instratum, simili colore vitiatum, uti & vesiculam fellis pendè inanitam, coloreque felleo flavo, portionem intestini, quæ illi proximè incumbit, admodum lata macula tinctam, uti & septi transversî sedem dextram, valdè quoque flavam & lividam. Ex quibus tamen nihil certi, an hoc ex ictu, in eo latere facto prodierit, aut morti occasionem præbuerit, conjicere potuimus: donec convolutis intestinis, & depressis è dextro abdominis sinu in sinistrum, hepateque sursum elevato, mesenterii vasa, circa illius originem, ubi dorso adhæret, & in ambitu illius, & adhærente illi intestino, penitus cruenta, & veluti cōtusa, psoasque musculos, illi lateri succumbentes, simili modo affectos deprehendimus.

Ex quibus inflammationem, in corporibus mortuis nec rubore nec tumore, ut in vivis, sed ex dictis indiciis se manifestantem, in hac abdominis tede, & contusionem aliquam enarratorum vasorum, & partium, ex ictu illo factam fuisse (modò non & erysipelas,

si pelas, illic ubi bilis effusa, tingeat partes, fuerit) occasionemque huic dolori, in latere dextro, & in crure quoque, propter musculos psoas dictos, ad femur descendentes, illudque moventes, sese offerentibus, mortique tandem, *cum nullis remediis coërcita* fuerit, forteque in illis abditis locis non potuisset, occasionem præbuisse, coniecimus, & coram iudice pronuntiavimus.

*Dolor circa renum regionem ob illorum impuritatem, & Pituitæ tenacis excretio.*

**F**ebbris quendam Burgundum, mense Septembr. Anno 1611. invasit, quam quartanam esse, intermissio duorum dierum, satis ostendebat, postquam consilio Medicorum *venâ apertâ* detraxisset 3. xx. sanguinis, cessavit febris, relicto ictero, qui postmodum *purgatione per pulverem*, quem ex consilio Empirici *quater* sumpsit, subductâ copiosâ aquâ citrinâ, cessavit.

Remanserunt tamen sequentia post eum accidentia.

Dolor imprimis in lumborum regione superiore dextri lateris, circa renis illius situm, pituitæ tenacis, quæ excrementis alvi duris, circumvoluta erat, excretio, alvi frequens constipatio, flatus multi, appetitus insufficiens, urina rubra, quæ statim excepta urinali affigebatur, & pinguem quandam materiam, quæ ægrè extergebatur, referebat, & mucosam ac fibrosam albam, in se continebat.

Dixi renum impuritatem, lienis & hepatis obstructionem adhuc superesse: Item ventriculi cruditatem & imbecillitatem.

Ordin.

## 476 IN GENITALIUM DOLORE

Ordin. illi seq. pulul. R̄. Aloës succoc. 3. j. Myrob. cit. 3. j. β. Rhabarb. 3. j. rad. Ircos, Gentiana ana 3. β. gum. Ammon. 3. j. sem. Cymini 3. β. Diagryd. 3. β. cum Terebinth. fiat massa.

Vinum 8. menses ordin. ex ramentis Tamaricis, rad. Cichor. Dentis leon. Iridis, Fœniculi, Imperatorie, Anonidis, cort. Ebuli, Sambuci, Arantiorum, herb. Absinth. Betonica, Chamadr. Majoran. flor. Ros. Centaurii min. sem. Fœniculi, &c. bibit.

Inunxit latus Unguento deobstruente : Et quia in tibia dolor quandoque se exerebat, iussi Balsameo illinire.

~~~~~

IN GENITALIUM DOLORE

OBSERVATIONES.

Penis interna externaq; ulcera.

VIDE in Purulenta excretionē. Lib. III. Puris ē pene effluxus, ulcusque illius, &c. Iterum in simili affectu.

Uteri & Vesicæ cervicis ulcera, cum effluxu Puris vitiosi & dolore in illis sedibus.

SCRIPsit ad me, nobilis quædam matrona, consilium petens, se sequentibus accidentibus jam multos annos molestari. Sentire se in uteri sinu, & podice dolores, dies noctesque; gravius tamen affligentes hyemis tempore, quam æstatis, frigore enim illos vehementer exacerbari. Post usum pess-

tiorum,

utorum, ex consilio Medici inditorum, effluxisse pus album & subviride. His intellectis, cum de ulcere uteri vel vesicæ cervicis dubitarem, eoque nomine, ad quædam interrogata responderi mihi cuperem: rescripsit, se congressum mariti ægrè interdum perferre; pus tantum ferè, cum *pessario* uteretur, profluxisse, rariùs sponte ante mictionem; punctiones acutæ in pube, ardorèsq; vehementes circa pudendum & anum se experiri, cum conatu deijciendi maximo, & stupore circa inferiores illas sedes, doloreq; in lumborum regione.

Suspiciatus itaque excoriationem quandam, aut inflammationem, vel abscessum in cervice uteri vel vesicæ, vel in utrisque locis esse. Infectionem sequentem præscripsi, in qua indies horam unam, & præsertim cum dolor urgeret, sederet: *R. radic. Althææ, Liliorum ana M. j. herb. Equiseti, Plantag. ana M. ij. fol. Lauri, Artemis. ana M. j. fl. Chamomil. Melil. an. P. j. sem. Lini ʒ. j. sem. Anethi ʒ. ʒ. fiat decoct. pro infectione.*

Injectione dein per *syringam* in sinum uteri sequenti uti jussi: *R. resina Laric. ʒ. ij. vitell. Ovi num. j. mucil. sem. Cydon. ʒ. j. diss. cum Sero lactis & aq. Plantag. ana ʒ. vj. Pro injectione.*

In vesicam interdum quoq; ut infunderet docui, *troch. Albos Rhafis subtiliss. tritos, & diss. cum Lacte caprino.*

Atque ut *pessarium*, ex unguento *Pompholygos* formatum, aliquando noctu impositum contineret.

Et ut *syrup.* sequentem alternis diebus ad ʒ. ij. ʒ. manè surmeret: *R. rad. Consol. ʒ. j. ʒ. fol. Lauri, Plantag. Millefol. ana M. j. omnia arida conquass. decoq. in Vini mens. ʒ. ʒ. addendo Mellis lb. j. donec ad mediam consistentiam syrupi redigatur.*

Hæc

Hæc *remedia* cum illi transmisissem, usumq; docuisssem, illa veris appropinquante tunc tempore, mutato consilio, *thermas Piperinas* adiit: quibus dum usa fuit, melius habuit. Verum domum reversa, de novo iisdem doloribus, ut prius conflictari cœpit, tuncque primum *remediorum*, quæ interea servaverat, ulum aggressa est: eoq; ad mensis spatium continuato (sicuti hæc omnia diligenter ad me postea transcripsit) cum una nocte intolerabiles mingendi conatus sensisset, abscessus in ipsius cervicis vesicæ introitu disruptus, per triduum pus cruore permixtum profudit. Deinde cessantibus & pure & dolore, aliquot menses nulla gravia amplius illis in locis sensit incommoda. Verum temporis spatio elapso, rursus præcedenti mingendi ardore, ruptoque abscessu, per biduum sanguinem & pus excrevit. Idq; tertio biennii spatio factum est. Quo peracto, quemadmodum tunc rursus per literas mihi significavit, cœperunt continui dolores, illam in ipso urinario meatu urgere, quales in abscessu, dum pus generatur, fieri solent, cum pruritu, ardore & punctione illius loci, accedente horrore, subsequenteq; febrili calore.

Quibus intellectis, cū de solo ulcere cervicis vesicæ, quod, curato jam eo, quod in uteri cervice fuerat, restabat, certus jam essem; illudque accedente novâ inflammatione, eaque in abscessum conversâ, eoq; rupto interdum récrudescere cognoscerem:

Primum, ut abscessus, cujus tunc manifesta, cum hæc mihi scriberet, indicia aderant, aperiretur, & dolor sedaretur; *infectionem* sequentem præscripsi:

R. rad. Alth. Lil. Bryon. Consol. ana M. j. herb. Malva,

Pariet.

Pariet. Beton. ana M. ij. fl. Cham. Melil. ana P. j. sem. Lini, Fœnigr. ana ℥. j. Furfur. P. j. decoq. adde Lactis mens. j. Sedeat frequenter in ea.

Applicationem deintalem præscripsi: R. vitell. Ovorum. num. ij. Mell. ℥. j. β. Laric. ℥. β. misc. addendo ol. Ros. cremoris Lactis ana ℥. β. Appl. cum petia supra urinarium meatum, noctu.

Abcessu aperto, & à pure repurgato, ut dolor sedetur, & ne nova accedat inflammatio, & post eam abcessus, sicuti jam quartò accidit, sed ut ulcus sanetur, ut sequentibus uteretur, edocui.

Pulvere primùm hoc, ad dolorem sedandum, curandumq; ulcus: R. troch. Alkekengi sine opio rec. præp. ℥. j. rad. Consol. Alth. ana ℥. j. β. gum. Trag. ℥. β. sem. Hyosc. ℥. j. Sacch. candi ℥. j. β. fiat pulvis tenuiss. Capiat ℥. ij. cum lacte Caprino, noctu cubitum itura: continuatis aliquot noctes, postea alternis, tandem bis in septimana.

Dein injiciatur in vesicam per dies aliquot Serum lactis caprini, in quo rad. Consol. decoct. fuerit, addito paucò Melle, & troch. albis Rhasis cum opio, quamdiu dolor persistit, eoque remittente, sine eo.

Tuncque sequenti utatur: R. radic. Bistort. ℥. j. β. rad. Consol. ℥. ij. herb. Agrimon. Plantag. Equis. ana M. j. conquass. & in aq. Ferrata decoq. & Sero lactis: Pro injectione, injiciatur.

Decoctum hoc etiam ad exulcerata illa loca sananda præscripsi, cum & cervix uteri læsa adhuc non nihil esse videretur, sicuti in utrisque locis hæc ulcera tandem concurrere, & sæpè pertuso interstitio uteri, in unum ulcus desinere, cujus causâ excrementa alvi & urina per eandem viam confusa redita quandoq; observavi: R. sol. Lauri, Plantag. Agrim.

ana M.j. decoq. in mens.j.ß.Vini, & Mellis quar.j. ad consumpt. tertia partis: Bibat aliquot matutinis: eoq, absoluto novum paret repetatque. Hæc illi plurimum profuisse, jamque diu bene valere illam, ex ipsius jam tertio ad me datis cognovi literis.

*Uteri & vesicæ cervicis, cum adhaerente
Recto intestino, dilaceratio, unde urina
& stercus confusa excernebantur.*

IN partu violento, foetu extincto, cuidam mulieri, Uteri & vesicæ cervix, adeo læsa sunt, ut excrementa confusa, stercoris & urinæ, invicem redderentur; & obstetrix intromissum digitum in podicem, eundem per pudendum exereret. Quod malum Anno 1596. aliquot septimanas fuit passa, & tantum doloribus circa illas partes & crura divexata. Quam post sesquiannum adhuc vixisse audivi.

*Uteri cervicis orificii nimia ampliatio, cum
dolore aliquo, ob vim illatam in
infantia.*

VIdè in Deformatione. Lib. iiii. Uteri cervicis orificii nimia ampliatio, &c. In quatuor puellis.

*Uteri cervicis ulcus, è quo Ichor &
Pus effluebat.*

JUvencula mulier, benè habita, jam annos aliquot nupta, sterilis, de dolore & ardore summo, in interioribus pudendi conquesta fuit, infensa marito, quem se sic læsisse asseribat & arguebat. Quod ab initio

initio celans, uti verecunda erat, tandem matronæ sibi familiari confessa, cùm locum affectum tractantes, tumorem aliquem intrinsecus in cervice uteri deprehenderent, flueretq; inde ichor quidam, summe acris & adurens, tandem etiam purulenta materia, ulcus adesse conjeci.

Cùm ad me consilii causâ venisset matrona 24. Octobris, Anno 1603. *unguentum* sequens, doloris ulcerisque causâ præscripsi, ut illud cum panno linteo discripto, uteri cervici intruderet: quod R. mucilag. semini Psyllii facta cum aqu. Rosarum ℥. iij. vitellos Ovorum num. ij. Trochisc. alb. Rhasis cum opio, Butyri recent. ana ℥. β. fiat instar unguenti.

Deinde utatur hac *injectione* cum syringa, 25. Octobris: R. aquarum Solani, Plantaginis, Rosarum ana ℥. ij. Opii dissol. ℥. j. albumin. Ovor. num. j. olei Rosarum ℥. j. Agitentur probè.

Lenimen ab hisce, & præsertim *unguento* maximum sensit, quare illius usum, postea semper continuavit. Sed post dies aliquot, diversionis gratiâ, cùm adeò copiosè ichor urens efflueret, dedi illi *Manna* ℥. j. β. cum Fusculo.

Et quia mirè eam affligebat fluxus ille, idq; præsertim peracto menstruo fluore, indeq; malum proficisci clamans, dedi sequentem *portionem*, noctu cubitum ituræ, 29. Octobris: R. syrupi de Papavere ℥. iij. trochisc. Alkekengi sine opio ℥. β. aquæ Plantag. & Ros. ana ℥. j. Sacchari rosat. tab. ℥. β. Misce fiat *potio*.

Perseverabat interim in usu *Unguenti* & *Injectionis*, quæ reiterata fuerunt, & ut floris muliebris illius causa minueretur, sic eam 13. Novembr. purgavi: R. syrupi Rosarum solut. cum infus. Rhabarbari

℞. j. elect. de succo Rosarum 3. j. ℞. aqu. Plantag. q. s. Fiat parva Potio.

Ut melius purgaretur, ulcusque ab hac illuvie quæ eò ferebatur, liberaretur, post triduum ipsa expectante, sic denuo purgata fuit: ℞. radic. Liquorizæ 3. ℞. rad. Anonidis, Consolid. ana 3. ij. foliorum Sennæ 3. j. semin. Anisi 3. ij. prunorum Damasc. num. iij. Florum cordialium p. j. fiat decoctio. Infunde Mechoacæ 3. j. tunc expressio, dissolve syrupi Rosarum solut. 3. j. elect. de succo Rosarum 3. ij. fiat Potio.

Cum rediret per vices, ardor & cruciatus, qui alimen semper, usu unguenti cessabat, dedi sequentem emulsionem, ut aliquoties biberet, præscripsi quoque Novembr. ℞. Emulsionis quatuor semin. frig. majorum fact. cum aqua Rosarum & Plantaginis ana 3. vj.

Item injectionem novam ordinavi, quæ: ℞. Trochisc. alb. Rhasis cum Opio 3. ℞. mucilaginis semin. Psylli 3. j. cum aqu. Rosarum 3. ij. Infusionis gummi Tragac. 3. j. cum aqu. Plantag. 3. ij. Misceantur, Injiciantur cum lacte.

Suffitum hunc quoque per alembicum, injecto pulvere sequenti super carbones excipiebat, singulis matutinis quem valde probabat: ℞. Thuris, Mastiches an. 3. j. Benzoini, Storacis ana 3. j. Fiat pulvis pro suffitu.

Ad sanationem ulceris, tandem hanc injectionem mense Decemb. 14. præscripsi: nihilominus tempore in usu unguenti perseverans, quod omnibus præstabat: ℞. radic. Consolidæ 3. j. rad. Bistortæ 3. ℞. Altheæ 3. vj. herb. Plantaginis, Equiseti, consolid. Sarracenic. ana M. j. seminis Lini 3. j. semin. Psylli 3. ij. Hordei P. j. fiat decoctio & in tñ. j. Dissolve Mellis ros. 3. ij. Sacchari m. bri 3. j. Milce pro Inject.

Cùm mente Januario, ichor ille denuo flueret, & si ille auferri posset, se sanam fore narraret, iterum eam purgavi 17. Dec. R̄. pilul. Aggreg. Sine quibus ana ʒ. j. Cum aqua Plantag. fiant Pilula 9.

Usa dein fuit sequenti pulvere per vices, parato 21. Januar. R̄. ossium Daſtyl. ʒ. ij. pulveris Equiseti ʒ. j. Corall. rubr. ʒ. j. β. Sacch. ros. tab. ʒ. j. β. sanguinis Draconis ʒ. β. fiat Pulvis tenuissimus.

Horum usu, cœpit ita sanari, ut in publicum prodire posset, quod jam longo tempore, minimè potuerat, nec maritum admittere. Verùm circa Aprilē, iterum fluor, licet minori quantitate, admodum tamen acris rediit.

Itaque cùm veris instaret tempus, sic purgata fuit 11. April. R̄. radic. Liquiritiæ ʒ. ij. rad. Consolid. ʒ. j. fol. Betonica, Melissæ, Chamædr. ana M. j. florum Cordial. Genistæ ana P. j. seminis Forniculi ʒ. ij. Anisi ʒ. β. sem. Carthami conquass. ʒ. j. β. foliorum Sennæ, rad. Polypod. ana ʒ. ij. Epithymi ʒ. iij. Passul. enucl. par. x. Sebesten. num. x. fiat decoctio. Infunde Rhabarbari elect. ʒ. β. Exprimatur, fiat Apozema, pro quatuor vicibus, aromatiz. Cinnamon. ʒ. ij. dulcor. Sacchari q. s.

Postquam purgata erat, hac infusione usa est: R̄. rad. Consolid. herb. Consolid. Sarracenic. Alchimilla, Plantag. Equiseti, Hedera, Malvæ, Chamom. ana ad caput oculi, addendo sem. Lini & Gypsi usti scutell. j. Coquantur in aqu. pluvial. addendo Aqu. fabrorum extinct. ferri.

In hac infusione indies per horas ij. sedit continuavitq; ad mensem unum, & quoties è balneo egrediebatur, hunc suffitum admittebat: R̄. Thuris, Mastich. ana ʒ. iij. Benzoini, Storac. calamita ana ʒ. β. Succini ʒ. ij. fiat Pulvis crassus pro suffitu.

Injiciebat interim *continuò trochisc. Alkekengi* cum lacte Caprino, dolore urgente cum Opio, postea sine eo.

Mense Augusto denuo sese sed leviter, idque solum post menses transactos, hic fluor offerebat. Purgavi illam hisce pilulis: *R. pilul. Mastichin. 3.ß. Cum Vino albò fiant pilulæ viij.*

Postea iterum *inseſſionem priorem* repetiit, *ubi aliquot*, atque sic in integrum restituta, non sine remuneratione & gratiarum actione magnâ, mihi valedixit.

Vesicæ cervicis & Uteri, ulcera purulenta.

Vide sub eodem hoc titulo, Uteri & Vesicæ cervicis ulcera, &c.

Vesicæ cervicis & Uteri dilaceratio.

Vide ibidem Uteri & Vesicæ cervicis, cum alia hærente, &c.

Vesicæ & uteri colli orificiï, & Podicis hæmorrhoidum dolor summus.

Matrona nobilis, annos 63. nata, capitis doloribus, & defluxionibus in juvenilibus annis obnoxia, quo nomine variis usa erat remediis, atque inter ea, curâ per decoctum Guajaci administratâ solitâ, tribus vicibus, cauteriorumq; tam in capite quam in brachiis applicatione. Ante triennium, novis malis & cruciatibus affligi cœpit. Fuerunt verò hi, tum

in vesicæ cervicis initio, quod admodum rubebat, atque interdum inflammabatur, cum intenso ardore doloreque; tum in colli matricis orificio, in quo tuberculum natum, similiter eam affligebat; tum & in podice, ob hæmorrhoides cæcas, quæ frequenter intumescēbant, cum summo dolore. Dein & Fluore insuper muliebri albo, admodum infestabatur (nam mensium naturalium tempus, jamdudum præterierat) unde ampliùs, in tribus hisce locis, irritabatur malum.

Cùm multa, ad sedandos ejusmodi dolores fuissent adinota *anodyna*, quorum tamen contactum, ferre non poterat, uti nec *injectiones in balneo*, Chirurgusque *cathetere immisso, in vesicam*, explorasset, an calculus subesset, nihilque deprehendisset, atque dolorem exacerbasset, nullumque inveniretur *remedium*, quo dolor vel minimùm mitigaretur, ad me, chirurgum, consilii gratiâ, ablegavit. Anno 1610. mense Aprili, ut suppetias ferrem, & dolori iedando, præcipuè intentus essem, rogans. Quapropter *hisce tantùm locis remedia* accommodare volui, eaque meo judicio, efficacissima.

Primùm itaque suasi, ut hoc unguento *partes dolentes, tum vesicæ tum uteri orificii*, uti & *podicis* quando tumerent hæmorrhoides, blandè illiniret, *penicillo molli, vel plumâ intinctis in hoc linimento*, sic parato: *℞. succi Hyoscyami ℥.ij. mucilag. semin. Lini, Psyllii extractæ cum aqua Plantag. ana ℥. β. cremoris Lactis, ℥. ij. ol. Amygd. dulc. recentis ℥. β. coquantur ad consumptionem succorum, adde Opii ℥. β. bene dissoluti cum Lacte, Cereæ albæ q. s. fiat Linimentum.*

Dein ut foveret, cùm dolor maximè urgeret,

loca dolentia hoc liquore, cum Spongiola vel Lana
Bombace in hisce madefactis: R. Lactis caprini ℥. vj. vi-
telloz. Ovorum num ij. mucilag. seminum Psylli, & Hy-
sciyani: & Cydoniorum facta cum aqua Solani ana ℥. ij.
agitantur ad usum.

Suffitum quandoque admittat, partibusq; inferio-
ribus excipiat, in sella perforata, ex decocto sol. Verbasco &
Hyoscyami succitatum.

Possunt & quandoq; sol. Hyoscyami parum conquassa
ta & calefacta, si contactum ferre possit, apponi.

Bibat noctu cubitum itura, haustum Lactis caprini
addito Sacchari penid. parum, in quo lacte rad. Consolida-
majoris parum ebullierint.

Postquam ber biduum illud biberit, tertia nocte
adjiciat lacti sic preparato pulv. sequentis ℥. j. R. Ma-
stiche. de Alkekengi cum opio ℥. j. R. Sacchari penid. ℥. ij. fiat
pulvis.

Vino bibendo, cum eo carere non possit, Saccha-
rum permisceat, ut dulce fiat, minusque accendat
Vel syrupum Violaceum, aut julep. Violaceum, quod
non solum gratiam Vino addit, sed etiam vire illius
infringit.

Excipiat, ubi dolor remittere incipit, sumum
expulvere carbonibus injecto, excitatum, partibus infe-
rioribus, uti de suffitu superius dictum, sequenti no-
cto: R. Thuris, Mastiches, Ladani, Styracis, Benzoini,
Carabe ana aquas partes.

A' falsis & aromatizatis & acribus sibi
temperet.

IN PODICIS DOLORE

OBSERVATIONES.

In Podice, dolor summus, ob hæmorrhoidalium venarum internarum inflammationem & exulcerationem, in senem quodam & matrona.

GRAVISSIME hiisce periculosis malis, senem quendam, & matronam divexatos, longo tempore, & tandem nullis juvantibus remediis, extinctos observavi. Atque in viro quidem ita afflicto, difficilem fore curam, pronuntiavi, quæ sic fuit instituta.

Suppositorium primò fuit inditum: R. Thuris, Myrrhæ, Croci. Opii ana ℥. j. subtiliss. pulverisata excipiantur mucilag. sem. Psyllii, & Vitello ovi, additâ Pomad. liquesactâ, ut formari possint suppositoria mollia.

Cùm ex contactu exacerbationem sentiret, nec diutius retinere posset, unguentum quod nihil asperi reciperet, podici blandè cùm Lana vel Penicillo inseri jussi: R. Pingued. gallinæ rec. Butyri rec. ana ℥. j. Vitellum ovi num. j. mucilag. seminis Psyllii ℥. ℞. Croci ℥. ℞. Cera albæ parùm.

Dein instillare sequens, & podicem eo fovere: R. mucilag. sem. Psyllii ℥. j. Cremoris lactis ℥. iij. Emulsionis sem. fig major. ℥. j. Vitellos ovor. num. ij. misceantur.

Cœpit horum usu, levamen aliquod sentire, sed quandoque recrudescebat malum, ita ut coactus fuërim, & somni conciliandi gratiâ, à quo dolor eum avocabat, & doloris sedandi, *narcoticum interdum*

exhibere sequens: R². *Bdellii emolliti succo Plantag. 3. j. Opii dissolut. in Aqua vitæ 3. j. fiat massula. Detur pilula j. granorum sex vel paulò plus, minusve, prout operabitur. Harum loco pilulam Cynoglossæ eodem modo exhibui.*

Oleum sem. Hyoscyami per expressionem elicatum, cum penicillo podici indebatur.

Tandem ut sanaretur exulceratio, & tumor hæmorrhoidum subsideret, *suffitum ex decocto sol. Verbasci podice excipit.*

Postea etiam fumum, excitatum ex pulvere inle^{to} Carbonibus, parato ex Thure, Mastiche, Benzoino.

Hæmorrhoides cæcæ summè dolentes, cum vesicæ & uteri orificii dolore.

Vide in Genitalium dolore. Lib. 11. Vesicæ & Uteri colli orificii & Podicis, &c.

Podicis summus ardor & inflammatio, ex contactu rerum adurentium.

Medicinæ quidam, & imprimis rei herbariæ studiosus, capsicum quod Piper Indicum vocant, in vase seminarat, & Siliquas maturas Corallo instar rubentes & nitentes decerptas, seminibus exemptis, papyro involutas, disruptas siliquas asservabat, postmodumque eas alibi reponens, chartam in qua inclusa fuerant, in locum secretum, unà cum alia charta deportari curavit, ubi cum nates absterfus, illam quæ à *Pipere indico* nonnihil imbuta erat, calu arripuisset, frictisq; eâ natibus, subito tantum ardorem sentire cœpit, ut nullibi quiescere posset, auctoq; hoc incendio, & uti ille vocabat, gehennâ, discurren-

alio

adeò insaniebat, ut ad me properanter, in ipsâ nocte, consilii causâ, ipsius conterranei venirent: Cui, ut in *Balneum aquæ dulcis* mox sederet, *tepidum in semicupio*, suasi, addito *Lactis quantum invenire illic* posset. Quod & factum, unde quidem levamen aliquod sensit, sed ardor tamen per noctem & diem sequentem adhuc perseveravit, ita ut nunc *Lacte podicem fovere cum album*. Ovi agitatâ, nunc *Butyro recenti eundem* illinire, cogeretur.

Observavi quoque cuidam, qui *chartâ* in hanc rem usus erat, in qua *piper aromaticum* prius contentum fuit, idem accidisse.

Frequenter quoque contigisse notavi, eos, qui *capsici siliquas* apertas *manibus* tractant, & postea *oculos manu* perfricuerant, vel *interiora narium*, aut alias *tenellas sedes*, veluti *labia*, vehementem ardorem illis in locis excitasse: Uti & in *glande virili*, eam digitis, pipere hoc infectis, micturi attrectantes.

Podicis excoriatio & læsio intrinsecus, à talpa, casu in anum irrepente, indeq. cum labore evulsa.

Quidam rusticus, febre quartana laborâs, cum in die quietis, animi gratiâ, in hospitio, cum aliis tuæ conditionis commessaretur, & de febre, quâ affligebatur conquereretur, ut ab ea liberari posset, quidam illi consuluit, ut *talpam vivam tam diu. donec moreretur, manu retentam pressamq.* retineret, esse enim hoc *certum remedium*. Quod ut statim experiretur, unus ex iis, in pratum talpis plenum, exiens, unam ligone, sub terra se moventem, quo

modo eas capere solent, erutam. vivam ccepit. ligulaq; pede illius posteriore astricto, in hospitium delatam, ægro dedit. Quam ille, donec domum reversus, eâ uti posset, in sacculum linteum, caligis involutum occlusit. Ex quo *talpa* rustico in menta nitente trahente, exitum quærens, primùm panem molis & saccum perterebravit, & in clunium interstitium se ingerens, ad podicem usque progressa, pedibus anterioribus, quibus manuum instar terram fodere solent, anum dilatans, caminariique instar, in quo, medio corpore irrepens, rectû intestinum cum agno patientis dolore subivit, qui illicò exclamans, demissis caligis, ut opem ferrent, astantes rogans, qui ligulam talpæ alligatam, adhuc propendentes apprehendentes, dum trahendo talpam extrahere nituntur, illa contra nitente, pedibusque fixis suis unguibus, intestino infixis se firmante, circumsumum ægro adferentes, ab opere desistere coguntur. Tandem æger, exagitatus dolore, posteriora supra scamnum, sæpè & validè concutens, eam attonitam reddidit, ita ut ulterius in pedem tota se non ingereret, sed viribus amissis, postea extrahi potuerit. Perseverante nihilominus dolore ob læsionem intestini, quam unguibus talpa perforaverat. Quamobrem tenesmo laborans, per quoddam ad me consilii causâ, missos, casum hunc illi explicavit, ridiculum quidem, periculosum tamen quem & annotare ob id non piguit. Præterea antequam sanaretur, *anodynis unguentis podicem missis, & dein ulcus sanantibus, ac sumis podice exceptis*, cum uti oportuerit.

IN HABITUS CORPORIS
DOLORE OBSERVATIONES.

Arthritis.

QUædam bene habita, & crassa admodum mulier annorum viginti quinque, quæ semel adhuc tantum pepererat, cruciatu magno affligebatur, circa coxendicis articulum, mox etiam in poplite, tandem in manibus pedibusque, & in dorsi regione atque cervicis, ipsiusque mandibulæ articulo: Tumor cum rubore, in certis locis se manifestabat, adeoque torquebatur, ut & ex contactu, & decubitu & sessione, dolores intolerabiles pateretur. Arthritidem autem esse satis constabat, quam & nomine excogitato *Gliedtsucht* nominavi.

Vocatus 15. Aprilis, Anno 1592. à *Vino* abstinere jussi, illiusque loco *Aquam coctam* & *Lac amygdalinum* bibere.

Pilulas has quoque exhibui: *℞. pilul. Sine quibus* *℞. ij. cum aqua Salvia* formentur.

Sequenti die, inungere jussi *loca dolentia*: *℞. ol. Chamom. Liliorum, Amygd. dulc. an. ℥. j. unguenti Dialthææ ℥. β. misce*: Ungatur, *manibus madefactis prius Aqua vita.*

17. Aprilis permanente summo dolore, sub vesperam bibit sequentem *Fulepum*: *℞. syrupi de Pap. Fulep. rosar. aquæ Ros. ana ℥. β. misce.* Quievit & sudavit, sicuti post *narcotica* sumpta fieri solere, jam sæpè observavi.

Quia verò etiam sudor profuerat, ut deinceps quoque

492 IN HABITUS CORP. DOLORE
quoque sudaret, ordinavi: *℞. ligni Guajaci. ʒ. j. Zai-
parilla parilla ʒ. β. rad. Liquirit. ʒ. j. Passul. quart. j. fiat
decoctio in mensur. j. β. Aquæ ad tertie partis consumpti-
arom. Cinamomo: Bibat de hoc decocto summo mi-
nè, sudet. Ula fuit dies aliquot, & tolerabiliùs fere-
bat dolores.*

28. Aprilis, iterum inquieta, vigiliisq; mol-
stata, sumpsit *tabulas opiatas meæ descriptionis noctu, &*
*placidè dormivit, iterumq; sudavit: ab eoque tem-
pore cœpit malum mitescere.*

Ad tollendas mali reliquias, denuo *pilulas pro-
res exhibui, & suasi ut in stupha sequenti die sudaret.*
*sumptis prius rob. ex Sambuco ʒ. ij. Sicq; omnis do-
lor desit.*

Verùm nimis maturè aëri se credens, 13. Maij in
manibus dolor rursus subortus chiragricus, post
inungere, oleo Chamamelino, Irino pannoq; Cannam
involvere manus.

Sequenti die accessit reliquorum quoq; artio-
lorum dolor, pluribus in locis, non tamen adeò gra-
vis, uti ab initio fuerat. Et quia corpus plerū-
cum erat, & excrementis quoq; scatebat, detracto pri-
mum sanguine è vena brachii apertâ, dedi postea se-
quens *apozema: ℞. ligni Guajaci ʒ. ij. ligni Sassafras
ʒ. j. rad. Enulæ ʒ. β. herbar. Chamapityos M. j. flor. Anthos.
Salviæ an. P. j. fol. Senæ ʒ. j. β. sem. Coriandri ʒ. j. sem. Fe-
niculi ʒ. ij. sem. Carthami conquis. ʒ. j. fiat decoctio & in
tīb. j. col. inf. Agar. troch. ʒ. iij. Zingib. ʒ. β. fiat expressio
arom. Cinamom. ʒ. iij. fiat Apozema pro quatuor, vel
quinq; vicibus, addendo Sacchari quartarium β.*

Postquam semel sumpsisset, supervenere mens-
quorū causâ desistere eam oportuit, quibus peractis

ad usum *Apozematis* reversa, melius habuit: moxq;
iterum sanitati restituta est. Præmonita prius, ut par-
cè cœnaret, aliquando cœnam quoque omitteret,
nec aëri se tam citò exponeret.

Arthritis post partum.

Mulier post primum partum, 17. Januarii,
Anno 1598. dolorem in dextra manu sentire
cœpit. Sequenti die non solum in manuum, sed &
pedum articulorum sede, dolor vehementissimus
obortus est, cum tumore & rubore, in certis locis.
Sudor frequenter erumpebat, corpusque admo-
dum calebat.

Quarto die à morbi principio, ad me miserunt,
iussi locum dolentem illinire sequenti linimento: R.
ol. Laurini ℥.ij. *ol. Lumbricorum* ℥.j.℞. *aq. Vitæ* ℥.℞. *Cam-*
phoræ ℥.j. *Opii* ℥.℞. coquantur: Et illinat locos dolen-
tes manè & vespèri, pannog₃ tepido pantes obvolvât.

Si non remitteret, iussi *Panis micam* decoquere in
lacte Caprino, *pulpag₃* contusæ, *oleum prædictum* permi-
scere, & *Cataplasmatis* instar applicare.

Ut biberet decoctum sudatorium manè, & si jam
prius sudaret, ad naturam eò quò vergebat ducen-
dam, imperavi: Quòd ex *Miliu integri cochl. quing₃*,
decoctis in mensurâ Aquæ ad crepaturam seminis usq₃, pa-
rare iussi, addendo parum *Sacchari*.

Post sudorem ut se reficeret sequenti syrupo: R.
syrupi de Ribes, de *Granat. ana* ℥.j. Capiat *cochl. j.*
vel duo.

Dolor sensim remittere cœpit, ipsaque pri-
mum fulcris innixa, mox sponte
ambulare.

Arthritis

Arthritis & præsertim Gonagra, in Vientre

SExagenarius quidam senator, tumore & dolore in genu utriusque pedis, laborare cœpit, quod non tantum in genu, sed & in scapularum dolor, & tumor quoque cinguli & digitorum articulos, non adeò dolorificus, collocat. Me in tumoribus concolor, per cætera nullo alio graviore symptomate affectus.

Februarii 7. Anno 1595. R. pilul. Fæt. d. Camphoræ ana 3.ß. cum aqua Salviæ, fiant pilula. Capiantur quartâ matutinâ.

Sequenti die conservâ usus est, Majorana & Camphorâ.

10. Februarii, incepit bibere sudatorium. R. Guajaci rasi quartar. j.ß. Zarsæ parilla 3. j. rad. Sassafras 3.ß. fiat decoctio & in lb. j. colature dissolv. Sassafras quart. j. Cinamom. 3. iij. aromat. Bibat matutinis diebus, & sudet per aliquot dies. Sudavit egregie, sed non diu continuavit.

13. Februarii. Reiteravi pilulas 7. Febr. matutinis.

14. Februarii cum dolor noctu præsertim admodum urgeret, in genu: R. unguenti Martiati, Populi, Leonis ana 3. j. misce, Inungat.

Cum non juvaret adhuc, 18. Februarii: R. Vita 3. ij. aquæ vitæ Compos. 3. j. Opi dissol. in aqua vitæ 3.ß. Camphoræ similiter dissol. 3.ß. misce: Inungat. Cujus usu paulò meliùs habuit, sed mox iterum rediit dolor.

Itaq; 20. dedi pilulas: R. pilul. Sine quibus Camphoræ ana 3.ß. de Hermodactylis 3. j. fiant pilula 3.

Postea dixi de suffitu, quem in stupha & castoreo

Curari curavi 25. Februar. R. rad. Ebuli ℥. iij. herbar. Artemisia. Chelidonia, Chamapit. Salvia, Betonica, ana M. j. fl. Chamom. Melilori, Sambuci ana P. j. sem. Nigelle 5 q. conquss. coq. cum Lixivio & Vino pro stupha. Cuius usu sentiebat ievamen, sed non diu perseverabat.

3. Maij: R. ol. Scorpionum, Lumbricorum, de Lateris, Ranarum ana ℥. j. axungia Anseris ℥. j. f. ol. Laurini ℥. ℞. Cera q. s. fiat Linimentum.

Denuò pilulas ordinavi:

Et postremò hac pedum ablutione usus sum, quæ valdè profuit: Quæ parabatur ex Lixivio, Aquâ ferratâ & Vino, additis herbis supradictis. Postea iussî inungere axungia Anseris infarcti herbis capitalib. & tosti collectâ axungia in sartagine, Aceto affuso.

Cœpit sensim melius habere, ineunte mens. Majo, ad thermas Helvetiorum sponte profectus est, quibus priùs quoque sæpè usus erat. Quæ ab initio profuerunt, sed postea circa Augustum, de novo hoc malo correptus, penius habuit, quàm priùs. Confusui generalem curam qua sic usus est.

R. pilul. Cochiarum, Fœtidar. ana 3. ℞. cum aqua Chamapit. fiant pilulæ.

R. ligni Guajaci rasi ℔. j. Cort. ejusdem quart. j. Zarsæ parill. ℥. j. ℞. Sassaparil 3. vj. macerentur in mensuris tribus Aquæ, decoquantur ad consumpt. mediæ partis. coletur. Utatur manè & sudet.

Residentia iterum coquatur cum mens. 6. Aquæ, & decoquatur ad consumpt. medietatis, pro potu ord. vel miscendo cum Vino.

Vinum interea hoc quoque bibit: R. ligni Sancti ℔. iij. Cort. ejusdem ℔. j. Zarsæ parilla ℥. iij. herb. Chamapit. Majorana, capill. Ven. Salviæ, Ceterach. an. M. y. fl. Cord.

fl. Cord. P. iij. Stæch. Anthos an. P. j. semin. Coriandi ʒ. ss.
Sacchari lb iij. Vini mens. 32. seu musti, efferveſcant in
te usum. Cura hac usus per mensem, adhibita diata.

Dolenti genu, hoc Cataplasma valde profuit. R.
medul. Panis lb. j. coquatur in lacte, adde farina sen.
Papav. nigri ʒ. j. Psyllii ʒ. ʒ. Lini ʒ. j. ol. Chamamel. R.
rum ana ʒ. ij. Croci ʒ. j. Curatus sic fuit.

*Arthritis, & præcipuè Gonagra in
muliere.*

A Etate jam profecta quædam mulier, in prin-
cipio Anno 1595. 4. Januarii, in arthritidem
incidit, dolore nunc in regione articulorum, & im-
primis circa genua & manus (in quibus & tumores
apparebant) interdum & circa Omoplatam, & in
dorsi sede, pluribus paucioribusve in locis sæviente.

Cumque multis usâ esset remedijs, sed præcipua
ex illis, & majoris momenti omitteret, toto anni
spatio hisce malis obruta, iisque nunc minus, nunc
gravius afflicta, in lecto continuo ferè decumbens,
rarissimè in sella sedebat, nec stuphis aut alijs, in quibus
corpus erigendum, & loco movendum erat, uti
potuit, pituitam indefinenter expuens.

Inter alia quibus utebatur, decoctum hoc illi im-
primis profuit: R. ligni Guajaci rasi lb. ʒ. rad. Enula
ʒ. ʒ. Ebuli ʒ. j. Hermod. ʒ. ʒ. Senæ ʒ. iij. Agarici ʒ. ʒ. Zin-
gib. ʒ. j. Mellis lb. ʒ. Vini poc. j. Aqua mens. ʒ. ʒ. coquan-
tur ad consumptionem medietatis, arom. Cinamom. ʒ. j.
Bibit dies aliquot, singulis poculum unum, & levamen
sensit; verum mox lassâ, ab illius usu desit, mox
rescente morbo, eorum usum repetens.

Cumq; gonagra potissimum illam excruciet,

deque hoc dolore præsertim, præ aliis conquere-
retur, genuaque sinistrum maximè admodùm, uti
& pedum inferiora, tumerent, *suffitum ex decocto her-
barum, pedibus in labro positis*, excipere eousq, donec
sudarent, suasi; quo aliquoties repetito, magnum
adjuumentum sensit, tumorque & in genibus & pe-
dibus subleuit.

Verùm cùm mox ab usu *remediorum*, ubi paulò
meliùs habebat, desisteret, recrudesceretque malum,
emplastrum de Vigo genuum regioni appositum, do-
lorem admodùm mitigavit, tumoremque ex par-
te discussit.

Circa finem anni, *curâ per dietam & sudores insti-
tutâ, Guajaci decocti potione*, ex alterius consilio usa
est, sic parato decocto: *R. Zarsæ parillæ ʒ. ij. rad. Chi-
na, cort. Guajaci an. ʒ. j. radic. Ireos ʒ. ʒ. Cinamom. ʒ. ij.
Aque mensur. tres vel quatuor, coquantur ad consumpt.
med. Bibat cyathum manè. Residentiam iterum deco-
quat, cum aqua mens. tribus ad consumpt. tertiæ partis;
Loco vini eam bibat tempore pastus.*

Verùm curâ hac aliquandiu utens sudansq, cùm
eam ad finem ferè produxisset, 6. Januarii, An. 1596.
mariti casu repentino & horrendo, sub camerati
operis collabentis ruïnâ oppressi, ita perculsa est,
ut & hæc cura irrita facta sit, ipsaque mœrore con-
fecta, omnium oblita dolorum, tota ætate miserè
afflicta fuerit, nullis volens uti ampliùs *remediis*, le-
cto decumberet: donec circa Septembrem men-
sem crudelis dolor & intolerabilis in genu rursus
illam invaderet.

Cui ut afflicte suppetias ferrem (etsi quòd non
obtemperasset ab initio, ordineque decenti *remediis*

498 IN HABITUS CORP. DOLORE
usa esset, & toties Medicos mutasset, deinceps nihil
amplius me illi consulturum cogitaverim) *aquam*
hanc, quâ genu tantopere dolens, inungeret, præscripti :
R. aqua Vita compos. ex speciebus calidis, herbis Capitali:
Aromatibus, & Castoreo parata ʒ.j.ß. aq. Vita simpl. ʒ.iiij.
Opii dissol. in aq. Vita ʒ. j. Croci, Storacis liquid. ana ʒ.j.
Quâ aliquoties usâ, tantum levaminis sensit, ut quie-
te fruens, nullo se usam *remedio*, quod citius & re-
ctius quàm hoc dolorem sustulisset, prædicaret.

Verùm cùm circa Octobrem nonnihil dolor de-
nuo erupisset, & *prius medicamentum* absumptum
esset, *sequens ordinavi :* R. *aqua Vita compos. ut prius*
ʒ.iiij. Croci, Storacis liquid ana ʒ.j. ol. Spica ʒ.ß. Castorei
ʒ.j. misce; Utatur, quod ita profuit, ut nunquam
ad hunc usque diem, qui Anni 1597. Maij est 10. do-
lorem amplius in genu senserit, aut tumor in pedi-
bus apparuerit. Postea febre cum erysipelat. œde-
matoso crurum, aliquoties graviter laboravit, cuius
curam alibi descripsimus.

Illaque partim senio, morboque & mœrore diu-
turno, attrita, reliquum vitæ decumbens, & non-
nunquam, sed non diu, sedens, cibi tamen cupida;
nec ita corpore absumpta, donec à Deo, quod assiduis
precibus ab ipso petebat, tandem ab omnibus
illis miseriis, fuit liberata.

Arthritis generalis post particularem Po-
dagram, & Digiti astricti.

ADvocatus quidam, post varios morbos, qui-
bus à teneris erat obnoxius, & tandem post
dysenteriam, & podagram, in Arthritidem, pluri-
bus articulorum locis simul affectis & dolentibus,
inciderat,

inciderat, cujus causam, cum illi exposuissem, curationem sequentem præscripsi, mens. Decembri, Anno 1603.

Inprimis *decenti regimine* opus esse docui, & ut durante paroxysmo à *Vino* abstineret, vel saltem illud decocto *Zarsæ parillæ* 3. vj. in mens. j. *Aqua* coquendo, dilueret. Dein & *luxuriam* cui licenter indulferat, vitaret.

Pilularum sequentium, bis in septimana 3.ß. sumat: R. *Myrobal citrin. chebul. an.* 3.ß. *Agarici, Rhabarbari ana* 3. j. rad. *Pentaphylli. Aristol. rot. ana* 3.ß. *Spice, Mastiches, Succini an.* 3. j. *Cubeb. Zingib. ana* 3. j. *Diagrydii* 3. j. *resinæ Lariceæ q. s.* fiat massa. Posset & cum succo *Chamæpit.* commodè formari, omiſſâ *Lariceâ*.

Electuario sequenti usus est: R. *fol. Chamædryos, Chamæpityos, ana* 3.ß. *fol. Salvia. Betonica, Thymi ana* 3. j. *sem. Hyperici* 3. ij. rad. *Acori veri, Pentaphylli ana* 3. j. *Succini, Eboris, cineris Cranii humani an.* 3. j.ß. *Margarit.* 3. ß. *Mellus anthos.* 3. iiij. fiat electuarium. Capiat 3. j. alternis diebus manè.

Superbibendo *aquarum Chamæpit. & Hyperici* 3. ij. dulcorando eas, cum *Hydromelite* vero, quod *Malvaticum vinum* refert.

Ut sudaret altero die, quoties pilulis præcedenti usus esset, imperavi, intrando in balneum siccum seu stupham, ubi priùs horâ unâ ante ingressum balnei, haustum sequentis decocti biberit: R. *Zarsæ parilla* 3. ij. *Chamæpit. Chamæd. sicc. ana* 3. j. decoquantur in *Aqua* mensur. j. ad tertiâ partis consumpt.

Hiscè remediis cum esset usus, ad mensem Maji, Anni sequentis usq; , certio rem me fecit, plurimùm hac sibi profuisse, superesse leves tantùm reliquias,

& imbecillitatem membrorum, atque digitorum contractionem, aliquousque manuum.

Suasi ut in pilularum usu, quibus ille successum imprimis adscribebat, pergeret, addendo *prædictæ compositioni*, *Hermodact. verorum 3. ij. succi Chamæpit. inspissati, vel ut vocant extracti 3. j. Bv in septimana, uti prius fecerat, eas sumendo, & sequenti die post haustam potionem, sulpham ingrediendo.*

Dein ut loco electuarii, quod jam absumptum erat, *Pulveres qui illud subeunt, sumeret, addendo pulverem fol. Betonica, & cum extracto Chamæpit. formaret pilularum massam: de qua 3. j. quantitatem singulis matutinis deglutiret, idq. per dies quadraginta continuaret.*

Præterea suasi, ut postquam in balneo sudarit, se *Lixivio* abstergeret, quod ex cineribus *Ostium equorum combustis, cum sarmentis Vitium, transcolatione cum aqua factum sit, & in quo Salvia, Betonica & Chamæpit. coxerint.*

Vino item infundat Chamæpit. sicca 3. j. Hermodact. verorum 3. ij. ad octo illius mensuras, in dolio asservandas.

Hic sic cum decenti regimine aliquousque ti-
sus, ita sanitati integrè fuit restitutus, ut de nullo af-
fectu ampliùs, nisi quod digiti manuum, nonnihil
adhuc astricti essent, sit conquestus. Quod impedi-
mentum res rectè apprehendendi, cum sequenti
tempore, in Italiam proficisceretur, & Puteoli, ubi
sulphur coquitur, vapori inde exsurgenti, manus
imposuisset, aliquoties, subito emendatum, ut dein-
ceps digitos extendere & flectere potuerit, sicuti mi-
hi Anno 1613. mense Julio, decem à priore cura
post annos, cum hic transiret, narravit.

Articu-

Articulorum dolor , Membrorum languor, à capitis imbecillitate & defluxionibus.

ANte decennium, Nobilis quidam miles magni nominis, ex equo cadēs, caput vehementer alilit, unde longo tempore postea, doloribus capitis infestatus, debilius illud redditum fuisse, ex sensuum imbecillitate, & membrorum quoq; languore sensit, & quòd maximè illi molestum erat, certo tempore, defluxionibus divexabatur, inprimis, circa articulorū regionem dolebat interdum. Certis temporibus meliùs habebat, sub hyemem præcipuè recrudescebat malum, metuebatq; arthritidem, cujus præludia jam sentiebat.

Multis erat usus *remediis*, sed curam perfectam inde minimè succedere conquerebatur. Ob eamq; causam, Anno 1609. consilium à me petiturus, Basileam ad me venit.

An *aquas acidas* bibere deberet, vel *plumbariis thermis* uti, consilium petebat. Ego utrasque dissuasi, *acida* nervoso generi non competere asserens: *Thermas* verò, cùm prius quoque usus esset, differendas, & ut corpus per *purgationes & sudores* diligenter evacuetur, procurandum: cujus rei gratiâ, *Vinum* sequi ut biberet, *primum diebus aliquot continuis*, postea *aliquot interjectis*, repeteret, tale præscripsimus: R. *rad. Cichor. Fœnicul. ana* ℥.β. *Iridis* ℥.j. *Rhapont. cort. rad. Ebuli ana* 3. vj. *rasur. ligni Guajaci* ℥.j. β. *ligni Sassafras* ℥.β. *Abfinth. sicci* 3.j. β. *Chamapit. sicci* 3.j. *semin. Corian.* 3.β. *fol. Senna mundat.* 3.ij. *Mechoaca* 3.β. *Turbith.* 3.ij.

Hermodact. verorum 3. ij. *Rhabarb.* 3. ij. *Spica* 3. j. con-
quass. omnia, affunde *Vini albi mediocris* q. s. ut quatuor
fiant doses, macerentur parum, postea in *Aqua* servente
stent parum, & dein servetur ad usum. Bibat quatuor
matutini. non calidum, postrema vice, si non admodum
priores purgarent, infund. adhuc *Rhab.* 3. j.

Confortante electuario nervoso generi accommodato,
hoc utatur: *R.* cons. flor. *Cichorii*, *Capill. veneris* ana
3. j. *B.* *Rosarum* 3. j. *Majoran. cons.* *Chamapit.* ana 3. B.
pulv. rad. *Zarise parilla*, rad. *Pentaph.* rad. *Aristol. rotund.*
Chamadr. sicca, sem. *Hyperic.* ana 3. B. excipiantur syrup.
cons. cort. *Citri*, fiat *Electuarium*: Capiat per vices su-
mendo bis in septimana manè.

Ad sudores movendos, jussi ut semel vel bis seq.
antidoto uteretur hebdomadatim, cubitum iturus, & ma-
nè sudaret: *R.* *Mithridat. opt.* 3. j. rob. de *Sambuco*, rob.
de *Ebulo* ana 3. B. adde *Extract. tabulati* quod dedi, &
cum syrup. de *Betonica* misce dilig. Capiat de eo 3. j. B.
cubitum iturus, præcedenti levi cenà.

Manè verò ad nervis robur addendum, *Aq. seq.*
spinam calidè illinat: *R.* *aquæ Salvia*, *aquæ Chamapit.*
aquæ destillatæ ex Ranis decem vivis, & *Lumbricis* cen-
tum ana 3. ij. misce *Balsamum meum* & hoc ungatur
spinæ dorsi.

Hisce factis, veris tempore diatam posse institui, vel
æstatis, thermis cum uti posse dixi. Ille verò usus hisce
remediis, veris tempore in *Belgium* militatum, ad
Archiducem Albertum abiit.

Gonagra in viro & muliere.

Vide sub eodem hoc titulo *Arthritis*, & præser-
tim *Gonagra Bis*.

Arthritis

*Arthritis, cum subsequente Febre hectica
& putrida.*

IN comitatu Burgundiæ, generosa quædã mulier adolescens, nupserat cuidam ex proceribus illius comitatus, viro illustri, provectæ jam ætatis, & filiũ illi peperit. Verũ marito, è vivis sublato, viduæ, in mamilla sinistra, tumor sensim excrescens prodiit durus, quem alii scirrhum, alii cancrum esse judicabant, qui cùm diu durasset, tandẽ in abscessum conversus & suppuratus, in ulcus abiens, sanatus est, relietã cicatrice admodũ inæquali, labiisq̃ue duris.

Mox postquã sanata fuit, in gravissimos dolores incidit circa osium nudam, præcipueq̃ue articulorum regionem, cum capitis intolerabilibus cruciatibus erumpentes. Medici suspicati à Lue venerea eos procedere, *curationem* eò dirigebant, atq; *suffitibus ex Cinnabari* ei mederi voluerunt.

Verũ frater illius comes, quem ante multos annos, ex Hispania reducem, & Basileæ lue hac correptum, curationis gratiã subsistentem, curaveram, memor me tantũ *purgationibus*, atque *aquã quadam sudoriferã* se sanasse, ut simili modo, citra *hydrargyri* usum, sanari posset, eam ex comitatus illius metropoli, ad se advehi curavit, meq̃ue Anno 1599. mense Septembri, ut properè ad eam venirem, in urbem, itinere trium dierum, ab urbe nostra distantem, literis missoq̃ue equite, sollicitabat rogabatq̃ue. Cui etsi senex jam, ægrè morem gererem, tamen partim, ut illi gratificarer, partim ut antiquitates illius, raraq̃ue quæ plurima habebat, inspicerem, eò me eques contuli.

Cùm eò pervenissem, eam sub *strato* decumbentem, *suffumigiisq;* utentem, summeque ob lectum carbonibus accensis calefactum, calentem sudantemque deprehendi, & de doloribus circa ossa atque calvariam conquerentem, febreque simul laborantem, quæ suas habebat certo tempore exacerbationes. easque præsertim, post cibum sumptum. Cùm & Medici & Chirurgi eam lue venerea infectam esse, mihi narrarent, ad eam extirpandam, se hac *cura* uti dicentes, ipsâ etiam ægrâ, de hoc ab illis persuasâ, de singulis sciscitatus, nullum indicium luis venereæ in ipsâ deprehendere potui. Itaq; ægram, quare hoc crederet interroganti, dicenti que illam sine dubio nihil sinistri commisisse, unde luem hanc contraxerit: Respondit illa, scire se hoc, verum si quid tale sit, à marito defuncto, hoc per contagium sibi accidisse. Quod, cùm de integritate & probitate ejus mihi constaret, negarem, intulit illa subridēs, non solere ipsarum maritos adeò castos esse, ut unâ tantum conjuge, contenti sint.

Exactè itaque singulis perpenſis, & consilio inito cum Medicis, ostendi Arthritidem esse hunc affectum, neq; dolorem illum, circa ossa se offerentem, qui quartam Luis Venereæ speciem constituit, quod multis rationibus probavi, eosque in meam sententiam adduxi, ut idem faterentur, mecumque consentirent. Quapropter à *sussitibus* illis, quibus jam diu usâ fuerat, & quæ febrem hecticam in ea pepererant, abstinere chirurgum jussimus, & pro doloribus arthriticis, *remedia* in hoc casu convenientia, adhibuimus.

Verum cùm præter hunc affectum, circa coxas, humeros

humeros caputque eam affligentem, febremque hecticam eam contumentem, febris putrida simul accessisset, unde Cardialgię, Vomitus post cibum sumptum ferè continua, iis maximè quę mortem minabantur, præcipua accommodata fuerunt *remedia*. Quę, me post septimanas tres domum reverso, etli quandoque levamen aliquod adferrent, ita ut ad sequentis Anni 1600. mentes aliquot vixerit, tamen sensim tot morbis labefactata, tãdem è vivis excessit.

Corpus demortuę, à Medicis sectione divisum atque undiq; diligenter inspectum, hoc pacto constitutum deprehensum fuit, sicuti clarissimus & excellens Medicus Vesontinus, D. Joannes Chiffletius, summus quondam amicus meus, ad me prolixè & diligenter transcripsit. Capitis cranium crassum, atque integrum sine futuris; Ventriculi in cerebro aqua limpida pleni. Mamma sinistra quã dum viveret, scirrhus laboraret, circa radicem scirrhusa, ut & circa papillę radicem scirrhus erat candidus, glandulam repræsentans. In costis vena lata nigricans latebat. Hepar sanum nec viciatum. Vesicula fellis exterius nigra, intrinsecus ulcerata, & bile atra, quę picis instar splendebat, repleta. Lien totus putris, sanguine nigerrimo oblitus. Venę meseraicę tumentes, & sanguine atro turgentes, eoque crasso & veluti concreto, qui è majoribus venis, coralli instar nigri invicem cohærens, extrahebatur, venęque ex illis ventriculum implicantes, latę & varicosę erant. In rene dextro, calculus triangularis, albus, mucosus obvolutus inventus fuit, in sinistro tantum arenulę. In reliquo corpore sanguis, in vena cava paucus, uti & cor quod parvum erat, exangue cernebatur.

Ex quibus præcipuis hæc vitiis, satis conjiçere potuimus, in venis causas, & putridæ & hæcticæ febris, atrophiciæ aliorumq; partium naturalium symptomatum, fuisse, quæ mortem illi potiùs, quàm arthritis, quippe quæ curari potuisset, pepererunt.

Podagra diuturna.

Nobilis quidam luxuriosè vivens, cùm ad mediam ætatem pervenisset, uxore ductâ, variis morbis affligi cœpit, & imprimis podagrâ, quæ illum & frequenter graviterq; invadebat, cui ut obviam iret, à vino toto reliquo ætatis tempore, abstinuit, illiusq; loco *Loram appellatam* bibit. Quam ex *Pomis & Prunis sylvestribus, Berberisq; racemis in dolio inclusis, superinfusâ Aquâ fontanâ* parari curabat, eâ *quantitate fructuum, additâ, ut ruborem & aciditatem cum aliqua austeritate, lora* contraheret. Quâ admodum delectabatur, ut & copioso esu *capitata brassica, raparum conditarum, donec acecant* (uti solent compositum dictum parare) & *fructuum horariorum, cerasorum, prunorum, uvarum,* quibus neutiquam offendebatur. In quorum usu persistens, rariùs, semel tantum in anno vel biennio, & mitiùs podagrâ laborabat, extremamque ætatem, annos circiter octoaginta attigit, liberis etiam ab ipso decrepito procreatis. Inter quos tamen, ex sex qui supervixerunt, tres illius filii, primogenitus illegitimus, duo alii legitimi, leprâ correpti, misereq; diu afflicti, atque extincti sunt: filia autem tres sanæ, & incolumes, ad grandem ætatem pervenerunt.

Podagra hæreditaria.

FRatres duo viri primarii Vesuntini, diu podagra

gra graviter afflicti, & cum summo cruciatu jam annos aliquot, per paroxysmos, singulis annis aliquoties infestare soliti, huc consilii causâ ad me venerunt, Anno 1602. mensi. Augusto. Quibus præter regimen idoneum, præscripsi, ut de *Antipodagrigo. meo* in forma electuarii fumerent ad 3. j. singulis matutinis, jejuni continuando ad dies quadraginta.

Dein ut pilulas sequentes pondere 3. j. singulis mensibus assumerent, quæ tales erant: R. *Hermodactylorum verorum excorticorum* 3. ℞. *Aloës, Turbith, Mechoac. ana* 3. j. *Rhab. el. Myrobal. citrin. chebul. Mastich. ana* 3. j. *Euphorbii* 3. ij. *rad. Aristoloch. rotunda* 3. j. *sem. Hyperici, Zingib. sem. Cymini ana* 3. ℞. *Salis gemmæ* 3. ℞. *cum succo Iva arthetica* fiat massa, addendo *Diagrydii præpar.* 3. ℞, formentur ex 3. j. pilule aliquot, menstruatim uti dictum sumenda.

Septennio post, Anno 1609. mense Julio, ad me reversus fratrum alter, ventriculi imbecillioris aliorumque accidentium causâ, statim mihi aperuit, se & fratrem suum; ab eo tempore, quo medicamentis præscriptis à me usi fuerunt, jam toto elapso sexennio, aliquotque mensibus, podagrâ nunquam laborasse, nec ulla illius sensisse indicia, seque tantum pilulis fuisse usum, per anni spatium, omisso *antipodagrigo*, illisq; effectum hunc attribuere.

Petentiq; descriptionem illarum pilularum, Venuntio ad me remisit, cum hoc Encomio; Je vous envoie copie de la recepte, que donastes à mon frere & à moy, pour nous guerir des gouttes, ainsi qu'auons estez, bien quelles nous fussent hereditaires.

Podagra

Podagra alia diuturna.

Septuagenarius quidam senex, syndicus Reipublicæ cujusdam inclytæ, in magistratu suo, multis negotiis domi forisq; exercitatus, à podagrâ quâ multos annos fuit divexatus, consilio cujusdam, præter spem liberatus omnino, ad octoagesimum ætatis annum vixit. Intellexi ex illo, solo viû *herbe Betonice* hoc factum fuisse, *variis modis* hac assumptâ, non solum *conservâ* illius, *sed & Vino per macerationem illius facto*: Dein & *in cibis coctam* comedebat. Adhibito interim *moderato usu in cibo & potu*, & præsertim *temperantia in Vino*.

Podagra in melancholia.

Vide in Mētis alienatione. Lib. 1. Melancholia cum variis capitis affectibus, &c.

Podagra in muliere.

Podagrica quædam mulier, continuò hoc affectu infestata, dum in matrimonio esset, vidua postea facta, consilio meo, ut si non curari posset, saltem mitius ab ea afficeretur, usa est.

Consului ut *pilulis sequētibus levioribus*, ne humores nimium movendo podagricum paroxysmum, ut fieri solet, accerferet, *veris & autumn*i tempore sæpè uteretur: R. *pilul. Chamapit. description. Matth. 3. ij. Rhabarbari el. Hermodact. ana 3. j. Mastiches 3. j. cum syr. Ros. sol. fiat massa*; Capiat 3. β. vel 3. ij. *semel in septimana*.

Jussi etiam *pedes*, podagræ obnoxios, sæpè immergere in *sequenti lixivio*, manè & vesperi: R. *Ostium diversorum combustorum, cum ligno Quercino cineres, per quos coletur aqua Fabrorum extinctionis ferri*, additâ
mens. j.

mens. j. Vini rubri, & Urina pueri, fiat lixivium satis efficacax, in quo decoquantur, Pruna sylvestria ad usum siccata, ad P. j. vel ij. Salvia, Chamapit. ana M. j. Salis P. j. Utatur frequenter, præsertim corpore purgato.

Totum biennium, ab hoc hoste libera fuit. Verùm cum eo finito, marito nuberet, prima nuptiarum nocte, podagrâ iterum correpta est, à qua etiâ, quia *medicamenta* postea neglexit, ad extremum vitæ usque afflictâ fuit.

Podagra in senē.

DOlorem quidam senex in pede dextro sentiebat, circa malleolum, cum leviter apparente tumore, quo & prius bis tēve laborarat, & quia tunc melius habuerat, ex usu *cataplasmatū*, quod tunc temporis ei præscripseram, cum dolor summè urgeret, nec ambulare posset, rogabat an illud repetere deberet, denuo itaque illi præscripti: *R. Medulla Panis partes ij. farina Fabarum par. j. coquantur in Lacte, contundantur, adde ol. Rosacei q. s. fiat Cataplasma.* Cum hoc bis tēve applicasset, dolor cœpit minui.

Maximè verò cum *folia Nicotianæ majoris, parùm conquassata* applicaret, quod plurimùm laudabat. Eaque *sub finem contusa, cum succo* apponebat, unde tumor subsedit, dolorque evanuit. Etsi podagrâ esse sciebam, nolui tamen illam summè metuentem, hujus mentione eum perterrefacere.

Podagra cum nephritico dolore.

Vide in Hypochondriaco dolore. Lib. II. Nephriticus dolor ob calculum renum, &c.

Podagri-

Podagricorum membra exesa.

IN arthriticis, podagricis maximè, membra intrinsecùs, diuturnitate, adeò perforari ductibus sinibusque oblongis, angustis, atque si tinea vel xylocampis exesa essent, sectio ostendit, præsertim carnositas in locis musculorum, quorum spatia, nervi, citra omnem annexum pervadunt, per quæ & defluxiones, nervi ductum comitatæ feruntur, à quibus & continua destillatione humoris ampliata spatia, veluti attrita, vel levi ex causa humores commotos suscipiunt. Unde præcipuè accidit, ut diuturnâ podagrâ laborantes, faciliè in hunc affectum incidant, malumq; sit propter organum hoc vitium immedicabile. Impediri tamen potest ad tempus, si corpus non admodum exagitetur, atque astringentium usu, quibus membra laxata nonnihil coarctantur.

Calculi tophacei in pollice pedis podagrica.

Mulier quædam Lucernæ Helvetiorum, è nodoso pollice pedis sinistri, pugni magnitudinem excedente, calculos tophaceos, è quibus minimus piso major erat, plusque viginti, suppuratione illic factâ, cum maximo dolore, successivè reddidit.

Cervicis, Omoplatae & Coxendicis dolor.

Vir quadragenarius quidam, rufus biliosus, qui alias quoque in genu dolores sensit. eoq; nomine *thermis* usus erat, 5. Novemb. Anno 1601. cum frigus immensum esset, subito gravi dolore in cervicis postica regione, quam nucham vocant, correptus, me summo manè accersivit, intensos crucia-

tus,

tus, etiam ex minimo colli motu sentiens, cum an ex violento, vel inæquali colli motu evenisset, uti hoc sæpè observavi, ab hac causa pressis nervis illud accidere, illeque nihil horum præcessisse mihi exponeret, defluxionem eò delapsam significavi, futurumque ut ulteriùs descendat, etiam in alios articulos, quod ille, ut cervicis saltem immensus ille dolor mitigaretur, optabat.

Statim hoc *cataplasma* supra *nucham* calidè applicui: *Rj. Panis medullæ, farina Fabarum ana ℥b.ß. seminis Fœnigr. ℥.ij. semin. Psyllii ℥.iij. coquantur parùm in Aqua & pauco Vino, addendo pulveris seminis Cymini ℥.ß. olei Anethini, Rosacei ana ℥.j.ß. fiat Cataplasma.*

Dein & *Cucurbitulas* siccas, *scapulis* admove-re jussi. Quorum usu, & imprimis *Cataplasmatibus*, dolorem intensiorem fieri narrabat, sed jussi ut in illius usu pergeret & repeteret.

Sub vesperam mitigari cœpit. Jussi *Mithridatii* 3. j. ß. tempore somni sumere, renovareq; *Cataplasma*. Unde ea nocte dormivit, sudavit, dolorq; remisit, redeuntibus tamen quandoque punctiõibus eo in loco.

Manè sequenti, quia *scarificationibus* uti solebat, & propter intermissas hoc sibi accidisse assererat, ut *supra scapulas* fierent, cum *cucurbitularum applicatione*, suasi.

Verùm ea nocte, nova defluxio in summum humerum sinistrum delapsa, novos illic & atroces cruciatus, per totum humerum & cubitum se extendentes, peperit.

Manè vocatus, idem *Cataplasma omoplate & brachii affecta regioni* applicatum fuit, repetitumq; , unde
cùm

cùm sub noctem mitigaretur malum, ut quietiorem noctem haberet, *Mithridatium* denuo exhibui.

Et sequenti die ut *purgaretur*, pulvere id fieri maluit, quem ante annos aliquot, cùm Melancholiâ hypochondriacâ laborasset, illi præscripseram, & tunc uti etiam postmodum, se cùm felici successu usum dicebat; quod & mihi placuit, sumpsit igitur, & aliquoties inde dejecit, eundemque sequenti die Dominica repetiit: unde egregiè & sine labore *purgatus*, semper interim *emplastrum loco affecto* adhibendo, sanatus fuit.

Sed dum post aliquot dies, cœlo frigidissimo, cōcionem adit, à prandio extra urbem exspatiatur, noctu alibi cœnat, & postea etiam domo egreditur 20. Nov. nocte, nova defluxio illi, non in latere sinistro, ut prius, sed dextro, in Ischiæ locum delabitur, subitoque illic novus dolor & cruciatus ad genu usq; se extendens, ibique graviter excrucians, suboritur, unde inquietissimam noctem habuit; cùm neque cubare, nec sine magna molestia sedere posset, & ferè erectus stare cogeretur.

Vocatus sub vesperam, jussi *seq. liquore locum affectum* inungere: R. *Aquæ vitæ* ℥. iij. *Salviæ* ℥. j. *Campbora*, *Opii*, *Styracis liquidæ ana* ℥. β. Miscè.

Summo mane vocatus, de inquietissima nocte prægressâ conquerebatur, doloremq; ubi primùm *locus inunctus* fuisset, & in *lectum* se collocasset, valde auctum fuisse, sed eadem horâ subito nonnihil remisisse. Ego non *inunctionis* causâ dolorem exacerbatum fuisse, sed ex motu, dum lecto se committeret, & ex decubitu, respondi, hujusq; *aquæ efficaciam* non tam subito in actum potuisse produci, sicuti verò

verò nunc illius operationem experiretur: esse enim sæpè à me *expertum remedium*.

Sed cùm ex levi commotione, adhuc dolor, tum juxta coxam, tum in ipso genu urgeret, & de tensione venarum & pulsatione in pede conquereretur, *Venam in pede dextro affecto, juxta malleolum internum*, illi tundere jussi, (cùm in exteriori illius sede *eam* quæ *Ischiadica* dicitur, incidi maluissem, chirurgus verò eam secare vereretur) effluxitque sanguis copiosus, statimque inde se levatum prædicabat, sensimque dolor evanescere, & intra triduum penitus cessare cœpit.

Omoplatæ dolor.

QUædam in summo humero, sævis. dolores patiebatur, Junio in mense An. 1599. ex defluxione ortos: licèt ab articulo luxato, hunc proficisci sibi persuaderet.

Hoc perseverante, nec dum ab *inunctionibus* cessante, *Cataplasma* applicui; quod R. *Panis rasi decoct. in lacte, scutell. 2. farine Fabar. scutell. j. sem. Cumini 3. B. Bacc. lauri 3. j. ol. Cham. 3. ij.* Mistra hæc & in formam *catapl.* redacta, applicabat *calida loco dolenti*. Valdeq; mox profuit, dolorque tandem abolitus.

Omoplatæ & Scapularum dolor, in Lue venerea.

Vide in Defœdatione. Lib. III. Omoplatæ & Scapularum summus dolor, &c.

Coxendicus dolor in viro.

Minister quidam verbi Gallus, alibi ministerio

fungens, tota hyeme, dolore coxédico divexatus est.

Purgato corpore, pil. fœtidis, ut sudaret, decoct. hoc præscripsi 23. Maji, Anno 1592. R̃. Guajaci ras. ℥b. β. Zarsæ parill. ʒ. j. β. rad. Enul. ʒ. j. fiat decoct. in mens. iiij. Aquæ ad cons. mediet. Sumat manè & vesperi, & sudet in lecto, & si non succedat, in balneum siccum intret, postquam potum biberit, & sudet semel in die.

Item locum affectum inungere jussi cum aqua Vitæ infus. Thymi, Rosmarini, Salviæ, Majoranæ, Lavandulæ, addito pauco ol. Spicæ & Juniperi.

Iterum ad me misit 2. Junii, & cùm dolor in pedem descendisset, uti in ischiadico fieri solet, jussi eandem partem Aqua vitæ dictâ illinire.

Et quia dolor molestus erat, misi Narcoticas tabulas, ut alternis noctibus uteretur, quarum usu vehementer sudavit dolorque imminutus fuit, tandemque omnino, qui prius tam diu duraverat, evanuit.

Coxendicus dolor in muliere.

DOlore circa lumbos vehemēti, per octiduum jam laborarat, mulier quædam senex: coxendicum dolorem esse statim cognovi.

Jussi inungere sedem dolentem 5. Maji, An. 1592. R̃. aquæ Vitæ q. s. infunde Salviā, Thynium, Rutam; arida, pulverisata, bulliant in duplici vase, adde parum olei Spicæ, misce.

Dein sudet in lecto prius sumpto haustu sequentis decocti: R̃. ligni Guajaci ʒ. j. decoque in mens. β. Aquæ ad consumptionem medietat: Bibat manè & sudet.

Cùm non remitteret dolor, purgavi illam: R̃. Diaphœn. ʒ. ij. Diacarthami ʒ. j. misce, cum Saccharo fiat bolus; Capiat per se vel cum Brodio.

A' pura

A' purgatione melius habere cœpit, sed quia sub noctem dolor rediit ad genu descendens: R. ol. Chamom. Rutacei, an. ʒ. j. ʒ. unguenti Marciati ʒ. j. Cera q. s. fiat linimentum: Ungatur genu & coxa.

Sequenti nocte dolore urgente: R. syr. de Papav. ʒ. iij. de Betonica ʒ. ʒ. aquarum Bugloss. Salvia ana ʒ. j. fiat potio; Bibateam cubitum itura.

Sic circa 15. Maji ad pristinam sanitatem rediit.

Ischiadicus dolor, ulcera gignens, circa coxam, & claudos efficiens.

Vide in Motus impotentia. Lib. I. Crurum contractio ob ulcera, &c. In Quatuor.

Ischiadicus dolor in febre.

Vide in Febribus. Lib. II. Febris, Convulsio, Ischiadicus dolor, &c.

Dorsi dolor in senē.

Septuagenarius quidam, cum longo morbo astenuatus & debilitatus, immensos dorsi dolores, jam diu sentiret, nec quicquam proficerent *medicamenta*, obiter eum invisens, hoc consilium dedi. Anno 1597.

Ut dorsum hoc Balsamo (sic enim vocare soleo quod Balsamelaon aliās dicitur) manē & vespere illinerent: R. aq. Salv. rec. exstill. ʒ. j. ʒ. Aq. vitæ compos. ʒ. ʒ. ol. Spica per destill. facti gutt. iij.

Hoc remedio per triduum cum esset usus, ita profuit, ut dolor omnis evanesceret, & integrè convalesceret. Itaque illud multis laudibus extollere non desuit, mihiq; ut annotarem, occasionem dedit.

Dorsi dolor cum Diarrhœa.

Vide in Dejectione. Lib. III. Diarrhœa, dolor ventriculi & dorsi.

Dolor circa ossa in Lue Venerea.

Vide in Defœdatione. Lib. III. Dolor circa ossa vagus, &c.

In Genu dolor vehemens, cum tumore.

Immensus dolor, genu cuiusdam mulieris occupat, quem priùs nunquam passa erat : apparebat simul tumor, nec passum quidem, ob dolorem, progredi poterat.

Vocatus, iussi decoquere *Fursur & farinam Fabarum, additâ Sapâ, & sem. Carui contuso, & cum Axungia anserum cataplasma* formare. Quod tepidum aliquoties applicuit. Et licet dolor non statim, causâ præsertim remanente, remitteret (quod maximè optabat) tamen postmodum quietior fuit.

Et cum nulla rubedo manifesta appareret, ut tumor discuteretur, iussi contundere *Iberidem & sol. Urticæ, cum foliis Hyoscyami, atque frigere in Sartagine cum Butyro recenti*, sicque applicare, sequentibus diebus, unde tumor nonnihil subsedit.

Ut penitus absumeretur, remedio, quo aliàs tumores discussi, usus sum : *Panemq, ex pasta farinæ secalis, miscendo semen Carui tusum, recenter in furno semicoctum, & per medium dissectum, calentem adhuc supra genu collocavi*, unde aqua copiosè ex eo effluxit. Quod sequenti die, cum alia media pars calefacta apponeretur, idem accidit : uti & cum teritiò hoc fieret.

fieret, aqua semper emanavit, atque fascias admodum madefecit.

Et sic tumore evanescente, doloreque cessante, rursus ambulare coepit, sanitatemque recuperavit.

IN SUPERFICIEI CORPORIS
DOLORE OBSERVATIONES.

Erysipelas cruris.

ERYSIPELATE cruris dextri, quædam nobilis virgo, propectæ ætatis, præcedente febre (uti fieri solet) An. 1598. laborabat: rubebat admodum tibia & dolebat.

Quibus permota, cum ferre vix posset cōtactum, ob renitentem & ardentem dolorem (etsi nulla topica velint admittere alioquin vulgò) consensit ut aliquid applicarem.

Accepi itaq; *oleum Rosaceum & Vinum antiquum, æquali mensurâ: in eorū ferventi, duplicatum linteum immergere jussi, expressumq; calidum tibie obvolvere:* ex quo statim dolor remisit. Sed cum rediret, illaque quoties *hoc medicamentum* repetebat, levamen sentiret: aliquoties per biduum eo usa, liberata ab ardore & rubore fuit. Quod idem in aliis tentatum *remedium*, egregiè profuit.

*Erysipelas œdematosum crurum,
cum Ulcere.*

VIr quadragenarius quidam, officium magistratus primarium gerens, potationique dedi-

tus, crura prætumida habebat, imprimis dextrum, idque jam longo tempore, aliàs bene habitus & coloratus. Accedebat interdum erysipelas, crusq; inflammatum, febris comitabatur, & ulcus supra malleoli regionem, in dextro crure, humorem aliquem continuò effundebat.

Venit ad me mense Julio, An. 1596. Et quia jam multis usus erat purgationibus, decoct. item Guajaci, præmissâ idoneâ diarâ, ut succèssivè purgaretur, finitis canicularibus, sectâ quoque venâ, syrup. hunc præscripsi: R. Infusionis facta ex Rosis florentibus multis vicibus, quæ tunc habebantur, quart. j. addendo Senna, Polyp. ana ʒ. j. β. Agar. ʒ. iij. Turbith. ʒ. ij. semin. Fœnicul. Anisi ana ʒ. ij. Coriandri ʒ. j. Cinam. Caryophyl. Zingib. ana ʒ. β. fiat decoctio f. a. addendo Sacchari quart. j. ad consistentiam syrupi, cui in fine permisce, Diagrydii præpar. ʒ. j. bene agitando; Capiat cochl. ij. plus minúsve prout operabitur, bis in septimana.

Dein ut conserva hac, diebus à purgatione quietis alternis, uteretur suasi: R. conf. fl. Cichorii, Borrâg. Scabiosæ ana ʒ. j. cond. rad. Bugl. Cichorli, Caulium, Lactuca, & carnis Cucurb. cort. Citri an. ʒ. β. rob. de Ribes q. s. fiat electuarium.

Et quia sponte singulis ferè matutinis, in lecto sudabat, in eo ut perseveraret, mandavi. Et in balneo sicco, sumpto prius rob. de Sambuco, bis in mense potenter sudorem eliceret, corpusq; Lixivio ablueret.

Postea lixivio sequenti antequam erysipelata erumperent, ut crura foveret, matutino tempore, calidè cum spongia, dixi: R. aqua Fabrorum extinclionis ferri M. f. j. β. Aceti quartam partem mensuræ, coletur per cineres, fiat lixivium, in quo decoque, Salis, Gypsi usli ana

P. j. Boli ℥. j. β. Sulphur. ℥. j. Cadmiæ fos. ℥. β. Vitrioli ℥. ij. Utatur,

Fasciam oblongam ex panno Linteo, latam palmum parari curet, insuendo petias pedis distantis spatium sic plucando, ut sine rugis se cruri accommodet, eaq; à pede incipiendo, sursumq; per crus ad genu usque involvendo crura, matutino tēpore obvolvatur, totoq; die relinquat, sic enim ne inter deambulandū, crura intumescant, cavebitur. Quam fasciam, si in Lixivio interdū coquat, beneq; expressum, applicet, validiū tunc sic operaturam dixi.

Post menses duos, hæc sibi valde profuisse scriptis significabat, sed quia ulcus in crure molestū illi erat, sequens ut adhiberet unguentum, misi: R. succi Solani, Plantag. an. ℥. j. β. ol. Ros. Viol. an. ℥. ij. Laricæ ℥. j. Tutie ℥. ij. Cerussæ, Litharg. ana ℥. β. fiat Unguentum.

Sequenti vere, acidus biberet aquas, & in illis quoq; lavaret, consului.

Erysipelas cruris œdematosum in Febre Synocha.

Vide in Febris. Lib. II. Febris synocha, Erysipelas cruris œdematosum.

Inflammatio Faciei, in abscessum & Ægilopem, conversa.

Intumuit virgini cuidam mala sinistra, cum rubore & inflammatione, præsertim in ambitu oculi.

Jussi Epithema applicare ex aq. Ros. alb. Ovi, Lacte & ol. Rosar. & Pannum linteum eo madefactum applicare.

Post biduum palpebra utraque, in tumorem admodū elevata est, qui mollis erat.

Suppuratâ materiâ, apponere jussi sequens cata-

plasma: R. Frinam fabarum & sem. Lini & Fœniqrec. coquantur cum Lacte & aq. Ros addendo ol. Ros. & Lilior parum. & Croci tamisper: Applicet.

Ab celsu rupto, fluxit pus, detumuitq; mala, remanente tamen tumore duro, in majori oculi angulo versus nares, è quibus emanabat, applicui *emplastrum abstersivum in Aegilope superius ordinatum.*

Minuebatur tumor, sed durus erat, rubens, idcirco ut suppuraretur, iussi *Terebinthinam cum vitello Ovi* dissolvere & applicare. Sic convaluit.

Palpebrarum inflammatio, tumor, cum Oculi affectu.

Vide in Oculorum dolore. Lib. II. Oculi dolor & Palpebrarum inflammatio, &c.

Colli tumor, cum facie rubra, Cephalalgia.

Vide in Discoloratione. Lib. III. Faciei rubedo, & lividitas, &c.

Glandularum colli tumor, & dolor in Febre ephemera.

Vide in Febribus. Lib. II. Febris ephemera, Carfunkel Germ. &c.

Mammarum tumor durus, cum inflammatione.

In utraq; mamma senex quædam vidua, dolorem summum patiebatur Anno 1593. Septemb. mens. Erant autem duræ, lividæ, ita ut cancerum metuerem. Ex contactu dolor augebatur: aderat pectoris angustia, cita respiratio, cum febricula.

Jussi

Iussi inungere *ol. Ros. cum Album. Ovi & Aceto ros. invicem agitatis*, addito *pauco Bolorubrâ*.

Post dies quinque, cùm inspicerem, adhuc duræ erant: itaq; sequens *cataplasma. paratu facile*, quia pauper erat, *continud gestare, & indies bis renovare* iussi: *R. farina Hord. Fabar. sem. Fœnigr. an. P. ij. coq. in Vino & Aqua, addito Butyro, misce. fiat cataplasma.*

Venit post aliquot dies sana, gratias mihi agens.

In Alia.

E Adem ratione *curata* fuit alia junior, cui tota mamma indurata & inflammata fuerat, cum summo dolore, Anno 1599.

Mammarum inflammatio, in abscessum desinens.

Puerpera, cùm lactare inciperet infantem, An. 1593. mense Septembr. sensit immensum cruciatum in mamilla dextra, cum rubore & duro tumore renitente, in ambitu papillæ: aderatq; febris. Mox cognoscere potui, inflammationem esse: abundabat enim lacte mamilla, quod tamē, cùm non prodiret, infans fugere, diu non potuit.

Iussi primùm inungere 1. Septembr. hoc *unguento: R. mucil. sem. Psyllii ʒ. β. Fol. arm. ʒ. ij. ol. Rosac. aceti Ros ana ʒ. ij. misc. Fiat inunctio.*

3. Septembr. *cataplasma applicui ex farina Hordei, Lacte & ol. Ros.*

5. Addidi huic *catapl. ol. Cham. Lil. Farinae, semin. Lini & Fœnigr. portionem: quia suppurabatur.*

6. Septembr. dolor augebatur, & febris, pure genito: applicui aliud *cataplasma: R. farina Hord. Fa-*

522 IN SUPERFIC. CORP. DOLORE
*bar. ana P.j. sem. Lini, Fœnigrac. ana P.ß. flor. Chamom.
P.j. rad. Lilior. & Ireos recent. an. ʒ.ß. coq. & contund.
addendo ol. Chamom. ʒ.ij. Croci ʒ.j. fiat cataplasma.*

7. Septembr. reiteretur catapl. addendo *Ficuum
num.x. farina Oryzæ ʒ.j. Caulium Malvarum coctarum
& contus. unâ cum Lardo.*

8. Apparebat abscessus acutus, pure ex contactu
refugiente. Jussi *Fermentum cum pulpa Ceparum co-
ctarum* applicare.

9. Septembr. sponte ruptus est abscessus, puris
magnâ copiâ profluente, ad dies binos: postea lac
per octiduum magnâ copiâ effluxit. Impolui *turun-
dam cum Terebinth. & Melle: tandem pauco immisso
Balsamo integrè sanata est.*

Inflammatio circa radicem Pollicis.

Nobili cuidam puellæ, Anno 1596. pollex in-
flammatum est admodum, den *Burni* nostri
vocant, unde sæpius gangrænam subsequi, & articu-
lum unum digitorum vel duos, vel totum digitum
amitti, vidi: sentiebat cruciatus maximos, circa un-
guis præsertim radicem, & in febriculam incidit,
adeò ut animo ferè delinqueret.

Applicavit ab initio *emplastr. ex Melle cum Farina
subactum*, add. *pauco Salis*, unde dolor mitigatus.

Altero die intumuerat manus, & brachiū totum
dolebat, jussi applicare *folia Nicotianæ majoris manui.*

Tertio die detracto *emplastro*, in pollice suppara-
tio apparebat, præsertim in ambitu unguis; fluebat
virolum & foetidum pus, dolor autem remiserat.
Jussi aliud *emplastrum* apponere ex *Lariceâ subactâ cum
Vitello ovi & Melle*, addito *succo Plantag.*

Quinto

Quinto die, metuens ne tendines circa unguinum radicem putrescerent, ubi profundum videbatur ulcus. *unguent. deterfivum*, *cujus in agilope superius mentio facta*, transversim huic loco adhibere jussi, nihilominus empl. ex *Laricea* ulu perseverare.

Cùm jam omnia in meliùs vergerent, ut in *decocto Hederae terrestri & Numularia*, addito *paucò Lixivio*, manum immergeret, *bis in die*, præcepi. Cœpitque sensim sanari, decedente tamen unguè.

Cancer & Carcinoma.

CANCER verus, qui tumore duro sensim à pustula incipiens in ulcus inæquale, labiis tumidis convertitur, & tunc Carcinoma dicitur, quod & carne malignâ hinc inde extuberat, cruoremque exsudat, & curationem non admittit, non semper uno modo prodit, sed formâ nonnihil variat, aliquando eam tumore alio compositus, prout malignitas illius exuperat plùs minùsve, & prout in hac illâve parte nascitur, nunc in externis corporis sedibus, sese patefaciens, aliàs in foraminibus illis, in corpore apertis, latens, sed conspicuus. Quemadmodum ego jam longo tempore, in Praxi versatus, diligenter hoc observavi, & cùm ejusmodi tumores, diu sæpè ignorarentur, cancos esse primus pronuntiavi, sicque meam sententiam confirmavi, ut & periti Medici eam approbare non fuerint dedignati. evenusque tristis, tales fuisse comprobarit. Et sanè ad hosce cancos cognoscendum, viam mihi aperuit, focer meus insignis chirurgus, qui primùm mihi unum aut alterum, in suis quos curabat ægris, demonstravit, primùm Monspeffulo reduci Basileam facto.

IN SUPERFIC. CORP. DOLORE
facto, cum prius non meminerim mihi aliquem, li-
cèt plurimos illic viderim, in Praxi externos tumo-
res, & ulcera, demonstratum fuisse: Describam ita-
que aliquas cancerorum observationes.

Cancer in Mamillis mulierum.

Quamplurimos ejusmodi in fœminis vidi, ve-
rum cancrum exprimentes, tam integros, du-
ritie, lividis pustulis, ardore levi saltem molestan-
tes, quàm postea exulceratos, stirias carneas protru-
dentes, labia tumida, inversa proferentes, cruorem
continuò reddentes, diu excruciantes atque etsi ra-
dicitus in aliquibus ad costas usque amputarentur,
rursus repullulantes, tandemque mortem adferen-
tes. Hi ab ulceribus pravis, & quæ in mamillis ægrè
sanantur, totasque sæpè mamillas depascuntur, ad-
modum differunt: Quòd in illis nullus tumor du-
rus, aut ulcus adeò lobis oppletum, sed pus & putre-
do potiùs conspiciantur.

Alius in Facie sub oculo sinistro.

Argentiam accersitus à nobilissimâ matro-
na quadam, ostendit ea mihi, præsentibus il-
lius loci præcipuis Medicis, horrendum tumorem
sub oculo sinistro faciei, ad latera utrinque se exten-
dentem, totumque illic oculum obtegentem, exul-
ceratum, & labiis duris inversisque, cruoremq; ex-
sudantem, eum mox Carcinoma esse pronuntiavi, &
ut Medici idem fateri cogerentur, rationibus evici.
Præmisso prognostico, incurabilem esse, *quedam*
tum fœtoris, tum cruoris continuò emanantis emendan-
di causâ, præscripsi, eamque, quam paulò post mors
occupavit, reliqui.

Alius

Alius in Mala juxta aurem.

MUlieri cuidam rusticæ, in mala juxta aurem, cancer durus, & lividus, sensim excrescens, in magnum tumorem adauctus est, qui tandem *sinistrè adhibitis maturantibus*, mulierum consilio, apertus, in ulcus seu carcinoma, in quo labia dura & inversa, uti solent ejusmodi ulcera cancroso habere desit, luxuriante & pullulante carne cruentâ. Rogatus ut inspicerem, mortalem futurum hunc affectum prædixi, jussique ut *siccantia validè citrà morsum, veluti Gypsum, similiaq;* non magni pretii, ad putredinem arcendam & sanguinem cohibendum, applicaret. Quibus per aliquot dies sustentata, cùm mulier nobilis, quæ cancerum curare se posse gloriabatur, *Allium contusum cum Fuligine furni*, illi imposuisset, secutâ, ex canceri irritatione, inflammatione, collum intus forisq; occupante, cum tumore, suffocata interiit.

Alius in Mala faciei.

IN mala dextra, cujusdam pueri, annorum quatuordecim, Anno 1598. circa Autumnum, tumor sensim crescens natus est, inæqualis, circa radicem latior, & fixus, transversæ manus latitudine elevatus, & in obtusam acutiem desinens, concolor alioquin, nec dolore magno vel ardore molestus, vires tamen admodum prosternens. Hunc etsi cancerum esse dicerem, & sectionem quam tentabant, prohiberem, cùm tamen in superficie alcubi mollis esset, lithotomus eum *sectione* patefecit, unde mox labia vulnëris inverti, atque incrassari cœperunt, cruorque hinc inde emanare, stiriâq; carneæ excrescere.

Hunc

526 IN SUPERFIC. CORP. DOLOR
Hunc cum chirurgus radicatus alio defixum, stare vellet, idque citra malae totius ablatione rimamque haemorrhagiam, hoc fieri minime dissuasi. Ab eo tempore ab autumno ad finem continuò sanguis emanabat, *detractis emplastris* rendumque & foetidum erat carcinoma, aptitudinem arcendae chirurgi tantum essent in Verum cum nihil proficerent, admodumque sceret caro, portionem illius sensim, aegro dolore inde percipiente, amputarunt. Sed quidem quicquam profuit, atque aeger viribus deficientibus, sub finem anni, quod moxatio futurum praedixeram, exspiravit.

Cancer in Nasi externa sede.

IN medio nasi cancer protuberavit rusticam, Anno 1601. exulceratus jam, cum veniret, labiis inversis, sanguinem exudans, hunc dum aspectum praebens, & altero latere adiusque protensus, quem a pustula indolente in se, ante aliquot annos, atque eousque excrevisse demque sponte apertum fuisse, narrabat. Usque erat chirurgorum consilio, *sudatorio ligni Guaiacocto, adhibita simul exquisita, uti moris est, diata* rum cum nec hoc nec alia juvarent, misere adtem usque, quae mox secuta est, vixit.

Cancer in Colli latere sub aure sinistra

IN colli sinistro latere, cancer exulceratus totos annos, in senatore nostrate quodam dilatatum spatium sub aure comprehendens, admidus in ambitu, labrisque elevatis, ut auricul

illi immerſa & innata eſſet: cui *multa exiccantia ex Gypſo, Plumbo uſto, Bolo, ſimilibuſq; in forma pulveris inſperſi, aliâq; formâ* admovi, unde egregiè minuebatur, ita ut interdum penitus ſubſideret, ſed mox iterum repullulans, donec totum ſeptennium ſic eum moleſtans, mortem illi accelerarit.

Alius in Colli poſteriore ſede.

IN cervicis poſteriore ſede, ſimilem huic, de quo modò in hoſpite quodam Liechſtaldi vidi, oppidulum in quo morabatur, tranſiens, & apud ipſum divertens, qui magnam dorſi ſuperioris partem labris prætumidis, inæqualibus occupaverat, in medio ſpatio latè exulceratus & apertus, ac ſi cutis univerſa illic execta eſſet, luxuriante carne flaccidâ inæqualiter, ſanguineq; continuo illic *emplaſtris* detractis, exſudante. Diu hoc in ipſo duravit, cumq; poſt annos aliquot inviſens, nihilò meliorem ſed deteriorem factum inveni. Qui & cum imminuta morte, adhuc juvenem extinxit.

*Carcinoma in utroq; Inguine, prægreſſis
fiſtulis.*

VIde ſub eodè hoc titulo, Gangræna in membro virili.

Cancer verus in femore.

IN femoris externa ſuperiore ſede media, cuidam matronæ, cùm puſtula nata eſſet, punſtionibus ſaltem interdum quibuſdam ei dolens, eamq; negligens, illa ſenſim excrevit, in tumorem pugni magnitudine durum, inæqualem, tuberculis lividis promi-

prominentem. Hunc primùm inspexi, cum socerò meo, in principio Praxeos meæ, Anno 1559. & cancrum esse pronuntiavimus, & ne aperiretur *sectione* vel *caustico*, prohibuimus. Verùm illa moræ impatiens, imbecillis sensim reddita, empirico suadente & *causticum* præbente, cutem inuulsit, moxque in carcinoma converso cancro, labiis inuersis, stiriis propendentibus, sanguinemque fundentibus, extincta est.

Alius in eodem loco.

Similem sed longè maiorem, capitis magnitudine, in femoris eadem sede, in scriba, mediæ ætatis, An. 1608. vidi. Cùm enim vocatus ab eo essem, ut *sectioni* quam lithotomus instituere volebat, interesssem, & Cancrum esse cognoscerem, nolui hoc concedere, periculum si aperiretur, denuntians; et si enim in certis locis inter duritiem illius & tubercula, mollities quædam, ac si humor aliquis subesset, deprehenderetur, ex quo sponte eum se aperturum conjiciebam, tamen videns, patientem summè imbecillum esse, & cancrum nullum dolorem sed ardorem levem tantùm inferre, ideoque aperiendum eum non esse, tum etiam eum mox moriturum, & pulsu observans, dissuasi. Nec diu dilatū, nam sponte apertus, cruorem copiosum reddidit, horrendæ facie, agrum mox sustulit.

Cancer in genu.

IN genu, virgini cuidam tumor enatus, non ad circumscriptus, uti cancer solet, sed latus, totam eam regionem, in circuitu adimplens, concoloris livioquin, nisi quoddam lividus certis in locis, & videretur

distentis apparebat, cum diu multumque à Chirur-
gis tractatus fuisset, sanari nullo modo potuit: ad
quam accersitus, tandem cum inspicerem, cancrum
esse judicavi. Et cum longo tempore, cruciatus pa-
teretur, nec ullâ ratione sanari posset, ad *sectionem*
deventum, atque supra genu, sectione factâ, illicque
femore ferrâ diviso, crus amputatum est. Verum cum
radices non penitus extirpatæ essent, de novo can-
cer excrevit, non minùs quàm priùs conspicuus &
elevatus, unde cum & carcinoma factum esset, tan-
dem viribus labentibus, extincta est.

*Cancro in internis cavitatibus, nare, ore,
lingua, labiis, gingivis.*

Vide in Doloribus haru sedium. Lib. II. Can-
cer in naribus, &c.

Item Cancer in lingua.

Item Cancer in labiis.

Item Cancer in gingivis.

*Tumor canerosus, ex Oculi sede, cum
oculo prominens.*

PUero decem circiter annos nato, caro quædam
juxta radicem oculi, in illius orbita excrefcens,
cum foràs, ex sua sede, adeò propulit, ut tandem spa-
tio aliquo temporis, omnino extrorsum extrudere-
tur, carne hac, pugni amplitudine, prominente, ocu-
lumque in medio illius immensum continente, adeò
profundè, ut pupilla saltem appareret, atque oculus
ipse sic intumuisse, crederetur. Multis consultatio-
nibus habitis, an moles hæc amputanda esset, cum
nulla spes de servando oculo, superesset, & plerique

consentirent, ego cancrum esse existimans, dubitavi; quid faciendum: prædicens, metuere me, ne etsi auferatur, denuò récreseat. Cùm itaq; negotium differretur, venit interea circumforaneus quidam, promittens, se eum curaturum, atque hunc apprehensum, ex oculiq; orbitæ cavo penè totum extractum, amputavit, gloriatus se eum radicibus abstulisse. Verùm licet nihil ampliùs totum fèrè biennium apparuerit, eo tamen exacto, rursus pullulare cœpit, sensimq; adeò augeri, oculiq; sedem quæ cava priùs erat, primùm adeò implere, & postmodùm foras se exerere, & augeri, ut duplo major tunc quàm priùs, antequàm ablatùs esset, apparuerit, sicq; annos aliquot durans, donec ad adolescentiam pervenit, turpem aspectum præbuit, eoque magis, quòd ob molem hujus immensi tumoris carnei, mala illius lateris extrorsum attracta, os ea in sede distorserit.

Tumor in mamilla immensus, scirrhusus, cancrusus, è quo illuvies magna quantitate effluxit, topi insuper exempti sunt.

Virgo quædam nobilis, annorum quatuordecim, labrum quoddã satis capax, linteis lavandis destinatum, summa vi impellens, sensit rupturam ejusdam quasi sonum, circa coxam sinistram, præpè papillam, ac si os eo nisu fractum esset, ex eoque perterrita, abiens nemini casum hunc, que trudendo labrum fuerat perpeffa, indicavit. Succes postmodum temporis, primo anno, quando millam manu fortiter comprimebat, animadvertit tuberc

tuberculum exiguum, lentis instar, costæ quæ fracta fuerat, nuncq; rursus coaluerat, in natum esse, illudq; paulatim, sine ullo tamen incommodo aut dolore, ita sensim augeri deprehendit, ut primo semestri, jam pisum adæquarit, anno elapso, ad avelanz magnitudinem pervenerit: Secundo anno instar globuli lusorii apparuit: Tertio castaneam magnitudinis superavit: Quarto nucem juglandem: Quinto pomum parvum excessit: Sexto anno excrevit ad ovi gallinacei magnitudinem, quod adeò firmiter costæ inhærebat, ut nullam in partem, ne vi quidem moveri potuerit, & licet longo tempore *Cataplasmate ex radice Bryonia, & foliis Hyoscyami cum Aceto formato, nec non Emplastro Oxycroceo, atque de Meliloto, usâ esset*, nihil tamen utilitatis inde percepit, imò sensim augebatur, absque alio incommodo, quàm quòd interdum leviores quasdam tuberculi punctiones sentiebat. Septimo abhinc anno, ætatis 26. morbi duodécimo, adeò frequenter catarrhis supra pectus molestabatur, ut cùm monialis facta esset, à cantionibus ordinariis abesse, easque intermittere cogeretur. Febre subsecutâ, tota mamilla sinistra admodum ei intumuit & rubuit, sequentique anno paulatim ita crevit affecta mamilla, ut mediocri môdio, tumor vix contineri potuerit, tandemque 25. Octobris, anno morbi decimo-quarto ætatis 28. inferior pars mamillæ sinistræ, sponte fuit aperta, exindeq; primò effluxit albuminis ovi instar, albus, viscosus, tenax, actu frigidus humor, quantitate mensuræ unius, quem subsecutus est, humor actu calidissimus, lucidus, flavus, instar *Jucci Cydoniorum recenter expressi*, maximâ copiâ, cir-

citer viginti mentularum, cui quandoq; sanguinis atq; grumæ, permixtæ erant, quæ per vices emanare solebant. Sequenti die febris illam invasit, cum summo tumoris dolore, hinc cœpit rursùm per idem foramen effluere, primò materia fæculenta, mox sanguis nigerrimus, atramenti instar, cum fœtore, circiter mensuras duas, quibus symptomatib. mensium fluxus copiosissimus accessit, tumorq; illa evacuatione subsidens, dimidiâ ferè parte fuit diminutus: tribus in locis durus erat, lapidis instar, propendebat deorsum, magni *melonis* rotundi figurâ, hinc inde venis turgidis amplis erat conspersus, totam mamillam sinistrâ occupabat, papillâ sanâ manente, & longè à loco naturali deorsum vergente, colore livido & aliquibus in locis rubro, inæqualiter rugosus, ob exinanita loca prominebat, subtus per foramen spontè apertum, sanies, seri instar, nec non pus, quoties premebatur, effluebant, sicuti & duo *tophi* per foramen exempti sunt, & adhuc *tophum* costæ adnatum subesse, immisso *instrumento*prehendebatur, ab eoq; tempore, quo tumor fuit apertus, minùs quàm priùs doluit. Et licèt multis *potionibus vulnerariis, injectionibus, unguentis, oleis, cataplasmatibus, fumis*, aliisq; infinitis *medicamentis* per integrum ferè annum fuisset usa, tam ad dolorem compescendum, quàm ulcus curandum, nihil tamen omnino profecit, imò tumor magis magisq; crevit, inferiusq; foramen (per quod, ultra mensuras sexaginta puris & sanguinis nigri atq; feri, successu temporis effluerût) adeò fuit dilatatum, ut tres digitos admitteret. Tandemq; superiori foramine inferiori ex adverso respondente, quod Chirurgus semper expete-

expetebat, à circumferentia versus centrum, incisionem fecit octo transverfos digitos profundâ, abique ægræ dolore, vulnerisque labra, uteri vaccini colorem & substantiam repræsentabant, carneque rubrâ obductâ coalescere incipiebant. Quare chirurgus, cognoscens nullum aliud *remedium* superesse, *cultro* 16. ij. & 3. ij. carnis putridæ & lardo similis, temiquadrante horæ, abscidit, quo factò sanguinis congelati *mensura* duæ, & feri parùm effluxit, postea *tophus* costæ ruptæ innatus, carne rubrâ obductus, ovi gallinacei magnitudine apparuit, quæ intrinsecus album, *escharoticis medicamentis* & *ferreo instrumento*, per portiones exemit, atq; circa axillam sinistram, digitis multum carnis putridæ, cerebri substantiæ similis, abstulit, unde plus doloris quàm ex tota incisione sensit. Circa festum nativitatis, sponte crus dextrum ei intumuit, doluitq; per 12. septimanas, dein sponte paulatim decrevit. Quamprimumq; calculus costæ exemptus fuit, statim carne & cute novâ fuit obducta pars, ita ut saltem pisi instar vulnus exiguum remanserit, è quo sanies parvâ quantitate effluxit. Anno sequenti ferè elapso, rursus caro sensim ad capitis magnitudinem excrevit, cui adnati duo tumores minoris infantis capitis instar, illic conspiciebântur, ex quibus vermes vivi prodierunt. Jam dum hæc scribo, paulatim ei vires deficiunt, quod mortis brevi subsequuturæ indicium.

Scabies vulgaris, manus infestans.

MANUS ambas, scabie vulgari, jam diu infectas habebat studiosus quidam, An. 1596. Majomenf. ita ut illis uti non posset, atque eas denudare ipsum puderet.

334 IN SUPERFIC. CORP. DOLORE

Purgavi eum hoc modo: R. Catholici 3. ʒ. ʒ. conf. Hamech. 3. ij. cum aqua Fumaria, fiat potio.

Sequenti die venam brachii aperuit.

Apozemate deinde hoc usus: R. radic. Liquiritia 3. j. ʒ. rad. Lapathi 3. j. cort. Tamaricis 3. ij. herb. Fumariae. Lupul. Mercurialis an. M. j. fl. Cord. an. P. j. Epithymi, 3. ʒ. Sena 3. iij. Polypod. 3. ij. sem. Carth. conuas. 3. j. ʒ. semin. Anisi, Fœnic. an. 3. ij. Passul. Prunorum an. nu. x. fiat decoctio, dissol. in col. Sacchari q. s. fiat decoctum pro quatuor vicibus, aromat. Cinamom. 3. ij. primâ die bis, secundâ 12. tertiâ 8. quartâ novies deiecit.

Absolutâ purgatione: R. Mithridatii 3. j.

Ungat postea partes scabiosas: R. ol. Viol. Butyri rec. ana 3. j. succi Plantag. Lapathi, Aceti ana 3. ʒ. Lithargyrii 3. ij. rad. Serpent. 3. ʒ. Sulphur. 3. j. Laricea q. s. fiat nutritum; Ungat manus, & postea induat Chirothecas caninas.

Abluat manè hoc decocto: R. rad. Bryonia, Lapathi, herb. Malva, Scabiosa ana q. s. pro decocto.

Dein Electuario hoc intemperiem sanguinis contemperet: R. conf. rad. Cichorii 3. j. conf. Bugloss. Rosar. ana 3. ʒ. pul. Trionsant. 3. j. troch. de Eupato. 3. ʒ. cum syr. de Endivia, fiat Electu. sumat alternis diebus manè; Sic perfectè est curatus.

Scabies vulgaris, in manibus & pedibus.

Quidam hoc pacto scabie infestatus, sic curatus fuit, sumpsit primùm purgans sequens: R. Catholici 3. ʒ. confect. Hamech. 3. ij. syrup. de Fumaria 3. j. cum aquis Fumaria & Endivia, sumat.

Sequenti die Vena fuit secta.

Tertio apozemate hoc usus est: R. rad. Liquirit. 3. ij.

rad. Lapathi, quod Rhabarb. monachorum vocant, ʒ.j. rad. Polypod. ʒ.ij. cort. Tamaric. ʒ.ʒ. herb. rec. Endivia, Lactuca syl. Sonchi, Mercurialis, Fumaria, sum. Lupulorum ana M.j. flor. Buglos. Borrag. Scabiosa ana P.j. Passul. pa.x. Prunorum num.x. Epithymi ʒ.ʒ. Sena ʒ.ij. semin. Carth. conq. ʒ.j. fiat decoct. in sero Caprino, & in col. q.s. adde Sacchari q.s. Bibat 4. vel 5. vicibus.

Absolute apozemate, adhuc semel purgetur sequenti potionem: *R. rad. Glycyrrhiza, Polypodii ana ʒ.vj. Sena ʒ.ʒ. sem. Anisi ʒ.j. fl. Cord. P.j. fiat decoctio, infunde in col. Rhabarb. ʒ.iiij. Agarici ʒ.j. Spica, Zingib. ana ʒ.j. fiat expressio, dissol. syrup. Ros. sol. ʒ.j.ʒ. fiat potio.*

Postea sumat: *R. conf. Cichorii, Buglos. Ros. an. ʒ.j. sp. Trionsantal. ʒ.j. cū syrupo de Endivia fiat Electuarium: Superbibat semper aquam Acetosa & Fumar.*

Balneo dein hoc utatur, indies per horam unam aut duas, in illo moram trahendo: *R. rad. Lapathi, Bryonia, fol. Hedera, Salicum, Scabiosa, Mercurialis ana M.j. decoquantur in aqua Pluviali & Lixivio, addendo Tartari ʒ.ij. Sulphuris ʒ.j. Salis M.j.*

A balneo ungatur: *R. ol. Ros. Viol. ana ʒ.iiij. succi Lapathi & Plantag. ana ʒ.j. Aceti ʒ.j.ʒ. decoquantur ad succorum consumpt. adde Litharg. ʒ.ʒ. rad. Serpentina ʒ.j. Sulphuris ʒ.ij. Cera q.s. fiant unguentum: Restitutus mox fuit.*

Scabies sicca, Psora.

Perversa scabies, totum corpus, in adolescente quodam occuparat, & in pedibus, crustis latis & magnis præsertim erumpebat, recidivam passus aliquoties.

An. 1592. mens. Julio. Bibit meo consilio, per octi-

538 IN SUPERFIC. CORP. DOLORE
duum Serum lactis, in quo decocta prius fuerant, sum. Lu
pul. Fumar. Mercurialis, fl. Bugloss. & Sena.

Postea Venam aperuit brachii.

Dein iterum sic fuit purgatus: R. fl. Cord. P. j. Ta
marind. ʒ. ʒ. Epithymi ʒ. ij. Sena ʒ. ʒ. sem. Anisi ʒ. j. de
coquantur in Sero lactis & in col. inf. Rhabarb. ʒ. iiij.
Agarici ʒ. j. Spica ʒ. ʒ. fiat expressio. Diff. syr. Rosar. sol. &
florum Persicorum ana ʒ. j. fiat potio.

Per vices hoc electuarium sumpsit: R. conserva flor.
Scabiosæ ʒ. j. ʒ. conserva fl. Cichorii, Bugloss. Ros. ana ʒ. j.
cons. flor. Tamarici ʒ. ʒ. pul. Trionsantal. ʒ. j. trochisc. de
Thiro ʒ. j. cum syrupo de Endivia, fiat electuarium; Capiat
alternis diebus, superbibendo aquam Fumaria & Endi
via Vino dilutam.

Interea balneo hoc usus est: R. rad. Bryonia, Lapa
thi ac. Scabiosæ, Malva, Violaria, Parietaria, Hedera,
Mercurialis ana M. ij. vel ij. decoquantur in Aqua, ad
dendo aqua extinctionis Ferri & Lixivii ana mens. ali
quot, Sulphuris triti P. j. in eo sedeat per horas ij. in die,
dein in lecto se siccet.

Quo facto, unguento hoc utatur: R. succorū Lapa
thi acuti, Plantag. an. ʒ. j. Aceti ʒ. ʒ. ol. Ros. Viol. an. ʒ. j. ʒ.
Lariceæ ʒ. ʒ. Butyri ʒ. ʒ. Litharg. ʒ. iiij. Sulphuris ʒ. ij. rad.
Serpent. ʒ. j. incorporentur omnia instar nutriti. Quo
inungat loca magis affecta, & corpus linteo obvolvat, cu
bitum iturus, ne lectum commaculet, & chirothecas ex
corio Canino paratas, manibus inunctis induat.

Hoc pacto sanitati restitutus, postea tutus ab ea
mansit.

Prurigo, in ima juxta podicem sede.

CUIdam totâ sede imâ, inter clunes divisâ, à po
dice

dice ad perinæum usque, maximè æstatis tempore, rubedo exoriebatur, cum pruritu intolerali, ad frictionem donec cutis abraderetur, impellente; tandem tenui iquâ succedente: Frequenter hoc malo redeunte, & jam totum ferè decennium, à quo tempore nuptias celebrarat, durante, & tandè etiam scrotum penemque occupante.

Cùm huc venisset consilii gratiâ Anno 1611. dixi à sanguine fervido, bilioso, falso hoc prodire, opus esse, ut illum corrigat. *Salsa prohibui & aromata.* Ut *Lac* biberet *per septimanas quinque caprinum*, suavi, procedendo ab 3. iij. ad 3. viij. Et ut *singulis septimanis* biberet *haustum ejusdem lactis*, in quo pulvis *Sena*, *Bryonia*, *Fumaria sicata*, *rad. Oxylapathi*, coctus esset.

Inseſſionem ordinavi, cui *indies per horam* insideret, ex decoct. *Gypsi uſti*, *Aluminis & Boli rubra*, addendo *aquam extinctionis Ferri ſabrorum*. Pruritu urgente, *Lacte virginali partem* illiniret.

Quod nisi proficeret, dissolveret *Tophaceam materiam* (coctam ex *Litharg. Cerusâ & Vitriolo in Aceto*) in *Aqua*, eaq; lavaret locum.

Sicque, his remediis aliquandiu continuatis, sanatus fuit.

Scabies perversa, circa emunctoria & manus, cum facie rubra & pustulosa.

Vide in *Discoloratione*. Lib. III. *Facies rubra pustulosa, cum Scabie perversa, &c.*

Scabies fera, in collo & facie.

*P*Uella diu jam enarratâ horrendâ scabie afflicta, Anno 1562. primùm *purgata* fuit decenter.

Postea hoc unguentum præscripsi: *℞. succi Lapa-
thi radicis ℥ j. ℞. succi Limonum ℥ j. succi Ranunculi vul-
garis ℥. ℞. rad. Cyclaminis, rad. Serpentaria pulveris. ana
3. ij. Lithargyrii aurè 3. vj. Thuris, Mastiches ana 3. ij. ℞. ol.
Tartari, Laur. an. ℥. ℞. axungia Porci recentis quartarium
℞. Fugitivi ℥. ℞. ol. Rosac. quart. ℞. fiat unguentum.*

Integrè fuit hoc unguento sanata. Quo & postmo-
dum sæpe feliciter sum usus, in similibus casibus.

*Scabies fera, in capitis capillosa sede, &
facie infantis: Haarbroten.*

PUellula à teneris, ad annum usque ætatis 6. sca-
bie fera capitis laborabat, & bis à me curata, re-
cidivam ineunte vere passa est. Anno 1574. Erat au-
tem tota capitis sedes & faciei & colli, crustis, sub
quibus ichor purulentus continebatur & effluebat,
obsita, quibus & oculorum palpebræ & nares quo-
que, obductæ erant.

Primùm igitur, ut respiratio esset liberior, nec
oculi aut visus ex diutina cæcitate, labem pateren-
tur, *Lactis cremore crustas, ut secederent, emollire
iussi.*

Postea *Lac* ut biberet *Caprinum*, septimanas ali-
quot, imperavi, cui incoxissem *Senam* & alia, sed
illâ non sumente, quod saporem assuetorum immu-
taret, omisi.

Dedi itaque ei *Tabulas ex Saccharo & Diagrydio con-
fectas*, nihil præter *tabulas* admittenti, sed quia non
moverunt eam, exhibui ei *conserva Cydoniorum 3. j.
Diagrydii gran. v.* inde fuit *purgata*. Repetii aliquo-
ties cum bono successu *purgationis*, citra incom-
modum.

Præ-

Præscripsi quoque *viçlus rationem idoneam*, ne *sal-
fis* aut *aromatibus* uteretur, sed *simplicioribus cibis*.

Interea iussi *caput & faciem* sequenti *linimento* in-
ungere, quod: R. *Lithargyrii* 3. j. *Sulphuris* 3. ij. *Ce-
russa* 3. j. *Gersæ serpentar.* 3. β. *Horacis* 3. j. *Pomata* q. s.
Dissolvantur *cum oleo Rosarum*, pro *Linimento*.

Ablait indies *unguentum*, ne *siccatum* pertinaciùs
hæreret, uti in *crustis* fieri solet, *Lixivio*; dedi ad *sa-
nationem* hoc *decoctum*, quod R. *Gypsi usli scutell.* j.
Aque fabrarum mensur. ij. *Lixivii mens.* j. *Vini pocul.* j. rad.
Eupathi, Plantag. an. M. j. Decoquantur ad usum.

Hicce penitus fuit restituta: Verùm eo tempore
grassante *sebre illa contagiosâ*, *variolis comitatâ*,
puellula illa simul hoc malo fuit correpta, tuncque
caput, facies & collum *variolis repleta*, mirè intum-
uerunt. Quam novam naturæ expurgationem, ne
deinceps *recidivam feræ scabiei* patiat, utilem futu-
ram, parentibus persuasi.

Scabies fera totius corporis, in viro.

Quidam pauper vinitor, Anno 1598. mense
Septembri in *dysenteriam* incidit, quâ mensis
spatio detentus, diuturnis *dejectionibus* ad extre-
mum redactus fuit, præsertim cùm huic alius alvi
fluxus succederet, per quem immensam copiam mu-
coris, uti & per tussim, similem materiâ, dein & fœ-
tidissimam, subviridium excrementorum excrevit.

Quibus cessantibus, & pedes & crura universa,
cum *scroto* admodum, sicuti *asciticis* evenire solet,
intumuerunt, non tamen venter.

Post dies 14. subsedit tumor, *serositate discussâ*,
sed adeo debilitari cœpit & *cardialgiâ* angi, ut de
ipsius

ipſius incolumitate omnes deſperarent. Præter ſpem tamen evaſit, cœpitque tum è facie, auribus, capite-
que reliquo, & ab univerſo corpore, pedibus dem-
ptis, qui priùs intumuerant, ichor quidam ſubfla-
vus, ſeroſus, aeris, per poros cutis prorumpere, co-
pioſeque effluere, cutem exedere, & iquamas ac cru-
ſtas, in ea undique excitare, quæ aliquando, hinc
inde, latè à cute abſcedebant, ægro interim ardore
ac prurigine miſerè afflicto. Quibus ad dies unde-
cim perieverantibus. ad extremam miſeriam & ino-
piam reductus, leproſus eſſe putabatur. Cumque eo
nomine conſultus eſſem, ſcabiem ſiccam, quam pſo-
ram vocant, Germ. *Maſer*/ eſſe judicavi, & miſer-
tus ipſius, *curam* inſtitui, etſi eum deploratum eſſe,
plerique cenſerent.

Cum alioquin multis *dejectionibus* eſſet purgatus,
materiaque reſidua in habitu eſſet corporis, ut in
balneo ſederet, *indies horam unam aut alteram*, ſuaſi,
hoc paratu facile, cum ſumma eſſet ejus egeſtas, ex
*Rad. Lapathi, & Bryonia, ſol. Hedera, Gypſo uſto, & Tar-
taro vini, decoctis in Lixivio & aqua Fabrorum extinct.*
ferri præparatum fuit. Quo per dies aliquot, cum ute-
retur, etſi magnam lancinationem, ex eo ſentiret, flu-
xit tamèn adhuc ampliùs ichor ille in principio.

Et proin à *balneo humido* ceſſare, & in *ſtupha eum*
indies ſudare juſſi: Et poſthac ſe inungere *inunct.* ſe-
quenti: *R. Butyri rec. ʒ. iiij. Tereb. q. ſ. ſucci Lapathi ʒ. ij.*
Litharg. ʒ. ſ. Sulph. ʒ. vj. fiat Nutritum.

Corporis ſuperioribus ſenſim ſanari incipienti-
bus, pedes qui poſtquam detumuerant, pſorâ non-
dum inſeſtati, poſtea quoq; ſimilem materiam pro-
fundebant, è quibus, ichoris copia, ſine intermiſſio-
ne, exſudabat.

Pur-

Purgavi illum *extr. Cydon. 3. ij.* & die nocteq; 10. dejecit.

Restabāt tantū pedes, adhuc circa digitos ichorem profundentes, jussi ut repeteret *unguentum*, & ut *in labro*, in quod *Lixivium servidum fustum esset*, *Silicesq; igniti in eo extincti*, pedes benè tectos, tanquam in *stupha* aliquoties sudare siniret.

Quorum usu omnia sanata sunt, sed cū per dies aliquot postea, bilem vomeret, dedi *Vinum in quo Absinthium cū flor. Centaur. min. infusa fuerant*, ut biberet, denuq; illum *extracto Cydon.* purgavi.

Remisit vomitio, sed post septimanas duas rediit nausea, amaritudo oris; Dedi *vomitorium* & bilem meram vomuit. Cū nec sic cessaret, jussi *Absinth. & summit. Centaur.* decoquere in *Vino*, & tres dies bibere, unde subsequutum est alvi profluvium, moxque habuit.

Scabies fera totius corporis, in ancilla.

Scabies crustosa universum corpus occupat, Virgini cuidam, sed jam profectæ ætatis, Lucernæ Anno 1582. sub qua ichor flavus erumperis, præsertim in capite, totum caput crustis flavis implebat, scissuræ in manibus & pedibus: In superciliis furfures. Pruritus totius corporis maximus. Aliquoties *balneo* usa, curata fuit, sed repetebat semper malum; leprosam pleriq; suspicabantur esse, ego psoam seu scabiem siccam, quam Germ. *Mager* vocant, esse dixi, cui nisi subveniatur, in lepram tandem abiit. Hæc consilii causâ ad me Lucernæ venit. Dicebat se mensibus carere, robusta alioquin erat. Et cū pauper esset, minis pretiosis utendum erat.

Dei

Dedi illi itaque purgationis loco: *Rj. succi Mercurialis ℥.j. cum Mellis ℥.β. dissolvat in Jussculo; Bibat, & purgata fuit.*

Decoctum hoc dein quinque vicibus bibit: *Rj. rad. Cichorii, Lapathi, Petrosel. Ireos recent. an. ℥.ij. herb. Melisse, Artemisiae, Endiv. Fumaria, Mercurialis rec. omnium ana M. j. 3. fl. Cord. ana P. j. sem. Fœnic. 3. ij. fol. Senna 3. ij. rad. Bryoniae 3. j. decoquantur in lacte Caprino, addendo Mel. Hoc decocto adeo purgata fuit, ut diarrhoea aliquamdiu, etiam absoluto illo adhuc laboraret, quod ego illi profuturum, prædixi.*

Et quia discedendum mihi erat, jussi illam postea hoc modo procedere. Quia veris tempus aderat, jussi illam decoquere *summit. Lupulor. Fumaria & teneritates Sambuci, addendo flor. Persicorum recentes, quam diu illos habere posset, & in lacte Caprino decoquere: Atque per mensis spatium bibere.*

Venam in brachio primum dextro & post aliquot dies, in sinistro quoque aperire. Et laudatâ uti victus ratione, cavendo à salsis & aromatibus.

Scarificatione adhibitis cucurbitulis in scapulis & humeris, dies aliquot, postea uti, nam facies admodum rubebat, & squamis erat referta.

Absolute mensis spatio, ut adiret *thermas Helvetiorum sulphureas*, illisque uteretur, persundendo collum etiam continuo, dum in illis federet, quod omnino scabiosum quoque erat.

Secuta est meum consilium & post usum *thermarum*, aliquomodo sanata, remanente tamen scabie adhuc in capite, collo & pedibus: de quo certior factus, mandavi illi, in *Lixivio*, in quo *scutella una Gypsiusti & pulverisati cocta esset, sapè pedes lavaret.*

Item

Item hoc unguento caput & collum illiniret: R. succorum Plantagin. & Lappathi ac. ana pocul. β. Lithargyrii pulverisati & Sulphur. an. cochl. ij. Gypsi coch. j. Butyr. rec. coch. iij. Laricea q. s. agitentur invicem, fiat instar nutriti; Quo illinat collum & caput: Hisce sanata fuit.

Sub autumnum, cum denuo quædam in capite & pedibus erumperent, & repeteret decoctum Gypsi pro pedibus, & Linimentum pro capite, denuo cessarunt omnia.

Sequenti anno venit Basileam, & cum me salutarer gratiasque ageret, tam bene erat habita & pulchra, ut non eam amplius agnoscerem, & cum successum exponeret, etiam mentes nunc decenter fluere, prædicabat.

Scabies manans capitis, quam Ulcera capitis manantia, seu Tineam vocant.

MAtrona quædam in principio Praxeos meæ, Anno 1558. tinea laborabat. Quia pauper erat, sic purgavi illam: R. seri Lactis caprini, q. s. decoque in eo Fumariam, summitat. Lupulorū, Mercurialem, omnia recentia, addendo sol. Senna ʒ. ij. sem. Fœnic. ʒ. j. Bibat per dies quatuor vel quinque.

Postea inungat caput: R. ol. Nucum, ol. ex ligno Juniperino ana ʒ. ij. ol. Lucernarum ʒ. j. β. Nucum integrarum ustarum ʒ. vj. fulig. Furni ʒ. β. Litharg. ʒ. β. Fugitivi extincti in Laricea ʒ. vj. Aluminis ʒ. ij. Aerug. æris. ʒ. j. seminis Juniperi ʒ. ij. Aceti fortiss. ʒ. β. Mellis ʒ. j. agitentur invicem cum Laricea s. q. donec fiat instar nutriti. Utatur bis in die. Valde denigrabat, quod in capitis pilosa cute non adeo, sicuti si alia loca inungenda fuissent, observatur.

Mand

Manè abluit *Lixivio sequenti*, admodum caput fricando, sic parato: *Rx. aquæ extinct. Ferri sabrorum, & cum cineribus ex ligno Quercus Vitis, Ebuli cum toto & Cautium simul ustis factis, passetur per filtrum aliquoties, & in Lixivii mensur. j. decoque Betam, Marrubium, Absinthium, sum. Centaurii min. Lupinos, Fabas, addendo Salis parum.*

Integrè sanata hisce fuit.

*Crustæ in capite erumpentes, in
Cephalæa.*

Vide in Capitis dolore. Lib. II. Cephalæa cum crustis in capite erumpentibus.

Herpes esthiomennus.

Rustica mulier quinquagenaria, hinc inde in coxis, brachiis, utroq; genu & cubito, pectore & facie, maculas habebat elevatas rubras, scabras, asperas, latè serpentes, & de novo hinc inde erumpentes, instar *Zittermahl* Germanorum; quibus vitis jam diu deformata, in lepræ vel luis venereæ suspicionem venerat. Admodum igitur perculsa, mense Novembri Anno 1597. ad me venit, an ne quid tale esset, quaritans? Negavi, & ut animo quieto esset, beneque speraret, jussi, & cum pauper esset, paucioribus licet *remediis* uti cogerer, illis tamen hoc pacto sanata est.

Præscripsi *Vinum purgans* hoc modo: *Rx. rad. Cithoreæ, Lapd. an. ʒ. ij. herb. Fumariæ, Mercurialis, Chamæpityos, Chamedryos, Absinth. ana M. j. florum Cord. an. P. j. seminis Fœniculi ʒ. ʒ. fol. Sennæ ʒ. j. ʒ. rad. Bryoniæ ʒ. ʒ. rad. Esulæ præpar. ʒ. j. conquassata infundantur in Vino, bulliant*

bulliant in duplici vase; Bibat colaturam quatuor vel quinque matutinis. Unde benè purgata fuit, & aliquoties vomuit.

Iussi scabras maculas semel in die madefacere sequenti aqua, idque penna vel penicillo in ea intinctis, & in latioribus quæ genua occupant, primùm tentare, & an ferre posset, illic experiri: R. Sublimati ʒ. j. β. Litharg. ʒ. ij. Boracis ʒ. β. Camph. ʒ. j. fiat pulvis, adde aq. Rosar. & Plantag. ana ʒ. iij. coquantur: Aliquandiu titatur.

Ab illius usu dolorem aliquem percipiebat, qui tamen mox remittebat, statimque crustis subluteis maculæ hæc obduci cœperunt crassis & duris adeoque densis, ut genua non posset flectere. Docui itaque eam, ut cremore lactis inungeret; quo aliquoties facto, emollitæ crustæ decidere cœperunt, remanente subrûs cute sanâ; sublividâ tamen (uti illis locis fieri solet) aliquandiu remanente.

Cùm illud idem aliis locis faceret, reliquæ quoque recesserunt maculæ.

Monui ut vere ineunte, corpus purgaret, & si quæ iterum erumperent, eodem remedii genere uteretur.

Herpes a Germanis der schlaffend

Wurm appellatus.

QUædam mulier, hoc malo in manibus & pedibus, uti & facie adeo, ut nasus collapsus esset, afficiebatur, atque hac ratione curata fuit, remanentibus saltem cicatricibus; & deformatione nasi.

Lavit frequenter hac Lotione ejusmodi vitia, quæ sic parabatur: R. Aluminis, Aeruginis aris, Vitrioli ana a-

quales partes : coquantur in Vino diligenter agitando, quam diu ebullit. Utatur.

Postea imposuit certis locis emplastrum ex far. Hordei subactâ cum Vino, additâ paucâ Pinguedine Porci, saltem ne siccaretur & induraretur emplastrum.

Idem affectus.

CUrati hoc pacto multi fuerunt. Emplastrum sequens applicando supra locum affectum per 24. horas. Quod Rj. Cranium humanum, ustum quousque pulverisari queat, excipiat pulvis Albumine Ovi, donec in pastam redigatur.

Postea, Accipe Ossa equorum combusta & pulverisata, adde vitri Veneti pulverisati, & Farina secalis an. aquas partes, misce cum Melle, fiat emplastrum : Applicetur & renovetur indies bis, donec mundum fiat ulcus, & rubescat.

Herpes, Pustulae.

Post quartanam, cuidam Religioso Anno 1598. in universo corpore eruperunt pustulae rubrae, e quibus disruptis, serosus humor effluebat, quae tandem crustis obducebantur. In manibus imprimis herpes latus, extrinsecus per eas dispersus erat, magnumque etiam in carpo spatium occuparat, qui labiis rubris circumscriptus erat, ichoresque acres exsudabat.

Iussi purgare corpus decenter, Venam aperire, uti Conservis hepatis appropriatis.

Dein hac aqua herpetem madefacere : Rj. Litharg. 3. vj. Cerussa 3. iij. Vitrioli albi 3. ij. Aq. ros. 3. iij. B. Aceti ros. 3. ij. Aque sublimati (ut parare soleo) 3. B. aqua Virid. 3. ij. miiceantur diligenter.

Postea

Postea hoc unguento inungere: R. unguenti Popul.
 & Pomph. an. ʒ. j. succi Lapathi & Aceti scillit. ana ʒ. ij.
 Litharg. ʒ. β. Tartari ʒ. ij. radic. Serpent. ʒ. j. Lap. calamin.
 ʒ. iij. Cerussæ ʒ. β. Laricæ parum, Ol. de tartaro ʒ. ij. fiat
 instar nutriti.

Hoc facto aliquandiu, sanatus fuit.

Herpes exedens & psora.

EX Italia reversus Lotharingus An. 1595. mense
 Novemb. nobilis quidam, virilis ætatis, con-
 questus est se à teneris scabie siccâ laborasse, quæ
 tandem in emunctoriis, & pilosis locis in barba &
 superciliis substitit, cum rubore adhuc illic ap-
 parente, crustaceâ cute asperâ, siccâ. Profectum se
 in Italiam, ut sanaretur, ostendebat consilium Cape-
 longi; ex quibus omnibus illum sæpè Purgatum fuis-
 se, etiam fortissimis catharticiis cognovi, Venam fre-
 quenter aperuisse, multa hepar Refrigerantia assump-
 plisse, Lac, & Acidæ aquas bibisse, duo Cauteria in utro-
 que brachio & unum in tibia gestare, quæ Medici ad
 defluxionem à capite, uti scribebat, applicuerant.
 Dein & uferunt ferro candente herpetem.

Huic ego consilium præscripsi, cujus hæc est
 summa, illum scabie siccâ, quam psoram & lepram
 Græci vocant, à teneris laborasse, Mager German.
 tandem herpetem in facie progenitum, eumq; exe-
 dentem & serpentem, uti cicatrices adhuc variæ in
 ambitu ostendebant.

Causam esse non in capite, sed in venis, serosum
 humorem salsum, bile ferventissima permixtum,
 exudantibus per poros, maximeque illic subsisten-
 tem, ubi pori propter uisionem, scarificationem & cu-

curbicularum applicationem illius loci, sint oblitterati.

Et cum nondum integrè sanatus sit, suasi ut ineunte vere, corpus continuatis vicibus, sed blandè purgaret, iis quæ sanguinem potissimùm repurgare & mundificare, ut vocant, possunt. Hac ratione: *R̄. succorū Fumariæ, Lupulorum, Rosarū, Mercurialis an. ʒ. iij. aquarum Buglossæ, Endiviæ, Ros. an. ʒ. j. infundendo Senne quart. j. Epithymi ʒ. ʒ. sem. Anisi ʒ. ij. fiat express. post levem ebullitionem, addendo Sacchari quart. j. coquantur ad mediam syrupi consistentiam: Capiat ab ʒ. j. ad plures procedendo, per mensem serè continuando.*

Unguentum hoc ad herpes præscripti: *R̄. succorum rad. Lapathi, Cyclam. Serpentariæ ana ʒ. j. ʒ. Limonum ʒ. j. Litharg. auri ʒ. ij. Sulphuris, Thuris an. ʒ. j. CrySTALLI, Boracis, Vitrioli ana ʒ. ʒ. Fugitivi extincti in succo Limonum ʒ. ʒ. Terebinth. dissin ol. Ros. q. s. adde ol. Tartari ʒ. j. fiat instar nutriti.*

Aqua hac interdum abluat: *R̄. Sulphur. vivi ʒ. ij. Thuris, Myrrhæ ana ʒ. j. ʒ. succi Limonum, Aceti ana ʒ. j. Camph. ʒ. j. aquæ fl. Fabarum & Ros. an. ʒ. ij. coquantur, colentur.*

Balneo hoc aliquando uti potest: *R̄. rad. Althææ, Bryoniæ, Liliorum an. ʒ. j. Sulph. quart. j. Thuris, Tartari ana ʒ. j. coque in aqua Pluvia.*

Sulphureis thermis Badena Helvetiorum, ut veris tempore utatur, suasi.

Herpes esthiomensus serpens, diuturnus, & pertinax in manu.

IN manus sinistrae externa sede, sub minimò & annulari digito, ad carpum usque spatio trium digitorum, herpetem esthiomenum patiebatur puer quidam.

dam, qui serpens, ichorem perversum, continuo reddebat, labiis in circuitu elevatis & callosis. In quo curando, licet totum quadriennium, varia tentata fuissent, huc tamen adductus, mense Maio An. 1613. tandem apud nos, Dei gratiâ, sic curatus fuit.

*Purgatus primum fuit hoc apozemate: R. rad. Oxy-
lapathi ꝑ. j. ꝑ. Glycyrrhizæ ꝑ. j. Polypodii querc. ꝑ. iij. herb.
Fumariæ, sumitat. Lupul. Scabios. an. M. j. Epithymi ꝑ. iij.
Tamarind. ꝑ. j. ꝑ. sem. Carthami conq. ꝑ. j. sem. Anisi ꝑ. iij.
fl. Cord. P. j. fiat decoctio in Aqua, addendo ꝑ. j. Vini, in
colatura adde syrupi Ros. sol. simpl. ꝑ. ij. Rhab. infusi in de-
cocto & expr. ꝑ. iij. Cinam. ꝑ. ij. Sacchari ꝑ. iij. coletur de-
nuo, fiat apozema pro quatuor vicibus.*

*Ut manum affectam indies in decocto sequenti calido
immersam aliquandiu retineret, injunctum: R. rad.
Bryoniæ rec. quart. j. rad. Iridis rec. ꝑ. iij. Althææ ꝑ. ij. herb.
Malvæ M. ij. seminum Lini ꝑ. j. Sulphuris ꝑ. j. Gypsi usli
ꝑ. j. ꝑ. Lixivii mens. iij. vel quinque, coquantur.*

*Sub noctem cubitum iturus, herpetem madefaciebat,
pennâ vel penicillo intincto in sequenti liquore: R. Sub-
limati ꝑ. j. ꝑ. Litharg. ꝑ. ij. Boracis ꝑ. j. Camphoræ ꝑ. j.
decoquantur parum in Aqua ros. & Plantag. an. ꝑ. ij. ꝑ.
ad usum.*

Cum diu hæc continuasset, coepit subsidere & ficcari herpes, adeo ut nihil amplius inde emanaret. Idque circa mensẽ Julium, & quia crassa erat cutis illic & cicatricosa, inunxit aliquoties ol. Tartari. Unde cutis adeo scabra facta, ut Pomatâ eam rursum emol- lire oportuerit.

Deinde ad attenuandam illam cutem & macu- lam aliquomodo delendam, quæ diu remanere, tu- moribus & ulceribus curatis, solent, sequenti aqua

550 IN SUPERFIC. CORP. DOLORE
usus: R. Sublimati, Boracis an. 3. j. Alumin. 3. 8. coquan-
tur in Aqua ros. 3. iij. ad consumptionem media partis.
Sicque fuit sanatus.

*Herpetes diuturni, in brachii inte-
riore regione.*

IN brachii utriusque flexura interiore seu cubito,
euidam molitori, pustula utrinque exorta, pru-
riens, & tandem se aperiens, madoremque exsudans,
serpebat, adeo ut palmę amplitudine cutem illic exe-
deret & depasceretur. Rubebat locus ille, & made-
bat, circumferentia callosa erat dura & tumida, atq;
ulterius serpendo, semper progrediebatur.

Duraverat totum biennium, ut Anno 1613. Ju-
nio mense mihi hic exposuit, hic Herpes, qui & alias
fedes, in brachiis, pectore & cruribus, invaserat, ab
initio, sed illo sanato, remanentibus saltem cicatri-
cum latis vestigiis, hic semper in cubiti flexuris per-
manfit. Conquerebatur adhuc, de crurum, in fe-
more & suris, præter eum quem herpes adferebat,
dolore.

Cùm an lue venerea infectus esset, dubitarem,
illeque constanter negaret, se mulierem attigisse, nec
alia illius signa deprehenderem, essetque pletho-
ricus, curam talem institui, quã domi suę in pago,
usus fuit.

Præmissâ levi purgatione, per Venam apertam, san-
guis detractus fuit.

Dein usus est, spatio quatuordecim dierum, sin-
gulis matutinis, decocto purgante, non nimis violento, ut
nihilominus, à prandio prodire è conclavi posset,
celo præsertim sereno, quod unice, ut concederem,
petierat.

petierat, nec si inclusus maneret, suspectum se, ac si curâ ligni ad sanationem luis venereæ uteretur, redderet. Parabatur hoc decoctum ex rad. Polypodii, Bryonia, Oxylapathi, cort. Frangulae, cort. Sambuci, Tamaricis & Ebuli, Sennâ, Fumariâ, Lupulis similibusq.

Absolutâ purgatione, utebatur Vino Absinthite, cui traumatica herba, Pyrola, Alchimilla, similesq. infundebantur.

Interea dum hisce utebatur, topica loco affecto sequentia fuerunt administrata. Inungebat manè & vespri in cubito herpes, hoc unguento: R. Argenti vivi 3. ij. dissolvatur cum Terebinthina 3. j. B. agitentur diu, quousque nulla mica argenti vivi appareant, adde Mellis 3. j. B. Vitellum unius ovi, pul. Sulphuris vivi 3. ij. Lithargyrii, Aluminis, Gersa serpent. ana 3. j. misceantur & reducantur in formam unguenti.

Abluebat unguentum, quando pertinacius hærebat, & se accumulabat, Lixivio, in quo Calx viva prius extincta erat.

Cùm aliquamdiu hisce usus esset, illius ad me reversi herpetem, minui quidem, sed lotionem cum Lixivio calcis, ob dolorem inde natum, ægrè illum ferre posse, observavi.

Iussi itaque unguento eum uti, quadriduo semel, sed magis Melle diluto, ut liquidius esset minusque hæreret, & sequenti die abluere leviter Lacte, sicque ea die permittere, atq. altero sequenti liquore cum penna intincta madefacere.

Liquor talis erat: R. Sublimati 3. j. B. Lithargyrii 3. ij. Boracis 3. B. Camphoræ 3. j. coquantur in Aqua communis 3. j. leviter tantum ad usum. Et sequenti die idem repetere, postea unguento uti, & sic continuo pergere.

In quorum usu, ad autumnum usque eo perseverante, perfectè sanus evasit, remanente tantùm in cute, ubi herpes fuerant, colore fusco.

Anthrax in dorso.

OBortus est Anno 1610. tumor cuidam virgini nobili sexagenariæ, non admodùm elevatus, inter utramque scapulam, ad sinistram spinæ sedem magis inclinans, rubicundus, in ambitu præsertim urens & pungens, in quo pustulæ aliquot conspiciantur, quæ disruptæ ab initio ichorem, mox purulentam materiam, profundebant.

Consilio pharmacopæi, *cataplasma maturans* appositum, sed nihilo melius habuit, dolorque auctus. Tribus elapsis inde septimanis, cùm dolor summus, cum febre noctu superveniente, eam exagitarent, me accersivit, qui statim primo intuitu Anthracem eum esse judicavi, quem nostri den Rückenrebs vocant, Cancrum scilicet dorsi, distinguentes sic eum à vero cancro, qui plerumque incurabilis, cùm hic curari, si rectè tractetur, possit. Et quia hic potius in posteriore corporis sede, verus verò cancer in anteriore enasci solet, idcirco vulgus eum, qui videri potest, lethalem, alium verò, talem non esse, pronuntiant.

Iussi itaque ut omisso *maturante cataplasmate emplastrum de Arnoglossa* apponeret, quod cùm tam citò, minimè parari posset, ipsaque nudum anthracem relinquere, ob dolorem nequiret, *Plantaginem contusam, cum farina Lentium, & Albumine ovi subactam*, applicavimus, unde dolor nonnihil mitigatus fuit.

Postea

Postea Emplastrum de Arnoglossa fuit admotum, & in ambitu unguentum defensivum ex Bolo, Aceto, & albumine ovi paratum inunctum. Quæ omnia indies bis repetita fuerunt.

Existimabam lobum carnis nigrae emortuæ, uti in anthrace solet proditurum, verum cum foramina admodum paterent, & pus copiosum effunderent, quod per dorsum defluebat, cavitasq; inter cutem perforatam, & subjectam carnem deprehenderetur, unguentum suppurans commune chirurgorum, ex Terebinthina, Vitello ovi & oleo Rosaceo paratum, cum turunda foraminibus fuit inditum. Postea emplastrum quod ex Plantag. Solano, sol. Hyoscyami, farina Fabarum, Hordei & Lentium, invicem contusis & coctis, addito Melle, superpositum. Et in ambitu defensivum ex Bolo.

Quibus diu continuatis, beneque sic mundatis ejusmodi ulceribus, quæ sub cute sinum fecerant amplum & profundum, caro sensim cœpit accrescere, eaque cavitas repleri, tandemque coalescere, & cicatrice obduci.

Ulcus cacoëthes in tibia dextra juxta malleolum.

Nobilis adolescens quidam, aliquot annos, in malleoli interioris sede, pedis dextri, ulcus habuit cacoëthes, in acuta hac sede, admodum illi molestiam pariens: in ambitu locus rubebat, atque livebat: multis usus erat remediis, & licet quandoq; ex parte sanaretur, mox tamen iterum recrudescebat malum, uti ejusmodi ulcera frequentia & curatu pertinacia, hoc tamen postmodum à me sic curatum fuit. Anno 1608.

Venam brachii primum aperuimus.

Postea sic purgatus fuit: R. rad. Cichoreæ, Lapathi ana ʒ. j. herb. Endiviæ, Fumariæ, semin. Lupul. ana M. j. flor. Cord. P. j. sol. Sennæ ʒ. j. ʒ. Polypod. ʒ. ij. sem. Carthami conuas. ʒ. j. sem. Anisi ʒ. j. fiat decoctio in Aqua, addendo Vini albi poc. j. & in colatura pro tribus dosibus, infunde Rhabarb. ʒ. ij. Agarici ʒ. iij. fiat express. dissol. syrup. Ros. sol. ʒ. ij. misce pro tribus vicibus.

Maij 12. emplastrum leuius adhuc, primum apponere iussi, Pompholygos, & in ambitu, cum ruberet & doleret unguento albo camphorato inungere.

Ad validius emplastrum 16. Maij transii sequens: R. Lithargyrii, Cadmiæ, Cerussæ ana ʒ. j. ʒ. Aerug. aris ʒ. j. Sublimati ʒ. ʒ. Argenti vivi ʒ. iij. Thuris, Myrrhæ obputredinem quæ inerat. ana ʒ. j. Terebinth. ʒ. j. ʒ. radic. Aristol. rot. ʒ. j. ʒ. Mellis ʒ. ʒ. ol. Rosacei ʒ. j. ʒ. succi Plantag. ʒ. ij. agitentur probè, fiat emplastrum; Applicet & gestet continuè, renovando tertio die.

Junij 12. etsi labia ulceris ruberent, in medio tamen putris erat sanies & caro: Iussi itaque illic unguentum Aegyptiacum adhibere, & supra illud uti & reliquum ulcus emplastrum, & in ambitu ubi dolor & rubedo, unguento Albo circumlinire.

Junij 17. ut potentiùs siccaretur ulcus, sequenti utebatur: R. Cerussæ, Aluminis, Vitrioli ana ʒ. j. ʒ. Aceti alb. poc. j. coquantur donec informam calcis siccæ redigantur. De qua calce dissolve portiunculam in Vino albo, & illinatur ulcus. Hoc valde illud siccabat.

Emplastro priore nihilominus utebatur, addendo Aerug. aris ʒ. ʒ. Terebinth. & Mellis q. s. ut molle fiat.

Junij 22. Cum cicatrix tantùm restaret inducenda, præscripsi pulverem quem inspergeret: R. Aristol.

rot. ʒ. j.

rot. 3. j. Aluminis usti 3. B. fiat pulvis subtilissimus inaspergatur, & ne decidat emplastro albo cocto imposito. cū cohibebat. Et sic lenfim usu emplastri ulcus sanatū fuit.

Ulceris cacoëthis in tibia altera cura.

Eodem ferè modo, sed iteratis purgationibus, sc̃pius, curavi alium, simili ulcere affectum, eodem emplastro. Utebatur tamen etiam immersione pedum per aliquot dies in decocto radic. Lappathi cum sol. radic. Bryonia, sol. Malva, Scabiosa, Saponaria.

Ulcus cacoëthes in utraq; tibia.

Senex quidam à teneris frigora in pedibus passus, in senectute, ulcus in utraq; tibiæ inferiore fede nactus est, illisque jamdiu laborabat; quorum ambitus liveſcebat & nigricabat.

Præscriptū fuit primò regimen conveniens in usu sex rerum non naturalium, cū me Thannam accersivisset Anno 1560. ut consilium darem.

Postea sic purgatus fuit: R̃. Cathol. 3. vj. Diasenna sol. sine scammon 3. iiij. Sacchari q. s. fiat Bolus: Capiat per se vel dissolv. prius aquis Fumariæ vel Borruginis.

Dein præparetur materia: R̃. rad. Enule camp. Lappathi ac. & Acet. an. 3. j. rad. Ireos & Filicis masc. an. 3. B. Fumaria, sem. Lupuli, Bugloss. utriusq; cum radicibus, Cichorii, Endivia, Scabiosa, herb. Capill. ven. ana M. j. sol. Chamadr. Chamap. & Mercurialis ana M. B. 4. seminum Frigid. major. contus. ana 3. B. sem. Anisi, Fœniculi ana 3. j. B. Passul. mundatarum par. x. Polypod. querc. rec. Rad. dulcis & follicul. Senna orient. an. quart. B. flor. Genist. Stœchad. & Cicerum nigr. ana P. ij. trium Flor. cordialium ana P. j. fiat decoctio ad lb. ij. & in colatura dissolve

Syrupus

556 IN SUPERFIC. CORP. DOLORE

Syrupi de Fumoterra & Endivia compos. an. ʒ. iij. Syrup. de Bugloss. & de Byzantiis ana ʒ. ij. fiat Apozema media decoction. clarific. & arom. cum pulveris elect. Diamb. & Diarhod. abbat. an. ʒ. j. ʒ. pro vj. dosibus, Sumendo manè.

Hoc præparante sumpto per quinq; vices, sextâ die sumpsit hanc potionem: ʔ. Cathol. Diasenna ana ʒ. iij. Conf. hamech. ʒ. ij. Rhabarb. infus. in Vino albo cum pauco Cinamom. & express. ʒ. j. ʒ. Syrupi Ros. sol. simpl. & de Fumar. compos. ana ʒ. vj. Dissolvantur cum postrema dosi Apozematis. Atque utatur cum custodia.

Peraçto hoc, electuarium sumpsit corroborans.

Dein ad topica progressus, usus est hoc remedio: ʔ. succi Plantag. Solani, & Telephii, seu Crassula major. ana ʒ. iij. ol. Ros. completi ʒ. j. Coquantur simul in duplici vase, ad succorum consumptionem, in fine addendo lachryma Abietina lota cū aqua Solani ʒ. ij. Cerussa lota cum aq. Ros. Tutia præpar. & Lithargyrii auri ana ʒ. j. ʒ. Thuris, Mastiches ana ʒ. j. Plumbi usti & diligentissime loti, Minii ana ʒ. x. Sanguinis draconis & Lap. calami-naris combusti & diligentissime loti, an. ʒ. vj. Axungia porci recentis sine sale, & lota cum aq. Rosar. ʒ. iij. Cera alba ʒ. iij. Misce fiat unguentum longo tempore agitatum in mortario plumbeo, pistillo plumbeo, & ex eo unguento fiant Linimenta, & Emplastrâ, quæ aptè & commodè ulceribus applicentur, commutando manè & vesperi. Quòd si ex usu illius mordicationem aliquam persentisceret, & dolorem in ulceribus, Albumen ovi vehementer cum unguento agitatum, illi commisceri poterit.

Præterea: ʔ. Lithargyrii auri ʒ. iij. Boli præparata & lota cum aq. Rosar. ʒ. ij. Album. ovorum num. ij. succi Solani & Plantag. depurati ana ʒ. iij. ol. Ros. Omphacini & Aceti efficacissimi ana q. s. misce fiat Linimentum,
longo

longo tempore in mortario agitatum. Quod applicetur in circuitu ulcerum.

Adhæc panni lintei & fascia infundantur in Oxy-crato, & postea his expressi obvolvuntur tibia.

Præter hæc remedia, ad excrementorum pro-ventum impediendum, & corpus mundum servan-dum reddendumque, usus est Clysteribus, semel in hebdomada.

Item bis vel ter in mense purgabatur Electuario pur-gante.

Et viscerum roborandorum causa, usus est pul-vere post pastum, item Electuario hepati & lieni accom-modato.

Bibitque cum vino frequentes aquas Fumaria, Bugloss. Acetosa, Cichorii, Enula campanæ.

Sicque sanatus fuit.

Ulcus cacoëthes aliud, in tibia utraq.

IN utroque crure ulcus cacoëthes habebat Consul noster, usus thermis Plumbariis, sed non magno cum fructu, atq; in dextri cruris ulcere, admodum dilatato, caro putris, viridis, foetida apparebat. In ambitu quoque alia ulcera eruperunt, flavescente ichore ex illis copiosè fluente.

Ad mundificationē adhibui primum: R. Lithar-gyrii ℥.j.℞. Mellis, Aceti q.s. coquatur ad spissitudinem: Hoc emplastri instar extensum in panno applicabat.

Postea in aqua hac intinctum pannum scissum, ulcers imponebat, supraq; hunc emplastrum: R. Vitrioli, Alie-minis, Cerussæ, an. aqua partes, irrorentur Aceto albo, & coquantur, donec spumofus lapis in fundo concreseat, cujus portionem dissolve in Aqua.

Cum

Cum jam mundum esset & ruberet, hoc *emplastrum* præscripsi: *R. Lithargyrii, Cerussa, Plumbi usti an. ʒ. j. Tutia, Matris perlarum ana ʒ. ij. Mastich. Thuris an. ʒ. j. ʒ. Camphora ʒ. j. Colophon. ʒ. ʒ. Sævi cervini ʒ. j. Terebinth. ʒ. ij. & ol. Ros. q. s. fiat emplastrum.*

Ulcus cacoëthes in tibia, varicosum.

Mulier gravida, partui vicina, in tibiis venas varicofas prætumidas habebat, paulò ante partum, ulcus in dextra tibia, supra malleolum interiore erupit, cum ardore maximo & rubore in ambitu, quod ferpebat, dilatabaturq; sensim & humorem acrem effundebat.

Vocatus Anno 1597. mens. Augusto ab initio iussi mucilaginem sem. Cydon. extractam, aqu. Plantag. permiscere, cum unguento Pompholygos & applicare, & in ambitu unguento de Cerussa camphorato inungere.

Dein postquam peperisset, etsi ardor in ulcerato loco nonnihil mitigaretur, tamen totum crus intumescerebat, dolorq; illic affligebat. Misi illi solia Nicotianæ majoris, quæ cruri undiq; applicuit, unde mirè allevata fuit, continuavit per aliquot dies, donec tumor & dolor penitus remiserunt.

Ulcus verò serpens molestiam præbebat. Itaque ordinavi: *R. Cerussa, Tutia, Sarcocollæ ana ʒ. j. ʒ. Myrrha ʒ. j. fiat Pulvis tenuissimus, cujus media pars addito unguenti Popul. ʒ. j. succi Plantag. ʒ. ʒ. Lariceæ q. s. in Emplastrum reducatur, quod supra pannum extensum, ulceri applicetur, indiesbus renovando, prius de pulvere reliquo inspergendo.*

Purgabatur à pure cocto ulcus indies, nec amplius

plius serpebat, & quia pulvis nimium adhærebat, jussi solo emplastro aliquandiu uti.

Tandem cum non integrè sanaretur, præscripti hæc; ℞. *Litharg.* ʒ. ij. *Alum. usti* ʒ. ij. *Vitrioli* ʒ. ʒ. fiat *Pulvis tenuissim.* Misce cum *aq. Chalybeata*, madefaciat eâ *ulcus*, ante *emplastri applicationem bis in die.* Verum cum ab initio ferre nō posset, jussi am plius *aq. Ros. diluere*, & sic uti. Unde pulchrè convaluit.

Biennio ferè exacto, quo nihil amplius sensit, mens. Junio, denuo tibia illi dextra affligi cœpit, primumq; Erysipelate accendi & efflorescere, denuoque exulcerari, ardoremq; & dolorem sentire. Ulcus autem admodum erat humidum & sordidum, quod *remedia* quæ proprio consilio primum applicabat, non ferebat. Cui malo & aliud accessit, dolor membrorum & dorsi inprimis. Præterea tibia sinistra maculis rubris, amplis, tota, ubi pori erant, conspersa fuit, cum ardore aliquo & tumore, non tamen adeo vehementibus, ut in ulceratâ tibiâ.

Purgavi illam, sed leviter: Inde *vena aperta fuit brachii*, denuoque *purgata*, parum deiecit.

Dorsum el. Chamom. & Amygd. dulc. inunxit, quod valdè profuit.

Emplastrum hoc ulceri applicatum mirè juvit, quo etiam ante biennium sanata fuit: ℞. *Litharg. Cerussæ ana* ʒ. j. *gummi Tragac.* ʒ. ʒ. *Camphor.* ʒ. j. *Pomata* ʒ. j. misce: Applic. & continuo gestet, repetaturque.

Ulcus aliud in pede varicosum.

IN pede sinistro circa malleoli regionem, quæ tumebat, ulcus erat, quod jam diu perseverarat, nec *remediis sæpè variisque adhibitis* cedebat, à quo

360 IN SUPERFIC. CORP. DOLORE
quo sursum versus venæ amplæ, nigræ & varicosæ
apparebant.

Cum huc curæ meæ causâ venisset, Anno 1602.
atque crus inspexissem, consilium tale dedi.

Ut corpore prius purgato, quod sæpè factum, crus
varicosum, in sequenti decocto, ad medium suræ usq, im-
mergeret, & superiorem quoq, mediam sedem, undiqua-
que ubi varices apparerent, eodem calidè perfunderet.
Quod sic parabatur: R. Gypsi usti, scutellas ij. Boli ru-
bra med. partem, Vitrioli quartam partem, Aluminis tan-
tundem, pulverisentur, addendo sol. Agrimonie, Cau-
lium, Hedera ana M. j. Prunorum sylv. sicc. P. j. deco-
quantur in aqua Fabrorum extinctionis ferri, addendo
Lixivii mensuram ℞. Aceti quartarium j. pro balneo pedis
sinistri seu fotu: Singulis diebus quinq, continuis, eo per ho-
ram utendo, & postea renovando.

Post usum balnei, ubi crus siccatum fuerit, madesca-
t sedem ulceratam, Aquâ viridi in Praxi mea Tract. II.
fol. 357. in Oris ulceribus descriptâ, quæ R. Aeruginis æris
3. j. Auripigmenti 3. j. ℞. terantur, &c.

Et postea applicet emplastrum, descriptum in Præ-
xeos mea Tract. II. fol. 946. in crurum ulceribus perversis
commendatum, quod: R. Lithargyr. Cadmiæ fossil. Ce-
russæ ana 3. ij. &c.

Ut involveret indies fasciâ longâ pedem, docui, ab
imò illius sursum ad genu usq, ascendendo & stringendo,
minus tamen illic, ubi exulceratio existit, idq, præsertim
interdiu, inter ambulandum, post fotus vel balnei usum.

Quod si hac curâ ulcus non sanaretur, postre-
mum esse remedium dixi, ut una ex varicosis venis,
quæ manifestior, atq, ad ulcus duceretur, excicaretur, eâ
arte, quam in praxi mea in Varicum cura Lib. II. docui,
atque

atque Chirurgo, *quomodo hoc fieri deberet, & fascia quo pacto inducenda, demonstravi.*

Aliud in tibia ulcus cacoëthes, varicosum.

IN tibiæ inferiore sede ulcus serpens antiquum habebat vir quidam, è quo ichor exsudabat, in ambitu rubor, atque interdum erysipelas, pruritus & molestia, supra illud vena varicosa tumebat. Cui cum applicarem sequens *emplastrum*, valde profuit: *R. succorum Solani, Plantag. Aceti ros. ana 3. vj. ol. Rosae. 3. j. B. Laricea 3. ij. Lithargyrii, Plumbi usti ana 3. j. B. Tutia, Cerussæ ana 3. j. Camphoræ 3. ij. Fugitivi 3. j. fiat instar nutriti spissi: Verum permanēte varice, quam excindere, licet suaderem, nollet, sæpè ulcus etfi sanatum esset, rediit.*

Ulcus in pede, juxta malleolum, exsudans acrem humorem, admodum urens.

TAle ulcus affligebat quandam fœminam, & licet quandoq; sanaretur, certis temporibus remeabat, erat enim hoc illi hæreditariū. Contactum *emplastrorum*, uti & omnem alium ægrè ferebat.

Hoc *remedium* præ cæteris laudabat, quod ei profuit: *R. Lithargyrii 3. ij. Cerussæ 3. iij. pulverisata laventur aquâ Rosaceâ & siccantur, adde Tutia præpar. Pomphol. albi ana 3. j. B. Plumbi usti & loti 3. ij. fiat pul. tenuissimus, excipiaturs infusione gummi Tragac. facta in aquâ Rosarum, adde Savi caprini 3. ij. vel paulò plus, ut fiat instar Emplastri, addendo Camphoræ 3. j.*

Ulcerosum crus & œdematosum.

Vide in Extuberantia Lib. III. Cruris œdematosum & ulcerosum.

Ulcera circa sinistrum humerum, & scapulam, maligna phagedænica & fistulosa.

Conquestus fuit Nobilis quidam An. 1613. huc consilio meo usus profectus, se ante biennium gladio in capite fuisse percussum, tam graviter, ut calvariâ læsâ, *trepans partem illius auferre oportuerit.* Paulò post sanatâ hac plagâ, ulcera prodidiisse, circa humerum sinistrum perversa, quibus etsi varia adhibuisset chirurgus remedia, non tamen curata, sed deteriora facta fuisse, atque cava & fistulosa, adeò profundè, ut *injectiones in hæc facta, per syringam,* universum humerum penetrarint, & lumine admoto, locus ille pellucidus apparuerit.

A defluxione à capite, uti pleraque ejusmodi vitia provenire, vulgaris est opinio, etiam hæc ulcera exorta fuisse, existimans Chirurgus, post purgationes, curam uti per decoctum Guajaci, & cibi parsimoniam administrari solet, secunda vice instituit: cautarium brachio dextrò apposuit. Inter cætera topica, cauterio actuali sub scapula ulcus inussit, cutemq; hinc inde, ubi cavitas sub ea deprehendebatur, novacula secans aperuit. Verum cum in pejus omnia abirent, tandem consilii causâ ad me venit.

Exposui illi primùm, non à defluxione, sed congestione, ejusmodi ulcera originem traxisse, cum, si de-

Si defluxio esset, arthritidem potius, aliave ejusmodi, quæ à defluxione prodeunt incommoda, peperisset. Hunc verò humorem non pituitosum, aut ferosum, quales fluere à capite solent, sed vitiosum, pravum & malignum esse, qui adeò cutem & carnem exedat, & phagedænica hæc ulcera procreet. Gigni; eum, ob succi hæc sedes nutrientis corruptionem, aut aliud illius vitium, sicuti & circa coxendicem, in illius dolore, tetra & maligna ejusmodi ulcera, quæ eum frequenter comitari in coxendico dolore ostendimus, prodeunt. Quæ cum illius loci ligamenta, tendines, simul corrumpunt, ut claudi postea evadant, efficiunt.

Prædixi, cum & hæc ulcera, motū brachii in humero sinistro, jam ita læserint, ut ille difficulter admodum subsequatur, verisimileq; sit, magnâ subtus cavitate latente, articulū hunc, ambientia ligamenta, membranas tendinesq; læsa, & musculus humeri articulo incumbens, deltoides absumptus, motum hunc brachii deperditum iri, nec reparari posse. Verum quod ulcerum horum curationem attinet, eam hoc pacto esse instituendam, scripto ostendi.

Primum ut *singulis mensib. bis de massa sequenti pilularum* sumat, ad superfluitatum, quæ circa articulorum regionem congeritur, ob illius loci imbecillitatem, expurgationem: *R. Hermodactyl. verorum 3. ʒ. Myrobal. citrin. 3. ij. Aloës 3 j. ʒ. Turbith, Agarici, Rhab. an. 3. j. Diagrydii 3. ij. Mastiches 3. ij. Euphorbii 3. j. cum Terebinth. fiat massa pilularum. Capiat ad 3. ij. vel 3. j.*

Bibat interea *portionem traumaticam* sequentem: *R. herb. Pyrolæ 3. vj. Alchimille, Consolidæ Sarracenicæ an. 3. ʒ. herb. Betonicæ, Herniariæ, Agrimonie an. 3. ij. rad.*

Consol. maj. & Bistorta an. ʒ. j. fiat pulvis subtilis. De quo ʒ. ʒ. pro vice sumat, & in Vini lb. iij. ad consumptionem sexta partis decoquat. De hoc Vino manè jejuniis & vespere horis duabus ante cœnam ad ʒ. vj. bibat, continuetque donec mensura ebibita fuerit, tuncq; aliam simili modo paratam, eaq; finitâ, tertiam & quartam quoq; ad septimanas quatuor usq; perseverando, bibat.

Singulis diebus interim ulcera bis fomentet, cum spongia, in sequenti soto prius madefacta. Qui paratur ex Gypsi usli, Boli & Sulphuris decoctis in Lixivi Mensaris ij. parati ex cineribus Ossium equorum & Vitis sarmentorum, transfundendo per eos, Aquæ & Vini, & Urinæ pueri ana aquas partes, atq; addendo Calcis vivæ nucus instat.

Post solum singulis ulceribus unguentum sequens petiis illitum, applicet: R. Cranii hominis usli, subtilissimè pulveris ʒ. ij. farina Secalis quart. j. Vitri Veneti subtil. pulv. ʒ. j. Mellis q. s. addendo unguenti Agrippæ ʒ. j. fiat unguentum.

Ne decidant hæ petiæ, obducantur omnia Emplastro Diachylonis gummati, quod adglutinatur, ea retineat.

Postquam hoc unguento aliquamdiu usus fuerit, nec magnam mutationem senserit, sequenti utatur, prægressâ semper fomentatione, atque emplastro, quod singulis ulceribus applicata retineat: R. Lithargyrii, Cerussæ, Cadmiæ foss. ana ʒ. j. ʒ. Minii, Cinnabaris, Plumbi usli ana ʒ. ij. Thuris, Myrrhæ ana ʒ. j. Argenti vivi cum Terebinthina dissoluti agitatione ʒ. ij. Sublimati ʒ. ʒ. Aeruginis aris ʒ. j. rad. Aristolochiæ rot. ʒ. j. Mellis ʒ. j. ol. Ros. ʒ. j. ʒ. succi Plantag. ʒ. ij. agitentur additâ Terebinthinâ, donec in formam emplastri redigantur.

Si fortè non integrè hisce sanaretur, sequenti Vere
ut ther-

ut *thermas Sulphureas Badenses Helveticas*, adiret, illisq;
uteretur, docui.

Ulcus maxillæ inferioris sinuosum.

PUella Porrentrutenſis, mercatoris filia, ulcus
ſinuoſum patiebatur, in maxilla inferiore, e
regione dentium molarium, extrinſecus apparens
& purulentam materiam exſudans, intrinſecus in
dentem cavum ſeaperiens, puſque illic quoq; red-
dens. Diu fruſtra varia adhibita fuerunt: vocatus,
An. 1563. impedimentum, quò minus ſanari poſſet,
dentem vitiatum, maxillæ illic inhaerentem, eſſe
dixi, cùm oſſa læſa, non ſinant carnem aut cutem, il-
lis inſtratam, coaleſcere.

Itaque *dentem vitiatum extrahendum* curavi, uti &
vicinum, qui quoq; jam putredinem conceperat. Quo
facto, ſolo *Aegyptiaco unguento extrinſecus ulcere cum*
turunda inſuſo, ulcus repurgatum, & poſtea ſanatum
eſt, relictâ tamen cicatrice profundiuſculâ nonni-
hil, & veluti figurâ cochleæ.

Aliud.

COnſimili ratione, Baronis cuiuſdam filia, eo-
dem omnino affectu laborans, meo conſilio
fuit ſanata Anno 1565. In qua tamen, quia ulcus fi-
ſtuloſum & calloſum erat, *abſtergentia vehementia*,
ut *Sublimatum cum Melle permixtum*, ad labia exter-
genda, uſurpata fuerunt.

*Ulcera fiſtuloſa, in pectoris dextra ſede,
juxta papillam.*

JUreconſultus quidam, ex Italia domum reſerſus,

indeque postea Spiram profectus, mense Martio Anno 1603. animadvertit extuberantiam quandam supra mamillam dextram, indolentem, quæ sine incommodo, sic septem mensium spatio, permansit, nisi quod post quintum mensem exactum, sensim rubere coepit, & tandem 1. Novembris, cuticula illic fusca apparere, quâ digito abrasâ, foramen exiguum se patefecit, è quo materia, Mellis liquidi instar, effluxit.

Chirurgus Spiræ *precipitato indito*, illud testonis amplitudine dilatavit, & quia paulò infra, juxta papillam, tuberculum prominebat, illud quoque *escharotico admoto* aperuit. Suspiciens autem, illum Lue venereâ infectum, cum & ardore inter mingendum cruciaretur, & purulenta mingeret, ut *decoctum ligni Guajaci* biberet *ad tempus* suavit, quo cum per dies 17. usus esset, nec utilitatem aliquam experiretur, ab illius usu cessavit. Et solum *unguentum mundificativum ex succo Apii & Melle paratum*, cum *turunda ulceri* indidit, atq; *extrinsecus Emplastrum Diachalciteos* superposuit.

Postmodum Anno 1604. mense Februario cum domum reverteretur, denuo *decoctum Guajaci*, *promissâ vena sectione*, & *purgatione*, bibere, atque inde sudare coepit. Chirurgus interea illic, ubi foramen primum erat, quod totum albebat, *scalpello scindens*, ampliùs dilatavit, indeque pus album, parùm sub-luteum, spissum lardi instar, exemit, *turundamq;* intrusit, quæ ad foramen usque secundum, quod *escharotico* apertum fuit, penetravit. Et quia paulò subtus, alius quoque tumor se offerebat, illum quoque *ferro* aperuit, & purulentam, lardo similem materiam,

materiam, exieuit, quâ exemptâ, in profundo instar nervi putridi, fibræ ligamentosæ conspiciebantur, costis adeò adhærentes, ut extrahi commodè non possent. Et licèt chirurgus *novacula, novam sectionem* induceret, ad sternum usque penetrantem, tamen adimere nequivit.

Cùm itaque ad me se conferret, videremque quatuor hæc foramina, è quibus duo correspondebant, *turundamq;* medii digiti longitudinis admittebant, consilio inito, cum fratre meo Thoma Medico, qui postea ad illum profectus, curam administravit, suavisimus, ut cùm usum *decocti Guajaci*, nondum absolvisset, eum ad finem præscriptum mensis continuaret.

Quo absoluto *Traumatica* hac potione uteretur, quæ R̄. sol. *Agrimonia, Tanaceti, Caultum rub. Pyrola, Solidagin. Sarracen. Filipendula, Pimpinella, Ceterach. ana M.j. radic. Consolida ʒ.ij. Liquiritia ʒ.j.ß. Cicerum rub. P.j.* Incidantur & contundatur, dividantur in tres portiones æquales, decoquatur una, in decocto *Guajaci secundario*, ut remaneant quatuor haustus; Quos bibat alternis diebus, cubitum iturus: Repetat, ubi absolutum, aliud decoctum, & eo finito, tertium.

Interea dum hisce uteretur, *topica* etiam illi simul administrabantur, & cùm ulcera profunda essent, unguentum mundificativum cum *turunda* in eo intincta, & intrusa imponebatur, quod unguentum sic parabatur: R̄. Aloës. Thuris, Sarcocolle. Sanguinis draconis ana ʒ.j. Antimonii, crudi. Plumbi usti & loti, Tutie, lap. Hemat. an. ʒ.ij. Balaust. Aristol. rot. ana ʒ.j.ß. Aluminis ʒ.ij. Pulverizentur & excipiantur Melle & Terebinthinâ, redigantur in formam *Linimenti mollioris*.

Ab initio milceat *portioni* huius unguenti parum unguenti *Aegyptiaci*, quousque ferre poterit, & cum munda erunt ulcera, eo solo utatur.

Injectiones cum syringa, similiter in ulcera illa profunda fiebant, ex sequenti decocto: R. herbarum Plantag. Absinthij, Agrimonie, Ruta ana M. j. herbarum Apii M. ij. sum. Centaurii P. j. Gallarum ꝑ. j. ligni Guajaci rasi ꝑ. j. ꝑ. incisa & contusa, dividantur in quatuor partes, atque una decoquatur in Lixivii Mensura ꝑ. & Aceti poc. j. & si nimis acre esset, loco Aceti Vinum sumatur, fiat injectio, quâ absumptâ, nova decoquatur ex reliquis portionibus.

Hæc fuerunt præcipua, quorum continuo & longo usu, tandem optimè sanatus fuit.

Ulcus fistulosum in dorso, à scapula ad lumbos usq. pertingens.

IN comite quodam, legato Imperatoris in Burgundiam, cum Vesuntii aliquamdiu hæreret, discordiæ illic subortæ componendæ gratiâ, tumor quidam in dorso subortus, tandem in abscessum, eoque rupto, in ulcus abiit, è quo cum diu pus effluxisset & chirurgi operâ tandem sanatum esset, bistervè denuo rediit, nec dum postea illud, à chirurgo curari potuit.

Venit ad me Basileam, Anno 1566. ut consilio meo uteretur. Cum illud ulcus pervestigarem styli immisso, cavum & fistulosum, cuniculos ad lumbos usq. descendentes, & profundos agens, deprehendi, ad cujus sanationem sequentia præscripsi.

Primum ut purgato aliquoties corpore, potionem hanc vulnerariam biberet, quæ R. rad. Consolide maj.

3.ij. rad. Bistortæ, Aristolochiæ rot. Diſſamni albi an. 3. j. β. herb. Pyrolæ 3. iij. Conſolidæ Sarraceniæ 3. ij. ſol. Alchimilla, Agrimonie, Equiſeti, Betonicæ, ſorum Hyperici, Roſarum rubrarum an. 3. j. ſem. Hyperici, Perſoliatæ an. 3. ij. lap. Oſſecocollæ, Oculorum cancri an. 3. ij. fiat pulvis.

Huius pulveris ſumatur tertia pars, & coquatur in quatuor menſuris Vini albi, & menſura una aquæ Plantaginis, coletur & ſervetur ad uſum addendo Sacchari quart. j. aquæ Cinamomi 3. j.

Bibat de hoc Vino manè jejunus, cyathum unum & ſub veſperam horis duabus ante cœnam tantundem. Atque poſt hauſtum ſumat bolum conſervæ Roſarum rubrarum, nonnunquam verò ſyrupi Violacei cochleare unum.

Absoluto uno decocto, ex alia tertia pulverum quantitate, aliud decoquat, atque uti primum miſceat atq; bibat. Quo etiam abſumpto, tertium paret, ſicque illius uſum ad ſeptimanas tres continuet.

Interea dum hoc decocto utitur, topica ſequenti modo in forma injectionis, & ſumi adhibeat.

Injectionem ſequentem per ſyringam in ulcus indies infundat, quæ ſic parabitur: R. ſucci Apii officinarum ſeu Paludapii, ſucci Plantaginis & Agrimonie ana 3. ij. ſucci Tabaci ſeu Nicotianæ majoris 3. j. β. Mellis roſacei 3. ij. Vini rubri 3. j. diſſolve Chalcantbi albi, Aluminis, Tartari ana 3. ij. vel plus dum ſordidum adhuc eſt ulcus, Aeruginis aris, Auripigmenti an. 3. β. fiat injectio.

Cùm eâ uteretur, quia ruruſum per ſuperiora, ubi ulcus erat, refluere integra non poterat, & circa lumborum regionem, portio illius hæreret, cœpit tumor illic quoque apparere, qui mollis erat, materiamque in ſe fluidam & quæ preſſioni cedebat continebat, voluiſſem ut chirurgus illic ſectiōne faceret,

eum aperivisset. Verùm cùm permittere nollet, *cauterium meum potentiale indolens*, uti soleo, prius *adglutinato emplastro supra tumorem, in medio foramine pervio* imposui, rursùmque *alio emplastro, ne decideret superposito*, retinui, quod spatio quatuor horarum, nudam sub foramine sedem ita inulsit, vel potius emortuam reddidit, ut eâ à parte sana abscedente, mox antequam eschara decederet, tam purulentus ichor, quàm injectionis portio diu retenta, sensim effluerent, eoque ampliùs cùm eschara secedente, foramen integrum pateret, quod turundâ immisâ postea indies apertum servabatur. Admodùm huius *cauterii effectum* Comes laudabat, impossibile existimans, sine dolore, cutem veram, eousque perforari posse, nam tunc præparatio horum *cauteriorum*, non adeò consueta erat, sicuti nunc ex *Lixivio Calcis viva, & Vini fecis usta, sapè cum Aqua transcolando, & postea lixivium in formam lapidis coquendo*, parari solet.

Cùm itaque & supra infraq; pateret ulcus, postquam indies *injectionibus* uteretur, nunc *fortioribus* nunc *mitioribus*, prout ulcus plus minùsve sordidum erat, alternis insuper diebus, ut ulcus siccaretur, *fumus per canalem alembici, in humilius* ulcus fuit intromissus, tam diu, donec per superius ulceris foramen prodiret, sicq; interiores cavitates omnes pervasisset. Qui *fumus ex pulvere sequenti accenso* sic parabatur: *R. Mastiches, Thuris ana ʒ. ʒ. Myrrha ʒ. ij. Benzoini Storacis, ana ʒ. ij. Sarcocolla, Picis, resina Pini, Gummi elemi ana ʒ. j. fiat pulvis carbonibus inspergendus pro fumo.*

Postquam curam hanc per *injectionem & suffumigationem*

gationem aliquot septimanas continuasset, integrè sanatus fuit.

Ulcus fistulosum in coxa & crure, ad intestinum rectum usq. pervadens.

Puer quidam annorum quindecim, dolorem circa coxendicis regionem intolerabilem sentiebat, tandem dolore ad genu articulum usque descendente: unde tumor natus, circa coxam dextram, in elatioribus, nates constituentibus musculis, qui multis fomentis & cataplasmatibus, quibus Chirurgi utebantur, successu temporis emollitus, in abscessum conversus est, profundè admodum latentem, è quo sectione factâ, maxima puris effluxit copia, permansitque ulcus sinuosum, à coxendice, ad genu usque, continuo pus copiosum effundens, neque interim cruciatus cessabat, nec crus flectere potuit, ita ut reclusus incedere cogeretur: durantibus hæc per annè spatium, quo totus ferè doloribus exhaustus contabuit. Tandem quod mirum, ulcere ad interiora quoque corporis penetrante, atque intestinum rectum perforante, pus per podicem copiosè quoque, huic quod è fistula fluebat omnino persimile, excrevit.

Vocatus ante triginta annos, causamque scrutatus, quam plerique à defluxione pendere judicabant, egoq; negarem, atq; procatartecam aliquam fuisse suspicarer, ita se habere tandem comperimus, ex eo, quod principium hujus doloris, ex saltu violento, suam originem habuisse, puer fateretur.

Jussi itaque primùm tam absterisionis quam ulceris, & corporis consumptionis causâ, Lac caprinum singulis matutinis bibere, ea ratione sicut phthisicis

hoc usurpari solet, bonâ scilicet quantitate; diuq; & sape
Hordeaceo uti.

Dein ut hepatis & ventriculo prospiceretur, præ-
scripsi hoc electuarium: R. conserv. flor. Cichorea, &
Rosarum ana ʒ. j. cort. Citri saccharo conditi, rob. de Ribes
ana ʒ. ʒ. conserv. Majorana ʒ. ij. cum Syrupo conserv.
cort. citri fiat electuarium; Utatur bis in septimana id-
que mane.

Iusseram ut in balneo emolliente totum crus immer-
geret, verum cum in eo nec stare, nec sedere potue-
rit, ab eo desistere oportuit.

Clysterem sequentem ordinavi, absterfivum & con-
solidativum ulceris, in recto intestino: R. rad. Consoli-
rad. Althæe ana ʒ. j. rad. Glycyrr. ʒ. ij. Cicer. rubro, Furfur.
ana P. j. fiat deco. in Sero lactis caprini, in quo dissolve
Mellis viola. Sacchari rub. ana ʒ. j. Vitell. ov. numer. j. Te-
rebinth. aut Laricea dissolut. cum Melle ʒ. j. fiat clyster.
Utatur per totum mensem, alternis diebus, duabus horis
post cibum.

Quia dolor erat intensus circa genu, cataplasmate
anodyno hoc usus est: R. mica Panis lb. j. farinae semi-
nis Lini & Fœnigræc. an. ʒ. j. ʒ. coquantur in Lacte, add.
sol. Hyoscyami M. j. Vitell. ov. ij. Cassia rec. extr. ʒ. j. olei
Cham. & Lumbricorum ana ʒ. j. fiat Cataplasma, quod
in panno extensum, calidè supra locum affectum ponatur;
cujus usu, dolor admodum fuit mitigatus.

Injectionem in ulcus sinuosum, quod totam cruris
longitudinem perforabat, dein iussi fieri: R. resina
Laricea clara quart. ʒ. Mellis ʒ. ij. aqu. Plantag. ʒ. vj. Sac-
chari rub. ʒ. ij. Lixivii mensj. dissolve omnia; Fiat inje-
ctio cum syringa bis in die.

Et ut ulcus egregiè undique siccaretur, sumum se-
quentem

quentem ex trochiscis, carbonibus ardentibus injectis suscitatum, infundibuliq; latiore parte exceptum, & per canalem, alembici canali adaptatum, ulceriq; inditum, in ulcus indies, repetitis vicibus, intromittere jussi, qui adeo universum sinum implebat, omnesque illius latebras & ductus pervadebat, ut etiam ad intestinum rectum perferretur, quod ex fuligine, quam per podicem, unà cum pure reddebat, satis potui deprehendere.

Trochisci autem qui accendebantur: R. *Picis navalis* 3. ij. *Thuris*, *Mastich. ar.* 3. j. *B. Benzoini* 3. j. fiat pulvis: excipiat *Terebinthinâ*, fiant *trochisci* ad pondus 3. lb.

Cum his aliquandiu esset usus, pns circa genu articulum, exitum quærens, illic tumorem excitarat, quem, cum sectionem ferre nollet, cauterio meo potentiali adhibito, aperui, fluxitque per hanc quoq; viam, immensa indies puris copia. Per os quoque ulcus sanantia, & ne ex dolore, qui perpetuus erat, vires omnino prosternerentur, dolorem mitigantia, in hoc pulvere exhibui, qui R. *rad. Consolide* 3. ij. *Glycyrr.* 3. j. *Sacchar. candi* 3. j. *trochisc. de Succino* & *de Alkekengi cum opio ana* 3. lb. *Sacchari penidi* 3. j. fiat pulvis: Capiat manè 3. j. cum Lacte caprino, quo adhuc utebatur, vel sub noctem, ut suavius dormiat.

Diu hæc cura protracta fuit, antequam penitus sanaretur, audio post aliquot annos, rursus recruduisse malum.

Aliud ulcus fistulosum, dorsi longitudinem permeans.

Nobilis quidam parvæ staturæ, post varios morbos, ulcus sinuosum, in cervicis regione

574 IN SUPERFIC. CORP. DOLORE
seaperiens, & secundum dorsi longitudinem ad coc-
cygem usq; desinens, & supra infraque pus continuo
profundens, habuit, ex quo tandem contabuit, extin-
ctusq; est, ante annos circiter quinquaginta.

*Fistula in utroq; inguine, subsequente
Carcinomate.*

Vide sub eodem hoc titulo, Gangræna in
membro virili, &c.

Fistula in perinæo, è qua urina effluebat.

Vide in Miſtione. Lib. III. Urinæ per fistulam
in perinæo, &c.

*Fistula in inguine, per quam urina
reddebatur.*

Vide in Miſtione. Lib. III. Urinæ ex inguinum
regione, &c.

*Fistula in ventre è qua stercus pro-
grediebatur.*

Vide in Dejectione. Lib. III. Excretio Sterco-
ris ex abdomine, &c.

Iterum. Ibid. Excrementorum alvi omnium
indies, &c.

*Sinus seu foramen apertum relictum, ex
vulnere, in thorace, diuturnum.*

Milhusii civis quidam, opificio arcularius, ab
alta arbore delapsus, in palum acutum inci-
dit, qui in lumborum regione, musculis perforatis,
fursum in pectoris cavitationem usq; penetravit, & per
dorsum

dorsum rursus erupit. Extracto palo, nihil aliud post curationem mali passus est, nisi quod foramen, fistulosum in dorsi regione thoracis cavitatem penetrans, apertum remansit, per quod flatu erumpente, thorace constricto, lumen admotum agitabatur, & nonnunquam extinguebatur. Sed & quod mirum fuit, petia indusii lanii rubri, per idem foramen sinuosum, multo post tempore erupit; quod cum à magicis artibus proficisci, multi crederent, tandem illius indusii, quo, cum lapsum passus esset, indutus erat, portionem fuisse unà cum palo intrusam, & eoque adaectam, indusium scissum asservatum, fidem fecit. Et sic diu postea supervivens, sinu hoc, thoracem patefactum, sine alia aliqua noxa, uti ipse vidi sæpius, habuit.

*Vulnus in capite, Calvariā dividens,
è quo curato, pingue quid ex-
sudabat.*

V Ide in Sordida excretionē. Lib. III. Sordes unctuosæ è cicatrice, &c.

*Vulnus in lumborum regione, è quo
urina effluebat.*

V Ide in Mictione. Lib. III. Urinæ è lumborum regione, &c.

*Ulcus in clunibus, è quo pus à vesica,
emanabat.*

V Ide in Mictione. Lib. III. Puris cum urina excretio, postea, &c.

Ulcuscula

*Ulcuscula inter testes & anum, per
quæ urina exstillabat.*

Vide in Mictione. Lib. III. Urinæ effluxus per
ulcuscula, &c. Item Bis.

Ulcus in pene externum cum interno.

Vide in Purulenta excretionē. Lib. III. Puris ē
pene effluxus, &c.

Ulcera in Lue venerea.

Vide in Defecationē. Lib. III. Ulcera cariosa
horrenda, &c.

Iter. Alia ulcera & cacoethē.

Iter. Alia ejusmodi ulcera.

*Gangrænā in membro virili, illud corrup-
pens, Fistulæ in inguine & Carcinoma.*

Pagi cuiusdam sacerdos, in præputio & glande
virgæ suæ, ulcus habebat, cancrum vocatum,
quod non benè à chirurgis tractatum, in gangræ-
nam versum, totam virgam ita infecit & corruptit, ut
illam radicitus amputare necessum fuerit.

Sanato vulnere, in utroque inguine, nova suborta
est inflammatio, quæ in abscessum conversa, indeq;
in ulcus, fistulas ex utraq; parte fecit, intrinsecus cal-
losas insensiles, è quibus foetor gravis exhalabat.

Cum ad me miser veniret, eumq; sic mutilatum,
atque geminâ fistulâ in inguine afflicto, cernerem,
misertus illius, *injectionem sequentem in fistulas ordi-
navi: R. aqua Viridis, ex Arsenico & Aerugine arispa-
rata, in oris ulceribus in Praxi mea descriptam §. ij alu-
minis*

Uninis 3. B. Lixivii 1b. ij. B. unguenti Aegyptiaci tantum quantum ferre posset, per syringam injiciatur portio hujus liquoris.

Bibit insuper *portionem vulnerariam*, domi suæ, ejusmodi. In Vino coquebat pulverem *Pyrolæ, Agri-moniae, Alchimilla, Betonica, radicum Consolida, Aristol. rot. Bistortæ*; Et de hoc Vino haustum singulis matutinis bibebat. Unde factum, ut hujus & continuatæ *injectionis* usu fistulæ sanarentur.

Verum non longo tempore post, novum supervenit accidens; Tumor ovi gallinacei magnitudine, in dextro inguine, sensim excrevit, qui postea apertus sponte, labiis callosis & inversis circumscriptus erat. Quem cum ad me reverso illo, & apud chirurgum divertente inspicerem, Cancrum exulceratum seu Carcinoma esse, dixi, & licet de cura desperaremus, tamen sequentibus diu fuit sustentatus.

Labia callosa ut auferrentur, *is Arsenici cum rad. Ari pulvis* fuit inspersus, unde magna illorum portio absumpta fuit, sed mox caro alia dura repullulabat. Cui ne augetur sed minueretur, pulverem sequentem *continuo* aspergebat, ex *Gypso ustio, Bolo, Lithargyrio, Pompholyge & Tutia* paratum.

Quibus dum utitur, in sinistro inguine, alius cancer prodit, moxq; exulceratus, iisdem remediis adhibitis, ne in immensum excreceret, & sanguine uti solet alias, nimium profunderet, fuit cohibitus. Donec tandem in pago suo, miserrime afflictus & consumtus interiit.

Gangræna in enterocele post inflammationem.

Vide in Partium procidentia, Lib. III. Ente ocele & epiplocele, &c. Oo

*Gangræna alia in pene, quo amputato,
Ulcus relictum fuit.*

AD me juvenis quidam rusticus, annos circiter quatuordecim natus, adductus fuit, An. 1603. gangrænato membro genitali mutilatus adeò, ut extra corpus ne minimum quidem, de penis corpore appareret, relictò tantùm illic ulcere incurabili, quod ab urina, quæ illic effluebat, nec à corpore diverti poterat, cùm amissus esset ipsius canalis, continuò irritabatur.

Huic sequentia adhiberi jussi: *R. Lapathi acuti, rad. incisarum in talleolos lb. j. Irroretur Aceto forti, addendo Aluminis ℥. ij. & postea eliciatur aqua. In qua madefiat Pannus linteus discerptus, qui ulceri imponatur.*

Dein ut applicaret sequens emplastrum: *R. Lithargyri ℥. j. Cerussa, Cadmiæ foss. Minii ana ℥. β. Myrrha, Aloës, Thuris an. ℥. ij. Sarcocol. ℥. j. Plumbi usti, Antimonii crudi an. ℥. iij. Mellis ℥. iij. Terebinth. Resina picea, ol. Ros. q. s. pro emplastro formando.*

Horum usu sicuti postea intellexi, fuit ulcus curatum, remanente saltèm foramine, per quod urina reddebatur, quæ cùm procul à corpore, ob canalem ablatum, derivari & emingi minimè potuerit, statim in exitu defluens, vicinas partes uti & vestes continuò madefaciebat, atque cutem illic, uti in infantibus hoc accidere solet, excoriabat, pustulisque refertam reddebatur, quod illi majorem molestiam, quam quod uxore carere debuit, præbebat.

Gangræ-

Gangræna à tibiæ inflammatione.

PRimarius quidam nostrâs, senatorii ordinis, corpulentus, cum liberaliùs bibisset, uti hoc illi consuetum erat, non faciliè inde lædi solitus, 12. Novemb. Anno 1602. febre fuit correptus, statimque illi tibia sinistra rubere cœpit, sensimq; intumescere, atq; inflammari. Accessit & delirium subitò.

Cum existimarent astantes, esse febrem illam synocham, quam Carfunkel vocant, quæ raro periculosa & multis familiaris, neglexerunt curam, nec quidquam fuit appositum, nec *vena secta*, nec *Vinum* interdictum. Decimoquinto, die tertio, post primam invasionem, eruperunt vesicæ, in summitate illius pedis.

Cum inquietus esset, quidam Empiricus, *opiatam*, *Iaudanum* ab illis appellatum, ei exhibuit, unde stertuit. In crure lividitas, & nigredo, gangrænam imminere significabant. Eruptis illic vesicis, ichor teter emanabat. Pulsus interruptus, inæqualis, sub noctem frigore circa pectus, & sudore frigido superveniente, post mediam noctem expiravit.


Fractura calvariæ, ex ictu in capite, parte illius aliquâ exemptâ.

Calvariæ fractæ vel vulneratæ partē insignem exemptam fuisse, in quibusdam vidi. Inter quos aliqui nihilominus superstites diu vixerant, vixque in capitis loco, qui læsus fuerat, vestigium aliquod læsionis, tactu explorari potuit: cum undique ex contractis ossibus, succo exudante, calli tam insignes nasci possint, qui spatia lata ossium, il-


lorumque distantias adimplere queant, ut sæpè crassior & durior illic fiat calvaria, quàm prius erat. Quod ut in latis ossibus, sic & in longis, ut in tibia, maxilla inferiore dictum, potest fieri. Vulgus calvariae portione ablatâ, serico panno cerebri nudam sedem, cuidam senatori, cui cranium à decedente tigno, effractum erat, à chirurgo inclusam fuisse, sibi falsò persuasit, cùm tam diu, citra corruptionem, integrum servari non potuisset.


*Fractura Vertebrae spinæ, ex casu supra
dorsum, unde spina tandem
prodiit.*

IN Lanio quodam, similiter dorsi doloribus gravissimis diutissimè afflicto, tandem abscessus in media dorsi regione prodiit, quo rupto, pus aqueum adeò copiosè, ut totum sæpè lectum commadefaceret, ipseque ad extremum marcorem perveniret, multis septimanis effluxit. Ac demum processus spinæ thoracis vertebrae posterior abruptus, illic quoque prodiit, quo ablato præter omnem spem iterum cõvaluit. Cujus affectus diuturni, non aliam causam, quàm ossiculum hoc confRACTUM, diuque latens & abstrusum antequam cognosceretur fuisse, ipsummet prodiens declaravit, tum verò id quoque, quòd cum suis coeque qualibus luctatus, & aliquoties in terram dejectus, dolor inde exoriens, manifestum certumque idem fecit. Anno 1558.
hoc accidit.



AOA' 14 60'92 1





C. 86.

1.1
5